

**GULIELMI  
DONDINI  
BONONIENSIS E  
SOCIETATE  
IESU CARMINA**

---

Guglielmo Dondini, Dominique  
Barrière, Joseph Greuter



~~6~~  
~~20-d~~  
~~26~~



Ex Bibliotheca  
majori Coll. Rom.  
Societ. Jesu

~~6-20-26~~

20  
f  
61  
~~20-g-12~~





①  $\frac{8}{25}$



GVLIELMI DONDINI

SOC. IESV CARMINA

ROMA  
VITTORIO EMANUELE

Joseph. Greut. incid.





**GVLIELMI  
DONDINI**

**BONONIENSIS**

**E SOCIETATE IESV**

**CARMINA.**



GVLIELMI

DONDI

ROMANENSIS

E SOCIETATE IESV

CARMINA






# AD LECTOREM

**C** Armina, in Collegio Romano, quindecim annorum spatio de me audita, cum Græcam, aut Latinam eloquentiam explicarem, oculis reddo tuis, amice Lector, in lucem edita non spe aliqua inuitante, sed metu. Quam enim inanis gloriolæ auram, etiam si captandam duceret, sperare potuit mediocritas nostra, in sæculo tam decoris omnium arrium monumentis occupato? infestius præsertim insurrectura, ut aduersus viuentem inuidia, cuius morsum clarissima ingenia vix effugere morte potuerunt? Sed cum fatalem rerum omnium orbem viderem, mutarique, vel ætate nostra mores hominū, ingenia, styllum, timui ne, si quando ego quoque mutata voluntate ad hæc publicandum adducerer, quæ modò ex aliena benignitate probantur utcunque, olim merito suo improbarentur. Accedit, quod ad grauioris scriptionis genus euocato, ad Alexandri Parmensis Ducis historiam Famiani Stradæ excessu non absolutam, alienum futurum videbarur, voluptati, per poëtica seruire mendacia, sacerdotem veritatis. Quamquam in hisce canoris  
nu-

BIBLIOTECA NAZ.  
ROMA  
VITTORIO EMANUELE



nugis, me animorum frugi non minus. quàm  
innocentibus delicijs, velut in ludo serio stu-  
diuisse, ex artis magisterio præ me fero. Vtrum  
affecutus id fuerim experientis esto iudi-  
cium, à conscientia mihi constabit prætium  
religiosæ voluntatis. Nam & argumenta plu-  
rimùm sacra, vel formandis moribus idonea  
suscepimus, & in ijs per ambages, exitusque  
tragico similes deuoluendis, affectibus, ac sen-  
tentijs non otiosis indulsimus. Vnum roga-  
tum te volo, vt nonnullam in syllabis licen-  
tiam aliquando condones, in cæsuris, ac no-  
minibus, quæ aliàs nusquam, vel minus bel-  
lè in heroicum carmen admitterentur, in  
ijsdemq. pro arbitratu variandis. Quamuis  
non sine magnis exemplis Virgilij, & aliorum  
id fecerim; sed frequentius vno in carmine,  
occasione argumenti. Coeterùm adolescen-  
tes, ne paria audeant, retinebit (opinor) suus  
pudor, & interdicta magistrorum. A magi-  
stris, post exactam in Rhetoricæ curriculis  
tertiam partem ætatis, hanc veniam petimus,  
& vicissim damus.

# I N D E X

## C A R M I N V M.


- A**rcus Palatinus Innocentio X.P.M.dedicatus.  
Austriacum imperium Religione partum.  
Delphino Genethliacon.  
Casimiri IV. Polonia Regis inauguratio.  
Venetus de Classe Piratica triumphus.  
Fluuiorum contentio de lustrando aquis in baptis-  
mate Cosmo Tertio.  
Bellum Hibernicum pro Catholica fide.  
Funebria ad Christi tumulum:  
Dira  
Saltatio  
Scena Abrahami sacrificium  
Samson ludens  
Martyrum triumphus.  
Armorum ludus ad cunas Virginis.  
Augustinus in interiore pugna Victor.  
B. Aloysius à Demone transformato in Angelum  
lucis frustra oppugnatus Soc. Iesu nomen donat.  
B. Aloysius flagris & sanguine aditum impetrat  
in Societatem.  
B. Aloysius in officijs Christiana cbaritatis extin-  
guitur.  
B. Aloysius à prophana militia ad sacram tradu-  
citur.  
Emmanuelis Sosa infortunia.  
Satyra in varia vitia.



Gofuinus NiKel Societatis Iesu.  
Præpositus Generalis.

**C** V M Carmina P. Gulielmi Dondini nostræ Societatis, tres eiusdem Societatis, quibus id commissimus recognouerint, ac in lucem edi posse probauerint, facultatem concedimus, vt typis mandentur, si ita Reuerendiss. D. Vicesgerenti, & Reuerendiss. P. Mag. Sac. Pal. videbitur, in cuius rei fidem has litteras manu nostra subscriptas, & sigillo nostro munitas dedimus. Romæ 20. Martij 1652.


*Gofuinus NiKel.*



*Imprimatur*

*Si videbitur Reuerendiss. P. Mag. Sac. Pal. Apost.*

*A. Riualdus Vicesg.*




*Imprimatur*

Fr. Vincentius Fanus Mag. & Socius Reuer.

P. Fr. Vincentij Candidi S. A. P. Mag.

Ord. Præd.



R O M A E, Typis HII. Corbelletti.

M. DC. LII.

---

*Superiorum permissu.*







IN  
ALEXANDRI  
VII.  
PONT.OPT.MAX.  
ELECTIONEM  
COELI TERRÆQ; CŒNSENSVS.

ALEXANDER


VII

WENT OF T.M.V.

ELECTED

OF THE COUNTY

Illustris. & Excellentis. Principi  
IOANNI BAPTISTAE  
BURGHESIO



*GVLIELMVS DONDINVS FEL.*



Ogitanti mihi, cui nam carmen  
inscriberē in ALEXANDRI  
VII. electionem editum, Tu  
præcipue Princeps Excellen-  
tissime occurrebas, cui vetus  
cum augustissimo Pontifice,  
patria communis, propinquus insuper sanguis;  
sed princeps causa, quod, vti Senenses cæte-  
ros altissimi spiritus Pontifices in Alexandri  
virtutibus, sic & magnum Patrum Tuum  
PAVLUM V. Burghesium iri repræsentatum  
speramus, immo iam cernimus. Nam si Octa-  
uianus Augustus carissimo sibi capiti, superio-  
rum virtutem Principum, felicitatem suam au-  
gurari solebat: supernacaneum profectò esset  
quinque gentiliū Pontificum ALEXANDRO  
VII. laudes optare, qui statim ipso principatus

ingressu, in magnanima custodia iuris, & dignitatis, Grëgorium VII. & Alexandrum III. repræsentauit, constantiam illam, & fortitudinem mortalium summis venerandam, quia mortalium neminem reformidabant; in cultu sapientiæ, & amore litteratorum, lacteoq; facundiæ flumine tum lingua, tum calamo redundantis, vtrumq; Pium, priorem quoq; in studio pacandi Occidentis, Orientis ad veram fidem reuocandi, tuendæq; armis Venetæ Reipublice contra Othomanos. At PAVLI V. Pontificis felicitatem, secundissimumq; vitæ, ac Principatus curriculum, augurari licet Alexandro, cogitationes omnes Pontificias, & spiritus in publica commoda conferenti. Siquidem, Pauli tempora tã fortunata fuisse meminimus, vt eo viuente, Vrbem cum prouincijs, Italiã, & circumiacentia Regna pax plurimùm immota beauerit, compresso statim auctoritate Pontificis, motu subalpino bellorum, quæ vt incendia, in ortu facilè, in progressu vix, nisi ruina extinguuntur. Cum arderet Germania bello contra Hæreticos, in quo res Catholica superior, consilium, opemque, & suos Diuos prabente Paulo, vnde Pragensis laurea, & Bohemica corona Ferdinando. Eo vero extincto,

su-



fuscitatis primùm in Tellina valle, deinde vehemētiùs motis tota Europa Regum armis, triginta amplius annos vsque ad hanc diem, vbi-que terrarum, & marium Christianus sanguis effunditur. cum insuper fæderata bello mala, pestilentia, & fames tum reliquis regionibus, tum miseræ Italiæ deuastandæ, non semel incubuerint.

Et quamuis felicitas Principum, vt ait Romanus Orator, cæleste sit donum, quod promittere nequaquam sibi, aut præstare quis possit, felicitatem tamen Imperij PAVLO V. regnante, illius quoque virtuti aliqua ex parte propterea imputandam censeo, quod initio Pontificatus duo se Deo Opt. Max. pollicitum esse dicebat, perpetuam iuris, & annonæ curam, gemina quasi vbera publicam felicitatem alentia, in nummis vtens pro insigni: Iustitia, & pax osculatae sunt. Vt fileam innocentiam vitæ, cum pudicitia flore (vt creditur) illibato, expiandi quotidie animi, recreandique litatae Cælo diuinæ Hostiæ pabulo morem, quæ vt priuatæ laudes in priuato homine videantur, non nihil certè ad publicam felicitatem spectant in Principe: conciliato per has ipsi Principi, rei quæ publicæ Deo. Sed ista fusiùs ea Tibi gratia Princeps

Excellētissime commemorauī, vt narrata Pauli, & superiorum Pontificum decora, in Alexandro recognosceres, & per hunc illorum omnium virtutes Orbi terrarum restitutas latarere. Supereſt, vt qua indole es, ac ingenio, doctrinæ laudisque quantumlibet magnæ capaci, imitatione in Te exprimas, cum PAVLO V. Pontifice paternos Burgheſiæ gentis proauos, qui pacis, ac belli artibus inclyti multis retro ſæculis floruerunt. Neque hos tantum, ſed maternos quoque cum Clemente VIII. & Gregorio XV. Aldobrandinos & Ludouiſios omnem præterea in Te deriuatam, per CAMILLAM auia Xifti V. proneptem, Vrfinam nobilitatem, in qua tantum Pontificum, Ducum, & Regum. Eoque impenſius Tibi, ad faſtigium ſolidæ gloriæ enitendum puto, quod vnicum prope modum ſtirpis clariffimæ germen, tot familiarum nomina ſuſtines; vt quemadmodum ſanguinem; opes & fortunam, ſic & ſapientiam, referas Excellentiffimi Principis MARCI ANTONII aui tui, qui vnus pariter & ipſe, in hac aula, & luce Romana, Burgheſiam amplitudinem tanta cum dignitate ſuſtentat, veneratus Principibus, percarus Regibus, ſummis Pontificibus approbatus. Vale.

PRO.



# PROLVSION.



Ngens hoc seculo per ALEXANDRI VII. Pontificis Opt. Max. electionem documentum est datum : Romæ summæ virtuti deferri summum Imperium. Conticescent illa inuidorum ora, Pontificijs comitijs obtretantium, tanquam obnoxij, & priuatæ magis rei, quam publicæ satagentibus ; vbi suffectum agnoscent par Christianæ Reipublicæ laboranti caput, factionibus Principum charum, quia factionibus intactum, & maius, non annorum, sed virtutum numero prælatum cæteris, doctrina cum rerum vsu, prudentia cum pietate, magnitudine animi cum modestia conspirantibus : iuris, & maiestatis cum paternæ, charitatis cura, pectoris, & linguæ opibus commendatum : dilectum suis, exteris veneratum, formidatum hostibus, omnibus admirandum, nemini inuisum : In patria genitum clarissimorum Pontificum sæcunda, de familia ab antiquo splendida, Pontificijs, ac splendidissimis affinitate, atque insignibus innexa ; quæ ciues

tu-

tulit opibus, & magnificentia certantes cum  
Regibus, Diuos, sideribus dedit, & dabit; Vi-  
rum denique, si fas est dicere, cælestem inter  
mortales, quem ab indulgentia Numinis dona-  
tum, ad erigendum genus humanum, bellorū,  
hæresum, Mehemeticæ superstitionis malis af-  
flictum, suffragatio populorum, diuinæ index,  
& consensus Christiani Orbis depoposcerat.  
Quod si veritatis numeros continet illa Histo-  
rici sententia: Virtutes ijs temporibus optimè  
æstimari, quibus facillimè gignuntur, necesse  
profecto est, non omninò laudum videri steri-  
le hoc seculum, quod ALEXANDRI VII. Sa-  
pientiam & Sanctitatem honore supremo con-  
secrauit. Neque enim optimum Pontificem,  
nisi optimi eligerent, Sapientissimum Sapien-  
tes, & ipsorum plerique summo fastigio digni  
nisi vnus omnium dignissimus extitisset. Quem  
a Germania, & Monasteriensi conuentu reuo-  
catum, vbi heroica virtutum sublimitate per-  
fecerat, vt nouarum opinionum Sectatores,  
Catholicam religionem odisse non possent,  
cuius exemplum in CHISIO Præsule amabant  
cum INNOCENTIVS X. P. M. principa-  
lium curarum adsumpsisset in partem, experi-  
mento trimestri contentus purpuræ admouit  
Romæ

Romæ, atque Italiæ plausibus, toto Septem-  
trione resonante. Deinde triennio nondum  
exacto, post Innocentijs excessum conspiranti-  
bus quotquot aderant in Comitijs, quatuor su-  
pra sexaginta Patrum suffragijs, Vicario Diui-  
nitatis in Solio collocatum, adoramus. Magna  
ætatis nostræ gloria, quæ per ALEXAN-  
D R V M Pontificem habet, vt præteritæ non  
inuideat, inuidiam venturæ faciat, maiori  
Eminentissimorum PP. qui cum legerunt:  
multo verò illius maxima, quo vniuersi & frui-  
mur, & gloriamur. Cum autem in admirabi-  
lem hanc electionem, Diuorum, hominumq;  
vota consensisse, nemo non sentiat, nos arcanas  
rationes, & ordinem confingentes, veritatem  
poesi verisimili coloramus. Parum interest  
quoniam figmento res explicetur, dum pro cer-  
to est, cælites, & mortales deligendo tam bono  
Ecclesiæ capiti adfuisse. In summam felicitatem  
non incidimus, ventis à Cælo, à terra fauenti-  
bus, in hunc portum appellimus. Vix labore  
magno, res humanæ retrò fluentes, & ruen-  
tia in peius secula sustinentur: ne dum quis exi-  
stimet casu fieri posse regna beata. quemad-  
modū vniuersæ naturæ, coalescētis opus dicitur  
vniō Princeps gemmarum ita consentientis  
vtrin-



utrinque providentiæ munus est Princeps no-  
ster gemma Reipublicæ : futurus populis ingēs,  
si tempora felicia fuerint , ornamentum , si ca-  
lamitosa, præfidiū : & quæ sūma summarū est, ad  
beatam eternitatem , tum monitis , tum exem-  
plis , incitator , & ductor .



# C A R M E N



**F** Auistis Superi ! pietas Diuina querelas  
Audijt humanas, nec terras odit olympus.  
Vnanimi assensu, diuùmq. hominumq. tenemus  
Pontificem, qualem votorum audacia fessis  
Optauit populis. Vnus fulcire ruentem  
Qui mundum, euersoque valet succurrere seculo.  
O nimium formosa dies, quæ septima verno  
Sole coruscavit! misero, qua septimus Orbi  
Fulsit ALEXANDER. Melioris origine fati  
Quot mala compensas? ò lux par omnibus annis  
Vna, per immensos æui celebranda rotatus.  
Iam verno genitum non abnuo tempore mundum:  
Sæcula ver illud peperit, & hoc sæcla notauit.  
Iam fessus senio, & regnati pondere mundi,  
Christiadum Princeps animum diuiserat astris,  
Corpus humo, placida compositus vtrumque quiete,  
Vndi-

Vndique Romulei lætissima lumina regni  
Conuenere, sacro qua sidera Vaticanus  
Culmine tangit apex, & Romam iungit Olympo;  
Scilicet augustam mentem, imperijque capacem  
Suffectura, parem moli, vastumque replentem  
Corpus; adorandum terris, ereboque tremendum  
Pontificem, gratum Superis; qui dirigat Orbem  
Consilij, orcum spoliet, caelestia pandat,  
Tergemino triplicem moderans diademate mundū.  
Res tanta, & merita heroum, quorum vrna mouebat  
Nomina, suspensos animos, & corda Quiritum  
Detinuere diu; quò nam suffragia Cælum  
Verteret, impositura caput terris, generisque  
Humani paritura Patrem. Procedere menses  
Incipiunt, magnoque in partu fata laborant.  
Nox erat, & fessas lethæa obliuia gentes  
Spargebant placidæ iucundo nequæ pacis.  
Cum tacitas imitata rotas stellantis Olympi  
Roma silet, nec vox hominum, cantusue volucrum,  
Latratuse canum, turbat, non vngula equorum,  
Stridentesque vijs currus, sopor omnia mulcet,  
Ac non Romulea castus de gente Sacerdos  
Ignotus vulgo, ast oculis bene notus Olympi,  
Munera delibat somni; quem vespere primo  
In Vaticani secreta sede sepulchri  
Orantem, ad Diuū cineres, nox occupat atra:  
Marmoreoque latens tumulo, studiosa fefellit  
Lumina custodum; dum terræ pronus inhaerens  
Expugnat precibus Cælum. Iam lucifer illum  
Admirans, iterum summo spectabat ab ortu.

Cum



Cum tandem fessis oculis irrepere capit  
Nox animo paritura diem per visa serenum .  
Ecce etenim claram Cœlo descendere lucem  
Aut videt, aut vi disse putat ; dispergere tectum  
Fulgura candidiora diurnæ lampadis auro ,  
Nec non ingentem venientum audire tumultum .  
Accelerant iuvenes, auro per colla vagante  
Crinali, pictis armis, longisque sarissis  
Turba palatinis similis custodibus, aulæ  
Sed proceres, stellantis erant, qui limine templi  
De medio, populos arcent, vndamque fluentem,  
Ut descensuro Cœli è conclauius aureis  
Pontifici pandatur iter; nam vulgus inundat  
Diuorum innumerum, varium, quàm sorte, habituq.  
Tam vultu, & linguis. Alij candore nivali  
Veste pudicitie fulgent, his murice picta  
Vitali chlamis ardet, at illis flumina fletus  
Ex oculis stillata maris duxere colorem ,  
Semina perpetui risus, in fronte corollæ  
Distinctæ, palmæ in manibus; verùm omnibus vna  
Lætitia irradiat vultus , fingitque beatam  
Cælicolum Plebem . Si plebis nomine dici  
Fas Regū populum, quorum vltimus ordine quisquis  
Latiùs Augusto regnat, cogitque potentes  
Plebeium in morem, submittere colla tyrannos .  
Sed radiante Crucis labaro, iam pompa propinquat,  
Et Vaticanum populis comitantibus intrant  
Purpurei Atlantes Orbis, fideique Columnæ ,  
Christiadumque patres; dominos de more ministri  
Quisque suos præeunt, pro sceptris , cædis herilis  
Instru-

Instrumenta, auro, gemisq̃ue decora gerentes :  
Sic sua crux Petrum anteuolat, quam sparsa figurant  
Eoi nitida astra poli, gladiumque coruscans  
Turbidus Astrigerum, Paulo præcedit Orion.  
Crux aliter stellata præit te gentis Achææ  
Eximium Andrea columen, sed lancea fulgens  
Mathæum decorat, nigro vibrata lacerto  
Aethiopis; lapis hunc gemmatus, culter at illum;  
Auratusque calix alium, spumante veneno  
Nobilitant. Nam cædis amor, meritumque, decusque  
Crebrò cædis habet. Sua post insignia Patres  
Ordinibus bini incedunt, in veste rubentes  
Punicea; tunicas licet agni murice tinctas  
Inflâmmat quoque vena sui pretiosa cruoris:  
Pulchrior est ab amante datus pro sanguine sanguis  
Postremus vehitur sella sublimis eburna  
Pontificum princeps Christus; prò quantus in ore  
Scintillat Deus, & Virgo? colla ardua curuant  
Olli, qui portant Orbem ludusque videtur  
Compositus Mundi Auctoris, cum pondere, Mundum  
Ex humeris pendet stellis trabea aurea, cingit  
Tergeminum frontem augustam diadema, recondens  
Spinarum crudele decus; nam cetera lino  
Tecta licet, claros erumpunt vulnera soles.  
Quale sub albenti Phæbi fax nubis amictu  
Et latet, & lucet, christallum, ignemque maritat?  
Ponunt genua solo populi obsequiosa, curule  
Quocunque ingreditur solium, quoties Crucis, altè  
Dextra elata suæ, designat grande trophæum,  
Associant plausu toties, fremituque frequentes.

Sed

Sed gratantis habent sensus, & carmen amantis  
Hæ voces; procul hinc gemitus, aut anxia verba  
Vulgi, noxarum veniam de more precantis  
Mortis in articulo; quæ mors, quæ noxa fatiget  
Cælestes animas æterna in sede beatas? (tellus

Ventum erat ad Diuum tumulos, queis corpora  
Amborum fidei præconum amplexa superbit,  
Non secus ac Lunæ, & solis fulgoribus Aether.  
Gemmato iucumbit venerabilis ara sepulchro,  
Desuper auratis aurata vmbella columnis  
Fulta nitet, moles pectus, atque authore superba  
VRBANO; qua non vllum speciosius Orbe  
Surgit opus, quamuis Capitoli templa manerent,  
Aureaque infani radiarent tecta Neronis.  
Aurato cælo tholus imminet, astraque pulsat  
Pictus imaginibus Diuum: quorum obtinet almos  
Cælum animos, Roma exuias; hoc omnibus vna  
Vrbibus illa præit, stellantibus æmula regnis.  
Pars tumuli à tergo, spatiosum extrema theatrum  
Format, vbi solio, sese Regnator olympi  
Composuit, viridi vestita sedilia panno  
Purpurei impleuere patres, bis sena Senatus  
Lumina, syderei proceres, Orbisque magistri.  
Scamna secunda tenent, pallentibus indumentis  
Tecti pastores populorum, cætera Cæli  
Aula, gradus omnes solij, subselliaque ima  
Occupat. Vnum oculis sed circumfusa tuetur  
Numen turba suum, vultu omnis pender ab vno.  
Talis erat species aulæ cælestis, & illa  
Exemplum Romana sibi desumpsit ab aula.



Religio vna, vnus princeps, amor vnus vtrique :  
Sed quod amant illi cernunt, gaudentque potiti ;  
Quod mortale genus vitæ vestigat in vmbra,  
Pontificisque sacra sub imagine Numen adorat.

Hic postquam meritis Regum Pater oscula plantis  
Obsequium excepit Mundi, diuersa rogantum  
Vota recognoscit, Legati rite ferebant  
Cælicolum primi, missas à vespere sero  
Reddidit ore preces, & lingua, & nomine magnus

Gregorius : Mundi pars æuo incognita nostro  
Fluctibus Oceani vallata America profundi,  
Omnipotens genitor, tibi supplicat omnibus vndis :  
Terra coronati partu pretiosa metalli,  
Nobilis argento, lucens & plurima gemmis,  
Sed nigras populorum animas, & ferrea gignens  
Pectora, soliuagas sine lege, ac Rege cateruas,  
Gestantes hominum vultus, & corda ferarum.  
Da, Rex magne, Patrem, qui curas induat Orbis.  
Qui misso cultore, rudem mansuescere cogat  
Barbariem, atque homines humano viuere ritu,  
Scilicet & Cælo genitos assurgere Cælo.  
Vix ea Gregorius : patriæ cum tactus amore

Augustinus ait ; si quantum Hiperione flagrat  
Africa, diuino tantum de sole caleret,  
Nulla foret pars terrarum felicior ; at nunc  
Frons ardet, sed corda gelant. Dum copia lucis  
Fert ori tenebras, nox maior pectora seruat,  
Et vultus, animi caligine, duplicat vmbas.  
Perfidia, feritas, fraudum versantur vbique  
Nomina : quot Nomadum celebrant deserta leones,

Quot



Quot Lybicis errant elephanti saltibus, & quot  
Arua venenata serpunt per Maurica mortes.  
Vnica tot clades inter, solatia Cælo  
Præbebat, rosa ceu medios intersita dumos,  
Aethiopum tellus; sed labe Dioscorus illam  
Inficiens erebi, latio disiunxit ab Orbe.  
Quædam littoreo dispersa in margine regna  
Lusiadum virtute subacta, & fortibus armis,  
Christiadum leges, Romanaque sacra frequentant;  
Interiora Saraceno sordentia cultu  
Horrescunt, aut nulla, vt Cafres lege vagantur!  
Da, Rex magne, Patrem qui curas induat Orbis  
Qui vitæ fontes nimium sitientibus Afris  
Offerat, & Nili salientis in astra liquores.  
Dixerat ille, Asiæ tum Pastor nobilis, oris  
Cui pretiosa sui facundia nomen inaurat:  
Quattuor è magnis terrarum partibus (inquit)  
Pars mole, imperijs, centum pulcherrima regnis;  
Te supplex Asia implorat. Cunabula prima  
Humano hæc generi, Paradisi præbet in horto:  
Mox hominem pelago, & scelerum eluione suorum  
Immersum reparat nece Numinis, in crucis arca,  
Diluvioque alio; fieri dignata Tonantis  
Patria, ferre genus, miracula, tecta, sepulchrum.  
Quid tamen ista iuvant? Asiæ si terra, salute, !  
Quam mundo peperit, caret; & pietatis origo,  
Christiadumque parens, tot sedes inclita quondam  
Concilijs, tot Diuorum celebrata triumphis,  
Nunc Erebi squallet nocte, ! in caligine cæca  
Errorum; venerans deliria fæda Mahumæ,

Flen:

Flendaque Brachmanû, tidendaque monstra, Pagodas.  
Nec tot adoratis Asiæ de Regibus, vnus  
Sacra Latina colit. Domino vsque adeo ne rebellant  
Sceptra Deo? an regnare solo, Itellisque negatû est?  
Regnantum mores vrbes, populique sequuntur:  
Innumeræque ruunt laxata in tartara prædæ.  
O si quis solem tenebris inducat Eois,  
Pestoremque gregi erranti! labentia regna  
Sæpe vnus vit restituit, quæ perdidit vnus.  
Da, Rex Magne, Parrem, qui curas induit Orbis.  
Nec Romæ tantum se natum cogitet, ipsam  
Quin Asiæ, atque Orbis faciat Romam esse parentem.  
Dixerat hic, primi cum vox audita Leonis.

Quattuor è magnis terrarum partibus, vna  
Mole quidem minor, heroum sed maxima partu  
Europa, o rerum Genitor, tua Numina poscit.  
Imperij quondam sedes, cui terminus Orbis,  
Seu Macedum, seu Romulidum; nunc inclita sedes  
Pontificum Regni, mundi trans regna vagantis,  
Post Orbem superest cui terminus Orcus, & Acher.  
Millenis pietas templis, & vera triumphat  
Religio, fasces Cœlo submittere gaudent,  
Et Regum Regi inclinant diademata Reges.  
Nusquam tam sanctis fundatæ legibus vrbes,  
Auspicijsquæ bonæ floreat melioribus artes.  
Quæ pacis decora? inuicti quot fulmina Martis?  
Qui doctrinarum cultus? monumenta virorum  
Quantorum? in chartis longum victura per æuum,  
Aemula marmoreis, qui iam cecidere, colossis.  
Felix Europe, felix! si non bona tanta

Ex Ida

Pædarent gemina ex erebo furialia monstra  
Hæresis, & bellam, Lethalibus illa venenis  
Inficit Arctoas gentes, hoc arma potentum  
Aemula regnorum cognata in viscera ducit.  
Da, Rex magne, Patrem, qui cutas induat Orbis!  
Qui notæ Arctos populos moderamine virgæ  
Ad Latium reuocet dilectus Pastor ouile:  
Qui belli furias, veros conuertat in hostes.  
Et Venetum congressum Asiæ cum Rege feroci  
Viribus haud æquis, animo maiore Leonem,  
Armorum iuuat auxilijs, Asiæque tyranno  
Perpetuam obtrudat felici clade salutem.  
Hæc Leo: tum Regum Princeps sic ore profatur:

P oscitis æqua patres pro mundo munera, nobis  
Quæ dare iam pridem mens ardet; sed tenor aula  
Seruandus cælestis erat, quo munera votis,  
Atque precum constant auro rescripta salutis.  
Pontificem dedimus, qualem vix aurea iactent  
Secula Christiadum; qui religionis amore,  
Gregorios, pietate Pios, & fortibus armis  
Aquat, Alexandros, animi insuperabilis ære  
Tergemino, augustos, & pectore, & ore Leones.  
Pontificum florens cunctorum laudibus vnus  
Seruet ALEXANDER nutantem Septimus Orbem.  
Finierat: vocemque Tonantis fata sequuntur.  
Dat signum tonitru Cælum, tormenta boatu,  
Templa virum, fidiumque sonis, clamoribus Aether:  
Seruet ALEXANDER nutantem Septimus orbem.

Hæc diuina tenus iustrauit visa Sacerdos.  
Nam sonitu excussus tanto de pectore somnus,

Et



Et cum somno aula fugit stellantis imago.  
Protinus ergo oculos pandens, effulgere veram  
Cernit ubique diem; sed adhuc ne somnia vana  
Credat, ALEXANDRI nomen sonat auribus, io  
Vivat ALEXANDER? gratantis murmura Romæ,  
Voce viri, clangore tubæ, tormenta fragore.  
Egressus tumulo, miracula cernit, & audit,  
Quæ visis fecere fidem; quippe arduus inter  
Plaudentum fremitus, exultantumque Quiritum,  
Lux patriæ, decus Italiæ, spes Urbis, & Orbis  
Ibat ALEXANDER; nec tam ceruice ferentum,  
Quàm fama, & factis, & laudibus altior ibat.  
Quantus in ore Deus, cui dextra Vicaria, nutu  
Astra salutare pandit? quàm mitia vibrat  
Fulgura maiestas? nullo se Principe tantum  
Felix Roma tulit, nec spes porrexit in orbem  
Latius. Ingenij nam quale vigentis acumen,  
Viuida vis mentis? doctrinæ in pectore quanti  
Thesauri? quàm dulce vehens facundia nectar  
Eloquij? & locuples vsu prudentia rerum,  
Iustitiæque rigor patrio confusus amor,  
Et pudor, & pietas, & fama pedissequa laudum?  
Nomen ALEXANDRI toto Germania Rheno  
Virtutis CHISIAE Germania grande theatrum  
Reddit, & Oceani geminandum porrigit vndis.  
Proxima Barbarico quassata Polonia marte,  
Nomine in augusto respirat, & auspice tanto  
Prima spei affulget nocti scintilla Britannæ.  
Gallia discordi plausu sociatur Ibero.  
Belgica quem tellus, quem dura Suecia tollit

Flu-



Fluctibus in medijs ? venerandæ ad mœnia Romæ  
Quæ Regum fratres animo dimisit amanti .

Auguror hos eadem nunc rursus ad oscula mitter  
Romano libanda Patri , Regumque parenti .

Nam Latij inimica sacris ( quis credat ) in vnum

Agmina conspirant votis , ô sacra potentis

Vis veri ! populis pastorem hunc ipsa poposcit

Perfidia , & quamuis extremos sentiat inde

Occasus instare sibi , tamen vrna , rogusque

Hoc authore placent ; vitalia vulnera credit ,

Quæ pietas feret ipsa manu pastoris amanti .

At quo Te cantu , gentilia ad astra feremus

Nos Itali , ô Vaticani noua gloria ! per Te

Quandoquidem speciosa etiam nunc gentibus illis

Italia est , patriæque Senæ , dum Cimbrica Tibrim

Vrsa colit , Gentis geminatum sydus adorans ,

Et latios Istro reuirescere gaudet honores .

Sola sui cladem CHISIO à fulgore nitoris

Thracia luna pauet ; contra Regina profundi

Hadriaci exultat , confestim hilarata beato

Gurgite inundantum radiorum , & stirpe feraci

Pontificum , gestit Regum supplere senatum ,

O nimium dilecte polo , & venerabilis Orbi .

Italix sol , Europæ cynosura labantis

Ingredere , & studijs famulantibus vttere mundi :

Par caput Orbis habet , Tu dignum hac mête theatrum .

Cladibus afflictas tantis attollere gentes

Tu poteris , vel nulla ferat fortuna salutem ;

Perge , age spes magnas , factis maioribus imple .

Quidquid agis iam Roma stupet , iam Mûdus adorat ,

Et cen-

Et centum famæ ora sonant ! Amplecteris Orbem  
Pro Patria , ciues populos , Regesque propinquos ,  
Quisquis & eximie clarescit fulgure laudis  
Progeniem CHISIAM censes . Est gloria quæstus  
Aulæ , dona odium ; pretijs licitamur honores  
Virtutum , supplet censum , genus , omnia virtus :  
Gymnasium morum mors est , tacitumque licæum  
Vrba oculis aperit , Libitinæ sponte tribunal  
Inculpatus adis , at letho iudice , vitæ  
Nil mutasse velis . Terrarum o Numina quondam  
Potifices Diui , nunc aurea lumina Cæli ,  
Dicite : regnorum dum tractauistis habenas ,  
Num virtus alium præstabat vestra tenorem ?  
Parua loquor ; si mundi iterum regeretis habenas  
Nunc virtus alium præstaret vestra tenorem .  
Laudis ALEXANDER nam prisca exempla secutus ,  
Nunc noua componit , seclis imitanda futuris .

## L A V S D E O









ARCVS PALATINVS

A B

ODOARDO


PARMÆ, ET PLACENTIÆ

DVCE

INNOCENTIO

DECIMO

P. M.



EXCITATVS

THE UNIVERSITY OF CHICAGO

OLD GARDEN

IN THE CITY OF CHICAGO

OLD GARDEN

OLD GARDEN

OLD GARDEN

OLD GARDEN

OLD GARDEN



ILLVSTR.<sup>MO</sup> ET EXCELL.<sup>MO</sup> PRINCIPI


D. IOANNI BAPTISTAE

P A M P H I L I O

D V C I C A R P I N E T I

S. D. N. INNOCENTII X.

Pronepoti.



G V L I E L M V S D O N D I N V S F E L.

**I**N V O nomine, tamquam gemma paruula quidem, sed clarissima iure suo insignitum carmen hoc prodire gestit in lucem, Princeps Excellentissime. Cum enim molitionem contineat arcus ornatissimi, Innocentij X. Pontificis gloriæ, ab Odoardi Farnesij Ducis, obsequiosa  
ma-

magnificentia dedicati, perlibenter ad  
illius Principis patrociniū conuolat,  
in quo perinde, ac in authore Serenif-  
simo partē Aldobrandini sanguinis, ve-  
neratur. Qui materno quidem gene-  
re Clementem VIII. Aldobrandinum,  
Gregorium XV. Ludouisium Pontifi-  
ces, adorata mortalibus nomina, con-  
tingis: paterno verò, vnum pro cunctis,  
syderibus Solem, Innocentium X.  
felicissimè imperantem Pontificem  
regnatricis prudentiæ fama, omnium  
sæculorum linguas, & calamos fatigan-  
tem. Vix vllius infantiæ teneritudinem  
tām angustā excepere primordia, qui-  
bus virtutem innumeris addiscere po-  
tes à proauis, & cum virtute fortunam  
quoque, tribus à Summis Præsidibus  
generis humani. Neque verò dum per  
urbem incedis inter cognatorū Pon-  
tificū, & magni præsertim Patruī ma-  
gnificentiae vestigia, tantum te excitant  
La



Lateranenſes illæ, Vaticanæque Baſili-  
cæ ſumptuoſiſſimè inſtauratae, & deco-  
rata cum Capitolio fora, ædibus, tem-  
plis, fontibus, obeliſcis, quantum ſacra  
iſta indoles in venas tranſfuſa, educatrix  
nobilisſimi ſanguinis, & virtutis. Hinc  
illa ſummi ingenij, & virilis animi pœ-  
nè in infantia documenta, quorum par-  
tim nos teſtes ſumus, qui te in Roma-  
no Collegio nondum quinquennem,  
ſumma venuſtate carmina recitantem  
audiuimus, cùm Rhetoricam Claſſem  
humaniſſimè inuiſeres, & inſcriptis  
Tuo nomini Philoſophiæ theſibus pre-  
ſideres. Equidem dum recordor mira-  
bilem in tot euentibus prouidentiae lu-  
dum, quo ad propagandam regnatricē  
familiam, Germen tam amabile dona-  
tum videris è cœlo, ſuccurrit meritò  
augurari, Pamphilæ gentis claritudinē  
terminos non habituram. Nàm, & im-  
mortalia ſunt dona cœleſtia, & mere-


tur


tur hoc quoque humanæ immortalita-  
tis præmium optimi Pontificis virtus .  
Illa religio, & pastoralis cura indefessæ,  
in reddendo per statos, solemnesq: dies  
honore Numini, exemplo populis, in  
vigilanti Christianæ rei custodia, dete-  
ctis labore magno pullulantium hære-  
sum fibris, accisisq: in paterno huma-  
ni generis amplexu, quod lustrali cri-  
minum anno, vberibus Pontificiæ cha-  
ritatis admouit; Illa sapientia, quæ con-  
sortem boni consilij, imperij felicitatē  
trahit, cum veneratione Regum, & po-  
pulorum, admiranda, in moliendis rerū  
conuersionibus magnis, præter expe-  
ctationem hominū, non extra appro-  
bationem, & plausum; Illa iustitia, qua  
tam suprema capita, quā minora coer-  
cens, non in scelera modò, sed in ipsos  
vindices vindicat, & multiplicato pauco-  
rum pœna terrore omnium, de securi-  
tate publica, amorem colligit; Illa Pon-  
tificij

tificij animi altitudo, neque externæ  
potentiæ terroribus, neque domesticis  
necessitudinibus obnoxia, instar legis,  
sine gratia, sine odio perpetuò rationis  
seguax, & proximorum loco adoptans,  
atq: honoribus augens, quidquid in Or.  
be terrarum sapientia, eminet, ac fan-  
ctitate. Merentur, inquam, hæ, aliæq:  
augustissimi Principis laudes, vt non  
tantū in marmoreis monumentis, aut  
aheneo, quod S. P. Q. R. in Capitolio  
posuit, simulacro, quantum in animata  
oris, ac virtutum effigie, in Te, Tuisque  
posteris, æternum viuat. Vale.




1. *Phlegmon* is a local inflammation of the soft parts, characterized by redness, swelling, pain, and heat. It is often caused by a wound or injury, and may lead to the formation of an abscess.










# PROLVSION


 V M triumphali nobi-  
 lissimæ pompæ, fauente  
 cælo, plaudentibus terris,  
 per ora populorū traductæ,  
 quando INNOCENTIVS X. ad capeffen-  
 da primordia regni in Lateranas ædes,  
 inuectus est, nil aliud abesse sit visum,  
 quàm Farnesiani arcus perfecta moles: id  
 ipsum maiori Pontificis gloriæ, & operis  
 maiestati vertere, pœtico figmento cona-  
 mur; ut ab omni parte augustissima  
 pompa, & suis, & accersitis illustrata  
 fulgoribus enitescat. F CAR.

PROLOGUS

in nomine domini Amen  
Hic incipit prologus  
in quo dicitur de  
omnibus rebus  
quod sunt in mundo  
et de his que  
sunt in hominibus  
et de his que  
sunt in animalibus  
et de his que  
sunt in plantis  
et de his que  
sunt in mineralibus  
et de his que  
sunt in celestibus  
et de his que  
sunt in inferis  
et de his que  
sunt in omnibus  
et de his que  
sunt in nullo

Call  
Ecc  
Inc  
Acq  
Ira  
Ric  
Efr  
Vic  
Sala  
Q  
Men  
Ige  
Pria  
Nob  
Vinc  
Deli  
Eran  
Ira  
Aur  
Ige  
Sop  
Ira  
Ira  
And  
Hoc  
Dum

# CARMEN<sup>83</sup>

**I** Neipe tentatos nequidquam fraudibus arcus  
Farnesios, & Pamphiliæ miracula pompæ  
Calliope maiore tuba, qua dicitur olim

Æneas, genitrice Dea duce, fata secutus,  
Iunone scopulos frustra opponente, fretumque,  
Atque alios Latij scopulos, fluctusque cruentos,  
Fatalis regnum metam tenuisse laboris.

Hic quoque par operum moles, coniurat Auernus  
Et furia, Michael contra, & pennata Iuuentus.

Hic & damna iuuant, & profunt cæca nocendo  
Bella, nec ignauo veniunt ex hoste triumphi.

Quæ centum pario de marmore, sulca columnis,  
Splendida luce Tagi, & flauo prætiosa metallo,  
Surgebant astris, recta inuidiosa Neronis:

Porticibus nunc semirutis, exangue cadauer  
Mole ruinarum ingenti, post fata minatur;  
Viuit & in sparsis maiestas horrida membris.

Desuper immensis tellus aggesta ruinis,

Farnesios flores, cladis solatia nutrit.

Intus Apollineis squalent imperuia flammis

Antra, cauique specus, & non tractabile tectum.

Regna voluptatis quondam hæc, dum vita manebat  
Supplicij sedem statuerunt fata Neroni.

Fama est, extincto cum sole, silentia terras

Fusca tenent, auræque tacent, & Tybridis vnda:

Auditos illinc gemitus, strepitusque catenarum

Horrendos, sonitum plagarum, & murmura questus,

Dum Nero raptatus tectis ingentibus errat,



Eumenidas fugiens, vt quondam, & verbera matris  
 Mutatæ in furiam matris; quæ in lumina vibrans  
 Stridentes multo angue comas, resonansq; flagello  
 Tartareo, ingrati ventrem execrabile monstri  
 Exprobrat hospitium, & crudelia vulnera nato,  
 Auertenti oculos, conanti & plurima frustra.

At postquam ingentem lunatis frontibus arcum  
 Iussit adorati nomen sublime Parentis  
 Tollere vicinis **PRINCEPS FARNESIUS** astris,  
 Desertæ spelæa domus, vacuosque penates  
 Arrificum implere manus, & verbere crudo  
 Attoniti tremuere lares; dum a stirpe reuulsas  
 Pars tornare rudes syluas, pars frangere cedros,  
 Atque in marmoreas scalpro mutare columnas,  
 Multo auro saturante trabes; alijque laborant  
 Arte coloratis telas animare figuris,  
 Aut Polycletæo vitas infundere celo.  
 Tunc sonitu legio furiarum exterrita tanto,  
 Manibus antra fuga quærit propiora: Neronem  
 Pone trahens, mirantem indignantemq. quod ausi  
 Antiquis essent se se depellere regnis.  
 Vt verò sensit gaudentem nomine claro  
 Pontificis magni molem, & decora alta parari,  
 Inuidia accessit furijs, vrsitque dolentem,  
 Atque animis rediere suæ regalibus iræ.

Hæu misero (exclamat) seu reddunt munera lucis,  
 Siue adiungunt, semper contraria fata Neroni!  
 Sic vbi gemmata quondam trabeatus in aula  
 Iura dabam populis, & regum colla premebam;  
 Mancipium nunc vile stygis, de Cæsare tanto,  
 Hic aliena miser decora, auspiciūque videbo

Pam.

PAMPHILII REGNI, simulacra gerentia vultus  
 Virtutum, & sacros meritis ingentibus arcus?  
 Reddite me furia, scelerata reddite nocti.  
 Hæc olim luxu sedes famosa nefando,  
 Criminibus regnata meis, tot cœdibus vna  
 Infantum polluta Ducum, tot fida venenorum  
 Arbitra, vbi scelera admisi, quæ manibus ipsis  
 Et furijs audire pudor; spectacula priscis  
 Tam diuersa feret, tam insueta? nec ante dehiscens  
 Crescentem subito molem sorbebit hiatu?  
 Infelix Caesar quænam ad tormenta reseruor?  
 Principis inuisi vt titulos intra hæc mea regna,  
 Iustitiæ numen, fidei, pietatis adorem,  
 Impius, iniustus, ferus, execrabilis, excors?  
 Reddite me furia, scelerata reddite nocti.  
 Quamquam o! si veteres iræque, animiq. manerent,  
 Non hæc, non superis tentare impune liceret,  
 Stante chao, & furijs immane frementibus; Orci  
 Dedecus est ingens, PAMPHILIA gloria, crimen  
 Eumenidum, haud solum lædunt benefacta Nero-  
 Sed virtus meriti pompis decorata triumph. (nem.  
 Tortores torquet manes, furiasque flagellat.  
 Dum Vaticani regimen cæleste tenentem (rat,  
 PAMPHILIVM, Regum, & populorum plausus ado-  
 Virtuti gaudent ipsam submittere fasces  
 Fortunam, & meritis tandem deuoluere regna,  
 Quantus amor solidæ laudis generosa subibit  
 Pectora, quam valido peruellet gloria thyrsus?  
 Occidimus, vestri fuit alta potentia regni  
 Eumenides, nullos posthac sperate Neronas.  
 Dixerat. Et Seneca eloquium didicisse magistro

Profuit ; incensos dictis furor, iraque manes  
 Præcipitat, iuvat angustas euertere moles,  
 Et prohibere nefas Erebi, stygiosque dolores.  
 Ergo signa canit ferali turbida cornu  
 Typhonè, tremefacta sono vicina citauit  
 Vnda fugam, medioq. Tybris caput abdedit amne.  
 Partibus exciti propioribus, vndique inundant  
 (Concilium horrendum) proceres, implentq. cauer-  
 Immenfas, quibus effigies humana, nefandis (nas  
 Fæda modis, hirti nutant pro crinibus hydri,  
 Lumina stant flamma, fumus de naribus vndat,  
 Cornua fronte rigent, exhalant ora Mephitim,  
 At pice perfusos humeros, setosæque nudi  
 Pectora, remigia alarum nigra, lurida quassant,  
 Quales busta super, stryx horrida concutit alas:  
 Desinit in tortum furialis cauda draconem.  
 Illi vbi Tartarei caussam didicere tumultus  
 Bella fremunt densi. Pars cælum inuoluere nimbis  
 Apparat, & subita molem exturbare procella:  
 Pars nigra sulphuræ fert secum pabula flammæ,  
 Ingratam tantis lucem sparsura triumphis:  
 Ast alij telis, sæuisque securibus audent  
 Luce palam turbare acies, nec parcere cædi.

Etiam consensu vnanimis in bella ruebant;  
 Iam nimbis, pluuijsque atris, præludia pugna  
 Aërei dederant genij, Romæque futurus  
 Lugubris fuit ille dies, cum profilit vnus  
 In medios, paruus membrorum mole, sed ingens  
 Consilij, astuque, & fraudibus alter Vlysses  
 Cocyti. Qua spe furitis, quo tenditis. (inquit)  
 Tartarei martes? pompam delere paratis

Luce



Luce palam, his armis, & aperto inuadere bello  
 Romulidas ? nec quanta instant discrimina cæci  
 Cernitis ? En cælum in partes ruet omnibus astris,  
 Fulminibusque suis cadet, agminibusque deorum  
 Romæ bella geret: an magnos arma feretis  
 Cælicolas contra ? veteris placet alea belli ?

Nec subit, iratam quantus consurgat in hastam  
 Fulmineus Michael, horrendumque intonet ar-  
 Credite, post clades illas, spes vna relicta est (mis?  
 Ad palmas erebo, per belli furta, per astus.

Ergo audite, meæ quæ stet sententia menti .  
 Plura quidem nigro stabulantur monstra sub orco,  
 Morborum ante alios præses, geniusque soporis,  
 Desidiæque lues, qua non deformior vlla est.

Hos placet artificum medijs immittere turbis,  
 Bella gerent taciti, paucis pugnantibus, omnes  
 Vincemus, Dolus an uirtus, quis in hoste requirat?

Dixerat, & plausu fociorum exceptus ouantum  
 Dux placuit facti, fuerat qui sordidus auctor -  
 Nec mora: Tartarei iussu accersuntur Vlyssis,  
 Cognatæ ex erebo pestes, morbusque, soporque,  
 Ille infirma regens comiti vestigia somno  
 Nixus, & albenti portans sua funera vultu;

At morbo somnus nequidquam alatus adheret,  
 Namque sua titubans caligat nocte; vicissim  
 Sic alter gressus, & lumina sufficit alter.

Seriùs aduenit Dæmon, cui marcida lux  
 Otia, desidiæque, & languida inertia cordi .  
 Et non ille quidem sua per vestigia, cursum  
 Emensus; neque enim longis tam vasta locorum  
 Intervalla, piger potuisset vincere sæclis .

Sed succollarunt, tanta est ignauia monstri,  
 Mutatis vicibus, bis deni noctis alumni. (obesi  
 Monstrum horrendum, informe, ingens, cui ventris  
 Pinguis adeps verrebat humum, foedissima rostri  
 Ingluies, vnæque manus, ceruice capilli  
 Posteriore fluunt rari per tergora, numquam  
 Erigiturque solo, aut vestigat lumine cælum,  
 Semper humum pronis oculis, & pectore adorans.  
 Consimile huic animal monstro, pars nobilis orbis  
 Occidui, in latis nutrit Brasilia campis,  
 Pigritiam dixere, diester quinque laborant  
 Fustibus indigenæ, & saxorum vrgere procella,  
 Post medium tandem mensem, tam lenta mouetur,  
 Composito vt pariter gressu testudo volaret.

Et iam per medias bacchantur monstra cateruas.  
 Ille soporifero stillandam in lumina ramo  
 Fert noctem, hic anima morbos inspirat in artus,  
 Imbelli languore domans studium acre laborum.  
 Nec minùs ignauo torpentia fundit ab ore  
 Otia segnities, pigraque aspergine telas  
 Inficit, & tabulas; torpent (mirabile dictu)  
 Tractionum subito dextræ, populante vigorem  
 Membrorum, & lentopenetrante in viscera monstro.  
 Ergo opera interrupta iacent, ingloria marent  
 Ligna, rudisque trabes, & spe fraudata colorum  
 Stamina, semianimesque exangui fulgure telæ.

Et forsàn longum tenuissent irrita vota  
 Romulidum, & sperata diu spectacula pompæ  
 Incassum, flauī nisi custos Tybridis ales  
 Sensisset fraudum mala tentamenta nocentum.  
 Tu primus sonitum vicino a gurgite sentis,

Et

Et lymphis infuse tuis dum occultus oberras  
 Antra propinqua, vides Erebo properantia monstra;  
 Cælicolumque mones ductorem. Forte suorum  
 Concilium Michael, quæ sidera Vaticano  
 Pessa tholo, incumbunt, Regni de rebus habebat,  
 Vrgebatque moras operum. Molimina fraudum  
 Vt sensit, tacitumq. nefas, tentamur iniquis  
 Scilicet insidijs (inquit) belloque minores  
 Castra dolosa mouent; sed saxo sentiat Orcus  
 Haud minus ingenium, quam tela vigere, manusq.  
 Sidereis ducibus, ludemus & artibus artes.  
 Vos modò præcipites spem tanti vrgete triumphi.  
 Tu qui præsidio Capitoli immobile culmen  
 Fide, regis, finem sudato impone labori.  
 Mons monti super impositus succedat Olympo,  
 Arduus abietibus pictis, altisque columnis.  
 Stent laudes veræ simulato in marmore; facta  
 Testentur tacito vocales murmure tela.  
 Nec minus immensam pennis inuecta per urbem  
 Cetera festinet legio. Tu martis equestris  
 Castra moue ductor, chalybum vestita metallis:  
 Tu capitolinos procures, vrbisque senatum  
 Romanis succinge togis, & diuite amictu  
 Gaudeat omnis honos, primæuo flore virentem  
 Ætatis pubem, iuueniles indue cultus,  
 Argentum, atq. aurum, pretiosaq. fulgura gemmis.  
 Nec non aulæis vireant, & fronde domorum  
 Velatæ facies, pictæque tapetibus ædes.  
 Sed quibus Aonides, & Apollinis otia curæ,  
 Mecum docta manus superûm, iussa inferat arma  
 Inclusas te sis furias, impune Neronis

Ne



Ne prohibete, furant; fatale superuenit, vnde  
 Speratur minùs exitium; haud mouisse iunabit  
 Tantum operum, surget tot casibus altior astris  
 Gloria, maior erit tentati fama triumphi.  
 Illi alacres parent dictis, ac iussa facessunt.

Iamque dies aderat properata fauentibus astris  
 Cum Michael signum cælo dedit, æthera purgans  
 Nubibus vmbratum stygijs, risuque serenum  
 Imperat ire diem; vt liquidi de margine cæli  
 Pamphilios superis fas sit spectare triumphos.  
 Illicet vndantum populorum examina feruent  
 Plena vijs, Vaticano qua limine pompa  
 Urbem per mediam, Lateranas tendit in ædes.  
 Quantus io fremitus plaususque, & grata Quiritum  
 Murmura? dum turmis præeuntibus, ordine longo  
 Ingreditur mundi Reçtor, solaque triumphum  
 Maiestate facit; quacumque ardente refulgens  
 Læticia inuehitur, septeno culmine Roma  
 Nutat in obsequium, pulsataque tecta resultant  
 Pamphilium nomen, plaudente remurmurat vnda  
 Nomen adoratum, ripisque loquacibus amnis.  
 Ast vbi Tarpeij relinquuntur culmina montis  
 Et Capitolini decliujs semita dorfi  
 Iam teritur, stygias affat propiore tumultu  
 Iam magis, atque magis, sonus illætabilis aures;  
 Corda rigent miseris, & mens præsaga malorum.  
 Ergo tenebrofi spatiofo carcere tecti  
 Omnes conduntur trepidi, densique premunt se  
 Tartarei fratres, furiaque trementibus Hydris.  
 Ac veluti Corui, quos cælo exegit aperto  
 Tempestatis hyems, metuentes verbera faua

Gran-



Grandinis, aut maiora Aquilarum rostra tremantes.

Et donec lento trahitur longa agmine pompa,  
Cura, pudorq. coquit: pudet heu? pudet irrita frau-  
Tamenta, nec insidias valuisse nec artes: (dum  
Sed superesse, fremunt, tanta solatia cladis.

Si non angustos licuit prohibere triumphos,  
At carpisse datum est. Molem suspendimus, ausus  
Immanes Regum. Iacet, æternumque iacebit,  
Quantum Ere bivires, iræque animique valebunt,  
Æquandus stellis arcus Farnesius, ingens  
Momentum pompæ, appendix pretiosa triumphi.

Talia dum secum vesana superbia mussat,  
Nondum fracta malis: lætica angusta subibat  
Romani spatia ampla fori, & Farnesia spectans  
Tecta pater, (fraudes illum sensisse putares  
Cocyti) exeruit caelestis fulmina dextræ,  
Elataque manu, cui tantum iuris, in ipsa  
Sidera concessum, gestuque Acheronta domare,  
Signa triumphalis crucis imprimit. Icta repente  
Fulmine secreto, scelerata cohors Phlegætontis,  
Voluitur in caput, immanique effusa ruina,  
Præcipitatque, ruitque sopor, morbus, furiaque,  
Pigritiaque lues iam non pigra, iam cita, pennas  
Dat metus, & facilis tardis quoque cursus Auerni.  
Aurea deiectis respirant sidera monstris,  
Lætitiâque sonant cursu reuoluta canoro.  
Sic illos eadem tentato Aquilone fugatos  
Sidera rinctis, celo dare terga sequaci.

Nec mora: sidereas in libera tecta phalanges  
Victor agit Michael, Ere bique reponere damna  
Imperat. artificum manus interrupta retractans,

Suc-

Succellus faciles miratur, & arboris instar  
 Surgere opus tacitum, fallentibus incrementis,  
 Ante oculos, interque manus. Sæpe accidit, ut dum  
 Accelerant, (fors illa fuit, lususue iuuentæ  
 Ætheriæ) caderent calami, aut pigmenta colorum  
 Fusa super tabulas, vitioq; animante figuram,  
 Pulchrior emicuit, perfectaque fulsit imago.  
 Nec semel id, victam doctis erroribus artem  
 Terquaterq; stupent; ignarum vulgus adorat  
 Artificem casum, fuerat cælestis Apelles.

Ergo breui mixtum stellis radiantibus arcum  
 Par conferre iubar, superi vidistis ouantes:  
 Gaudia nos etiam latè Romana nouari  
 Vidimus, & festos non vna luce triumphos:  
 Vndantes campos, latijque fluentia densis  
 Plana fori populis, ad molem, quam procul auro  
 Ardentem, quamquam excelsis assueta trophæis  
 Mirantur, fixoque inhiant capitolia visu.  
 Proh qualis prima pandit se fronte superbam  
 Maiestas operis? celatis nixa columnis,  
 Clara per effigies Regum, diadematis instar,  
 Iride cincta caput, stant dorso lilia, culmis  
 Gemmatis, mediaque argentea sede columba  
 Occupat augustis ingentem clauibus orbem,  
 Ora virent oleis, & spargunt omine pacem.  
 Nec minùs extrema funduntur mole tiaræ  
 Paciferæ, & vittæ, tum pocula numine viuo  
 Exaturanda, sacro quæ principe digna trophæa.  
 Frontem augustam operis, maiestatemq; verendam  
 Miris vbique decor diffusus, amabilis auri  
 Delicijs mulcet pretiosis, quas nitor auget

Argenti, & calami charites, veneresq: colorum.  
Virtutes ipsæ spirant, gressumq: minantur  
Marmoræ, vsq: adeò dū opus accelerât, simulacris  
Indulserè suis, germanaq: lumina vibrant.  
Hic caput augustum cognata ad sidera tollit  
Religio, radiata oculos, & pectus, & ora  
Numine, pro cælo resp'rans numinis auram.  
Lumina syderibus figit vestigia terris,  
Quas regit exemplo, dum factis prouocat orbem  
Illius ad cultum, cui sceptrà vicaria gestat.  
Templa noua exurgunt, vetera instaurantur honori  
Cœlicolum, nitidis collucent marmora gemmis,  
erlita imaginibus Diuum, minioq: colorum.  
Iæc eadem gentes vtroq: à Sole profectas  
excipiet gremio, Vaticaniq: reclusam  
er valuat, florem populorum inducet Olympo.  
i qua venenatis errorum cincta colubris  
rigit hydra caput, dabit vno colla sub iæu  
ontificis calamo, ceu fulmine secta trifurco.  
roxima cui rigidas æquato examine lances  
ustitia ostentans læua, dextraq: coruscans  
Aucronem, insontes firmat, terretq: nocentes.  
Iac regnante doli, fraudes, & mille malorum  
Nomina, non audent Latio se credere cælo.  
Aut si qua emergunt, ingenti clade piantur.  
cœna statim sequitur culpam, prohibetq: vagari  
Illum impune nefas; melius quàm viribus vrbes  
ure tegit, Regni sunt propugnacula leges,  
et pax alma viget. Nocturnus tela viator  
Iaud trepidat, fretus pro milite Principis ira.  
Ic dum paucorum exitium sit publica cura,

Vin-



Vindicis arma placent, & felix terror amatur.  
Nec procul hinc gemino surgit Prudentia vultu.  
Altera in Occasum frons altera tendit in Ortum,  
Cum lapsis ventura videns. Nam secula seculum  
Prisca, diesq: diem docet, acta prioribus annis  
Dum relegit, cursum venientis vt auguret auri.  
Nulla latent vigiles oculos abscondita rerum,  
Quæ sint, quæ fuerint, quæ mox ventura trahantur.  
Mœandros aulae varios, & lubrica fata  
Dispensans, sibi regna facit mortalia ludum.  
Quin etiam fastus, & colla minacia calcat  
Fortunæ, fractumq: rotæ reuolubilis orbem  
In solum sibi componit, pennasq: fugaci  
Conuellens monstro, instabilem consistere cogit,  
Perfidiamq: fide, & bellum mutare quiete.  
Omnes Pontifici inclinat Prudentia Diuos.  
Hac maior solio, maior quoq: Regibus, ampla  
Maiestate sedet mentis, Cœloq: secundus;  
Pro clauo est, clauum Petri ratis, illa regenti.  
Vltima propositum Constantia nobile mentis  
Multo adamante notat, triplici præcordia cinctu  
Vallata, & nullis pectus superabile fati.  
Non illam solido gaudentem robore, molles  
Blanditiæ, aut rerum trepidi flexere tumultus.  
Pax immota silet; quantumlibet arma fragorem  
Dent circum, & resonâs regnorum flamma ruinis;  
Ex æquo superos, mortales despicit infra.  
At reliquæ vario fulgent emblemate laudes.  
Ipsa videbatur scripsisse emblemata Pallas,  
Omnia namque licet Pæctoli gurgis inundet,  
Clarior ingenij, quàm lux exuberat auri.

Proxi-



Proximus interea squalore obducitur æger  
Invidia Titus, illaudataque marmora mœrent.

Verùm age seclorum vulgaribus exime aceruis  
Signatumq. adamante, perennibus infere fastis  
Illum fama diem, quo Rector maximus Orbis  
Ipse suos redijt contemplaturus honores.  
Tunc operi summus decor additus, & noua moli  
Gratia, lux luci; numquam risere nitores  
Pulchrius auricomi, aspectuq. hilarata beato  
Marmora plus sensus, plus vitæ habuere colores.  
Ipse etiam sensit, latèq. dat omina mundus:  
Ter fragor extremis ingens auditus auernis,  
Ter læuum intonuit, & fulgure plaussit Olympus.

F I N I S.

The first of these is the fact that the  
 system is not a simple one. It is a  
 complex one, involving many different  
 factors. The second is that the system  
 is not a static one. It is a dynamic  
 one, constantly changing and evolving.  
 The third is that the system is not a  
 uniform one. It is a heterogeneous  
 one, with different parts and components.  
 The fourth is that the system is not a  
 homogeneous one. It is a heterogeneous  
 one, with different parts and components.  
 The fifth is that the system is not a  
 uniform one. It is a heterogeneous  
 one, with different parts and components.  
 The sixth is that the system is not a  
 homogeneous one. It is a heterogeneous  
 one, with different parts and components.  
 The seventh is that the system is not a  
 uniform one. It is a heterogeneous  
 one, with different parts and components.  
 The eighth is that the system is not a  
 homogeneous one. It is a heterogeneous  
 one, with different parts and components.  
 The ninth is that the system is not a  
 uniform one. It is a heterogeneous  
 one, with different parts and components.  
 The tenth is that the system is not a  
 homogeneous one. It is a heterogeneous  
 one, with different parts and components.

21 4 1 5 6







AVSTRIACVM  
IMPERIVM  
RELIGIONE PARTVM

MVDAIAFAV

IMPERIVM

ELIGIONE PATIVM






MO MO  
EMIN. ET REVER. PRINCIPI

MARCO ANTONIO

CARD. FRANCIOTTO.



GVLIELMVS DONDINVS

Felicitatem.



ARMEN, quo congesta  
diuinitus in Austriacam  
religionem sceptrā, triū-  
phi, & inaudita prioribus  
seculis felicitate tredecim  
Cæsarum diademata decantantur, à so-  
roris tuæ filio, in aula Collegij Romani  
maxima, Te audiente dictum, alio in-  
super

super nomine istius religiosissimæ pur-  
puræ patrocinium vindicat sibi Prin-  
ceps Eminentissime. Cum enim illo-  
rum sit, virtutum maximè fauere lau-  
dibus, qui earum pretia possidendo op-  
timè intelligunt, haud grauatè, vt opi-  
nor, datum in theatro plausum Au-  
striacæ pietati renouabis, cum pietatē  
tuam iustitiæ incorruptæ coniunctam,  
in amplissimis muneribus, Romæ, Pa-  
triæ, Flaminiaë populis repræsentaueris.  
Nimirum, quemadmodum veneratio-  
ne Numinis assidua, & animi cultu,  
quod sacrificij genus Deo acceptissimū  
est, sua iura superis reddis; ita neminem  
esse arbitror, qui vel perleue detrimen-  
tum Tibi referre possit acceptum, plu-  
rimos, qui beneficia; tam accuratè  
paria facis cum genere humano. Men-  
tem quippe habes, qualem optabat  
Plato Principibus, auream, cœli capa-  
cem, & in mortaliū commoda pro-  
fusis.

fufiffimam . Quibus fanè virtutibus ,  
religione , ac iuftitia , geminis tam-  
quam polis cælum , omnis Ecclefia-  
ftici Principis vita circumuoluitur .  
Vale .





Handwritten text at the top of the page, likely a title or header, which is mostly illegible due to fading and bleed-through from the reverse side.









DELPHINO  
LVDOVICI

XIII

GALLIARVM REGIS

CHRISTIANISSIMI

FILIO

GENETHLIACON

DELFHINO  
EVDONICI

XIII

GALLIARVM REGIS

CHRISTIANISSIMI

FILIO

GENETHILIAEON




EMINENTISSIMO PRINCIPI

ANTONIO

CARD. BARBERINO

S. R. E. CAMERARIO



GVLIELMVS DONDINVS

Fel.



ALLICI DELPHINI natalis, post quatuor & viginti tandem annos impetratus è Cœlo, voti ream vniuersam Europam fecit.

Hinc ad festas aras, piæ animæ thura, omnique thure gratiores preces litauit.



re, largitione munerum, spectaculorum  
munificentia, plausum exhibuistis vos  
Principes; nos, quibus vna vox in pre-  
tio est, orientem Galliæ Solem, inopi, sed  
suavi tributi genere, cantu veneramur.  
At Religiosæ Musæ, quamuis vt Virgi-  
nes, & à factionibus intactæ, armatarum  
partium studia minimè pertimescerent,  
ornamento tamen suo adoptauere Tuum,  
E M I N E N T I S S I M E P R I N C E P S, flo-  
rentissimæ Purpuræ florentissimis Re-  
gnis expetitur fulgorem; pulchrumq.  
dixerunt innocentes D E L P H I N I lau-  
des in eo nomine apparere, quod gratum,  
amabileq. Galliæ toti resonaret. Acce-  
dit, quòd, in Europæ Theatro, Tu quo-  
que primarum partium Princeps, Regi  
nato plausum excitasti vnà cum Regibus;  
Regiâq. in muneribus spectaculisq. ma-  
gnificentia, maximorum Regum bene-  
uolentiæ parem Regalem animum re-  
præsentasti, Ibit in annales Gallorum.

ANTONI Cardinalis BARBERINI  
 nomen, ac meritum : per te conuulsam  
 sedibus suis Romam, ad veneranda Gal-  
 lica Lilia in fronte tuarum Ædium in-  
 numeris coronata luminibus, accurrisse;  
 atque in Barberino Theatro, opulentam  
 ignium quasi fiderum pompa, ad mira-  
 culum collucente, variè illuminatos LV-  
 DOVICI XIII. triumphos cum admi-  
 ratione spectasse; tantumque sub Roma-  
 no Cœlo splendida gloriæ accessisse illi  
 Genti, quæ ab ipsis imperij sui primordijs  
 Romanæ Fidei propugnatrix, mille pro-  
 pe, ac ducentos annos, gloria pietatis, &  
 armorum, Europæ Asiæque fastos imple-  
 uit. Præclara hæc sanè, fauoremque me-  
 rita generis humani; quid illa, quorum  
 gratia, & fauor peruenit ad Superos? Pro  
 numero annorum inuictissimi Galliarum  
 REGIS, dotata ampliter Virgines, pau-  
 peres, aræque ditatæ; vt plurima de tua  
 liberalitate præmia, pro vno donato terris

DELPHINO, retulerit Cœlum. His igitur, alijsq. amplissimis in REGEM CHRISTIANISSIMUM, Regnumque promeritis illud haud postremum accedat; DELPHINI quoque laudatrices Musas benevolentiae Tuæ receptas in sinum; solaque Regij argumenti maiestate nobilitatum carmen, altero hoc ornamento claruisse, patrocínio Principis, qui Purpura, & magnanimitate Reges æquaret. VALE.



PRO-



# PROLVSION<sup>7</sup>



*AVDATISSIMA*  
consuetudo natales dies celebrandi in ipsis Mundi natalibus orta est. *Uniuersitatis* quippe fabricator *DEVS*, nobilissimi operis à nullis initijs in lucem erumpentis pulchritudine delectatus, illum Orbis nascentis exortum omnibus seculis commendare voluit die septima, ut ait Philo, tanti natalis memoria consecrata. Inde originem duxisse fas est credere Urbem primordia recolendi rationem; hinc natales Imperatorum, ac Principum. Ac Romani natalem Patriæ, terrarum regnatricis, diem incruentum, inuiolatumque à cædibus esse voluerunt, ut alia multa, id fortasse à Græcorum disciplina mutuati, apud quos in Delo Insula ara antiquissima viscebatur Apollini dedicata Genitori, quæ cum nul-

lius victima contaminaretur sanguine, teste  
 Cyrillo, piorum vocabatur altare: putabant  
 enim Praesidi natalium Deo, ut male omi-  
 nosas, cruentas victimas non placere, odio-  
 sumque sacrificij genus esse, ut Numen vi-  
 ta propitium reddas tuæ, tollere alienam. Ac  
 propterea antiquissimæ probitatis Viri, au-  
 ctore Varrone, id moris, institutique te-  
 nuerunt, ut cum die natali munus annale  
 genio soluerent, manum à cade, ac sangui-  
 ne abstinere; ne, qua die acceptam ipsi lu-  
 cem celebrarent, alijs demerent. Quæ cum  
 ita sint, facile in eam spem Musas erexe-  
 runt, fore, ut LUDOVICVS XIII.  
 pietate iuxta, ac fortitudine clarissimus Gal-  
 liarum REX, DELPHINI sui na-  
 talem, ingenti votorum pretio populis à Deo  
 datum, optatissimæ pacis commodis, quam  
 cruentis bellorum tumultibus celebrari ma-  
 lit, & quod pulcherrimum est CHRISTI-  
 ANISSIMO Regi, immortal-  
 tem Regem Christi Parentem imitari, qui  
 na-

*natalem Diuini Filij, clauso Iani templo, indictoque bellis silentio, hoc est procul à sanguine, ac cædibus, celebrauit. Libuit igitur ad ipsum Regium Infantem Musas allegare, hortarique, ut sequestrum se pacis apud magnum Genitorem exhibeat, & cum Regius utriusque sit sanguis, naturali charitate restringuat utrinque irarum faces, quibus sublatis, languidiores bellorum æstus facilius detumescant. Quòd ne quis fortasse succenseat tanquam altius spirantibus, & maiora quàm pro viribus audentibus Musis, is intelligat, antiquissimo pœtarum iure nos uti, ab heroicis usque derivato temporibus: cum, Homero teste, rixantes inter se DEOS, & ad cœleste dissidium supera, inferaque commouentes, Apollo, Musæque pacarunt. Libet etiam poëtice causas tardioris Reginae partus exquirere, easque Herculeo exemplo in multiplicem natura laborem conferre, dum illa Religioni, ac Fortitudini, alijsque Virtutibus partes suas*

*in*



*in Regia Infantis indole deposcentibus , Satisfacere longiori opera , ac temporis imperendio contendit .*



## DELPHINO

## GENETHLIACON

**E** V E N E R E: litet grates Europa Tonanti.  
 Augustum Infantem, genus alto à sanguine Re-  
 Terrarum votis, Cœli cunctantis ab vlnis (gum,  
 Traximus in gremium Regnorum: grande furentum  
 Lenimentum irarum, & pignus amabile pacis.  
 Quis lentos culpet Superos, si munera reddunt  
 Fatorum, meliora moris? sudantibus astris  
 Tam faustum portare diem, quo, nubila belli  
 Inter, adorati diffunditur aura sereni,  
 Et populorum vnus compensat funera partus.  
 Fortunate Puer, per te ridebit vterque  
 Hostis, &, irarum furijs quas versat Enyo,  
 Discordes Gentes communia gaudia iungent,  
 O vtinam & iungant communia fœdera Gentes.  
 Tu potes armatum Patris exarmare rigorem,  
 Et pacem extorquere pio: in te lumina voluens,  
 Dum mixtos vultus, & partem cernet in ore  
 Sanguinis Austriaci, conceptas exuet iras.  
 Et quem funereos agitans Rupella furores,  
 Et coniuratis animosa Britannia turmis  
 Frangere non potuit, nec terruit Austria regnis  
 Circumsusa suis, quin vltro stringeret arma  
 Turbidus, & tota generosum quæreret hostem  
 Europa, & quacumque ingens se in membra relaxat  
 Imperium, peteret bello; Belgamque ferocem,  
 Teutonaq; intrepidum, Burgundum, Insubriaq; arua,  
 Can.

Cantabricosque sinus ; insterneret æquora velis ,  
 Oceanumque patrem : quem non flexere , coacti  
 Stare cadaueribus fluuij , campique natantes  
 Cœdibus : hunc tandem fletus puerilis amantem  
 Fleat , & imbellis franget violentia vultus .  
 Tu modò , blande Puer , dum te Regina volentem  
 Tollet ad armati amplexus , atque oscula Patris ,  
 Ne dubita , ferri intrepidus in cassida vultus  
 Inferere , & cupidi sensim Genitoris in ora  
 Maternam insinuare animam , curamque propinqui  
 Sanguinis , & suaves infundere pacis amores ,  
 Hauriat ore sacro ambrosiam , qua pectoris iram  
 Leniat , inque tuis dulcescant fœdera labris ,  
 Iunganturque animis , quos miles sanguine Reges .

Sed quæ Regales remorari obstacula partus ,  
 Atque vteri trahere in longum potuere laborem ,  
 Dicite Cœlicolæ : neque enim sine numine vestro  
 Phœnicem Heroum meditans , magnoq; Parenti ,  
 Progeniem æquandam , tam longo tempore vires  
 Exhaust Natura suas , & fabula quondam ,  
 Fæta est verâ fides ; mendax Pacator vt Orbis  
 De Ioué non poterat nasci , nisi tota vacaret  
 Partibus Herculeis Natura , & Vindice tellus  
 Lata suo , vnius donaret fœnora lucis .

Postquam terrarum Precibus Placabile Numen  
 DELPHINVM indulget Gallis , & grande Tonantis  
 Decretum folio inscriptum stellantis Olympi  
 Docta legit Natura , manus ad iussa sequaces  
 Expedit , & primò radiantem de face Solis  
 Subripit , Herois fingendam in corpora flammam ,  
 Dein tacitam virtutem astrorum , arcanaque Cœli  
 Semi-



Semina, & Austriacæ miscet Genitricis in aluo.  
 Et iam molitrix hominum vetus, arte magistra  
 Nobile maturabat opus, cum Diua repente  
 Naturam properantem, aduentu, ac voce moratur  
 Relligio: multum cui numen in ore renidet  
 Sidereo, multum arcano sub pectore Numen,  
 Et certi occulto nituntur Numine gressus.  
 Tum prior: Aspectu fortunent astra beato,  
 Alma parens rerum, quem concipis æqua laborem,  
 Nam Solem accendis, Regem dum fingis in Orbe:  
 Vnum oro, quod iure dabis, si iure reposcam.  
 Tantæ animæ hospitium Regale, habitusq; caducos  
 Magnanimi Herois, & corpus moribus aptum  
 Fingē meis, teneris pietatis semina membris  
 Insinua, sensum docilem, infusique capacem (est  
 Ætheris; haud ignara quidem, concordia quanta  
 Sanguinis, atq; animæ: quis laudum illustre cacu-  
 Natura obluſtante queat perrumpere? raro (men  
 Degeneri veniunt generosi ex indole mores.  
 AVGVSTO DELPHINO, integri sanguinis vnda  
 Educet integros virtutum semina flores,  
 Autumnumque pium, teneris erumpat in annis  
 Relligio matura, & adhuc suspendere gressum  
 Inscius, ad culmen properet pietatis auitæ.  
 An non Sequanici laus antiquissima Regni  
 Relligio? Christo millenos amplius annos  
 Gallica sceptræ fidem seruant, nec tempore tanto  
 Perfidię crimen, labesue erroris adhæsit  
 Regibus vlla meis, ex quo Clodoneus amantis  
 Coniugis, euiſtus precibus, sub acerba suorum  
 Funera, donanti laurus dat nomina Cœlo.

Cum

Cum fecunda vtero, magis at pietate Clotildis,  
 Prole quidem egregia cinxit Regina maritum,  
 Sed peperit summo Francorum regna Parenti.  
 Tunc regnaturæ æternum pietatis in ævum  
 Signa dedit Cælum; vngendo nam chrismata Regi  
 Detulit, astrigera demissa ex arce columba.  
 Nec dubitare nefas sit, Religionis amores  
 Posse vnquam Gallorum animis languescere Regum  
 Cursibus ætatum immensis? quibus omine tanto  
 Balsama, inungendis angustis frontibus, ipsi  
 Sudauere poli, atque oleo sacrantur eodem,  
 Quo Superi, Galli Reges; diuisaque tantum  
 Imperia, hi terris, illi dominantur in astris.  
 Quin etiam tanti rutilantia stemmata Regni,  
 Haud hominū inuentum, auctori debemus Olympo.  
 Namque vbi tergemina Regum vexilla coronæ  
 Pingebant prius, has superum expunxere lituræ,  
 Et noua inaurato fulserunt lilia culmo.  
 Ipsa ego crediderim, patrias linquentia sedes  
 In speciem vertisse vltro se sidera florum,  
 Ambitiosa sacras Gallorum in proelia turmas  
 Ducere; nam quoties pro Religione citatæ  
 Insonuere tubæ, vexillum nobile, Cœli  
 Tollebant donum, Auriflammam nomine dicunt,  
 Flamma vbi fiderei floris scintillat in auro.  
 Nec mora longa fuit, cum lilia ab ætheris aruis  
 Transmissa, in terris defendere iura paterni  
 Instituunt Cœli; liberas corde recentem  
 Vix Clodouee fidem, iam propugnator haberi  
 Gaudes, Pictonicos Gothica de clade relicto  
 Nomine, nobilitans quos fœdas sanguine campos.

At

At fidei Vindex, furiarumque ultor Auerni,  
 Clarius Augusti Martellus sanguinis auctor,  
 Quos Saraceno luctus tulit? horrida visu  
 Millia tercentum, vasta cum strage iacerent,  
 Et victi, frustra bello quaesita tenerent  
 Arua cadaueribus: camporum immensa gemebant  
 Aequora, Barbaricis latè regnata sepulchris.  
 Ante dies fessam me deferat, ire per omnes  
 Quam vacet annales Regum, & monumenta piorum.  
 Perlegere Heroum; sed bina exempla silendo  
 Præterisse nefas, quæ mente manuque retractans  
 In tanto Natura queas effingere partu  
 Pipinum, & Carolum, Magni qui nomine fulgens  
 Innumeras titulum palmas conflauit in vnum.  
 Custodes ambos, & propugnacula sensit  
 Religionis honos, Vaticanique columnas  
 Imperij, Martesque pios; extrema minatus  
 Dum Longobardus quatiebat mœnia terror  
 Terrarum ah frustra Dominæ, scissoque Rauennam  
 Audebat chlamydis limbo lacerare latinæ.  
 Cum gemerent veteres latialia castra triumphos,  
 Et malè iam regerent lapsæ Capitolia palmæ,  
 Implorauit opem Gallorum Roma manumque  
 Fatalis sibi Gentis: Epistola transuolat alpes  
 Romani Patris, instanti tremefacta periclo,  
 Nominibus superùm subscripta: excanduit astus  
 Nobilibus fatis Pipinus ad arma, precesque  
 Supplicis erubuit Cœli, volat auspice tanto:  
 Hinc superatæ alpes, ac fluminis inde refusi  
 Instar inundantes Galli, & certamine magno  
 Denictus, captusque Astulphus, libera Roma,



In petus vnus erat Francæ pietatis : ouantem  
 Pipinus reuocat Martem, solamque reportat  
 De spolijs famam defensæ Principis Urbis,  
 Instar & ingentis Roma est seruata triumphi.  
 Sanguinei merces belli pretiosa Rauenna  
 Romuleo cessit Domino. O pietatis alumni  
 Heroes gratis Italum sudastis arena,  
 Magnanimas statuendo vices, spectaret vt omnis  
 Vos labor, at messes cumularet Roma laborum;  
 Nec semel his donis veneratur Sequana Tybrim.  
 Quin Carolus clari soboles Augusta parentis,  
 Infidam Romæ gentem totiesque rebellem  
 Sustulit; ingemuit Franca mactata securi  
 Longobardorum metuenda potentia Regum,  
 Et Vaticano cadit hostia grata Tonanti.  
 Ipsa ego Religio puras miscere cruento  
 Ausa manus bello, & propiora in fata furentem  
 Trudere Reginam Insuenum, strataque cadauer  
 Insultare ferox, ne quando attollere posset  
 Colla superba, meamque laceffere perfida Roman.  
 Non hanc armorum pietatem, aëtosque labores  
 Et patris, & nati, donataque bella Tonanti,  
 Indonata sinunt superi; quin scœnore magno  
 Parta semel cœlo victoria, mille triumphos  
 Congerit in Caroli gremium. defensaque Roma  
 Imperio Francum donat. Mundique salutat  
 Restorem occidui: frontem diadema capacem  
 Laxius impleuit, sceptrumque æquale vereri  
 Cogitur, Imperij Græcus moderator Eoi.  
 Augusto tunc, astra nouo, fulsere fauenti  
 Lumine, perpetuique decus Victoris, & omen,  
Fatalli

Farali sanxere choro, seu Danica duro  
 Agmina Marte quatit, Saracenùmque cruentat  
 Cladibus, & maria, & campos: seu Saxona viũum  
 Subdere colla iubet superis, multaue beata  
 Nobile vedigal pietatis soluere cœlo:  
 Omnibus à bellis palmas metit, omnibus armis  
 Victor abit Carolus. Restabat maxima rerum  
 Dicere, post Caroli prolem cœlestibus orbem  
 Prænantem occiduum sceptris, de stirpe Capeti  
 Cæsaribus sobolem Eois, centumque superbam  
 Regibus, & populum Heroũ; hinc pietatis honor  
 Tot ductas acies, tot pugnata ordine bella:  
 Seruitioque exemptam Asiam, & quæ regna beatos  
 Sustinuere pedes, supremi habitata Parentis  
 Vnigenæ soboli, Diæ vitæque necisque  
 Consecra; dein toties Solymam in sua dona rebellem  
 Marte fatigatam Franco; memorandaque magni  
 Arma Ludouici, Diuumque hominumque theatris  
 Inclyta, quem fessum vincendo Regia cœli  
 Excipit, & sacros venerantur templa labores;  
 Quin & ciuiles acies, Regesque nocentis  
 Perfidia vltiores, pietati cæde litantes,  
 Et Patrem ante alios, nulli virtute secundum:  
 Cui priscam seruata fidem, cui Gallia debet  
 Pacem, intestinis secunda tumultibus, omnis  
 Dum procul impietas fugit arcibus extirpatis:  
 Denique maternas laudes, & Gentis honores  
 Austriacæ, cuius pietas primordia fouit  
 Augusta, & Soboles Arctoa è sede profecta  
 Equauit solem Imperijs, miretur vt armis  
 Hesperijs, lustrata suæ cunabula lucis,

Sortiri Hesperio qui dicitur axe sepulchrum.  
 Talia Relligio vberiùs dictura, repressit  
 Vocem, Belligeræ subito turbata tumultu  
 Virtutis, quæ luminibus telisque coruscans,  
 Naturam trepidantem his vocibus interpellat :  
 Paucis illa quidem, nam causas ense perorat ,  
 Multaque belligeris constat facundia factis: (nantur;

Parce metu Natura; haud bellum hæc arma mi-  
 Nec tibi, cui noster potius se deuouet ensis  
 Inclyta Relligio ; sed me quoque cura laboris  
 Sollicitat tanti, partesque & iura reposco ,  
 Martia pectoribus Regnantum debita virtus .  
 Nec votis obsto pietatis : Regibus Infans  
 Tam sanctis genitus, pietate insignis auorum ,  
 Sit pius ; at nascens animosis Regibus Infans ,  
 Quorum Orbem bellis lustrauit feruida virtus ,  
 Sit fortis ; pietate Deo superisque propinquet,  
 Magnanimis totum sed factis compleat Orbem .  
 Relligio imbellis priuato in pectore regnet,  
 Regem armata decet pietas : anne ille regendis  
 Imperijs, postquam matura adoleuerit ætas ,  
 Tot latè fœcunda malis, nisi fortibus armis .  
 Sœcla domet, fraudesque, & cæde tumentia bella ?  
 Multa licet superos commendent, fulminis illos  
 Fortia tela probant melius, cœloque tonantem  
 Testantur regnare Deum, dum panditur ardens  
 Æthra super flammisque micat laxata trifulcis.  
 Agmina tunc fugiunt culparum, & conscia pallent  
 Sidera, inhorrescunt ignauo frigore fraudes ,  
 Nec scelera irato tentant se credere cœlo.  
 Imperij Franci moles, imposta Parentis

Nunc



Nunc Atlantæis humeris, secura quiescit.  
 Ast vbi longæuæ Genitor post lustra senectæ,  
 Subtrahere ingenti properarit colla labori,  
 Sufficies D E L P H I N E oneri, viresque animosque  
 Herculeos : nec mutata ceruice regentis,  
 Ardua Sequanici nutabit machina mundi.  
 Hydra Acheronteis errorum incincta colubris,  
 Perfidiæque malis, ferro flammæque Parenti  
 Deuastata diu, ne quando repullulet atris  
 Pestibus, ultorem hunc timeat : quot debita terris  
 Bella externa manent ? Delphini lilia nati  
 Regna Palestinæ Francis fatalia vinci  
 Gentibus implorant, implorat Regia quondam  
 Græcia terrarum, & soboli regnata Capeti,  
 Nunc misero Odrysiæ collo suspensa catenas.  
 Quamquam ò, si Regum tela exsaturata quiescant  
 Sanguine, non deerit patrijs pars illa triumphis.  
 Et decus Imperij Carolus si reddidit Orbi  
 Occiduo, referet fasces L V D O V I C V S Eoos.  
 Nam quid honoratis non prouum sentiat ausis  
 Dexteræ Regalis ? quidue impenetrabile ? rerum  
 Mens Richelæa agitans molem, irrequieta, mouendo  
 Semper, Regnorum magno se corpore miscens.  
 Gallia non alio tantum sibi plaudit alumno,  
 Aut cui post Regem inuictum plus debeat, alta  
 Pace domi fundatum, & opum stans mole suarum  
 Francorum solium, cunctis venerabile sceptris.  
 Arbiter hic bellorum, ac pacis ; fidus Achates  
 Francigenæ Æneæ, & nullo minor Hector, innatus  
 Consilijs, armisque suo Patroclus Achilli.  
 Nec tamen extremo fixis Patris orbe trophæis

DELPHINO dubitanti, an sit quod vincere possit,  
Materies dabitur Pellææ iusta querelæ :

Perſa erit atq; Scythes, Mogoresq; & ſiqua ſuperſunt  
Regna Orientis, adhuc Francorum intacta triūphis.  
Ergo age magna parens, dum membra tenella ſigu-  
Et ſuffecturum tantarum ad pondera rerum ( ras.


Heroa informas, in venas ſanguinis æſtus  
Ingere belligeri, flammæque in corda Leonis  
Ætherij, preſſumque ſuo cum ſidere Martem.

Qualis, Pellæi pueri valida oſſa lacertosque  
Atque manus fabricantem Orienti iura daturas,  
Laſſauit labor; aut Cæſar cum naſcitur armis  
Rapturus Mundi Imperium; aut poſt funera Cannæ  
Romanas Libyæ laturus Scipio clades. (phis,

Sed quid ego hæc memoro, crebris ſi ſœta trium-  
Et lauris opulenta, exempla domeſtica laudum  
Fert Auguſta domus? quin Filius hauriat omnem  
Patrem animo, & multos generoſo pectore claudat  
Henricos, & quot Reges de ſtirpe Capeti,  
Quæ ſeptingentos animoſa regerminat annos,  
Bellica Sequanicis æternat gloria factis.

Quin etiam maiora moue, vt mendacia vero  
Viſta poetarum, ceſſent portenta videri;  
Et falſos mittens mirari, hunc Græcia ſolum  
Prædicet Alciden, ac tantum robore, quantum  
Fabula Mœonium pleſtro formauit Achillem.  
Hinc primaena Puer, ſpernens cunabula ſaltu,  
Mite rudimentum bella ad grauiora, laborem  
Militiæ ſylueſtris amet; curſuque volantes  
Nunc ſuperet ceruos, nunc apros dente feroces  
Siſtat, & aduerſa rabidos tranſuerberet haſta.

Ast vbi Mauortis conceperit indole robur,  
 Auspicijs clari Genitoris, ponat in armis  
 Asperius tyrocinium, procurrare in hostem  
 Fortis, & æratas perrumpere pectore turmas.  
 Qualis auus quondam, fremitus cum bella tonarent  
 Horrendos, & mille fauens fortuna periculis  
 Cingeret, vt Magnum tandem factura probaret  
 Henricum: medias acies mediosque per hostes  
 Ille viam Regno pandens, virtute redemit  
 Debita Regali iam bis diademata fronti.  
 Aut qualis Genitor Rupellæ colla minacis  
 Fregit, & Oceani passurum vincla negantis  
 Infrænans rabiem, solido de gurgite, classes  
 Risit in occursum frustra sudare Britannas.  
 Talia dum memorat, dicentis in ore notatas  
 Scintillas, calidoque expressum Marte ruborem,  
 Ipsa suo discens operi Natura refusus  
 Addit, & immixta pietatem exasperat ira.  
 Ecce autem & reliquæ manibus per mutua nexæ  
 Virtutes aderant, laudesque in Rege tenello  
 Deposcunt florere suas; Prudentia princeps  
 Solertis cautas Ludouici prædicat artes:  
 Aonias Diuas, studijsque auroque fouendi  
 Gloria, Franciscum reuocat: Clementia multum  
 Ore habet Henricum: tum concolor ora paternis  
 Vultibus, ingenui custos rubicunda pudoris,  
 Et custos pariter Vindexque æquissima recti,  
 Magnanimi geminos iactant Genitoris honores.  
 His alijsque animi virtutibus, optima morem  
 Dum gerit, atque oculos Natura ad singula voluit,  
 Creuit in immensum labor, & mirabile Diuæ





Tardabatur opus ; magni procedere menses  
 Incipiunt, donec florem deliberet, & omnia  
 Semina virtutum, partu componat in vno. (sensit  
 Quem postquam ad numeros constare per omnia  
 Alma parens, cœli aspectus sortita secundos,  
 Impulit Heroem liquidas se effundere in auras.

Salve Magne Puer, cuius Natalibus omnis  
 Assurgit festo resonans Europa tumultu.  
 Nam quæ non sacro contingis sanguine Regna?  
 Austria te sobolem iactat Hispana sororis,  
 Austria te consanguineo Germana superbit:  
 Partem habuisse sui Regali in sanguine gaudet  
 Medicæus, gaudet partem traxisse Sabaudus,  
 Et nostro nimium diuisus ab Orbe Britannus.  
 Quid referam Italiæ plausus? seu Mantua cyncos  
 Excitat ad cantus, seu proxima vertice prono  
 Borbonio assurgunt Farnesia lilia flori,  
 Seu Ligurum inclinat Regnatric, æmula cœlo  
 Mœnia, & aggestis redimitam montibus Urbem.  
 At Venetum Regina suum complexa salutat  
 Patrium Regalem, animis, nî sanguine, Gallo  
 Proxima DELPHINO, & tantis natalibus æquor  
 Lenè ciens placidum, plausum sonat omnibus vndis.  
 Quæ prima audierat venerati murmura partus,  
 Prima per Italiam partus arcana ferebat:  
 Henrico dilecta olim, quem Gallia Magnum  
 Iure canit, iusto pariter dilecta Parenti.  
 At si vera Parens prælagit, auumque Patremque  
 Vincet amor Nati, & geminos æquabit amores.

Te septemgeminò tandem de culmine mundi  
 Alme Puer, Superum compellat voce, Tonanti

Pro,

Proxima maiestas V R B A N V S , qui sacra ferri  
 Munera, Regales iubet ad cunabula cultus.  
 Hinc te quæ trabeis Regum inuidiosa recinget  
 Fascia, Cæsareæ vittæ, ac diadematis instar  
 Crinibus implicita, Imperium portendet Eoum,  
 Et malè quas rapuit Turcarum Reçtor habenas.  
 Iam nunc crudelem diro omine fascia Thracem  
 Romana fabricata manu contristat; at ingens  
 Vrbs Constantini, sperato vindice gaudet.  
 Hæc eadem, in vexilla olim se fascia fundet,  
 Sequanicas ducens acies, tumulumq. Tonantis  
 Afferere, & Francis dominata reposcere Regna.  
 Nam licet illa auro diues gemmisque coruscat,  
 Haud summum decus à gemmis, accersit & auro:  
 Sed pretium olli ingens, felicia fata, triumphosque,  
 Ominaque Imperij, V R B A N I tibi fausta precantis  
 Infudere manus, queis tantum iuris, in ipsa  
 Sidera concessum, gestuque recludere Cælum.  
 Ille tuum quondam Genitorem exceperat vlnis,  
 Cœlestique sinu, & quamquam suprema potestas  
 Nondum aderat, superi tamen omnia fausta roganti  
 Annuerant, neque enim Cælum secreta latebat  
 Maiestas, cui Regna suis iam sanxerat astris.  
 Ille idem absentem præsens te Numine armat:  
 Et Natus cum Patre V R B A N O à sidere felix  
 Fortunam famamque trahes, sanctissimaque olim  
 Implebis crescens V R B A N I Tu quoque vota,  
 Vt Genitor magnis nunc spes virtutibus æquat.  
 Tanti est V R B A N O REGES sub Præfide nasci.

F I N I S.

B 4

PRO-

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN THE COURT OF COMMONS  
IN GREAT BRITAIN  
LONDON: PRINTED BY J. BELLAMY, AT THE  
SUN IN ST. MARTIN'S LANE, 1764.

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN THE COURT OF COMMONS  
IN GREAT BRITAIN  
LONDON: PRINTED BY J. BELLAMY, AT THE  
SUN IN ST. MARTIN'S LANE, 1764.





Dom. Barriere inu. f.



CASIMIRI

I V

POLONIAE

A C

SVECIAE

REGIS

INAVGV RATIO

TRIUMPHALIS



CASIMIR

IV

POLOMIAE

AC

SVETAE

REGIS

INAVGURATIO

TRIVIALIS

SERENISSIMO AC POTENTISSIMO  
IOANNI CASIMIRO  
REGI POLONIÆ

ET SVÆCÔRVN GOTHORVN VANDALORVMQVE  
HEREDITARIO REGI

Magno Duci Lithuaniz , Russiz , Prussiz ,  
Masoulæ , Samogitiz , Volyniz ,  
Chiouiz , Liunioniz , Smolensciæ ,  
Czernichouiz .

GVLIELMVS DONDIVS  
felicitatem .


**P**OST orationem à me in paren-  
talibus VLADISLAI IV. ad IN-  
NOCENTIVM X. P. O. M.  
habitam , fisto MAIESTATI TVAE  
carmen in Tuam inaugurationem di-  
ctum , ad coronam sedecim Principum  
Purpuratorum . Laudationi funebri ,  
triumphalem gratulationem adiunxi-  
mus , vestri amplissimi regni ritum se-  
quuti , vbi modico temporum intersti-  
tio,

tio , extinctus Rex ad tumulum, succes-  
sor effertur ad folium . Visum est quo-  
que interesse Reipublicæ, non ante me-  
moriæ amissæ Maiestatis renouare ,  
quam TE inauguratum Regem, glorio-  
sum solatium haberemus . Sic non re-  
fricabitur sine fomento cicatrix, & do-  
loris morfu carebit , cum desiderio ca-  
reat, iucunda semper VLADISLAI Re-  
gis recordatio , Fraternali non minus  
virtutis, quam diadematis magnitudi-  
nem, augusto capite Tuo implente .  
Agnoscent Poloni excelsissimi Regis  
imaginem in orationem nostram stylo  
transfusam, quemamodum spirantem,  
illum videntur intueri in vita , & mori-  
bus Tuis. Quamquam Te quoq. Tuasq;  
laudes illius, laudibus factisq. cōfusas mi-  
rabuntur, quandoquidem nihil ferè ma-  
gni Frater sine TE gesserat, cum T. I B I  
contra sine illo principatus TVI curri-  
culum superfit , metiendum vestigijs  
æter-




æternitatis. Consilia MAIESTATIS  
TVAE ad Christianæ Rei propaga-  
tionem, & Poloniæ gloriam fortunet  
Deus.

# PROLVSION


**U**M in Romano Collegio non  
 semel Heroum, ac Principum  
**C** virtuti Musarum chorus assur-  
 rexit Eminentissimi Princi-  
 pes, nefas esset silentio prateri-  
 re **CASIMIRUM** hereditarium Sue-  
 cia Regem, ad Polonia solium euectum non  
 Regij iure sanguinis, sed heroicae commenda-  
 tione virtutis, cum fortuitum sit nasci Prin-  
 cipem, ut ait ille, optimum quemque electio  
 inueniat. Sed alio insuper nomine Rex **CASIMIRVS** Romani Collegij vindicat  
 plausum, quod hac in urbe in obscuritate no-  
 stri Ordinis latere voluit, ut caelo viueret  
 notus ac sibi: indeq. euocatus ab **INNOCENTIO** X. regnante Pontifice, in ve-  
 strum Eminentiss. Principes Regalem caetum  
 Maiestatem intulit, ac recepit. Et quoniam  
 in Polonia transitus rerum magno concussi  
 regni

regni motu contigit, neq. Atlas Herculi Cælum  
 sine trepidatione syderum tradidit; à morte  
 Regis **VLADISLAI**, & calamitati-  
 bus eam consecutis carmen ordimur, ut illi  
 turbines, huic serenitati gratiam concilient,  
 magna Regis extincti gloria, cuius ore Polonia  
 pax expirauit, maiore Successoris, quo electo  
 statim reuiuiscere visa est; cum inaudito au-  
 thoritatis miraculo, ad nutum **CASIMIRI**  
 Regis trecenta Kosacorum millia, arma, &  
 contumaciam deposuerint. At imperia perin-  
 dè ac homines mortalia, suos in morbos, se-  
 ditiones, & bella faciliùs inducuntur, quàm  
 conualescunt.





# CARMEN.<sup>29</sup>

**S** Armaticæ rubuere niues, dum tristis Enyo  
 Sanguineo tragicos egit certamine ludos  
**V L A D I S L A** I funebria iusta feretro,  
 Sed renuere pij crudelia munerâ Manes.  
 Nunquam stabili fundata in cardine regna!  
 Quæ regio in terris felicior ante vigeat  
 Sarmatiâ, medioq; die, septemq; trione,  
 Aurorâque triumphatâ? post funera Regis  
 Quid Sol flebilius vidit? per regna vagatur  
 Bellona comitante furor, nec iura, fidesquæ  
 Obstiterant, quin excutere è cervice rebeli  
 Auderent Regale iugum, perfringere fasces  
 Ensis, & iugulis Dominorum immergere ferrum.  
 Tantùm vno clades regnorum à funere pendet.  
 Sed vertit fortuna vices. En prisca reducit  
 Sæcula, purpureo ridens lux alma sereno,  
 Qua solito Titan radiantior æthera lustrat,  
 Regiaquæ ostentat **CASIMIRVM** purpura terris.  
 Proh quantus subitò diffusus in omnia regna  
 Sarmatiæ redijt vigor? externatquæ tumultu  
 Castra inimica pavor, formidine Moschua turres  
 Mouit, & ignaras quæ tanti causa timoris  
 Infantes Scythici matres strinxere lacertis.  
 Tantùm mente salus regnorum pendet ab vna.  
 O longa Augusti memorandi in sæcula Fratres,  
 Tam varia in scena vestro fors plaudit honori!  
**V L A D I S L A** O moriente Polonia languet,  
 At renocat rursus **CASIMIRO** Principe vitam:  
 Ma.

Magnorum Regum satis sic voluitur Orbis.

Postquam dimisso curas Rex milite belli  
Exuerat, dubiumq; hostes posuere timorem,  
VLADISLAVM palmæ melioris imago  
Suscitat, & Cœli donat sperare triumphos.

Tædia victorem terræ cepere subactæ,  
Astra placent, nec se meritis Herois Olympus  
Abnegat, in terris Cælum qui texerat armis.  
Ergo ubi iam properi sensit vestigia lethi  
Acciri mandans procures, & lumina regni  
Innixus lecto cubitum, verba vltima fudit.

Viximus ò Ciues, factis impleuimus Orbem  
Magnanimis, donis populos, & cladibus hostes;  
Nunc Cælum vocat, & gentilia Numina Reges  
Adscripti superis. placida in statione relinquo  
Imperij puppim, quam tempestate regendam  
Suscepi, stant regna meis munita trophæis:  
Rara quies deni populis Borealibus anni.

O vtinam longum pax nostra perennet in æuum!  
Sed timeo humanos casus, vetitumquè beatiss  
Esse diu, sæuos scio circum habitare leones,

Et largas animæ gentes, in vtrumq; paratas  
Aut donare suum, aut vestrum exorbere cruorem.

Has premit, expertas, nostræ iam pondera dextræ  
VLADISLAI terror pro mille manipulis.

Quam timeo extincto ne prælia Marte retractent?  
Bella, doli, clades, & centum turba timorum  
Circumstant morientem: vtinam mens fallat aman-  
Vos testor Ciues, exantlatosquè labores (tis!

Pro patria, vitam haud renuo differre beatam

Vt donem patriæ mortem; ruat hæc, ruat omnis

In

In Regale caput, tempestas debita Regno .  
 Sed sperare iuuat cassa omina . Nunc morientis  
 Extremas audite preces . Si cognita virtus (cabat,  
 Iam pridem Fratrem CASIMIRVM ad regna vo-  
 Quæ regeret, ni ætate prior sceptrâ ipse tulissem ,  
 Quæ mora nunc trabeâ tardat Regalis honorem  
 Spectato iuueni, bellis, ac pace ? parentem  
 Qui pietate refert, qui Fratrem pectore, & armis.  
 Illâ conciliat superos, his terreat hostes,  
 At populos vtrâquè beat . Fortissime Princeps  
 Turbida regnâ, Tibi, duris exercite fatis,  
 Ludus erunt . CASIMIRÊ tuo dulcissime fratri  
 Quæ procul amplexu nos diuidit ora supremo ?  
 Nulla meâ sine Te quæsitâ est laurea fronti.  
 Moschorum pariter tumulis creximus arua ,  
 Et Tanais glaciem poturi, soluimus vndam  
 In galeam, Auroræ penetrauimus vltima regna .  
 Nuno Tibi, quod licet, impono diadema Suecum,  
 Sarmatiam tradent alij. si hæc munera nostro  
 Heroes dabitur Cineri, precor ipse vicissim ,  
 Vt Vobis nostri similes dent sidera Reges .

His dictis corpus pariter, lacrymasq; reliquit  
 Sarmatiæ, ipse nouo decorauit sydere Cælum.  
 Terrarum ô quondam sydus, nunc gloria Cæli  
 Atque Aulæ stellantis Amor septena trionum  
 Astra super curru vectus radiante triumphas  
 Sarmaticum lustrans propiori lumine mundum :  
 Gaude sorte tua . Non te funesta videntem  
 Tot mala turbarunt patriæ ; non bella, Dacumq; .  
 Interitus, tantis crimen peperere triumphis .  
 Non plenas audis vidisti stragibus Vrbes ,



Ruthenûmque pio perfusos sanguine campos :  
 Non tot magnanimæ sobolis diuendita Turcis  
 Mancipia (heu facinus!) victæ famulantia genti .  
 Haud natos in matrum amplexu , in sanguine ma-  
 Macatas natorum, nec pendentia equinis (tres  
 Membra Sacerdotum caudis, discerpta per agros :  
 Quos inter, nostra nonnulli è gente, rebelli  
 Perfidia inuisi, ceciderunt victima Cælo :  
 Cætibus ex alijs, alij iacuerere perempti .  
 Felices animæ! quòtquòt ferus abstulit ensis  
 Et Romanæ odium fidei, vos pæna beavit ;  
 Hostis & imprudens cælestes reddidit, almīs  
 Diuorum ordinibus sociati ducitis æuum .  
 Interea Rex Sarmatiæ, haud patietur inultos ,  
 Quisquis erit: sed vos ( neq. enim decet ira beatos )  
 Nunc sanas mentes orate, furentibus armis .  
 Quæ nam prima mali labes? quis funeris author ?  
 Vndè hæc sæua lues? cur tantæ ò Musa, ruinæ  
 Dic age? nam lacrymæ potiùs quàm verba dolenti  
 Sufficiunt, vocemq; inclusam præpedit horror .

Vir fuit, humano si dignus nomine, cladis  
 Author inhumanæ, qui nobilitate superbus ,  
 Atque opibus claris, plusquàm ciuile tumebat :  
 Hunc inter, procerumq; alium de plebe minorum,  
 Arserunt lites, & iurgia ; parta tueri  
 Nam minor, indignari alter, quòd viribus impar .  
 Auderet secum contendere lancibus æqui .  
 Primò inter famulos rixæ, mox improbus alter  
 Alterius domino irrumpens absente penates  
 Vxorem miseram, flagris nil tale verentem  
 Excipit, at natum foribus suspendit ab altis.

Vxoris cruor, & lacrymæ, prolisque peremptæ  
 Horridus aspectus, turpisque infamia lethi,  
 Umbraque per noctes visa, heu deformia fune  
 Colla gerens ! patrem furij egere dolentem.  
 Quos non ille suis lacrymis incendit agrestes?  
 Quas irâ, luctuque furens non impulit vrbes?  
 Nec mora, coniurant, quibus aut inuisa potestas  
 Nobilitatis erat, tenuis seu paupere censu  
 Fortuna, in solis spes viuere sola rapinis.  
 Tum vix nata caput discordia tollit, & atram  
 Dextra facem quassans, bellorum incendia voluit,  
 Vnius proles fuerunt tot crimina noxæ.

Discite fas colere, ac Themidi parere potentes.  
 Iura licet vos nulla premant, maiorque potestas,  
 Sunt cordis tabulæ, sunt iura recondita fibris  
 In medijs, & mens sua testis, & ultor Olympus.  
 Omne nefas natura vetat, mens conscia damnat.  
 Vt Regem populus, legem hanc Regnator adoret,  
 Hanc vbi Rex violat, populi spreuer Tyrannum.  
 Est vnus Princeps super omnia iura, nec vllum  
 Maiestas vnquam patitur Diuina tribunal.  
 Sed Deus ipse sibi lex est immobilis, vnde  
 Imbuit humanas omnis sapientia leges.  
 Cur legi parere piget, cui numina parent?

Sæuitiem diris meritò execrata superbam (dis  
 Musa, patrem miserum pete carmine. sic scelera ad  
 In scelus infelix? sic crimina crimine punis?  
 Et iurata acies, vnum mactare nocentem  
 Dum properant, omnes se se fecere nocentes?  
 Si natus periit, meruit quid patria? tanto  
 Debuit ergo tuos luctu satiare dolores?

Millia eadem istam, nec quadringenta piabunt?  
 Et cadet humanum genus vni victima morti?  
 Detestande pater, nati dignissime clade!  
 Quæ te pæna manet scelerum, quæ flagra sub orco?  
 Et furor, & stridor, pasturæ & viscera flammæ?  
 Qui patriæ reddis vitæ pro munere funus.

Sed quid ego solùm mortales arguo? patrem  
 Infanum, pœnæ cupidum nimis, aut homicidam  
 Infandum, aut populos aduersum fræna rebelles,  
 Si sati hæc etiam sunt vulnera, temporis iræ?  
 Siue venenatæ stillarunt astra Medusæ  
 Hanc rabiem; Cælumque notatur crimine tanto:  
 Seu propria Eumenidum soboles, caput erigit orco  
 Sanguineum, propiora vocans ad funera Mundum:  
 Nusquam tuta salus, toto orbe, vagatur Erynnis.  
 Primæ facem bellis ciuilibus, extulit ipsos  
 In Reges, frustra defensa Britannia vallo  
 Oceani, ah dulcis nimis ebria nequæe fortis!  
 Quæ vacua externo, intra viscera quæsiit hostem.  
 Nec satis arctum fuit inflammasse rigorem;  
 Corripuit furor Italiam, Sirenis & alma  
 Regna, suum belli furij imitata Veseeum.  
 Sicaniæque rogis grauioribus ignibus Ætææ  
 Flagrantem, toto spectastis gurgite Nymphæ.  
 Inde per Ægei decurrens æquora ponti,  
 Threicij furor ad fauces penetravit Abydi,  
 Reginamque Orientis seditionibus Urbem  
 Impleuit, fracti fasces, cæsi que Dynastæ:  
 Turcarum, atque ipsum solio abstraxere tremantem  
 Regnatorem Ebrahim, clausique in carcere diro  
 Regia purpureâ fregerunt guttura vittâ,

Eoum



Eoum imbellis gestauit dextera sceptrum ,  
 Imparibusque humeris rudis inclinata puelli  
 Iam dat pondus iners Othomani machina Mundi .

Perge furor, Thracesque feros inuolue ruinis :  
 Hic vires effunde tuas , quate perfida regna ,  
 Sarmatiae sed parce piaë . Audior, intonat æther  
 In lætium, memores tangunt mortalia Diuos .  
 Vnum illi patriæ columen, regnique labantis  
 Pulcimentum ingens, fortunæque omnia contra  
 Magnanimam opponunt CASIMIRI fulmina men-  
 Matura Imperijs ætas, exercita bellis (tem .  
 Dextera, tot proauī Reges, tum pectore in vno  
 Mille Duces clausi, & pietati miles Olympus .  
 Scilicet hunc patriæ indignas miserata rufnas  
 Astra reseruabant Regem . Velut Annibal alpes  
 Italiæ muros, cum diduxisset aceto ,  
 Et ferro, mox victor onans post funera Cannæ  
 Potaret Tyberine tuo lætos elephantos  
 Gurgite, non oblita suam sunt sydera Romam.  
 Sed tunc victorem Annibalis, Lybiæque futurum  
 Scipiadem exitio, & cognomen grande parabant .

Hæc vbi fidereis patribus sententia sedit,  
 Sarmatiæ Diui se immiscent cœtibus vltro-  
 Heroum, occultaque manu suffragia versant .  
 Corda Senatorum, queis integit infula crines  
 Sacra, Sigismundus mulcet, Lituania ductum  
 Prona Iagellonis sequitur, memor illa verendi(rans.  
 Sanguinis, & viuum in CASIMIRO exemplar ado-  
 At semper dextro audaces a marte polonos,  
 Et deuota Ducum fortissima pectora bello  
 Vladislaus subiit, natuque minorem

Germanum CAROLVM CASIMIRO fœdere iun-  
 Regibus ò genite, & Frater dignissime Regum !  
 Regna Tibi meruisse satis; pietatis honorem  
 Anteferens folio, CASIMIRVM in scepra reponis.  
 At pulchrum regnare putas, sed cedere Fratri  
 Pulchrius, & plusquam regnum dare regna merenti.  
 Tunc externa alij remouent obstacula Diui.  
 Cognato fauet hinc Iuueni Regina Sueca,  
 Illinc armatum se Brandeburgicus offert,  
 At merita iniusto properantur funera Daco,  
 Scepra aliena petens, sua captus morte relinquit.

Ergo vox Procerum votis sociatur Olympi.  
 Vnanimi assensu, solium Regale, decorum  
 Et Patris, & Fratris lauris, vtrique futurus  
 Par, CASIMIRE, subis; regnum tibi Patria desert  
 Sarmaticum, regni pretium rogat ægra, salutem.  
 Scepra cape, vt serues. Tu reddes otia terris  
 Sarmatiæ laurus, atque hosti funera. Diuis  
 Sic regnare decet genitos, Dinofque futuros.  
 Quis credat? paulo ante truces, & acerba frementes  
 Vnanimi Regem conclamant voce cateruæ,  
 Viuat io CASIMIRVS io, centena boatu  
 lam tormenta tonant, iam Rege iubente, pharetris.  
 Exarmant humeros, & signa minacia ponunt.

At Reges tantum terror tremefecit Eoos,  
 Et Volgam, & Tanaim: lætùm sonuere Triones,  
 Cantus & Arcturi Cœlo est auditus, in agris  
 Argento fulsere niues, sua gaudia syluæ  
 Electri stillant lacrymas, sua gratia pratis  
 AEstiui redeunt hiberno tempore flores.  
 Nunquam apis iniussio tam multa examine truncis

In

Incubuit, finxitque omni sub cortice mella,  
 Flumina nec ripis requierunt ire canoris.  
 O quam festa dies Orbi? quæ gaudia tenrant  
 Europæ populos? Germania lata triumphat  
 Cæsareæ inuietam sobolem regnare sororis.  
 Gallia cognatum propior diadema salutat,  
 Fraternos procul in plausus exultat Iberus.  
 Sanguinis Augusti partem traxisse superbos  
 Ad Rheni Comites iactat Neoburgicus, omnis  
 Gestit in Arctoo generosa Suecia fluctu (phos,  
 Quæ Gentis decora, & Gothicos, Suecosq; trium-  
 Vandalicosque animos, regnanti infudit Alumno.  
 Sed quamuis longo terrarum diffusa tractu  
 A sceptris Rex magne Tuis iacet Itala tellus;  
 Illa tamen studijs, votisque, animisque propinquans  
 Nunc Tibi, Regali chara imprimit oscula dextra.  
 Hic ubi Mediceus gentis regnator Hetruscæ  
 Austriaci generis nexu sociatus amanti,  
 Et Venera Hadriaci felix Regina profundi,  
 Non semel hospitij Regem tenuere superbis.  
 Hic Tua plaudentes ad stemmata soluit olores  
 Mantua, Sarmatiæ Reginas gignere gaudens,  
 Cæsareo & thalamo Augustas inferre Maritas.  
 At septem colles inclinans ardua Roma  
 Pendet in obsequium, & Regem Regina salutat.  
 O decus Europæ, Romæ venerabile sydus &  
 Quò Te cunque vocant fortis discrimina tantæ  
 Macte animis, nec bellorum tentare procellas  
 Addubita, & medios interritus ire per hostes.  
 Turbida sunt semper Regnorum exordia; Cælum  
 Principio trepidasse ferunt ad bella, nec ipsum



Sceptra satis tranquilla manu tenuisse Tonantem.  
 Cum raperet ferus, indociles parere cateruas  
 Lucifer irruptoque tumens Aquilone sederet;  
 Sed bello stratum Michael, in Tartara trudit  
 Præcipitem, Cælique nefas tumulauit Auerno.  
 Sed quid ego longè de Cælo exempla requiro à  
 Regnandi tyrocinium Pater imbuuit armis,  
 Fraternali exortum decorauit laurea sceptri,  
 Et tibi fas pariter solium vestire trophæis.  
 Per varios casus, per mille pericula, magnis  
 Imperijs, Te fata parem formare laborant.  
 Quæ tibi dicta dies genio, aut nox integra somno?  
 Quando animus sine cura, aut expers hora laboris?  
 Scilicet vt rapitur iugi vertigine cælum,  
 Itque reditque viam sol ætheris, astra recurrunt,  
 Sic Tibi, Rex, est vita labor. Florente iuuenta  
 Grande rudimentum belli, prima induis arma  
 Sub Patris auspicijs, & Prussos marte fatigas;  
 Mox quatis Aurotam cum Fratre, & Moschica ca-  
 Inde coronatus lauris viaticibus, austrum (stra;  
 Persequeris, veniamque iubes exposcere Thracem.  
 Tunc pax alta domi; Genius Te ad bella propinqua  
 Abripuit, toto spargentem funera Rheno.  
 Illinc Lusitadum sceptris fortuna regendis  
 Dum vocat, inuictum varijs Heroa fatigat  
 Casibus, & factum CASIMIRI regna sequuntur.  
 Redditus es patriæ; ad thalamos comitare sororem  
 Vix paulum vacat, & Cælo mens indita longas  
 Suadet inire vias, ac Romula quærere regna.  
 Cæsaris Austriaci cognata exempla secutum  
 Magnanimosque Orbis contemptus Roma recepit.

Hic

Hic digito attoniti Te monſtrauere Quirites  
 Priuatum Regem, ſolem ſub nube latentem .  
 Hic pia templa pedes luſtras, diuûmque ſepulchra,  
 Celante in pannis ſe Maieſtate, ſed illis  
 Notus eras Princeps, qui ſenſus, quæ Tibi ſoli  
 Anditæ Superum voces, ad corda loquentum?  
 At quanti populi ſtrepitus, ardorque videndi?  
 Religionis honor quantus? cum grande Tonantis  
 Pauperis exemplum, Regalem pro ſtipe dextram  
 Porrigeres? an non Tua tunc, ſi cætera deeſſent,  
 Firmabant exempla fidem, Romamque docebant,  
 Pauperiem non Rege minùs, quàm Numine di-  
 Purpurei lacrymas non continuere Senatus (gnam?  
 Lumina, & ipſe Orbis Rector, tenereſcere ſenſit  
 Motu corda pio: hæc poſt ſecula longa, referre  
 Externos Reges, pietatis pignora Romæ?  
 Has fidei flammas gelidos aluiſſe Triones?  
 Mox cultus mutati; haud amplius inclyta Roma  
 Te colit vt Regem, cæleſte vt Numen adorat .  
 O ſortis luſum! ò ſolertia prouida fati!  
 Quis credat? dum regna fugis, diademata calcas,  
 Te magis Imperijs aptabant aſtra futuris .  
 Nam quos virtutum theſauros congeris, ingens  
 Subſidium regnaturis? mentique capaci  
 Vt totum infundis ſecreta per otia Cælum?  
 Interea ad patrios latè diſfuſa Triones  
 Fama tui, ſine Te, redijt; tunc patria tellus  
 Acriùs amiſſi CASIMIRI exarſit amore.  
 Illa ne maieſtas generoſæ frontis, & oris  
 Auguſti decor, ille oculis vibrantibus ardor  
 Martius, externa reſectus regione latebit?

Is pudor, & probitas, candor, mens conscia recti  
 Sarmatiæ erepti, Latium, Romamque beabunt :  
 Non ita. Pontifices precibus Regalibus vrget  
 Frater, ne rapiant solijs altaria Reges.  
 Nobile certamen ! quis tam pugnauit, vt iret  
 In Regnum ; vt Tu pugnaſti ne ad Regna redires ?  
 Priuatum, vt decuit, vicerunt publica vota.  
 Eripuit Vaticanæ Te purpura pannis ;  
 Eripuit Vaticano mox purpura Regni.  
 O amor Italiæ quondam, lux inclyta Romæ,  
 Nunc decus Europæ, fulgor, terrorque trionum,  
 Quæ Te cumq. tenet regio, aut (Rex magne) tenebit,  
 Seu mucrone Scythas coges ultore, cruoris  
 Sarmatici pœnas dare, seu captiua reposes  
 Agmina, & infido ſua neſtes vincula Thraci :  
 Patria, ſeu fortes reuocas ad ſceptra Suecos :  
 Quidquid ages, plures texunt nam ſidera laurus :  
 Viue memor noſtri ; quos Tu dignatus amanti es  
 Hoſpitio quondam, vt ſiluas dignatur Apollo, (po  
 Lucem Orbis, centone regens. Nunc, qualis Olym-  
 Dum vehit ille diem, meliori luce reſeſſum  
 Teſſaliæ, Amphriſumq. beat : ſic Tu quoque mundo  
 Sarmatico impoſitus, Regali e culmine, nutu  
 Nos dignare Tuo. Certè Tua Regia noſtris  
 Peſtoribus fixa eſt, æternaque viuit imago, (rum)  
 Quam circum memorum vigil excubat ignis Amo-  
 ſis felix : ſeu bella ferant, ſeu ſecula pacem,  
 Omnes præbebit Diuos Tibi Roma fauentes :  
 Vincemus votis, quos oppugnaueris armis.

F I N I S .

V E







**VENETVS**  
**DE CLASSE**  
**PIRATICA**  
**TRIVMPHVS**




VENETVS

DE CLASSE


PIRATICA

TRIVIA



EMIN.<sup>MO</sup> ET REV.<sup>MO</sup> PRINCIPI

CAROLO  
CARDINALI  
BARBERINO



GVLIELMVS DONDINVS FEL.

**V**ENETORVM de Piratis  
humani generis hostibus vi-  
ctoria, qua rapinas, & cœdes  
à Christianis littoribus depul-  
sas fundi-  
tus sustulerunt, tam secunda omnium  
gentium admurmuratione excepta est,

vt

vt Collegij quoque Romani musæ,  
magnanimos Italiæ liberatores gratissi-  
mo carmine salutarint. Cùm enim  
gloriosa illa Respublica consilijs, ar-  
misque perpetuò in suam, atque Italiæ  
libertatem intenta, præcipuum sibi, &  
quodammodo suum, commune Italo-  
rum discrimen esse voluerit, qua tem-  
pestate grauissimo bello implicata Eu-  
ropa, impunè grassanti malo, aliundè  
occurri vix poterat, meruisse videtur,  
vt nos vicissim lingua, & calamo, quæ  
sunt arma musarum, Venetæ gloriæ  
militantes, in ipsis defensi maris Ha-  
driatici fluctibus, trophæum immorta-  
le statuamus. Vt verò Tibi potissimum  
hunc poëticum lusum in lucem denuò  
prodeuntem inscribam, Princeps Emi-  
nentissime, Patruorum Cardinalium  
Francisci, & Antonij in Rempublicam  
Venetam bellum contra Turcas geren-  
tem, meritum facit, oblatis à gratissimo

Se-



Senatu vestræ familiæ amplissimi honores, Tuaque recens è noua illa ad hanc veterem patriam reuocati, in purpuratorum Senatum cooptatio.

Vix enim vllum iuuenem purpuræ admotum, tanta præsentium laudum admiratione, & futurarum præfagio Roma complexa est; quasi per tuæ dignitatis auroram fortunam regnatricis olim familiæ reuiuiscere lætaretur. Nos verò cum gaudio sollicitudo quoque incessit, quia speramus Patruis Te purpuratis Principibus, geminis Ecclesiæ Romanæ syderibus, & sæculi nostri ornamentis, futurum parem. Quorum alterum doctrina, omnisque antiquitatis cognitione, non Principibus modò, sed vel priuatæ fortis hominibus antestantem veneramur, innocentia vitæ, ac religione insignem, tum reipublicæ cura, & arte regnandi: Alterum etiam bellandi egregium, piamque  
forti-

fortitudinē in castris, piam liberali-  
tatem in templis representantem, ob  
humanitatem, & munificentiam po-  
pulis, ob magnanimitatem, & fidem  
Regibus carum. Ambos quod de  
Catone, & Cæsare proditum fuit, ut  
opibus, ac potentia, sic animo ma-  
gnos, quodque vnum deerat, ut es-  
sent maximi, in vtraque fortunæ pagi-  
na eruditos. Nam clarissimum illum,  
ex vestra gente, sua reliquos magnitudi-  
ne inumbrantem Vaticani fulgorem,  
Tibi commemorare vix audeo, memor  
illius Imperatorij moniti ad filium fra-  
tris: Ut Othonem Cæsarem mundo  
imperitasse, neque obliuisceretur vn-  
quam, neque nimium meminisset. Vel  
enim ex degeneri animo notam subi-  
turum, vel dolorem ex desiderio. Nos  
certè Urbani VIII. memoriam amitte-  
re non potuimus, quanta fuerit illius  
Pontificis sapientia, quanta virtus,  
quanta

quanta modò sit gloria . Quæ in fama  
rerum gestarum , dictorum , & carmi-  
num , in Historicorum annalibus , &  
panegyricis oratorum , in templis , &  
aris , in arcibus , & armis , in horreis , &  
portubus , in bibliothecis , ædibus , mœ-  
nibusque , in simulacris , in columnis ,  
in tumulis perennat , & viuit . Quod si  
hæc fortasse Tibi mentio extincti desi-  
derium renouando , elicuit lacrymas ,  
etiam gaudium adsperset . Siquidem  
eum , quem adhuc tener amisisti su-  
preum Orbis terræ de Barberina Fa-  
milia Principem , ante oculos ponit re-  
diuiuum , dum celebratur . Cuius hoc  
loco fratrem S. Honusrij Cardinalem  
Capuccinorum decus tacitum præteri-  
re non debeo ; quando Vos quoque il-  
lius post vitam sanctissimè traductam  
morientis piam erga Vos inhumanita-  
tem laudauistis . Cùm præsul probita-  
tis antiquæ , in cœnobijs educatus , hæ-  
redem



43

# VENETVS

## DE CLASSE

### PIRATICA

### TRIVMPHVS

(retur

**H**ADRIACI REGINA MARIS, quam serua ve-  
Tethys, & obsequijs vndantibus ambit aqua-  
Exere adoratam patrio de gurgite frontem: (rum,  
Augustæque comæ decora inter prisca, recentem  
Texe, triumphato quæ pullulat æquore, laurum.  
Quòd Venetis gaudens Neptunus vterq; triumphis  
Palmas mobilibus fixas miratur in vndis,  
Et iusto ingentes fusas certamine classes;  
Seu Sarraceno exundantes milite puppes,  
Dum Venetos pulchra pro libertate lacescunt,  
Hadriacum nigro violarunt sanguine pontum;  
Seu Naupactæis Othomanæ in fluctibus alni  
Bdomitæ, Odrysiæque repressa licentia Lunæ,  
Et Venetum largo victoria parta cruore, (rum.  
Magna quidem; at laudum non hæc suprema tua-  
Nunc Lybiæ furia, prædaticæque carinæ,  
Et pelagi commune nefas, mala publica Mundi,  
Harpyæ infames, populorum stragibus altæ,  
Aequoreis pestes regnis impune natantes,  
Compulsæ tandem extremam cedentis in oram  
Epi-

Epiri, &, claudente fugam tellure, coactæ  
 Euomere indigno mixtas cum sanguine prædas;  
 Et populorum vna tot clades pendere clade;  
 Accedant Venetis monumenta nouissima fastis.  
 Ecce tibi è Siculo grates habitura, profundo  
 Assurgens Melite, inclinatas cernua turres  
 Mandat in obsequium Veneti nutare Leonis:  
 Nam, per te clades vt leniat orba recentes,  
 Opportuna tulit solatia; mille repostas  
 Centena pro morte nêces, Equitumque suorum  
 Magnanimos Libyco satiatos sanguine manes.  
 Ipsa ferox quamquam vlticem toto æquore portat  
 Bellonam; & claro iam victima digna dolori  
 (Auguror) Odrysiæ properant ad funera classes.  
 Sed quis inaccessæ penetrabilis angulus oræ, (tus,  
 Aut sinus Hadriaco, aut Tyrrheno in gurgite por-  
 Laude noua, meritisque vacat? iam nulla quieto  
 Naufragia horremus pelago, nec puppe soluta  
 Quid grauius ventis, & tempestatibus instat.  
 I, licet, Hadriacas securus, Nauta, per vndas,  
 I, licet, Ionium quocumque vehere per æquor,  
 Et Ventos tantum, Venetosq. precare fauentes.  
 At dum terrifici euolio certaminis oras,  
 Huc ades, vndarum Rector, fortisque secundæ  
 Aliger, Hadriacis melior Neptunus in vndis:  
 Vos etiam vnanimis cœtus, genijque minores  
 Aligerum, adspirate precor, Vatemque canentem  
 Laudibus à tantis tumefacto adspersigite ponto,  
 Conscius, instar erit Aganippidos, æquoris humor.  
 Barbaricæ postquam puppes Maurusia Classis,  
 Illyricos, Calabrosque sinus populata, gementem

Urbibus enervis cinerem, solisque reliquit  
 Littoribus lacrymas, captis feliciter ausis  
 Attollens animos, maris interiora pererrat  
 Hadriaci, rapiens pelago miserabile vulgus  
 Seruitio, exilioq; catenis corpora vinctum,  
 Corpora, namque animi, longum plorata tuentes  
 Littora, in excidio Patriæ fumantis inhaerent.  
 At scelerata manus, scelus haud vulgare minatur,  
 Haud commune nefas; magnas spe deuorat Vrbes;  
 Te petit ante alias Cæli Regina tuosque  
 Lauretana lares Virgo: quos paupere cultu  
 Hospita terrarum implebas, nunc æmula templis  
 Tecta poli; quæ ne Cæli statione minora  
 Auratisque opibus stellarum, & luce micarent,  
 Huc hominum pietas, radiantis dona metalli,  
 Huc Erythre congestit opes, hic plurima sese  
 Deuotam attingens ante aurea Virginis ora,  
 Gemmatis pietas lucet pretiosa tabellis.  
 Tantum Orbis decus, & caram caelestibus Urbem  
 Vi populare parant Mauri; comitantur euntes  
 Terroresque mali, & comes indiuisa nocentum,  
 Alma profanatis temerans altaria sacris,  
 Impietas: Sed quis Matrem tentare Tonantia  
 Ausit, & humanis Diuina lacerare telis?  
 Iam tristes gemitus, captiuorumque querelæ,  
 Audiri faciles Superis, patria Astra tenebant,  
 Et circumfusæ, Cælo miserante, replebant  
 Iudicis æterni ingenti clamore tribunal;  
 Hæc super adueniens liquidi Mens arbitra Ponti  
 Ingrauat, ingeminatque metus: arsere beatis  
 Pectoribus flammæ irarum; nam & Numina iusta

Ira



Ira coquit, sed quæ mor su vacat ira doloris.  
 Ergo suæ sobolis vultus induta rubentes,  
 (Fulmina cùm vibrat, terrarumq. ima reuellens  
 Fundamenta, quatit miserum terroribus orbem)  
 Hæsit Virgo diù, num mitteret ipsa Tonantis  
 Fulmen, & infestos exstingueret ignibus ignes;  
 Antotam Æoliam, nimbosq; inferret in æquor,  
 Obrneretque nefas pelago, atque vlttricibus vndis:  
 Sed poterant obitus faciles, properataque fata  
 Millenas meritis pœnas, mansueta videri  
 Supplicia; atque ingens in clade superbia victis,  
 Si caderent authore polo; grauiore litandis  
 Exitio, longis hausti si cladibus omnes,  
 Tabentesque fame, tandem victore sub hoste  
 Iusto Marte cadant, tumuloq; premantur aquarum.  
 Hæc vbi Virgineæ sedit sententia menti;  
 Certatim instantes votis flagrantibus virgent  
 Cœlicolæ, Dominamque pia ambitione coronant;  
 Scilicet ardentes tantum decus addere genti  
 Quisque suæ, classes alter spondebat Iberas,  
 Hic albæ vexilla Crucis, fert ille rubentis;  
 At Venetas Marcus landes, pelagique recenset  
 Iura sui; bello quem postquam Diua Virago  
 Præficit, vlciscique suos mandauit honores;  
 Hic properè æstiuo iam soluerat axe Leonem,  
 Assistentem cum Sole diem, & stellante lupato  
 Infrænans, celer Hadriacis equitabat in vndis.  
 Hospitis aduentum tanti, diffusa sereno  
 Marmora senserunt risu, sensere natantes  
 Diuersis animis diuersa per æquora classes. (rum  
 Namq; ingens Venetam sceleratum excindere Mau-

Ardor habet, plendque maris subit ostia velo,  
 Carcere Neptuni Libyam clausura liquenti.  
 Mauros contra fera pectora coneuit horror:  
 Mirantur, subitæ vnde rates inopina superbè  
 Bella inferre parent bellum portantibus vtrò?  
 Insignem spolijs, exultantemque rapinis  
 Desperare fugam, victorem carcere claudi;  
 Et prædatricem iam prædam euadere Classem?  
 Nec mora, conuersis, quoniam fortuna iubebat,  
 Certatim relegunt, fugientes, æquora rostris,  
 Quæ modo victrices insultauere carinæ;  
 Si qua forte via fauces perrumpat apertas,  
 Et nondum obfesso labatur ab æquore classis!  
 Sed nemo se posse fuga vitare sequacem  
 Vim fati, inuitoque salutem speret Olympo:  
 Apparent Veneti longè, extremisque carinæ  
 Fluctibus, abiegno seruantes æquora vallo.  
 Heu quid agant? varijs mens æstuat anxia curis:  
 Inuictam fortuna, inuictam robore gentem  
 Horrescunt, sed turpe fuga lustrare latebras,  
 Et, peritura fame subducere corpora ferro.  
 Vsq; adeo ne piget pugnare, & nobile lethum  
 Incertæ præferre fugæ? Stat tendere in hostem;  
 Quid grauius metuant morituri? sæpè salutem  
 Optatæ peperere neces: sic ille cruentus  
 Vastati reus armenti, latrante corona  
 Septus, in obstantes Leo dente, atq; vngue cæteruas  
 Irruit, hostilesque fugam strauere ruinæ.  
 Quod si summa dies, & fata nouissima perstant,  
 Defuit vnda fugæ, deerit non vnda sepulchro.  
 Talibus inter se furijs, dum turbida versant

Con-

Consilia, extremis Marcus præsensit ab vñdis;  
 Et Venetum monuit Ductorem: deinde volentem  
 Neptuni impellens per cœrula dorsa Leonem,  
 Mulcet inæquales fluctus, pelagusque serenat,  
 Vt purum pateat Dominis pugnantibus æquor.  
 Ipse procul vitreo visurus ab aggere pugnam  
 Constitit; in speciem curui sinuata theatri  
 Vndique Cœlituum manus officiosa minorum  
 Innumeris Regem medium cinxere choreis.  
 Interea iussi horrificis Tritones ab alto  
 Insonuere tubis, desueto exterrita cantu  
 Ingens nautarum terror procul ipsa Charybdis  
 Fluctibus in mediis trepidat, vastoque latratu  
 Scyllæa fingere canes, extremaque murmur  
 Reddidit Ionio rabies vñdosa profundo.  
 At geminæ aduerso concurrunt æquore classes,  
 Inde bis ostona Maurorum robora puppes  
 Ludum ineunt sæui Martis; sectantur euntes  
 Vltrices casorum vmbra, furiaque sonantes  
 Verbera, & infestas styx multa superuolat alnos.  
 At scelerata cohors, non ære, armisque decoris  
 Lata, nec in lituis, sonituque canora tubarum:  
 Omnia nescio quid triste, ac ferale queruntur  
 Æra tubis, ferrugineis it fulgor ab armis  
 Horrens, sanguineus, nec Mauri gratior oris  
 Aspectus, sed vibrato Gens nigra capillo,  
 Torua supercilijs, cui nox fera pectoris, atros  
 Horrificat vultus, vicinaque pallor in ore (nis  
 Fata notat, votumque mori: procul hinc tamen om-  
 Est metus, audacem extremi fecere timores.  
 Parte alia Veneti lucent spectacula Martis.

Bis



Bis denæ aurata radiantes puppe carinæ  
 Gaudentem nitidis pingi splendoribus vndam  
 Infundunt fulcis, duplicataque pinea belli  
 Machina, in vndosis castella natantia campis.  
 Ortygiam credas pelago, Delumque moueri,  
 Cumque suis geminos syluis incedere montes.  
 Has agit in bellum moles, spatiosaque complet  
 Æquora Marcellus, quo Patria diues alumno,  
 Romano Venetum Marcello opponere gaudet.  
 Vtraque digna parens heroum, atque inclita bello  
 Regia magnanimæ sobolis, gentesque remotas  
 Imperijs amplexa; sed hæc viuacior illa  
 Libertas, metam immensi nec prospicit æui.  
 Emicat in summa Regalis puppe triremis  
 Purpureus classis ductor C A P E L L V S; auorum  
 Splendidus à titulis, sed clarior ipse suarum  
 Pulgure virtutum; nam certant, quæ magis artes  
 Emineant belli, an pacis, sic lumina miscent  
 Ex æquo, laudesque fouet Bellona togatas.

Primus anhelantem tonitruq. & fulmine Martem  
 Inuitat Venetus; contrà ferale remugit  
 Barbarus; at subito tormenta tonare boatu,  
 Aera sono, stridore vndæ, clamoribus æther.  
 Imbre sagittarum, fumoque offusa recenti,  
 Fit sua nox pelago, quam fulgure discutit atro,  
 Vulnera mille globis, & fata volantia portans,  
 Flamma minax: caluere vndæ, sed præscia fati  
 Corda rigent Mauro, cùm fulmine ferrea crebro  
 Tempestas, quassatque rates, puppesque reuulsas  
 Milite præcipitante rorat, spargitque gementes  
 Cum trabibus iuuenes, fractos cum remige remos.

Ut sit iam votum integros occumbere ; parti  
 Sæpe sui laceræ concurrunt sparsa per vndas  
 Corpora: triste rubens sub clade remurmuræ aquor.  
 At Venetam nullo scædatam vulnere Maurus  
 Miratus classem, diuersaque numina cernens,  
 Littora prima fuga quærît, fessasque Velonæ  
 Dirigit ad portum proras; fugientibus instat (cæ  
 Victor; sed trepidum (quis credat?) in æquore ami-  
 Defendere neces hostem, stragesque suorum  
 Profuit, incursum cum se obijcientia crebro  
 Tardarent Venetas inimica cadauera proras.  
 Anteuolat Maurus, portuque reconditur alto,  
 At Venetus subit, & clausum obsidione coronat.

Illi diffisi, pelago victisque carinis,  
 Credere se terræ; moliri in littore moles,  
 Aggere arenarum, tum propugnacula fossis  
 Cingere, & erecto tormenta imponere vallo.  
 Sic aditus ipsos portus, primosque recessus,  
 Quà longo insinuant terris se se æquora tractu,  
 Obsruere arte parant, classemq. sub arcæ receptam  
 Mille catenatam vinculis ad littora sistunt,  
 Dum noua subsidia è Lybia portantibus Austris,  
 Erumpant pelago; sed nulla imperuia forti  
 Est via; inaccessumque inimico sanguine virtus  
 Laxat iter: postquam auxilio properare carinas  
 Fama tulit, Veneti irrumpunt, & Marte secundo  
 Tormentis quatiunt furialibus ostia portus  
 Clausa: flagellatæ ferrato fulmine moles,  
 Æquanturque solo, grauibusque repente ruinis  
 Custodes texere suos; tellure sub alta  
 Turba superstes aquis premitur, stragique natanti  
 Pon-

Pondera liquentis leuia inuidere sepulchri.  
 At classem in portus Ductor CAPELLVS quantem  
 Impulit; ante securigero cum milite cymbæ  
 Præmissæ, hostili nudatas milite puppes  
 Inuadunt, rigidasque in ferrea vincla secures  
 Terque, quaterque vibrant: ex alta proximus arce  
 Contra Maurus atrox furit, ardentique pilarum  
 Desuper imbre tonat, nec dextras irrita fallunt  
 Tela, sed inueniunt vicino vulnus in hoste.  
 At Venetum haud surgens belli maioris imago  
 Sæua, nec alatae mortes, animosa retardant  
 Pectora, quin duro pars vincula ferrea ferro  
 Vincere, pars puppes Venetis adiungere proris  
 Hostiles: Maurus caris nil linquere inausum  
 Pro ratibus, neque enim victorem parua sequuntur  
 Præmia, sed magnam rapere, aut defendere classem.  
 Et decrescebat Veneto iam militis usus,  
 Cum fortes certo lacerata vulnere dextræ  
 Deficerent; tunc, miro inter se fœdere, belli  
 Dispensare vices, nam si quis inutilis ictu  
 Hæferat, opposita hic membrorum mole valentes  
 Protegere, atque aliena libenti pectore ferre  
 Vulnera, dum Chalybum iuncturas dissecat alter  
 Morte sua securus: & officiosa fauorem  
 Magnanimis fortuna tulit, virtusque repressit  
 Vulneribus fugientem animam, dum classe soluta  
 Tandem omni, palmæ iam certi occumbere possent,  
 Victoresque mori. Salue ò generosa Iuuentus,  
 Heroum magnis veterum virtutibus æqua:  
 Seu quorum lacrymans Victoria funus honorat,  
 Et venerata Thetis cineres tegit omnibus vndis;



Seu quos gaudentes tanto superesse decori,  
 Monstratos discit vultus, & nomina vulgus;  
 Nulla dies vestro metas imponet honori;  
 Dum tumidi ferient Epiri littora fluctus,  
 Dum Veneta æternos libertas viuet in annos,  
 Imperiumque Leo Pelagi Regnator habebit.

Iam classem Libyæ, Mauro lacrymante, trahebat  
 E portu victor Venetus, prorisque recedens  
 Obuersis arcibus, balistarum ora tonantum  
 Opponit, seruans pacata silentia ferri  
 Ille quidem, pactique memor; sin prouocet hostis,  
 Ære tonare minax, & respondere paratus.  
 At postquam Classis portus intacta nocentes  
 Egreditur, domitas rapiens victoricibus alnos  
 Puppibus, & toto vexilla natantia ponto;  
 Lætitia, plausuque sonans vndosa per arua  
 Victor abit, stragem, victis lacrymasque relinquit.  
 Quem chorus Aligerum hac abeuntem voce salutat;

Vade triumphator, geminisque superbe trophæis,  
 Nam ceu vestra satis non essent ampla triumphis  
 Æquora, littoreis palmas sparsistis arenis,  
 Victorem vt Venetum terræque, & pontus adorent.  
 Remige dein penna, supremas nauigat vndas  
 Cœlituum manus, & latis rumoribus Urbem  
 Peruolitans Venetam, choreis, cantuque coronat:  
 Pande sinum tantis vndantem pande triumphis,  
 O Maris Hadriaci vindex, crinemque superba  
 Impediens, qua te decorat victoria, lauru,  
 Laude noua fructu: en plausu tibi personat omnis  
 Italia; indignam per te solata ruinam  
 Nicoteræ, grates agit, & gratatur honorem

Par-

Parthenope, Cereris tibi proxima plaudit alumna;  
 Hadriacisque fretis generosa remurmurat Ancon,  
 Illyricæ vicina canunt dum prælia ripæ.  
 Te decus Europæ, taræ te nobile dicunt  
 Præsidium Italiæ; nam propugnacula, firmas  
 Piratis classes, & celsas gentibus artes  
 Obijcis Odrysijs; Italis, tu prima minacem  
 Nunc bello frœnas, placas nunc pace, Tyrannum:  
 Ausoniæque salus, Venetæ commissa saluti  
 Ore tuo spirat, quæ te vincente triumphat,  
 Te nutante tremit: naualia fœdera testor  
 Et Veneto Europæ trepidantia fata labori.  
 Terrarum ò custos, ò libertatis asylum!  
 Libera millenos viuis Regina per annos,  
 Æternos iam viue: & cum deuota saluti  
 Italicæ pugnes, meritò tibi pronior ather  
 Militet, & Cælum excubias agat omnibus astris.  
 At qui sceptræ DEVS medijs tua fixit in vndis,  
 Immotæque dedit rapidos contemnere ventos,  
 Donabit bellorum alias ridere procellas,  
 Vt tecum æternum libertas Itala regnet.

Hæc ubi dicta: chorus cœlestis peruolat omnem  
 Europam, & tacitis mortalia Numina mundi  
 Vocibus increpitat: Venetis sic bella geruntur  
 Auspicijs, numquam merito caritura triumpho:  
 Quæis benè Barbarico crescentem sanguine pontum,  
 Surgentesque cadaueribus per littora moles;  
 Nemo pius doleat. Vos contrà Marte fouetis  
 Civilis furias belli, quo qui cadit hostis,  
 Victori cadit ipse suo lacrimabilis hostis:  
 Parcite cognatas in gentes vertere tela,

Infidos Thracum melius bibitura cruores.  
 An fudere parum Regales sanguinis iræ?  
 Arctæ tepuere nives, & cladibus aucta  
 Belligerum populorum, altoque fluentia tabo  
 Flumina, purpureum pelago inuexere tributum:  
 At pater Oceanus lugentibus excipit vndis  
 Inuitus toto fluitantia funera Rheno.  
 Iam desolati squalent cultoribus agri,  
 Nec veniunt, nisi quas genuere cadauera, fruges.  
 Pro viridi spica, pro dulce rubentibus vuis,  
 Tristis inhorrescit messis Mauortia ferri,  
 Et calidi spumat vindemia dira cruoris.  
 At quæ tam duro remorari barbara bello (phos,  
 Agmina, Christiadam innumeros potueret trium-  
 Si coniuratis coniuncta Hispania Gallis,  
 Austriacas Veneto sociaret robore vires?  
 O Domus Austriadum, Imperio, Regnisq. superba:  
 Cur tua iam frustra queritur Germania, magno  
 Corpore Pannoniam, Turca lacerante, reuulsam?  
 Si Sol occidus tibi seruit, seruit Eous,  
 AEstiuo cur Orbe latet, mediumque recusat  
 Virtus vestra diem? nec multo Sole corusca.  
 Zona, triumphalem præcingit torrida vestem?  
 Africa terra prope est, vix æquoris intercurrit  
 Lenta mora; Hispanis cur non coniungitur armis?  
 Illa quidem egregio madefacta est sanguine tellus,  
 Seruat adhuc veteris littus vestigia cladis;  
 Lusitadum cineres squalere finetis inultos?  
 Teque, ô Sequanici Rex inuictissime mundi  
 Fræna regens, Asiam contra qui sufficis vnus;  
 Ah te laudis amor, te gloria tangat auita:


Vestra



Vestra Palæstini suspirant Lilia campi,  
 Diuinumque, canum nunc præda, heu prisca reposcit  
 Serta, coronali Gallorum à flore Sepulchrum.  
 Quin Bizantinum vester sibi deuouet ensis  
 Sanguinem, adoratos horrebit Thracia fasces,  
 Thracia, ter quondam Francas experta secures;  
 Marte licet confisa suo, rabiemque, furoremque,  
 Et bellorum hyemem vicino accersat ab Hæmo.  
 O nobis niueo fausti tunc lumine Soles!  
 O vos cœlesti bellorum ardore beati!

Talibus Aligeri repetunt dum sidera dictis,  
 Incendunt etiam Superos: tam iusta frementes  
 Arma probant, totumque abiens in fulmina Cœlum,  
 Digna parat sacris armamentaria bellis.

F I N I S.



3 1 2 1 3




1 2 1 2



Dom. Barrier- inu. f.





LVSTRALE  
COSMI  
TERTII  
MAGNI HETRVRIAE  
PRINCIPIS  
LAVACRVM



# FERDINANDO II

MAGNO HETRVRIAE

D V C I

GVLIELMVS DONDINVS

Felicitatem.

**A R M E N** à me superio-  
ribus diebus in Romano Col-  
**C**legio dictum, cum lustrale Con-  
sui Filij Tui lauacrum in co-  
rona Purpuratorum gratula-  
rer: ijsdem inuitantibus ad celebritatem fa-  
ma, audaciam publicæ lucis Tuis ab auspicijs  
mutuatur Serenissime **FERDINANDE**.



Cum enim argumenti Regalis maiestati Roma tunc assurrexerit venerabunda, in spem venit non immerito fore, ut venerator Orbis terrarum accederet, fulgorem Tui Nominis operis in fronte contemplans. Neque nova hac confidentia Heliconis, & Pindi Reginis ad patrocinium Hetruscorum Principum conuolandi, qui de desertis illas Graciae collibus & fontibus ad Apenninum, Arnumque deducentes, & Regia liberalitate sustentantes, effecistis, ut gentile Mediceae Familiae sit non minus fauere Musis, quam Musarum carmina promereri. Cum verò in contentione nostra fluuiorum palam fiat, omnia ferè Europa regna vestro sanguine occupari; si Regale supercilium ad hac legenda demiseris, non alienis videberis indulgere, sed Tuis, atque ipsi Tibi; à quibus hereditatem accipit Cosmus Filius, cum fama, ac ditionis amplissima, tum virtutum, domestica gloria thyrsos indolis teneritudinem excitantium.

Nimirum autem saeculi nostri amor me fallit,

lit, aut vix ullam Familiam priſca ætas tu-  
lit abundantem tot, ac tam Varijs heroica  
virtutis exemplis.

Nam Cosmum illum ſeniores venera-  
mur imaginem rogata maiſtatis: Arbitrum  
Regnorum Laurentium: ſuprà Leonem non  
adſpirat Pontificum, & Caſarum munifi-  
centia, nec ſuprà Ioannem animoſitas mili-  
taris: In Cosmo Primo Magno Duce ſuſpi-  
cimus fundatorem Imperij: parem Mundo  
mentem in Ferdinando: Cosmo Parente libe-  
raliorem pauperes in vota effuſi uſque ad de-  
licias, non optabunt. Sed de his alijsque aut le-  
gimus, aut narrantibus credimus: Te Pietat-  
is, juſtitiæ, charitatiſque in populos exemplar  
vium & miramur, & fruimur. Ne-  
que in tanta virilis virtutis ubertate ſterile  
feminarum ſeculum fuit, quin ſexum egreſſæ  
ad virilem laudem aſſurgerent, poſt geminas  
Galliarum Reginas, aliæ noſtræ ætatis He-  
roïne: & præcipuè VICTORIA Se-  
reniſſima Coniux, quæ generoſos illos ſpiritus  
plu-

*plurimum Claudia Matri debet acceptos.*

*Nimis hac multa fortasse ultra epistola modum, sed non extra consilium profitentis poetæ, se in laudibus vestris non fingere. Cum enim res pretiosa, Deoque simillima, ut ait ille, sint boni Principes in orbe terrarum: numquam illorum laudes excedunt modum, si laudantur ex vero.*





<sup>63</sup>  
**FLVVIORVM**  
**CONTENTIO**

DE LVSTRANDO AQVIS SVIS

IN BAPTISMATE

**COSMO III**

MAGNO HETRVRÆ

**P R I N C I P E**

**E** Rgo etiam gelidos vrit sacer ambitus amnes,  
Et violens placidis discordia regnat in vndis  
Haud equidem humanum bacchari flumina credam  
In morem, irato qualis se gurgite tollens  
Fingitur immiti Xanthus congressus Achilli,  
Sed vos fiderei proceres, qui sceptrā tenetis  
Fluuiorum, dum Mediceum lustrare lauacris  
Infantem ardetis, vestrosque affundere rores,  
Ambitione pia furias agitastis aquarum.  
Nec lites animos, aut anxia bella beatos  
Sollicitant, nec fas; verū stat iura tueri  
Ante Deum, seruatq; suam discordia pacem.

Postquam Mediceus hausit sol munera lucis,  
Et dedit Hetruscis populis, iam tantior Arnus

In-

Intumuit Rectore nouo, festoque sonantes  
 Mûrmure voluit aquas, at nubifer Appenninus  
 Lætitiâ exultans, iacit inter sidera frontem,  
 Aerias facunda ciens ad carmina quercus,  
 Queis assultauit scopulis vocalibus Echo.

Nec minus in Cælo pertentant gaudia mentes  
 Aligerum, quos Mediceæ custodiâ gentis  
 Tangit, & Heroum felix Hetruria partu.  
 Suetâ suam lauris Hetruria cingere prolem,  
 Timpana seu quatiat Mauors, seu plectra Camenæ.  
 At dum iustralis Populi sollennia pompæ  
 Rite parant, custos Infantis Principis Ales  
 Dat signum Cælo, superosque ad sacra Quirites  
 Conuocat : ingentes ea res audita tumultus  
 Custodes inter fluuiorum exciuit, & ipsa  
 Ambitiosa graui strepuerunt flumina motu.  
 Nam sibi quisq; decus tantum, magniq; Lauacri  
 Grande ministerium, & tingendi Principis ambit,  
 Regalemque suis implere canalibus urnam.  
 Ergo ruunt omnes in litem, occasus & ortus,  
 Et quos Auster alit fluuios, septemque Triones,  
 Mediceum Infantem totus sibi vindicat Orbis.

Nec titulis caret ambitio, argumenta feruntur  
 Certatim, memorat latiis qui præsidet vndis  
 Pontifices terris, Cæloque, ereboque potentes  
 Mediceos, & Roboreos. At Sequana magnas  
 In Regum thalamos, & Gallica sceptrâ receptas  
 Reginas, Oenuste Claudia Mater adorât  
 Archiducum, Hetruscum Lotaringo sanguine mix-  
 Mosa refert, Ister gelida quas misit ab Arcto (tum,  
 Ad solium Tyrrhenum, & Mediceos hymenæos,

Cæsareas canit Archiducum, Regumque sorores,  
 Quid referam tumido quæ personat amne Metaurus  
 Murmure lympharum, aurarum geminante susurro,  
 Nomen adoratum, faustum (VICTORIA) nomen  
 Regnatis populis, sub amata Roboris umbra?  
 Maternos quin iactat auos, terraque marique  
 Parta trophæa Ducum, & patrijs spolia addita tem-

An quos Cycnorum confusos voce, canoris (plis,  
 Mincius edit aquis plausus, veneratus Hetruscas  
 Reginas referam? Scultennæ an cara cientis  
 Nomina Virginæ? an Taro quos fundit ab omni  
 Ripa sonans? vbi Medicei Farnesia flores  
 Lilia fecundant, quæ Margàrita beato  
 Connubio, & pulchra natorum prole coronat.

Vos quoque anhelantes tantæ certamina palmæ,  
 Amnibus in gelidis, lymphæ exaristis Achiuæ.  
 Hinc caput antiquum generis, venerantur Athenæ  
 Palladiæ priuscos Dominos, à stirpe vetusta  
 Mediceos proauos, & clari sanguinis vnam  
 Fonte sacro, Italicæ Graia incunabula gentis.

Quis credat Solymæ auditos à finibus vsque  
 Iordanis fremitus? veteris dum nomina Cosmi  
 Carminibus certant citharisque attollere Cælo  
 Isacides Nymphæ, Cosmi qui munera fundit  
 Largus, vbi vitam fudit Deus, & Solymam auget  
 Hospitijs, templisque alio sub sole iacentem.

Quin ipsum fama est ad tantæ præmia laudis  
 Adspirasse mare, & nulla tentante procella  
 Tyrrhenos latrasse ferunt in littora fluctus.  
 Dum sibi lustrandi Regis decus, omnibus vndis  
 Arrogat, assuetum viâtrices æquore toto



Ferre rates, roseasque Cruces, tum rapta Tirannis  
 Threicijs spolia, & nequidquam Aquilone fremente  
 Mediceos dorso placido portare triumphos.  
 Ergo dum tantos animorum flumina motus  
 Concipiunt agitante Deo, & maria alta rebellant,  
 Ipse pater Tyberis, Tyberis regnator aquarum  
 Hesperidum (neque enim ambitio fraterna veretur  
 Vincula) solemnes vetat Arnum attingere pompas,  
 Ante Pronæ suo quam totam examine causam  
 Ponderet, & litis statu at victoria finem.

Ipsi pennigeros celerant trans æthera gressus  
 Siderei Reges fluuiorum, ad limina Diæ.

Est locus æthereo Lunæ candentis in orbe,  
 Stellarum postrema solo quæ proxima currit,  
 Augustæ domus, immortalis & aula Pronæ.  
 Hinc Dea subiectum de Cælo prouida Mundum  
 Spectat, & æternis versat mortalia curis.

Illinc Cælicolæ vigiles, Diæq; ministri  
 Aligeri, qui terrarum moderamina curant,  
 Si quando dubias tenuit discordia mentes,  
 In dubijs diuina petunt oracula rebus.  
 Illinc res hominum pendent, & lubrica fata  
 Regnorum, quidquid fortunæ adscribere gaudent  
 Ignaræ mentes, trutina libratur in illa  
 Ante diu, sortemque trahunt consulta sequacem.

Ac velut yndosum dum currit nauita Pontum,  
 Et modò velorum transfuersis excipit alis  
 Obliquas hyemes, recto modò cæula cursu  
 Diuidit, attoniti turbantur pectora vulgi  
 Artis ad ignotæ strepitus, fallacia ridet  
 Iudicia, ille viæ medijs securus in yndis,

Non

Non intellecta clauum ratione gubernans .

Huc vbi Rectores fluuiorum atque æquoris alti  
Conuenere, prior latias qui temperat vndas,  
Reginam supplex veneratus talibus inquit .

An quisquam temerè hunc sacri lustralis hono-  
Inuideat tantum Tyberi ? cui flumina parent (rem  
Terrarum, cui serua Thetis, quem Tartara gallent,  
Parent, si qua fluunt rutilantia flumina Cælo.

Omnia qui sacræ moderor ditionis habenis  
Munera tanta mihi, sed debita munera posco.  
Eliciens Tuscis tyberinas fontibus vndas  
Mediceis Ducibus subdo caput; inde per amplum  
Euoluor Latium, stirpi regnatus Hetruscæ  
Non semel, & senis supponens orbibus orbem.

Nam quales olim iactabam lumina regni  
Romulei, priscos Fabios, magnosque Catones,  
Scipiadumque animos, nunc Numiua Vaticani  
Imperij, tot Medicea de gente profectos  
Pontifices, tot Roborea de stirpe reuoluo.  
Nec tantum Augusti se mundi fama per aures  
Intulit, innumeris tenuem seu Pallada donis  
Subleuat, occiduis palmas seu miscet eoas :  
Quantum vnum totus canit Orbis, & omnia latè  
Secula iactabunt Detimum Romana Leonem.  
Hoc felix regnante fuit mea Roma, nec vnquam  
Auspicijs viguere bonæ melioribus artes.  
Purpuræo diues sapientia fulsit in ostro,  
Et doctæ gemmis opulenta, auroque sorores  
Reginas cultu pharias vicere superbo.  
Quin & dilectum Musis Bellona Leonem  
Fouit, & insigni Victoria fronde coronat .

Milite dum Latio nixus, ductore Columna  
 Insubriæ caput expugnat, Parmaque recepta  
 Restituit Petri subiectas clauibus Vrbes.

Sed neque te fileam Clemens, inuicta gerentem  
 Pectora fortunæ, & contraria fata domantem  
 Consilij. Hic infensos nuper, sibi iungit  
 Sanguine, Gallorum Austriaco cum Cesare Regem.  
 Hic Patriam Genti, & florentes reddit honores,  
 Tam lätos statuit fines fortuna malorum.

Iam tibi non impar o Cæsar, Iulius alter  
 Roboreus, fulgens Materni sanguinis astrum,  
 Surgit ad æquales rerum moderator habenas. (nis  
 Sed Romæ hunc clypeum fatalem, hostemq; Tyran-  
 Terribilem, Martemque pium Tyberinus adorat.  
 Te Patriæ, & Mundi excidijs effudit Enyo.  
 Illo signa Petri, Romanaque castra mouente,  
 Contrà stare nefas, Vrbesque, aciesque cadebant,  
 Surgebant illo languentia regna fauente.  
 Usque adeò Latij properans ad classica Martis,  
 Semper Iulæis meruit Victoria castris.

Ante diem Phœbus condat, referatque renatum,  
 Quam vacet annales sacrorum euoluere Regum,  
 Et trabeas Patrum innumeras, & quidquid vtramq;  
 Muricis in Gentem fluxit de fonte Latino,  
 Dum sacra gentili procerum se miscuit ostro,  
 Plurima & inuenit, faceret cum purpura, Reges.

At quò Romulei Maiestas prima Senatus,  
 Italiæ decora, & Patriæ florentis amores,  
 Me gemini rapitis CAROLI? concordibus alter  
 Cum Patribus, magnum Rectorem sufficis Orbi,  
 Et triplici meritam cingis diademate frontem:



Alter ab imperijs, & classe vocatus Ibera  
 Ad Petri puppim Cæli æquora decurrentem,  
 Belligeram placida mutasti cassida mitra:  
 Per vos Heroes, quos Tiberis, & Arnus honorat,  
 Constet honos Tyberis, & Latij sua gloria lymphis,  
 Mediceamque meis augete liquoribus urnam.  
 Hæc Tyberis Præses: Custos tunc incipit Arni.

Sydere sub Tusco genitum, florentis in Urbis  
 Amplexu, & Patriæ cunabula cara prementem  
 Infantem, patrijs lustrari poscimus undis. (thum?  
 Quem lauit Assyrium Tyberis, quem Sequana Par-  
 Quòd si Mediceos libeat componere fastos,  
 Et legere Heroum populum, cui copia maior  
 Quàm mihi, Medicei qui sanguinis educò fontem?  
 Vna Domus, pacis procures, gentemq. togatam,  
 Magnorumque Ducum diademata, fulmina belli  
 Vna tulit. Iactet (neque enim mea dona retracto)  
 Pontifices Tyberis, magnorum Sequana Regum  
 Reginas socias, omnes his sedibus ortos,  
 Qualescumq; plagas, quodcumque in nomen ituros,  
 Lustrauit patrius lymphis natalibus Arnus.

Sed iuuat Heroës externa in Regna profectos,  
 Externos veluti mihi dissimulare, meumque  
 In censum referam tantum, quos patria nunquam  
 Diuisit gremio, nutricis & vberis ripæ.  
 Et mittam veteres: seu te, Siluester, amantis  
 Præsidium populi, aut Verium, quem purpura fru-  
 Imperij osorem sequitur, fascesq. dolentes (stra  
 Contemni, ad Cosmum propero, regalibus ipsos  
 Aequantem gazis, generoso & pectore Reges,  
 Se tamen, atque suos priuati lege tenentem.

Indidit huic Magni nomen clarissima virtus.  
 Magnus in erectis ad fulgida sydera templis,  
 Regalique domo, patriæ moderamine magnus,  
 Et quoniam inuidiæ furijs agitatus iniquis,  
 Magnus in exilio. Hadriaci Regina profundi,  
 Extorrem Patria, Venetis adiungere gaudet  
 Patritijs Cosmum, Regumq, augere Senatum.  
 At patria inuidit rursus, solemque latentem  
 Aequore, natales Arni reuocauit ad vndas.  
 Hic semel amissa intendit virtutis amores,  
 Haud vnquam gremio diuelli passa, parentis  
 Et patriæ titulis tumulos ingentibus ornat.  
 Viuentem Patriæ Ciceronem Roma parentem  
 Dixerat: extinctum dixit Florentina Cosmum,  
 Omnis adulantum cum spes præcisa fauori est.

Magnus auo magno non inferiora secutus,  
 Fortunæ, & virtutum heres Laurentius instat.  
 Hunc olim Auctorem pacis communis adorat  
 Italia, æquali lances in meate gerentem,  
 Et suspensa pari librantem examine regna.  
 Quem postquam eripuit misero mors inuida sæclo,  
 Concentus siluit turbato fœdere pacis:  
 Cessante vt quondam Phœbo, si credere dignum est,  
 Mutatum errantes pondus sensere quadrigæ,  
 Et Phæthontæo sumauit funere Mundus.

Qualis ab ingenti vena de montibus altis,  
 Erumpit tumidus natiuo gurgite torrens,  
 Inque viæ spatio largis cumulatur aquarum  
 Diuitijs: clara se talis origine fundens  
 Mediceus sanguis, quò longiùs aspicit ortum  
 Exundans prole Heroum vberiore superbit.

Quis

Quis post Laurentes, post Magni nomina Cosini  
 Ulterius fastis accedere posse putaret  
 Mediceis? Mundi tot latè sceptrā gerentes  
 Pontifices, tot bellantum fortissima corda  
 Heroum, Magnosque Duces? Te Cosme regendis  
 Imperijs fausta Capricorni luce vocatum,  
 Artibus egregijs pacis, bellique laborum  
 Ardua Medicei fundantem exordia Regni;  
 Quem propter meritos sumens Florentia fastus,  
 Vno, eodemque duos decorat cognomine Cosmos,  
 Ciue illo Magno, Te Magno Principe gaudet.

Præterisse nefas Ioannem prole superbum  
 Regnatrice, Ducum fontem de Matre trahentem  
 Sfortiaca, Italiæ Martem: quem in clade maritorum  
 Externæ vxores vlularunt crine soluto,  
 Barbara Tyrrheno deuantem agmina ferro.  
 O nimum infausi Italiæ infelicis amores,  
 Delitiæque breues semper! dum castra flagellat  
 Impia Mediceum fulmen, proturbat & hostem  
 Victor, & Eridani defendit in aggere Romam:  
 Tormenti maiore globo fatalis Erinnyes  
 Perculit, ingentique adimens mox vulnere vitam  
 Immeritam, primum annorum præflorat aprillem.

Tunc hostes domitum transmisit flumen ouantes,  
 Mediceumque suo sociauit funere funus  
 Ausonia, indignas Maiestas passa catenas,  
 Et spoliata sedens captiuo in puluere Roma.  
 Quem si fata suos paterentur ducere cursus  
 Tu Dea, tu nosti, nec prædæ Roma fuisset,  
 Regna nec externæ cessissent Itala Genti.  
 Cladibus ò tandem saturata quiescite nostris



Numina : & Italiae Laurentem reddite pacis  
 Authorem: aut si bella placent, hos reddite Martes:  
 Inuictum & Proauum referentem pectore, & armis  
 MATTHIAM geminate meum. Sic dixerat Arni  
 Arbiter, & socijs pauca hæc mirantibus addit,

Verum inter meritos nomen memorabile Reges  
 Nil FERDINANDIS sapientiùs inuehet vnquam  
 Orbibus Astrigeris argentea buccina famæ .  
 Ambo animis, clari factis Regalibus ambo,  
 Egregijque operum, fortunatique laborum,  
 Posterior pietate prior, de sanguine Cosmi  
 Quam trahit, Austriacæq. haurit cum lacte Parentis.  
 Illum, seu patrios populant contagia campos,  
 Prouentu seu pigra ceres respondet iniquo ,  
 Sparsi auri riuus, & quæ pretiosior auro est ,  
 Regali cura , solantem vulnera fati  
 Sospes adorauit Tyrrenus; pacis amantem  
 Iustitiæque, sed armorum, bellicque capacem ,  
 Si pacem Italiae fatum lugubre repellat ,  
 Et Martem vocet Europæ communis Brynnis.  
 Tum capiti statuunt victrices sydera laurus  
 De debellatis Lybiæ, Lunæque sagittis.

Hæc Arni Custos, reliqui diuersa frementes  
 Cêlicolæ, vt partes longo post tempore tandem  
 Orare suas, titem diuina Pronæ  
 Soluit, & his mulcet discordia pectora diuis.

Syderei Proceres, magnum affectatis honorem  
 Promeriti, nec iusta finam vanescere vota .  
 Omnes lustrali cupitis miscerier vræ ,  
 Lustrali latices fas vræ infundere vestros,  
 Haud longus labor est, animos adhibete, docebo.

Om-

Omnibus ut fluijs communem præbeat ortum  
 Terra parens, laxans gremium sub rupibus altis,  
 Nota satis: vobis illic natalis origo  
 Proxima, finitimi fontes, quibus erumpentes  
 Ambitis vastum sinuosis flexibus orbem.  
 Ite ergo, & vestros pariter confundite fontes,  
 Vicinasque Arni miscete canalibus undas.  
 Ille superfusis gaudens humoribus ibit  
 Auctior, & fluuios immixtos inuchet vrna  
 Medicæ, partemque sacri capietis honoris:  
 Nec se præteritum doleat mare; flumina Ponti  
 Omnia sunt proles, cunctorum humoribus vnus  
 Abluet Infantem, tanti pars magna Lauacri.  
 Quin etiam Tyberi consent sua iura, Latinum  
 Sydes, adoratos gemino de Sole rubores  
 Crine trahens, sacris Præses lustralibus esto.

Dixerat, atque omnes Diuæ plausere fauenti.  
 Gaudet honoratas lymphas in munere tanto  
 Quisque suas, fratrum nec quisquam inuidit honori.  
 Ergo iter accelerant pennis, & iussa facessunt.

Quà caput attollunt Europæ vertice cano,  
 Stellarumque niues immiscent ignibus Alpes,  
 Æquantes imo montana cacumina dorso:  
 Interior vastis claudens Natura cauernis  
 Thesauros liquidos humoris, stagna, lacusque  
 Format, & imensos cumulat crateras aquarum:  
 Scilicet innumeris nomenque, caputque datura  
 Fluminibus: Rhenus gelidis hinc voluitur undis,  
 ChrySTALLUMQ. fluens Ticini, Oenusque Athesisque  
 Et fuga velocis Rhodani, viridique corona  
 Riparum Eridanus gaudens, ac nobilis Ister

Fontibus augustis, sexaginaireque tributis  
 Amnium inundatus, qui spumeus æquoris instar  
 Albet, & exteret spatioso gurgite Nereum.  
 Quidquid & infusum fluuiorum sanguine viuo  
 Europæ venis, messes facundat opimas,  
 Illis in specubus, niuei ceu lactis, aquarum  
 Vbera fugit, inexhaustus nec deficit humor.  
 Quippe per occultos sese maria alta canales  
 Insinuant, & purgata, sub fornice cæco  
 Montium, amaritie, patrium regeruntur in æquor,  
 Æternumque fluens natura reciprocatur orbem.

Has mundi ad sedes penetrales, humida regna,  
 Cælicolum chorus æthereo delapsus olympo,  
 Fluuiorum repetunt cunabula parua suorum  
 Finitimis diuersa locis, urnisque repletis  
 Ad caput accelerant, vnde aureus emicat Arnus,  
 Et sacrum infusis fontem torrentibus augent.  
 Deinde suas ipsi tacite labuntur in vndas  
 Ætherei ciues, florentem scilicet urbem,  
 Atque urnam, & sacras subituri numine lymphas.

Interea Vaticano de culmine, Summus  
 Christiadam Rector, cui sceptrum Vicaria Cæli  
 Dant Superi, virtus meritum, natura capacem  
 Imperij mentem dedit, INNOCENTIUS Orbis  
 Arbitrator, & Latij delectum Regibus vnum  
 Heroum florem florenti destinat Aulæ,  
 Purpureum Ludouisium, qui numine Patris  
 Romulei, Cælum Regali pandat Alumno,  
 Mediceis superos inclinet & orbibus orbes.

Expectata dies aderat, terrasque polumque  
 Phœbus inassuetæ decorabat cyclade lucis :

Et



Et iam dilectas sacris lustralibus ædes  
 Virgineas, Urbisque fora, & strata ampla viarum  
 Implerant populi, cum Regia limina linquens  
 Nobilibus Princeps Magnus comitatus ephebis  
 ( His phrygio textu chlamys, & rigido grauis auro,  
 Ridet ab illuso gemmis hilarata argento, )  
 Quadrijugo inuehitur curcu, quem purpura ditat  
 Infuso pretiosa Tago, scintillat Erythre  
 In phaleris, aurumque superbia mandit equorum.  
 Anteuolat pictis fulgens equitatus in armis;  
 Tela diem sæuum ingeminant, clangore tubarum,  
 Astra virum clamore sonant, centumque fragore  
 Tecta boant, balistarum pulsata sonantum,  
 Et vocum, & fidium concentu templa resultant.

At postquam sacris operatus rite Sacerdos,  
 Infusum Cælum plena diffudit ab urna,  
 Et Ludouisins generosum pondus in vlnas  
 Excipiens, tenero sacra imprimit oscula Regi:  
 Continuò Aligeri ardentes, se numine toto  
 Magnanimo inspirant Infanti, qualia circum  
 Se se apium Hyblæo fundunt examina flori.  
 Scilicet in faciles magnarum semina sensus  
 Virtutum sparsuri, alij pietatis anitæ  
 Insinuant cultum, Reginarumque capaces  
 Mundi animos, alij Decimo laxata Leone  
 Corda replent, illi quæ sanguinis humor abundat,  
 Medicei miscent iras, & robur Achillis, ( far  
 Cum geminis FERDINANDIS hic te quoque Cæs,  
 FERDINANDE alij iungunt, vt nomine in vno,  
 Sic omnes vno condunt in pectore COSMOS.  
 Salue ò Regnantum Heroum generosa propago,  
 Et

Et prolem geniture parem, dignatus Olympi  
Auspicio tanto, famulantibus vtere Diuis.

O Pater! ò Soboles! ò spes fundata Nepotum!

Tolle animos, & Medicea finge indole dignos,  
Spirantes altum, solitæ nec laudis egentes.

En tibi secundo sub pectore, viuæ laborant

Semina virtutum, cupidis ostendere terris

Mediceos in prole Heroas: cresce tot vnus

Plene puer fatis, & famæ pande theatrum.

Nulla tuas mundi plaga nesciet vltima laudes,

Nulla tibi laudum pars intentata manebit.

Ætatis dum flore virens, instabis amœnis

Aonidum curis, idem qui docta Leoni

Carmina dictauit, se in pectora fundet Apollo.

Nec minus eloquij nectar stillabit in ora,

Mellaque Laurentis, qui Regem voce repressit

Parthenopes, & pacem armato extorsit inermis.

Si studia asperiora trahent, ferroque iuuabit

Causam orare, calet non vno sanguis Achille.

Dorsa super tumidi si quando equitare libebit

Æquoris, & Thetidem telorum spargere nimbis,

Tecum Roborei Francisci scandet in alnos

Impetus, & crescent Othomanno sanguine fluctus.

Nec consanguinei Reges optata requirunt

Auxilia, Arctæos Italo sic Marte tumultus

Frænât Auus, seruatq. propinqui Cæsaris Urbem.

Credo equidem numquam felicia numina sanctam

Mutatura fidem, quòd si expertura vigorem

Magnanimæ mentis, modicum fortuna reflabit,

Quale solent auræ leuiter languere secundæ, (tur,

Tunc Pater vt quondam morbum, Martemq. repellit

Mor-

Arcano teneras firmabit robore vires .

Sed pietas laudes ante omnes regna capeffet: (ma  
Quam Genitor, quam Cosmus auus, Augusta q. flam-  
Sanguinis Austriaci venis, & corde refundit.

Ingeret hæc menti Superos, Regesque minores  
Effe Deo, & regni culmen submittet olympto.

Hæc hominum commune genus miserata, rigabit  
Pauperiem flauis pretiosis imbribus auri .

Ætatem illa omnem teneat, primamque iuuentam  
Imbuat illa virum, vitæque extrema beabit ;

Quin immortalem longæ post fata senectæ  
Afferet, & serum proavis cælestibus addet .

## L A V S D E O.















**B E L L V M**  
**HIBERNICVM**  
**P R O**  
**CATHOLICA FIDE**







ILLVSTRISS. ET EXCELLENTISS. D.

# NICOLA O LVDOVISIO

Plumbini, & Venusiæ Principi, &c.



GVLIELMVS DONDINVS FEL.

 NTER opera in æuum  
omne mansura, quibus ma-  
gnus Ludouicus Cardinalis  
frater tuus, Excellentissime  
Princeps, Ludouisium nomen ab anti-  
quo in Italia gestis, Bononiæ, Neapoli,  
Romæ magistratibus inclytum, apud  
exterarum gentes propagauit, non vltimū  
Collegium Ludouisianum Hibernen-  
sium




sum fuit, in quo bellicosa Septemtrio-  
nis iuuentus haustam cum literis pie-  
tatem in patriam referens, cum armis,  
& sanguine propugnarit, nostris carmi-  
nibus argumentum suffecit. Nimirū  
Princeps ille magnanimus nationes  
omnes capaci mente complexus, bien-  
nio, quo Gregorius XV. Patruus regna-  
uit, & perbreui ab illius excessu vitæ  
spatio, angustias mortalitatis, tam glo-  
riosis facinoribus extendit, vt obruan-  
tur legentium animi rerum mole, quæ  
gerentem non fatigarunt. Illo siqui-  
dem curarū partecipe Gregorius, Chri-  
stianorum Regum arma in ciuile bel-  
lum eruptura, in quo vter vinceret, cer-  
ta religioni clades inferebatur, conuer-  
tit in veros hostes hæreticos, ad trium-  
phos, eò magis gloriosos victoribus,  
quòd victis etiam salutare. Auro, & fœ-  
deribus confirmauit Ferdinandum II.  
Cæsare, & Catholicos Germaniæ Prin-  
cipes,


cipes, vt hæreticorum contumaciam;  
vindicanđæ religionis occasionem fa-  
ceret, Sigismundum quoque III. Polo-  
niæ Regem, vt Valachiam septingentis  
millibus barbarorum inundatam, mu-  
taret in tumulum, Othomanicæ cladis  
monumentum sempiternum. Maxi-  
miliani Bauari, pro catholica fide vi-  
ctorias, Electorali dignitate remunera-  
tus, Bibliothecam vicissim Palatinam,  
Hæresis spoliū, dono accepit, quam  
Vaticani ornamēto transmisit. Cū  
ad aras cœlitibus quinque per cele-  
brem apothecosim deuocatis, cœlum  
quoque suo beneficio exhilarasset, in  
terris humanorum operum cœlestissi-  
mum Romani Pontificis electionem  
sapientissimis legibus ordinauit. vt  
summa libertate, summa potestas le-  
geretur: nec Vaticanos vnquam Se-  
natores pœniteret Principis, quem  
non alieno arbitrio, sed suo, suis, &  
Rei-

Reipublicæ ceruicibus imposuissent .  
Hæc aliaque cum Patruo Pontifice  
Cardinalis, cuius post obitum in tanta  
decessione fortunæ, maior apparuit .  
cùm instar colossi, subducta terrarum  
principatus basi, sua tantùm magnitu-  
dine æstimaretur. Tunc illa documen-  
ta magnanimitatis, sapientiæ, liberali-  
tatis, in principes viros, in priuatos, in  
sacros ordines, in cælites; collegiorum  
molitiones, templorumq; huius Igna-  
tiani toto Orbe pulcherrimi, excepta,  
plausu populorum, ac Regum, qui ex-  
tincto Gregorio, Ludouici Cardinalis  
amicitiam donis amplioribus coluerūt,  
destinata Mediolanensis Ducatus præ-  
fectura, & nobilissimis Hispaniæ insu-  
lis, quò propiùs aulæ admotus, regijs  
consultationibus adhiberetur, vt lique-  
ret, veneratores fuisse Reges Ludouisia-  
ni, non regni, sed animi, quo regna tem-  
perantur. Hæc eò libentiùs Tibi com-  
me-



memorauī Princeps Excellentissime,  
quòd Tu quoque fraternarum laudum  
æmulator, beneficia certauisti cum  
Regibus, & Societatem nostram am-  
plecteris, hæres amorum. Quòd si mo-  
dum excessit epistola breue carmen de-  
dicatura, ignosces, aut laudabis: vbi  
reputaueris, difficile nobis esse, tenere  
modum in vestris laudibus, cùm vos  
non tenueritis in beneficijs. Quamuis  
enim cetera pauperibus desint, vnum  
tamen superest gratiarum genus, ma-  
gnitudini vestræ, nostræque tenuitati  
accomodatum, meminisse, & profiteri.  
Vale.








# PROLVSION

**B**ELLVM pro Catholica fi-  
de, quod Hiberni sextum  
iam annum gerunt, quantum  
sanguinis hausit bellatorum è  
venis, tantum laudis è littera-  
torum ingenijs exposcit, imparem quidem  
mercedem, sed qua maior representari non  
potest. Ab hoc verò Romano Atheneo non ex-  
poscit modò, sed flagitat; non solum eo nomi-  
ne, quo bellica virtus consecrari carminibus  
solet, & Musis inde nobilitas; sed quia Ro-  
ma praesertim interest, Heroas Calo pu-  
gnantes, ac sibi, coronare; & quos Hereticorum  
impietas calamis, & gladijs insectatur, ora-  
tione defendere, cum Hiberni se satis ferro  
tueantur. Accedit quòd cum Hibernorum ple-  
rique in Diui Isidori templo, & Ludouisia-  
no Collegio pietatem cum literis hauserint, in-  
dolem in ijs suam agnoscere poterit Roma: si-

G

qui-

quidem *Heorum* genus, ut ait ille, non tam sanguine quam virtute censetur. Quòd si ultimam belli causam a describimus impia legi ab hæreticis lata, ne quis augustissimum *Servatoris* Nomen adoraret (qua causa consecrari propemodum *Hibernorum* arma, nemo non videt) hoc historicè facimus, non pœtica fingendi libertate. Quamvis & hoc iure modestissimè utamur; dum magnam rerum partem inducimus *Dium Patritium Hibernorum Apostolum*, cuius externa luce anniversariam memoriam celebravimus. Quandoquidem ex fidei nostræ principijs, & exemplis à veritate alienum non est, immo credibile & pene dixerim necessarium, Pastorem illum amantissimum, ut olim cum degebat in terris, sic etiam nunc de Cælo *Hibernia* suæ laboribus, & periculis immisceri.



CAR.

## C A R M E N

V A D E per Oceani spumantes sanguine fluctus  
 Musa, Caledonias qua despicit altior undas  
 Insula, mortiferis Hiberne infensa venenis,  
 Perfidiaque inimica magis; populumq. potentem,  
 Aut patriam seruare fidem, aut occumbere morti,  
 Indere belligeris æui decus inferre fastis.

Dum Bellona ferox odijs ciuilibus orbem  
 Christiadum lacerat, nimiumq. furentibus armis  
 Mutua cognatae pereunt per vulnera gentes:  
 Nec solum Odrisios mors effera dirigit arcus,  
 Lunaque magnanimo excidium meditata leoni  
 Sæuius ore rubens Siculisq. Italisque minatur,  
 Sed propiore malo magnorum in viscera ventum est  
 Regnorum: hic molita nouas discordia clades,  
 Fratribus abruptis fratres, natisque parentes;  
 Ut quas non hostes potuere excindere ferro,  
 Incensa caris fument à ciuibus vrbes:  
 Dum pia Religio super altæ stragis acernos,  
 Semirutas vrbes inter, camposq. colonis  
 Desertos, vlulans furit, inclinataq. bustis  
 Oscula dispensat populis materna preceptis:  
 Tum quoscumq. tepefactos cruor incitat amnes,  
 Partem animæ putat esse suæ: tandem vna dolentem  
 Sanguinis Hiberni solatur purpura matrem,  
 Purpura, qua rubuere pio sacra pectora Marti.  
 O animæ Cælo caræ! ô deuota Tonanti  
 Pectora, quæ geritis victricia fulmina dextris,



Pergite magnanimis superos augere trophæis.  
 Interea dum vos gelidos pro solè Triones  
 Lustratis fidei flammis, & sanguine claro,  
 Si qua pio vati spes facta æquare canendo,  
 Ipse redorditus tanti primordia belli  
 Exequar, & repetam vestras ab origine palmas.

Venerat ad summum impietas, extremaq; tentans  
 Hæresis, in populos nimis imperiosa Britannos,  
 Augebat rabidos expiratura furores:  
 Illa parens diuûm, quæ tot diademata Cælo  
 Intulit, erectis pro Relligione trophæis  
 Nobilis Albion, vestigal pendere Petro  
 Sueta pium, Romamq; vel vltimo ab orbe tueri,  
 Proh dolor! infensos animos, inimicaque nutrit  
 Fectore nunc mutato odia, exulat omnibus aris  
 Iam Romana fides, raro cultore vocata,  
 Et timido, eiectis superis, dominatur auernus.  
 Atque vbi florebant artes pietatis auitæ,  
 Squalentes videas cultus, desertaq; regna  
 Virtutum, martem tantùm furiasque vagantes.

Proxima clade pari, quamvis in dispare morbo  
 Insula, Caluini grauioribus ista venenis,  
 Vrgetur moriente fide; si tela rotanda  
 In superos, si Relligio damnanda catenis,  
 Aut laqueis, ambæ iurata: cætera disquis,  
 Legibus, & studijs discordes, nec magis vnâ  
 Conueniant, quàm cum tauris, vrsisque molossi  
 Ire queant, aut cum tygribus stabulare leones.

Vnica tot clades inter solatia Cælo  
 Præbebat veteris custos pietatis Hiberne.  
 Huc omnes aris pulsi, templisque propinquis

Con-

Confugiunt superi; venientibus obuia pandit  
 In fula sanctorum gremium; verum illa nefandis  
 Supplicijs luit esse piam, magnoq. recepti  
 Grande patrocinium Cæli stetit; æstuat ira  
 Hæresis, & quoniam pietatem auferre negatum est  
 Hibernis, rapti census, patrimonia, sanguis.

Sed pensat tot damna fides, nil pordere credunt,  
 Si liceat retinere Deum, dispendia rerum  
 Lucra putant, est diuitias amittere tanti,  
 Dum spe possideant Cælum, regniq. beati  
 Pauperiem pignus teneant; iuuat infima summis  
 Mutare, ac terræ licitari sidera iactu.

Quid memorem populos taxatos ære, prophana  
 Tempia recusantes atcedere? quid renuentum  
 Iniustas leges, actos interga molossos?  
 Quid memorem triuijs proiecta cadauera plenis,  
 Per graciles transfixa sudes? quid ab vbere matrum,  
 Anulsam teneram prolem, nutricis in vlnas  
 Externæ, vt mixtum biberet cum lacte venenum.

Hæc toleranda forent, si non in Hiberna iocaret  
 Impietas capita, & fierent ludibria mortes.  
 Heu quoties iussis apponere ciuibus ora  
 Ad scloporum aditus, & summa foramina, miles  
 Per ludum, exploso traiecit guttura plumbo?  
 O quoties cum deficeret pila lignea ludos,  
 Hanc subiungere vicem capita è ceruice recisa  
 Dein reuoluta solo! sceleris proh summa nefandi!  
 Et potuere homines, hominum spectare rotatas  
 In girum facies, nec lumina perculit horror?  
 Et potuere manus frontes tractare cruentas?  
 Cumq. oculis digiti inciderent & in oris hiatus,

Dextera ferales non horruit improba tactus ?  
 Scilicet haud solitam pompam præbere malorum  
 Impietas gaudet, confundere lumina matrum  
 Sanguine natorum, materno aspergere natos.

Hauferat illustris Matronæ, miles acerbus  
 Immeritum latus ense, virum quòd prodere nollet  
 Pro pietate reum, prostrataq. vulnere dirò  
 Illa gemebat humi, vitam cum sanguine fundens  
 Purpureo. Agnouit casum genitricis amata  
 Ludebat qui forte puer, laturus & ægræ  
 Auxilium vt poterat, plagæ os admonuit hianti.  
 Seu fuit ille pij sensus, seu non ita pridem  
 Vbere depulsus materno, munera lactis  
 Se se haurire recens nato de fonte putabat.  
 Dum videt hæc miles, mollescere pectora motu  
 Sensit inassueto, sed comprimit ira, moneri  
 A puero indignans, tandem vt miserescere discat.  
 Ergo rapit miserum, frangitq. ante ora parentis;  
 Quæ viso hoc tenuem consumpsit funere vitam.

Barbare, crudelis ! nam quid peccauerat infans ?  
 Si reus est amor in matrem, veniam impetrat ætas  
 Tam sanctæ culpæ; matri succurrere tentat  
 Imprudens quid agat, fuit excusabilis error,  
 Naturæ, quam tu spernis, parere puellum.  
 Vsque adeo ne pias olim crudescere mentes  
 Impulit error, & humanum dediscere morem ?

Finiat ante diem Phœbus, quam flere dolores  
 Hibernos vacet; at finem sperate malorum  
 Illustres animæ, quòd vos premit alta ualorum  
 Ilia; ad funus properat violenta tyrannis.  
 Dumq. ferox poscit, vi, fraudibus omnia posse,



Incipiet iam posse nihil; vertentur in imum  
 Summa rotæ, humanis sunt hæc solatia fati,  
 Ultima quod nequeunt consistere; venit in altum  
 Hæresis, ut præceps ruat impellentibus astris,  
 Flamma sub occasum geminat moritura vigorem.  
 Ecce nouam legem, extremum parit impia mon-  
 Perfidia, ut nemo obsequijs dignatus adoret (strum  
 Vindictis humanæ sobolis venerabile nomen.  
 Proh pudor! à geminis regnis infame receptum  
 Nauigat edictum, finesq. appellit Hibernos.  
 Ter maris vnda ratem sceleratam in limine portus  
 Sorbere est conata, ter insula reppulit à se  
 Sponte recedenti tellure, inuitaq. tandem,  
 Nec nisi vindictæ (credo) præsaga recepit.  
 Nam postquam rumor populorum venit ad aures  
 Impius, Hibernis cultum, obsequiumq. negari  
 Nominis Augusti, quod fixum in corde gerebant:  
 Non secus, ac si progeniem mactare parentum  
 Ante ora, atq. ipsos venissent spargere ponto  
 Exilijs profugos, dolere: dolore furorem  
 Continuò pariente, fuit simul impetus, omnes  
 Auctores luctus discerpere; sed premit iram  
 Consilium, spe non dubia, grauiore ruina  
 Mox erupturam, veniant cum tempora bello,  
 Ductoresque. Regi vult implacabilis ira,  
 Ut noceat, furias paulum, temeraria ponit,  
 Certius ut vulnus, meditato dirigat ictu:  
 Te felix ONELLE oculis, te voce requirunt  
 Vnum omnes, Regum qui sanguine clarus, Hyber-  
 Consilij, animisq. potes fulcire labantem. (non  
 Senferat, is populi studia, atq. in cardine rerum

Sollicitus tanta, neque enim ludrica mouebat,  
 Sed patriæ indigno dissoluere vincula collo,  
 Hostibus atq. vnam geminis opponere Hibernen,  
 PATRITII augustas ædes penetrarat, opemq.  
 Quam laturus erat Patriæ, implorabat ab astris.

Noctem illum totam orantem, finemq. malorum  
 Poscentem Diui ad tumulum, cum lampadas humor  
 Deficeret, dubioq. faces fulgore narent,  
 Confusum curis sopor occupat. Ecce recluso  
 Ingens vmbra viri, procedere visa sepulcro,  
 Ante oculos; cana cui maiestate, verendam  
 Frontem ambit Cydaris, claris trabea aurea lucet  
 Sideribus, læua vexillum insigne gerebat,  
 Ore Deum, ac Cælum spirans; qualisque videri  
 PATRITII solet in tabulis, sed maior imago.  
 Illa videbatur porrecta accersere dextra  
 Felicem trepidantem, atque has expromere voces:

Maeste animis generose, ducum fortissima proles,  
 Nedubita dare te populis, mea rursus Hiberne  
 Te Duce, magnanimis succedet in æthera factis.  
 Hæresis excidium properat voluentibus astris,  
 Tempus in arma ciere viros, et tollere signa.  
 Sed quoniam hydra ferox, non vno colla sub ictu  
 Victa dabit, clari consortes quære laboris.  
 Eugenium, Præstonq. voca, fortemque Perallum.  
 Vltonia Eugenij ductu, te præside Præston  
 Roscomani campi, hostili sub cæde latebunt.  
 Porcellum, & Rupem mittet Momonia, Burgos  
 Conafia, at cum Finglesio, Lagenia, Bernum,  
 Et Giraldinum euersorem pacis iniqua.  
 Tum quos centum alios felix alit Insula Martes.

An-

Ante omnes Vaticani cœleste parentis  
 Præsidium implora, vt dextræ nutu orsa secūdet.  
 Sugeret ille aurum, longèque potentius auro  
 Fortunam, Numenq. dabit, pugnabitis ambo  
 Vos armis, Roma auspicijs. Virtutibus heros  
 Inclite Scarampi, primas seruabis Hybernæ  
 Mox & Firmanus præses, cui mellea labris  
 Suada fedit, pietas regit & sapientia mentem.  
 Huius in aduentu, quanto concordia nexu  
 Æmula corda Ducum iunget, contraq. nocentes  
 Dissidiumq. metumq. feret, certamina, clades.  
 Hæc olim: quæ nunc fieri properè ipsa monet res,  
 Accipe. Vbi lucem sol crastinus enchet auream,  
 Concilium magnum populi, procerumq. senatum  
 Expectatus adi, belloq. hortare volentes.  
 At ne quis dubitet sacris accingier armis,  
 Hæc vexilla cape, (hic vexillum tradere visus (bunt.  
 Purpureum) hoc, inquit, freti in media arma vola-  
 Quos non augebunt inimica cadauera campos?  
 Stragibus Hiberni quantis fumabitis amnes?

His sopor excussus dictis; recludit O N E L L V S  
 Lumina, P A T R I T I V S tenues excessit in auras.  
 Sed ne spectra putes, vexilla reliquerat, & iam  
 Pallebat templi vitreis aurora fenestris.  
 Propitios rursùm cineres gratatus adorat,  
 Et surgit; dein concilium plebisq. patrumq.  
 Extra urbem subit in campis, vbi murmure lato  
 Plaudentum procerum, vulgique fauentibus auris  
 Exceptus, modico è tumuli sic aggere, fatur.

Centenos annorum orbes, rota solis Olympo  
 Compleuit, Procereꝝ, ex quo crudelis Hibernæ

Hæ-



Hæresis imperium lacerat. Memorare dolores  
 Quid iuuat antiquos, si nos præsentia tangunt  
 Funera, vel Scythicis lacrymas meritura theatri?  
 In terris si quid feritas graue parturit vsquam,  
 Discimus Hiberni patiundo. More ferarum  
 Venatus nostrorum hominum, canibusq. peractos  
 Deplem; si non habuere cadauera pacem,  
 Quam natura solet functis dare? Ab vbere raptos  
 Materno querar infantes, si è viscere raptos  
 Casarum, immergere suo, matrumq. cruori?  
 Hæc, ciues, vtcumque ferebam; quippe futuris  
 Tot mala solabar fatis. Nunc omne leuamen  
 Hæresis inuidit; spem Cœli tollere tentat,  
 Nominis augusti dum tollere tentat honores.  
 O furia humana in forma, cognataq. monstis  
 Agmina Tartareis! auri si tanta cupido est,  
 Abripite, en vltro offerimus patrimonia, census;  
 Spem saltem alterius post fata relinquire sortis.  
 Non licet, impietas exclamat, tollere ludus  
 Diuitias; animas viuentem cadauere clausas  
 Circumfertis Hiberni? etiam has auferre paramus,  
 Nec satis; at vitas geminato perdere letho,  
 Corporibusq. animas, animisq. auellere Numen.  
 Possumus hæc tam infanda pati? profundere vitam  
 Vsque adeò ne grane est miseris? quin sponte voue-  
 Peccora, funeribusq. fidem, per tela, per enses (mus  
 Defensam damus, & morituri vlciscimur hostem,  
 Totq. illi clades, centumq. reponimus annos?

Talia dicta dedit: murmur simul insonat ingens,  
 Æquoris in morem, horrificis dum voluitur austris.  
 Nec mora: concordî pariter clamore frementes

Pro-

Promifere omnes morituros . Rurfus at ille  
Cautus, vt exploret tentando, & pectora firmet :

Quo Duce bella placent, inquit, quæ prenditis ar-  
Non gladij vobis, non fulmina ferrea, nullæ (ma?  
Loricæ, exitij certi in media arma ruetis? (gnam,

Te Duce bella placent, (exclamant) da modò pu-  
Arma dabunt hostes, largo quæfita cruore.

Arma dabit furor. An, ne defint tela furori,

Addubitas ? rabidis pugnabimus vnguibus, ore,

Dentibus, & morfu, illi animos, nos arma ferarum.

Cetera fi deerunt, facimus de corpore tela,

Grandiaq. euulfis iaculabimur offa lacertis.

Ergo vbi funereos fat concepiffe furores

Dux videt, eductum vexillum fufiulit altè,

Ingens, fanguineum . Vobis en nobile Cœli

Munus, ait, Superi hœsterna quod nocte tulerunt,

Huic iurate fidem . Labarum fimul egit in orbem

Murice cœlefti radiantem ; fulgurat aureis

Lemma intertextum ftellis : In NOMINE IESV

Om ne genu flectatur . Humi , tunc agmina flexo

Procubuere genu, & fefto clamore falutant

Omen grande triumphorum : omnia timpana ræuo

Concrepnere sono, lituique, tubæq. canoræ :

Auditique pares plaufus ex æthere, ab imo

Vmbrarum furor, & ftrepitus, tremere æquor ei fæ

Orcades, & latùm fluctus refonare marini,

Tum quoque luminibus fama eft pacuiffe piorum

Cœlicolum obfequia , & difcedente æthere claro,

Nomen adorantum vifas cœlefte cateruas,

Scuta inclinantes, & fpicula flammea lucis .

Mox alios inde, atq. alios e fedibus aureis

Ire coruscantes argentea tela maniplos .  
 Agmina quin etiam furui conspecta barathri,  
 Fumantes inter tædas, lucemque malignam,  
 Cernua verticibus pronis, compulsa fateri  
 Stridore insolito Numen, sonituque catenarum  
 Ingenti; frontes inclinauere superbas  
 Luciferi fratres, quamquam labra liuida mordent,  
 Corde rebellantes, irascentesque tremiscunt. (stes

His alacer monstribus Ductor, rapere agmina in ho-  
 Non dubitat deuota Deo, miracula tanta  
 Dant animos, & prodigijs fiducia maior  
 Omnibus; armatos sperant nam vincere inermes,  
 Quòd statuere mori. Paribus iam motibus vrbes  
 Coniurant, & vbiq; neci poscuntur alumni  
 Perfidia; iam structa alijs ergastula complent,  
 Et quas Hibernis tulerant, subiere catenas.  
 Non semper scelus est felix, quondam æqua reuisit,  
 Sors miseros, & destituit lassata superbos.

Hen quid agant? qua vi tentent frænare ruentes,  
 Quos furor, & pietas, dolor, & Deus armat in hostem?  
 Nempe pauent, veluti superant si quando leones  
 Claustra supergressi saltu, stupuere magistri,  
 Nec reuocare audent iam libera colla, trementes  
 Excussasque iubas, generosaque verbera caudæ.  
 Sed fidei Romanæ odium, & felicitis Hibernes  
 Gleba ferax nimium in sua damna, lucrique cupido  
 Non patitur sine bello opulenta relinquere regna.  
 Vt clauus clauum trudit, sic dira timorem  
 Pestis auaritiæ maior fugat; illa ferocis  
 Virtutis subiit partes, & sponte daturos  
 Terga hostes, audere iubet, tumulumque pacisci

Pro



Pro folio; vſque adeo vita pretioſius aurum eſt.

Ergo caſtra mouent, & inundant agmine campos.  
 Hibernos idem ardor agit, dum flamma furoris  
 Virtuti calet, & rationi militat ira.  
 Parua quidem ſed leſta manus; non tegmine ferri,  
 Sed Cælo deſenſa ſuo, ſparus armat agreſtis  
 Magnanimas dextras, deſonſaque brachia filuis.  
 Pro gladijs cultri oblongi, quod gentis Hibernæ  
 Affuetum telum, cunctis violentius armis.  
 At rari ſclopī, pugnæ ad præludia, nudæ  
 Pluribus arma manus, rapturæ ex hoſtibus arma.  
 Exterſis ibant animis, Cæreſiſque beatæ  
 Delicijs ſatari, Cælumque, Deumque ſonabant;  
 Tempſa ſacerdotum, non Mariæ caſtra putares.  
 Aſt vbi decreuit mediæ certamine campus,  
 Supra homines, ſupra ire putes virtute gigantes.  
 Vix etenim ſonueret tubæ, cum primus ahenæ  
 Glandis vtrimq. tonat nimbus, ſuppleuit Hibernus.  
 Arma dolo, & pede præcipiti delatus in hoſtem,  
 Equiparat curſu, ſumumque, pilasque volantes.  
 Tunc hoſtis momento iſtos miratur eodem  
 Fumo oculos, tonitruque aures, & viſcera cultris.  
 Dumq. alij ſubita hærentes formidine torpent,  
 Audaces alij fodiunt venientibus ora,  
 Pectore non gladios, non ore recuſat Hibernus  
 Condere, dum teneat raptos vel mortibus enſes.  
 Succedunt ſocij extinctis, armisque potiti,  
 Vnam milleno compenſant funere mortem.

Ac velut in lybicus venantum exercitus oris,  
 Ieiunas tygres cætulis ſi forte preſumptis,  
 Inuaſere, rapit matres dolor ira furentes

Haud

Haud dubiam in mortem, & venabula sanguinolenta  
Mandere non timidæ morfu, solatia cædis  
Cæde sibi pariunt venantum; mille receptis  
Deinde humeros confixæ hastis, siluamq. rotantes  
Æratam in gyrum, ceu rapta ex hoste trophæa,  
Procumbunt alto deuictæ stragis aceruo.

Iamq. hosti attonito tam prodigialibus ausis  
Ingeminât noua monstra metus: furere æthere toto  
Auditi armorum strepitus, vibrata tonare  
Fulmina, & inuisis stridere hastilibus auræ.  
Quin & cornuorum subitis exercitus alis  
Increpuit, stridore graui, diroque furentes  
Omne contristans acies: nam vt quisq. cadebat,  
Continuò huic nigris fodiebant lumina rostris.  
Seu dapis optatæ veras ad pabula nota  
Egit amor volucres, seu Tenariæ agmina sedis  
Se obscenas in aues vertunt, adspersaque pennas  
Nocte sua, spreto pœnas de nomine sancto  
Expetiere, quod insensum licet, Orcus adorat.  
Nam cur tale nefas ausæ omni in strage nocentum,  
Abstineret cadaueribus, vultuque piorum?  
Cur in pugnares tantum fuit impetus hostes,  
Ire, redire polo, & pro Hibernis iungere bellum?  
Non quia (crediderim) geniose cura scelestos  
Sollicitet prodesse pijs, sed quòd furor ipse,  
Omnibus innata & Nemesis, vindexque Tonantis  
Ira, nocere malis iubet, & prauertere cogit  
Triste ministerium laniandi corpora apud nos,  
Vt meritas animas vrunt, torquentque sub Orco.  
O miseri! quæ nam pandit fortuna salutem,  
Si cælo, terris, ereboque ultore cadetis?

Agmi-

Agnina concussis trepidantia cernere signis  
 Iam videor, causamque necis sua tela timentes;  
 Iam galeas terrore quati, iam vertere terga,  
 Iam cadere, & totis prosternere funera campis  
 Exoculanda, cadaueribusque assurgere montes.

Tolle nouis frontem decorandam tolle triumphis  
 Hiberne decus Oceani; & lambentibus vndis  
 Porrige viâtrices humentia ad oscula plantas,  
 Dum fausto felix tibi ridet adorea Cælo,  
 Et Cælo arridet pelagus, iunctæque canoro  
 Murmuræ, lætitiæ limphæque, auræque resultant.  
 Ecce profanatis eiecta cadauëra templis  
 Hæreseos polluta lue, & lustrata vetusto  
 Ritu, lata suos recolunt altaria Diuos.  
 Imperiosa palam cunctis dominatur in aris  
 Religio, quæ perfidia regnante, piorum  
 Ante domos tantum, priuataque regna tenebat.  
 Gaudia quis referat populorum, libera tecta,  
 Libera gratantum iam pectora? nulla sequentur  
 Exilium prolis, matrum lamenta per vnda,  
 Sed peperisse Deo sobolem, patriæque iuuabit.  
 Quis victæ hæreseos referat lacrymasque, metumq.  
 Iratum numen, conuersaque fata trementis?  
 Nec frustra; iam fatales Vltoria campos  
 Tingere cæde noua gestit, iam verberat arcès  
 Fulmineus Præstôn, albi cognomina saxi  
 Musgrius, & Rupes hostili sanguine mutant,  
 Rupes, ore gerens phœbum, sed pectore martem.  
 At tibi Nassiæcam seruat victoria laurum  
 Delicium patriæ Dungan, & Hibernus Achilles,  
 Flore nitens roseo, pubentem ætatis aprillem.

Huic



Huic in confertos hostes sine fine furenti,  
 Plumbea glans, inter flauos innoxia crines  
 Incidit, & vinclis captiua pendit in aureis.  
 Tam pulcrum intuitus lusum Rex ipse Britannus,  
 Fortunate puer, (dixit) fac splendida fortis  
 Tecum habeas monumenta tuæ de crine trophæa  
 Hæc suspensa geres semper, terrebitur hostis,  
 Quassabis quoties tremulos cum crine triumphos.  
 Figere ne sclopi hunc iuuenem sperate, vel enses,  
 Dunganum haud feriunt hostilia tela, sed ornant.

Pergite magnanimi heroes virtute mereri  
 Fortunæ obsequia, & causæ inclinate volentem. (nos  
 Nec metus à gemino hoste, pares ambobus Hiber-  
 Ausa probant, fraterna fides modò pectora iungat  
 Et cælestis amor; contra Hæresis impia semper  
 More suo secum discors, Regique rebellat.  
 Quæ libertatem vocat, omnia soluere iura,  
 Et seruire iubet Reges, oneratque catenis.  
 Ite pij, ac triplicem causam defendite bello:  
 Vnam animam Regi, Patriæ, Cæloque vouete.

Latiùs imperij fines proferre superbi  
 Cuspide contendant, vitamq. impendere famæ:  
 Fulgor opum, & flauæ radiantia pondera massæ  
 Lumina perstringant alijs: hos more ferarum  
 Sanguinis humani numquam exsaturata libido  
 Vrget in arma: fidem patriam vel pectore forti  
 Stantem protegere, aut tumulis sociare cadentem,  
 Hoc vestrum decus, hæc Hiberni gloria Martis.  
 Sic Diuos bellare decet, sic vincere Cælo,  
 Sic cadere: audito natorum funere mater  
 Tempa subit læta, & conspergit flore sepulcra:

At

At fontes illos, quos ceditis, atra vorago  
 Excipiet barathro, hic pœnarum nomina mille,  
 Cum flammis, fumoque, rotisque, flagella, catenæ,  
 Sibila, visus, odor, morsus, virulque draconum.  
 Nutrit honoratas vobis victoria frondes  
 Quo rescumque cadant. Si vestris, corruet armis  
 Heresis, & ducet semel inclinata ruinam,  
 Patria dat laurus, meritos sociabit & omnis  
 Orbis, io plausus! aliter si irata iubebunt  
 Sydera, nec tantam meruerunt secula sortem,  
 Certa salus lethum, meliorque in funere palma,  
 Omnibus & lauris venit inuidiosa cupressus.  
 Quippe mori Regis pro libertate decorum,  
 Pro Patria dulce, at pro Relligione beatum est.

F I N I S.











FVNEBRIA  
AD  
CHRISTI  
TVMVLVM




FAREEDIA

A.D.

CHRIST

TVMVLVM



R. P.

COSVVINO NIKEL

Societatis Iesu Præposito  
Generali



Gulielmus Dondinus eiusdem  
Societatis Fel.




OESIM, sacris in argumen-  
tis versatam, Tibi offero no-  
stri Ordinis moderator reli-  
giosissime. Cum enim di-  
uinarum contineat argumenta lau-  
dum, quæ in Dei Filio, & Heroibus  
sub crucis vexillo militantibus florue-  
rūt, meritò in Tuo nomine apparet qui  
nos

nos omnes exemplo , & imperio præcedens , per sublimiores virtutum calles, vulgo neglectos, quia meliora non videt, ad solidam immortalitatem ducis . Accedit, quod hoc præsertim tempore , publico mihi munere colendus es visus, cum anno se conuolvente, recurrit gratulatio electionis tuæ , per quam trium Præpositorum Generalium, quos intra triennium properatis funcribus extulimus, desiderium expleuisti, cum virtutes impleueris . opinione planè adæquata , qua Franciscus Piccolomineus VIII. Præpositus Generalis vir sapientiæ, vel in priuato magnæ, moriens in supremis mandatis Te Vicarium suffectum ad regimen tantum iureiurando omnium aptissimum confirmauit . Consecuta est Aulæ Romanæ prædicatio, in iudicio artis imperatoriæ non aberrantis : cui se approbauisse externam virtutem pro pa-


negy-



negyrico est . Neque enim in geminis  
comitijs Roma publico rumore , & fa-  
ma Te amplissimo muneri destina-  
set, nisi capacem aduerteret mentem,  
& cum Germana fide , candore , graui-  
tate, Romanas artes copulantem . Pru-  
dentiam procul à suspicionibus calli-  
dam, nec falli certam nec fallere , con-  
stantiam, vt offensionum non timi-  
dam, ita nec auidam , paternam citra  
blanditias charitatem, aliasque laudes  
quæ venerationis partim, partim amo-  
ris illicia, constituunt caput illius or-  
dinis, in quo propter regiminis ratio-  
nes, ad vnum omnia referentis , necesse  
habeat, summus esse virtutibus, qui sit  
maximus potestate . Vale .



# PROLVSION


**M**ENENIVM Agrippam  
 Oratorem verè flexanimum,  
 qui publica gratia sequester in-  
 ter Romanum Senatum, &  
 Plebem fuit, cum gloria, quam  
 opibus ditior, in summa paupertate obÿset,  
 collato viritim à gratissimo Populo ere, splen-  
 didè funeratum accepimus. Et nos pariter se-  
 questrum Dei, & hominum Christum Domi-  
 num, Oratorem illum in palestra Divinita-  
 tis à tota aeternitate eruditum, qui non tam  
 vocum, quam vitæ spiritum in extrema ora-  
 tione profundens, torrente sanguinis, non ver-  
 borum, composuit humani generis cum Deo  
 dissidium; cum in extrema inopia, & nudi-  
 tate in Cruce expiraverit, collato nostrorum  
 ingeniorum ere, magnificè suscepimus fune-  
 randum. Hunc verò lugubrium exequia-  
 rum honorem eò nobiliorem reddendum exi-



*Stimauimus, quod infinitis partibus superat  
 beneficium salutis sempiterna, pacem breuem,  
 neque verò in comparationem venire audeat  
 cum Dei Verbo mortalis ullus Orator, cum  
 Deo Patre Senatus Romanus, nec Romana  
 Plebs cum genere humano. Quòd si volunta-  
 tis extrema morientium haberi ratio in fu-  
 neribus solet, (et) debet; certè aut nihil ama-  
 uit Christus in vita, aut solius funeris cura,  
 cura illi fuit. Testes illa crebrò iactata de su-  
 premis voces: testis profusa erga Magdale-  
 nam benignitas, excusatioque, unguenta pre-  
 tiosa in cultum Diuini corporis prodigens,  
 cum diceret, nolite molesti esse huic mulieri,  
 quoniam ad sepeliendum me fecit. Concinit di-  
 uinis Christi vocibus, caeleste vatis oraculum,  
 qui cum Dei filium despectum, (et) nouissimum  
 virorum saturandum tormentis, (et) oppro-  
 brijs fleuisset, sepulcrum fore cecinit gloriosum.  
 Sed qualis hæc sepulchri tui gloria amantiissi-  
 me nostræ libertatis assertor? An indoluisset  
 obscuracione siderum, Cælum? genuisset scis-  
 sione*

sione petrarum, & sepulcrorum terram? & indicto à principe mundi sole iustitio, vestimenta mutauisse naturam? Magna hæc sunt decora diuinæ mortis, testimonia Diuinitatis, tubæ rerum vniuersitatis, & voces, diuinos labores, amoresque prædicantes. Sed nota nimis hæc, & peruulgata prodigia. Alia narrabit Poësis nostra, ad diuinum sepulchrum singulari, & inaudito gloriæ genere condecorandum representata miracula, lacrymas, laudationes, spectacula, ab ijs videlicet, quorum corpora Deo moriente surrexerant, ante oculos Dei genitricis, quæ semper animo præsens, aliquando etiam corpore, ad filij sepulchrum considebat. Agite igitur, ea die, qua diuinum corpus iacuit in tumulo, indictas existimate exequias nobiles à beatissimis mentibus solemnibus ijs verbis, quæ audita etiam sub Christi mortem in quadam insula, narrant ipsæ ethnicorum historie; scilicet: **MAGNVS PAN LETHO DATVS EST**, exequias ire cui commodum

dum est, tempus est. Accedent sacri Vates  
laudantium simul, & Vaticinantium per  
diras munera implentes: tum saltationes  
scenæ, & funebres ludi. Neque Verò ab  
hiscè obsequijs sabbati religio eos prohibebit,  
qui semel obita morte, Iudearum legum  
vincula dissoluerunt.



DIRÆ



# DIRAE.

**E**T potuere homines hominū damnare parentē?  
Fraterna latitans in imagine prodere Numen,  
Munera vulneribus, vitamq; rependere letho,  
Opprobrioque Crucis, Regni immortalis honorē?

Ille sua felix qui maiestate, potenti  
Progenies æquæua Patri, primordia nescit,  
Nescit & occasum, externæ nil indiga pompæ  
Immensi natura boni, par, vna theatrum  
Spectator, plaususque sibi; cunabula seclis  
Qui dedit, & mundum labentem numine fulcit:  
Mortales postquam dignatus sumere vultus,  
Vt mortale genus patrijs transcriberet astris,  
Inter nos primo visus pulcherrimus æuo,  
Detergens culpis animos, & corpora morbis,  
Lætitiâ terras, terrore impleuit auernum:  
Inuidiæ tandem furijs, & fraude suorum,  
Mancipijs data præda suis, data fabula vulgo,  
Pulsatus palmis, & sputis sordidus ora,  
Colla catenatus, laniatus terga flagellis,  
Et pro sideribus præcincto vertice dumis,  
Heu luctu commotus agor! trabe nudus ab alta,  
Latronū nece maciatus, diuum atq; hominū Rex  
Ludibrium mundi, mundo titubante pependit.  
Huc age musa, graues inspira in carmina diras.  
Audiat has tellus; rupta quæ molle fatiscens  
Contremuit, sacrum conata repellere pondus,  
Et mundo scelerum vltiores immittere manes.  
Audiat has Cœlum, & Cœlifax aurea, lucis

Quæ

Quæ scenam in tumultû conuertit, & astra Tonantis  
Exequias, facibus, quæ lustrauere cruentis :

Quæque Crucis clauos sensere elementa potentes.

Sed quæ prima meum maculabit victima cultrû?

Cui fodiam sacro sceleratum carmine pectus?

Hostia prima cadat iustò deuota dolori,

Qui tulit Isacidum princeps vexilla furori,

Et fontum insanæ malè sanus præfuit iræ.

Musa furens, diro pete carmine guttur Iudæ.

O caput infidum, h' mâna sub fronte Megera !

Siccine amicitia sub larua prodis amantem?

In fraudem caræ vertisti pignora pacis?

Instrumenta necis facis oscula? floribus anguem

Occulis, in radijs fulmen, sub melle venenum?

Quænam te fallax in lucem fudit hiena?

Vipereo eductum succo pro lacte, medullis

Aspidis, & spuma basilisci, & felle leonum?

Quid tibi auaritiæ monstrum, pro talibus ausis

Imprecer? an ne vt præcipiti rota differat orbe

Cuspidibus præfixa? iugis an tractus equorum

In partes discerptus eas? an sparsus ab altis,

Rupibus in fluctus, scopulisque infixus acutis,

Pars rabo inuites volucres stillante marinas,

Piscibus esca nates pars altera grata profundi,

Diuiso geminam pascente cadauere gentem?

An quoniam argentum, atque aurum furiose sifisti,

Ore bibas auido liquidî pretiosa metalli

Pondera, quæ calido distendant flumine venas?

Sed leue supplicium nimis est pro crimine tanto,

Nec speciosa decent tam vilem funera culpam.

Quin potius terris idem execrandus, & astris,

Astra

Astra inter. terrasque, orbi grauis, arbore pendens  
Inuisam eijcias animam; non ore nefando  
O a suo, quod contactu diuina notarunt:  
Sed cum visceribus rupto de p. & ore suis  
Sparsus eat miserè per apertos spiritus artus.  
Duxisti sœdam probrosa per omnia vitam,  
Consumas sœdam miseranda per omnia mortem;  
Ipse tui dignus sceleris patrator, & ultor.  
Vicimus, vna meum saturavit victima ferrum.  
Musa sacerdotes diris inuade cruentis,  
Nomine qui sancto, mores texere ferarum.  
Tuque sacerdotes inter nequissime Princeps,  
Tunc Deum indignis ausus multare catenis,  
Et letho damnare Orbis caput? ore proteruo  
Quid facimus (clamas) impleuit nomine totum  
Hic Orbem, populos trahit in sua iussa volentes,  
Eloquio, factisque potens. Qui voce malignas  
Corporibus pestes abigens, dextraque potenti,  
Multiplicans turbæ cerealium dona seq. aci,  
Humanos pretijs tantis mercatur amores.  
Nec solum Solymas angit timor iste, sed ipsos  
Romulidas rerum dominos par cura fatigat.  
Finibus angustis, neque enim se vasta tenebit  
Ambitio, scena est magnis conatibus impar  
Angulus Isacidorum: Regum qui sanguine cretus  
Materno, patrium claris genus imputat astris,  
Rex Orbis vult esse, patrem dum quærit Olympo.  
Et nos interea contagia serpere morbi  
Cessando sinimus? placet has nutrire fauillas  
In gremio, & patriæ excidio lactare leonem?  
Romani venient, urbemque à sedibus imis

Euer.



Haerent, regnum, gentem cum nomine tollent,  
Vnus, & crimen, communicade piabunt.

Quin luat hoc potius caput vnum publica fata:  
Omnibus instantem populis subeatque procellam.

Expedit vnus homo pereat, nec tota propago

Intereat generis. Quae fundis verba Sacerdos

Inscie? Pontificis cecidere oracula labris

Inuitis. Hominum (fateor) pro gente peribit

Ille vnus, gens Isacidum, sed tota peribit.

Quam malus es ciuis, dum talia consulis vrbi,

Tam bonus es vates, dum talia concinis Orbi.

Et va es pariter, dum vestimenta Sacerdos

Omne ferali laceras. cum vestibus vna

Scissus honos templi est, vetus infula, gloria gentis,

Et decus, & virtus petijt, periere triumphi.

Perge, age caelestes cum vestibus exue cultus!

Lunatum tegmen capitis deponę, monile

Baccatum gemmis, meritas pro torque catenas

Bellua, tartareas pro vestibus induę flammās.

Cingula conficiant spiris immanibus angues,

Proque Sacerdotum coetu comitante minorum

Ambiat ætra latus Stigiarum turba sororum.

Iam sat habes, alio conuertat musa furorem.

Deuoueāt latium carmen furiale tribunal.

Execranda, ferox Index, quo iudicę credam

Dirius esse nihil, iusti sub imagine, inique,

Tunc lauas impute manus, spargisque cruorem?

Insontem verbis declaras, verberare mactas?

Vt parcas misero, proscindis membra flagellis?

Contemnis superum, formidas Cæsaris iram?

Quæ tibi pro tanto debetur crimine pœna?

Pro

Pro pœna esto tibi primò mens conscia culpæ.  
Dein quoniam formidasti malè Cæsaris iram,  
In malè vitâtas incerras Cæsaris iras.  
Eque tribunali deiectus, vincula collo  
Excipias merito, teneantur compede crura:  
Inque cauernosi tumulatus carceris umbris,  
Offusas patiare oculis, animoque tenebras,  
Qui verum quondam renuisti cernere solem.  
De nocte hac gemina, caligine mersus auerni  
Tandem infelici propior statuaris Iudæ.  
Iam sat habes aliò conuertat musa furores.  
Nunc agè musa nouos inspira in pectora sensus.  
Quandoquidem sauo non vnum carmine monstrum  
Deuoueo; regna, & populos, gentesque rebelles  
Templa, domos, vrbes, ciues inuolue ruina.  
Vrbs olim dilecta Deo, quæ nomine pacem  
Prætulit, horrendi pandat spectacula belli.  
Ciuilique naret natorum in cæde suorum,  
Eumenidum hospitium, martis, mortisque theatrum.  
Nec tamen hæc finis, sed fax sit prima malorum.  
Esto Romanus diuini virga furoris.  
Quod si Romanus tardet, conuersa trifurcas  
Dissipet in flammis armamentaria Cælum.  
Damnatam facis, tellus absorbeat urbem,  
Siue profundarum lateat sub gurgite aquarum.  
Sed non tardabit Romanus, ut auguror ille  
Vndique belligeras accerset in arma phalanges.  
Audio iam sonitum, video volitantia signa  
Sanguineo caporum equitantis in æquore martis.  
Ah fugite, ô miseri fugite! & deserta remotis  
Antra ingis, cæcos nemorum penetrare recessus,  
Cau-

Caucaſeosq: ſinus, & inhospita littora ponti.  
Quærite, ſiue æſtus Lybiæ, Zonæq: rigentis  
Frigora, ſint veſtro ſedes malè tuta timori.  
Exilio vobis Regio quæcumq: placebit,  
Sed Patriam vitate, lares horrete paternos;  
Et terram, quæ vos genuit, ſtruit illa ruinas,  
Atq. ſibi atq. ſuis buſtum miſerabile natis.  
Auſoniæ en Aquilæ properant acuuntq; feroces  
Roſtra, paleſtinum ſitientia roſtra cruorem.  
Romanus Solymam iam quaſſat victor, & æquat  
Prona ſolo, ſteterant quæ proxima culmina cælo.  
Parce (precor) Romane, graues compeſce furores.  
Cur Cælo ſacros diro quæ aſis ariete muros?  
Templa dicata Deo ſclerata cuſpide pulſas?  
Hocine Romanum eſt? pietas hæc nota Quiritum?  
Sed quid ego effudi ſtultum eſt pius impia vota?  
Perge age funereos auge Romane furores:  
Et meriti Auſonio procumbant ariete muri,  
Et merita Auſonia frangantur cuſpide teſta,  
Quæ ſuperum, rexere ſuis penetralibus hoſtem.  
Diræ templa, Deo quæ non patuere, nefandis  
Verre, prophanatas ſcèdè cultoribus aras.  
Crede mihi, ſcelus eſt ſcleratae parcere genti:  
Si non illa Deo, Patriæq: ſibiq. pepercit.  
Ergo euadendi miſeris ſpes nulla ſuperſit.  
Sed nec honoratæ pateant per vulnera mortes.  
Cum turpi ſint bella fame, furat offibus hoſtis  
Clauſus, & exauſto populetur ſanguine vitam.  
Fœmina ſit vultu, ſed corde, animoq: læna.  
Vitam quam proli dederat, quæ à prole repoſcat,  
Maternumq: vterum, nati conuertat in vnam.  
Nec



Nec tamen hic finis, tantorum aut meta malo unum  
Vrbem musa solo diris vlticibus æqua.  
Sacra Deo mo'es, longos venerata per annos,  
Pulcra, Augusta, ingens, millenis fulta columnis,  
Clara auro argentoq: micantibus aspera gemmis,  
Tota iubente Deo flammis crudelibus hausta  
Diffluat in cineres, auri argentiq: metalla  
Igne liquata fluant riuus, queis sanguine mixtus  
Indao torrens, pretiosa clade tumescat.  
Omnes Romana stentur cuspide turres,  
Omnia Romanæ populentur culmina flammæ.  
Regia tot Regum venerabilis illa Sionis,  
Quæ renuit Cœli, terræque agnoscere Regem,  
Concidat ingrata, & proprijs tumulata ruinis  
Inclita consumat veteris monumenta decoris.  
Scrutatusque oculis, vestigia nulla viator  
Dum reperit, fatum miserans suspiret, & vrbe  
De tanta, solum miratus nomen adoret:  
Erraui, urbem execratus, quoq: nomina damnet,  
Quis cladem speret populorum æquare canendo?  
Nempe fame, & gladio mactata, è gente rebeli,  
Vndecies centena absumat millia lethum.  
Si qua superstes erit tanto de funere turba  
Inuideat cæsis populis, patriæque sepultæ.  
Illa quidem (heu!) plenis spectacula datura theatris  
Siue in pignantum dentes subitura ferarum,  
Siue iterando suas per mutua vulnera clades,  
Funereis ludis, oculos pastura Quiritum,  
( Quidquid atrox etenim quidquid crudele ferendū  
Inferias vni soluent tot funera morti. est )  
Sed non sufficiunt vni tot funera morti.

Exci-

Excidium Isacidum, templique Urbisque ruinæ  
Sunt angusta nimis cineri solatia tanto:  
Grandior Heroi debetur victima Diuo.  
Illa potens bellis, & proles credita Martis,  
Qua nulla extulerat caput imperiosius astris,  
Occasum læua, dextra cunabula solis  
Contingens libiæ flammæ, glaciemq; trionum,  
Oceanum, & mundi fines ad utrosq; cucurrit:  
Post Cremeram & Trebiæ luctû, Cannasq; cruentas,  
Auctior à damnis, post clad. in inuicta resurgens:  
Tandem perpetuis furijs lacerata suorum,  
Succumbat Romæ, quæ Romæ subdidit orbem.  
Romanus Regi Cœlesti vincula miles  
Intendit collo, prætor Romanus iniquo  
Iudicio damnat, ferrolatus hausit apertum  
Romano miles, nondum pius, ergo nefandum  
Roma luat facinus: Solyman prius illa domabit,  
Hostis Romam alius, cruor inuocat vsq; cruorem.  
Tunc populus domitor populorû, & prædo, trophæis  
Esto præda suis, mundusq; reposeat omni  
Parte, triumphatus spolia. Arx regni alta latini  
Corruat, ereptaq; fleant capitolia laurus.  
Romuleas aras disturbet barbarus audax:  
Theutonus insultet Marij, Cimberq; sepulcro.  
Sic immane nefas Asia atq; Eûopa piabunt  
Regnorum excidijs, populorum clade: perempto  
Sed deb. tur adhuc grauior vindicta Tonanti.  
Insolitas ergo clades, aliasq; ruinas  
Molire infelix Vates, finemq; supremum  
Naturæ rerumq; occasum & funera mundi.  
Diunos quia lenta nimis Natura labores

Per-

Perterrit, & fontes subito haud tumulauit hiatu  
Terra ruens, neque carnifices toto equore fluctus  
Obtrui, aut cecidit furibundum infulmina Cœlum:  
Terra, aer pœnas pelagusq;, & sidera soluant.  
Acceleret suprema dies, qua machina mundi  
Motibus horrendis tremat externata, cruenti  
Vt modò nutauit feretri sub mole laborans.  
Sol qui diuini lacrimauit funera solis  
Syrmate funereo, caligine rursus amictus  
Nigranti, ploret morituri funera mundi.  
Tunc nimium veris erroribus, astra rotatus  
Incertos peragant, impellat & ire timentes  
Per Cœli campos atratos, Luna quadrigas.  
Ordine turbato dissulent fœdera rerum.  
Et mare cum terris Cœliq; cremata coruscent  
Atria. Iusta Deo moriens Natura perempto  
Soluet, & euersus vix digna piacula Mundus.





# SALTATIO AD CHRISTI SEPVLCHRVM

*Saltationem canimus ad Diuinum tumultum  
peractam, coram Matre Virgine & catu  
Heroum, qui Deo moriente reuixerant.  
Qua saltatione veteri more diserta, Chri-  
sti natalis, mors, anastasis, ascensus trium-  
phalis describuntur.*

**P**erge nobilis cæterua, cætus Heroum sacer,  
Tuque Dauides renati Dux canorus agminis,  
Perge bustum gloriosum circumire saltibus,  
Et rotata circinare mille membra flexibus.  
Saltat æther, saltat vnda, saltat agmen siderum  
Fulgurantes æmulatum solis in saltu modos,  
Saltibus qui singit annos, saltibusque sæculâ.  
Eia nobilis cæterua, cætus Heroum sacer,

I

Perge

Perge Bustum gloriosum circumire saltibus.  
 Factus ipse fertur olim ritè saltator Deus,  
 Quando saltibus Gigantis regna linquens patria  
 Arce Olympi deuolutus, sponte se in terras dedit  
 Inque ventris Virginalis, condidit sponſus ſinum.  
 Emicantes tunc cateruæ fulgurarunt cælitum,  
 Et ſonoribus lirarum conſonabant ſaltibus,  
 Terra, Cælum, Pontus, ignis læta fudit murmura.

Talia dum reſonat fidibusque notisque canoris  
 Cæleſtis fidicen ſacili Dauid omnia ſaltu  
 Exprimit, & primo dios imitatur amores  
 Numinis, humano ſpectantis ab æthere caſus,  
 Et lapſi generis ſortem miſerantis iniquam.  
 Deinde reſert valido ſaltu, ſe præcipitantis  
 Illapſum Verbi, magnæ genitricis in aluum.  
 Atque breuem ſaltum giro breuiore coercens,  
 Immenſum anguſto concludit carcere Numen.  
 Fingit & arctatum materno in ventre Tonantem.  
 Liberat hunc modico parua ad cunabula ſaltu.  
 Sed cunas humiles humilis designat, & ore  
 Lacrymulas tergens, ſupet inter vincula dextram  
 Torpore, aſſuetam flammas torquere triſulcas.  
 Hæc Dauid: rurfus fidicen cantu ora reſoluit.  
 Saltus at ſecundus eheu, lacrymabilis fuit!  
 Horridus, feralis, atrox, durus, immanis, ferox,  
 Saltus ille, quo cruentus iuit in crucem Deus.  
 Funerantes tunc cateruæ lacrymarunt cælitum:  
 Et ſonoribus lirarum condolebant ſaltibus.  
 Terra, cælum, pontus, Aer mæſta fudit murmura.

Talia dum reſonat, citharaq., & voce gementi  
 Sidereus fidicen, tragico Dauid omnia ſaltu

Ex-



Exprimat; horrorem primò languentis in horto  
 Numinis, attomitisque oculis, in vota parentem  
 Supplice poscentis vultu, dum fusus adorat  
 Genua solo, & toto procumbit corpore terræ.  
 Hinc subito erectus molitur in ardua saltum,  
 Inuidios animi ardores imitatus euntis  
 In medias asies, & tela minantia mortem,  
 Sæuaque mansuetum præbentis ad oscula vultum.  
 Iam miser incedit manibus post terga reuinctis  
 Velatisque oculis velantes cernit, & offert  
 Ludibrijs faciem, & lanianda furentibus ora:  
 Iam tunica exiit, iam præbet dorso flagellis.  
 Heu quid agis bone saltator? iam desine saltus  
 Crudeles! viden vt spectantis talia matris  
 Intempestiuus maduerunt fletibus ora?  
 Quis furor est plagas miseræ renouare recentes?  
 Tempora lætitiæ poscunt meliora: parenti  
 Quot saltus libras, vibras tot spicula cordi.  
 Ergo novos fidicen in cantus ora resoluit.  
 Orbe postquam congemente, spiritum fudit Deus  
 Rursus egit ille saltus, in sepulchrum de cruce.  
 Nec teneri mortis atræ vinculis numen potest,  
 Quin subacta tartarorum tendat in gurgustia.  
 Numen agnitum, cateruæ palluere Dæmonum,  
 Et catenis, & querelis obstrepebant saltibus:  
 Vindicata gens piorum, læta fudit murmura.  
 Talia dum resonat fidibusq, notisq. canoris  
 Sidereus fidicen, celeri David omnia motu  
 Exequitur, validum librat pede præpete saltum,  
 Pulsatamque premit tellurem, mole minori (trec.  
 Subsiliens, quasi tartara, & imum acheronta pene-

S C E N A E  
A B R A H A M I  
S A C R I F I C I V M



P R O L V S I O

*B R A H A M I Sacrificium  
canimus, et mortem Filij Dei, A.  
braham siquidem Isaac offert, sed  
immolat Christum; nec aliud a-  
ries ille cornibus implicitus in-  
ter spinas, quam Christus coronatus, et cru-  
cifixus. Consentit idem utriusque sacrificij  
locus mons Moria, idem utriusque immo-  
lati pater, siue in typo Abraham, siue in pro-  
totypo Deus.*



A B R A-

**A**BRAMI fortem contra sua viscera dextram,  
 Isaci intrepidum patris erga vulnera pectus,  
 Musa refer, diæ simulacrum nobile mortis.

Scilicet vt funus languentis cernere solis  
 Non bene sufficiunt oculi, si quando nitores  
 Cynthia fraternos pallente intercipit orbe :  
 Sed liquor in pelui Cœlum depingit, & vndis  
 Palpitat in tremulis, solis morientis imago :  
 Haud secus æternos nati, & genitoris amores,  
 Queis hominum pro stirpe, neci natum obtulit al-  
 Se natus, nequeas mentis defigere visu, (ter,  
 Diuinos humana refert pictura labores,  
 Abramidæ fatum, moriturum numen adumbrat.

Panditur ergo virens herbosi scena theatri  
 Intonsis turrata iugis, redimita coruscis  
 Arboribus, passim riguis christallina riuus.  
 Sed qui nam summi properant ad culmina montis.  
 Coniuncti parili gressu? quantum instar in illis?  
 It puero comitante senex, gladiumq, facesq.  
 Ipse ferens, puer altari ligna apta struendo,  
 Fatalemq, ignara piram sibi victima portat.

Ambit canities rugosam argentea frontem,  
 Maiestas vultum, multus Deus ora colorat.  
 In pueri egregij formæ, sax alma iuuentæ  
 Purpurat, ora pudor pingit, festina serenis  
 Gratia luminibus, puros venatur amores.  
 Nunquam Phidiæo talis cælamine vultus  
 Spirat, Apellæ valeant nec fingere ceræ,  
 Quamuis omnigeno populatæ a flore decorem.  
 Par licet ambobus pietas, par numinis ardor, (ctus  
 Quam dispar animorum habitus? Senis aspera pe-



Cura coquit, frontemq; obnubilat vmbra doloris;  
 At frons læta nimis puero, ceu ponderis experts  
 Exultat, modò patris iter præit, inde recurrit  
 Ad patris amplexus, puerilia & oscula iungit.  
 Sed mirum, quid vterque tacent? nec tædia fallunt  
 Iucundo sermone viæ? defixus in vno  
 Obtutu tenet ora senex, & mente reuoluit  
 Nescio quid dirum, tragicum, crudele, cruentum.  
 At puer impatiens tam longa silentia rumpit,  
 Mæroremque patris dictis iuuenilibus auget.

Ecce parata sacris sunt omnia, victima vbi nam  
 O pater? an linquens stellata volumina saltu  
 Taurus, siue Aries cadet hostia grata Tonanti,  
 Pro stellis gaudens gemmis radiare cruoris?  
 Dixerat: his genitor percussus vocibus hæret  
 Ambiguus, mentis tentari arcana repositæ  
 Nam videt; e manibus tunc ipse tremantibus ignis  
 Excidit, & vario vultus pallore notauit,  
 Multa putans. Veteris moderator vt ille carinæ  
 Longæuus, tumidis quem sæpe agitata procellis  
 Explorauit hyems, si pontum irrumpere cernit  
 Nescio quâ victorem, naufragiumq. parantem.

Talia tum secum voluit: cur nate parentem  
 Appellas, quem carnificem experiere? parentis  
 Nomen amoris erat, nunc nomen triste doloris.  
 Heu quid agam? pandam nato lugubre roganti  
 Numinis Imperium? at durum est occidere prolem,  
 Ante necem, verboque prius quàm lædere ferro.  
 Quid si præueniat ferrum dolor? aut metus ipse  
 Fata trahat? deerit poscenti victima cælo,  
 Nec natus viuet, nec vito Numinis iram.

An secretum vt grande premam, mendacia fingam?  
 Fraudibus ergo placet morituram illudere prolem,  
 Et violare dolis? qua nam, qua deinde, puelli  
 Fronte parens homicida feres, & perfide vultum?  
 Hei mihi, multiplici curarum distrahor æstu.  
 Cur non me potius superùm Rex destinat aræ?  
 Si superùm pietas contenta est simplice letho,  
 Ecce duos vno perimet sub vulnere: cædem  
 Nate tuam, patrius sanguisque, animusq. sequetur.  
 Quo me tam longè dolor abripit improbus? astris  
 Parendum est, quocunq. vocant. Responso roganti,  
 Hoc age, da nato, in totum nec vera tacebis,  
 Nec pandes, varia verborum ambage reconde.  
 Hæc postquam secum exegit, tunc talia fatur.

Parce puer summi scrutari arcana Tonantis.  
 Quid dubitas, rerum auctori ne victima desit?  
 Cui volucres Cæli viuunt, cui spirat in vndis  
 Squammigerùm genus, atq. animantum corpora tel-  
 Diues alit, cui nos, si gloria tanta vocaret (lus  
 Immeritos, nos sponte pias caderemus ad aras.  
 Sed quæcumque meum maculabit victima ferrum,  
 Chara nimis, speciosa nimis, nam è millibus vna  
 Lecta Deo, agnus, seu vitulus, seu purior agno,  
 Et vitulo forsan generosior, illa beanda est  
 Morte sua; at matri ingentem paritura dolorem,  
 Maiorem paritura patri. Vix vltima verba  
 Passus abire dolor, subitòq. per ora voluta  
 Iniussa lacrymæ, officium impleuere loquentis.  
 Tum nisi quod simplex puer est, ac nescius artis,  
 Mille notis poterat patrios deprehendere sensus.  
 Sed rudis, ac pius, esse putat, vel Numen amantis

**I**ndicia, aut aliud, quam se, & sua fata dolentis.

Ergo dat amplexus, atque oscula: mitte dolorem  
**M**i genitor, si me (inquit) amas. Quid agis puer? auges  
 Luctum, dum minuis. Quod amat genitor, sua plorat  
 Pignora: tempus erat, quando dulcissima nati  
 Oscula lenibant patrij quoscumque dolores  
 Pectoris; hæc medicina malum nunc dulcis acerbat,  
 Solandoque facit inconsolabile vulnus.

Interea summi ad fastigia montis anhelant.  
**A**h puer infelix! cunctantem sponte parentem  
 Anteis exultans, fortisque ignare futura.  
 Si nescis, fatum acceleras; à culmine montis  
 Nam quantum distas, distas à fulmine mortis.  
 Sed quid ego lævus morituri gaudia turbo?  
 Perge age chære puer, gaude, latare, triumphare  
 Dum licet, hora brevis mutabit gaudia luctu.

Sed iam lugubris tenuere cacumina Collis,  
 Iamq. piram genitor vicino à sinere prolis  
 Pallidus aggreditur, suspiria pectore ab imo (ipsa  
 Crebra trahens, manibus torpentibus haud semel  
 Ligna cadunt, lacrymis & pene extinguitur ignis.

At puer ignarus, quantum spectaret ad ipsum,  
 Quod properabat opus, sibi funeris arma parare,  
 Extremumque vrgere rogum, ramalibus at am  
 Accumulans, atraque tegens capita alta cupressu,  
 Miratur, tantum quod adhuc electa moretur  
 Victimæ, mirantem tali sermone puellum

Occupat Abramus. Iam tandem struximus aras,  
 Sugerimusq; faces, nec victimæ cernitur vlla. (astris  
 Nate, quid hoc monstri est? nisi quod noua poscitur  
 Victimæ, sancta magis, nimium & dilecta Tonanti.

Non



Non pulcher consanguinei dolor agnus ouilis,  
Corpore non præstans, lunata aut fronte iuuenus,  
Hostia, sed placat diuinum humana parentem.

Ergo etiam humano placatur sanguine Numen?  
(Excipit hic natus) sapiens placet hostia Cælo?

O fortunatum quem fors hæc destinat aris!

Ille ubi nam est, ostende parens? ut pronus adorem  
Tam charum Cælo caput, & sancta oscula libem.

Forſan, & ille meis non multum distat ab annis.

Verum ubi nam latitat? sylua num clausus in illa?

An circum hic aliqua ingremio spelunca recondit?

Anne vehunt superi pignus cæleste per auras? (nate;

Tum pater heu gemitus male frænans. Victima  
Victima non procul est, obtutibus obuia nostris,

Mene vides? ego te? nostrum alter victima cælo

Debetur. Subitus terror nati impulit aures.

Lux mea, ne dubita, sortem hanc sperare parenti

Iure datur, meritæ sunt debita fata senectæ,

Extremum hoc æui inuat ô! inuat addere cælo.

Ergo age stringe manus vinclis, & vulnera vibra.

Quid dubitas? lucis facilis iactura senilis,

Viuido, longos didici contemnere soles.

At tu viue, meos qui viuere dignior annos,

Viue tuos, Regum sobolem geniture. Ducumque

Et Diuum. Te relliquias, cineresque paternos

Fas legere, & multum dolitura ferre parenti,

Inde breui luctu patrios solabere manes.

Sic ille. Hic postquam subita formidinis atram

Discussit nebulam, generoso pectore fatur.

Ut ferrum condam patris in ceruice, sacerdos

Infandus? cædemque tibi pro munere vitæ?

Non

Non hoc sancta sinunt naturæ iura, nec æqui,  
 Non ætas patitur, non certè mandat Olympus;  
 Ipse nec à teneris ita me pater imbuīs annis.  
 Si sedet hoc superis, humana vt victima Numen  
 Placet, adoratas natus procumbat ad aras.  
 Quod mihi ius in te? nostræ vitæq., necisque  
 Tu dominus, vitam dederas, vitam ecce resigno.  
 Annos chare pater frustra miseraris acerbos;  
 Est matura satis, quæ Cœlo poscitur ætas,  
 Sic vnum vixisse diem, vel secula vincat.  
 Non dabitur Reges, Diuosque habuisse nepotes,  
 Rex ego, Diuus ego, sceptris transcribar olympi.  
 Eia age, do iugulum, cape ferrum, in viscera conde.  
 An metuis, ne forte capax sit mortis honestæ  
 Hoc pectus? paruo mihi mens in corpore magna est,  
 Vix delibatam fortis contemnere vitam.  
 Quid cessas? per ego has lacrymas, arasq. pias, te  
 Per sanctos ignes, & conscia numina cordis,  
 Cede precor genitor, mihi dulcem hunc cadis ho-  
 Indulge lethum, lucis qui dona dedisti. norem,  
 Talibus orantem dictis, lacrymisq. rigantem  
 Ora pater, medio sic interfatus amore est,  
 Argumenta senis puero solvente vicissim.  
 Nate, negas patri vitæ pro munere mortem?  
 Reddo patri natus, vitæ pro munere vitam.  
 Bos vetus occumbat, iam fastiditus aratro.  
 Bos tener occumbat quem Cœlum inuidit aratris.  
 Obsequere hoc etiam, solitus parere parenti.  
 Cætera si cessi, hoc vnum mihi cede roganti.  
 Vt vellam tenero viridantem germine florem?  
 Sic aræ impositus saues halabit odores.

Ut natum perimam pater exitialis ad aram? (quam  
 Sæpe pater natum, haud natus patrem immolat vn-  
 Quem genui vt vita spoliem? tua dona resumes.  
 Ergo mori es certus? vitæ nam qualis origo,  
 Mors mihi acerba nimis puero, sed dulcis amanti.  
 Sic patrem & matrem linques? Deus omnia solus.  
 Dulce solum patriæ? Cælum dulcedine vincet;  
 Desine plura pater, Simul his dictis, furibundo  
 Impatiens aram saltu capit, (O pia mentis  
 Æternum memoranda audacia!) collaq. nudat.

Tum genitor teneræ stupefactus numine mentis:  
 Vince (ait) ò fili, palmaq. potire cruenta,  
 Indolis ò quantæ fili! dignissime seclis  
 Viuere, ni præstet vitam donare Tonanti.  
 Vince puer; Sed non vincis, quia funera cedat  
 Sponte pater, te Numen amat, te altaribus vnum  
 (Vera fatebor enim) poscit, renuitque senilem  
 Hanc animam, puris placet insons victima diuis.  
 Gaude sorte tua, & meditare in morte triumphos.

Annuit his puer inflexa cervice, breuiq.  
 Pallorem vultus hilarauit fulgure risus,  
 Qualis flamma solet percurrere lumine nimbum.  
 At genitor charis circundat vincula membris:

Ecce autem nigro properans in syrmate nimpha  
 Quales fert syluis dryades errare vetustas,  
 Nescio qua de parte micat pulcherrima, vultu  
 Cui decor in tristi luget, passisque capillis.  
 Seu mens diua loci custos sociare querelis  
 Sic voluit miserans, anne insidiosus auerni  
 Tentamenta mouet genius? certe ariete nullo  
 Mens magis Heroum sudat quassata duorum,

Nam



Nam dulci cantus hos ore effudit, & vna  
Flebilis aura sonat, respondent flebile siluæ.

Nobile par æuo, & lachrymabile perge futuro!

O pater infelix, natum qui sistis ad aram!

O nate infelix ferro periture paterno!

Quis vestrum miserabilior? cui lugubre carmen

Nostra prius debet lyra? patri, funera nato

Qui struit, an nato expectanti vulnera patris?

Heu miserande senex! miserandus tu quoq. pupe!

Ambo sorte pari mandandi, victima uterq.

Ipsæ dabis ferro iugulum, cor ille dolori.

Dignior at lachrymis, quæ vita dignior ætas.

Ah puer infelix, prima extinguere iuuenta.

Mors florem ætatis viridi decerpit aprili.

Tu proles risus materni, omenque doloris?

Tu germen promissum? Hæc spes iurata nepotum?

Per te confurget soboles generosa per orbem,

Quot stellas polus enumerat, quot littus arenas,

Regnatura solo, cælumque auctura trophæis?

En soboles illa? hoc regnum, pulchriq. triumphus?

Siccine posteritas i&tu cadet omnis in vno

Vulsa? tuaque expirabunt tot secula vita?

Sperasti tædas puer o formosæ iugales,

Fata dedere rogos; pro coniugalibus aras

Funereas thalamis, ubi pro sponsa, tibi mors, heu

Immatura nimis! primo iungetur in æuo.

Interea teneros ubi vinclis nexuit artus,

En genitor rapit arma ferox, ensæque recludit.

Nate, ad cælum oculos; ibi corde, animoque fide!

Quære Deum, inuisamque manum ferientis adora.

Vulnus ama, quo te Deus, & pia dextra parentis


Immolat. Hæc fatus, ter fulmineum extrulit ensẽ,  
 Ter patriæ cecidere manus; tandem impete toto  
 Dextra ferebatur, cùm vox cœlo intonat, Abraham,  
 O Abraham. En adsum. Stellata in veste ministrum  
 Respicit ætherium, nixum sulgentibus alis.  
 Siste, probata fides (inquit) cœlo tua, viuat  
 Spes generis, sat habent præludia, cœtera Numen  
 In monte hoc perfecta dabit, peragetque cruenta  
 Prolis cæde suæ, sacra. Erit Deus hostia mundi,  
 In cruce, diuinòs plangent elementa labores,  
 Rapta dies, rupti montes, tellusque relultans,  
 Vnda tremens, vlulans Erebus; manesq. vagantes:  
 Tanta feret meritos in fine Tragædia plausus.

# L A V S D E O.



# SAMSON

## LVDENS



## PROLVSI O



*I*n veteri testamento nul-  
lam Christi vita, mortisque  
picturam expressiorem inue-  
nias, quam Samsonem. Uter-  
que Nazareus, & à Ma-  
tre alter Virgine, alter sterili conceptus;  
Angelo prænunciante liberatores futuros  
hunc Iudaici generis, illum humani. Samson  
Leonem superavit figuram seculi, ac Tyran-  
norum: quorum feritate à Christo perdomita  
exiuit e potente dulcedo Virtutum. At Leo  
ille laceratus, Christi humanitas fuit, in cu-  
ius mortui ore cibum mellis inuenimus? Cer-



te ut Samson iumenti maxilla pro claua ;  
 hostes debellauit ; ita Christus non diuinitatis  
 armis, aduersarios suos, sed inermi humani-  
 tate confecit. Ille gaza portas, hic ferreos in-  
 ferni uectes confregit, ambo cetera inuicti ob  
 amorem proditi ; nam Dalila furor, Christi  
 charitatem adumbrat. Ambo catenas, &  
 ludibria experti, erutis oculis Samson, vela-  
 tis Deus. Sed magno Philistaeis constitit il-  
 lusa fortitudo, excidio regni sui Satanæ con-  
 stitit patibulata Diuinitas. Per unam de-  
 nique Samsonis mortem, Iudaei liberi, cum  
 ante seruirent : ab una Dei morte Iudaei, ac  
 gentes libertatem, & salutem acceperunt.  
 Dum itaque nos id temporis ludentem Sam-  
 sonem allegorico carmine imitamus, uestrum  
 erit, alia audire, alia intelligere.

# CARMEN

151

**S**ilicet hæc misera deérant ludibria sortis!  
 Vt bellatorum Phœnix, fortissimus ille  
 Nazareus, sacro viduatus honore comarum  
 Orbibus effossis oculorum, luderet vltro  
 Ante Philistæas saltu titubante cateruas,  
 Proh facinus! victæ data prædâ, & fabula genti.  
 Agmina circumfusa virum, iuuenumq, senumq,  
 Vndique Samsonem ludentem illudere certant.  
 Quo ruitis, cœcumque heroa laceffitis? eheu  
 Vos etiam cæci! sine cæde, ac sanguine, raro  
 Torpenti lepores insultauere molosso.  
 Quondam etiam miseros respectant numina, ludus  
 Qui fuerat, clades pro ludo sapè reppendit.  
 Luna bis æthereum iam plena, peregerat orbem,  
 Ex quo Samsonis vires cum crinibus hostes  
 (Fœmineus dolus) abstulerant, & lumine cassum  
 Carcere damnarant, geminata in nocte sepultum.  
 Cum variæ gentes, omnique a limite regni  
 Vndique turba fluens Gazam, ad solennia festo  
 Conuenere die, studijs excita videndi  
 Captiuum, gentis cladem, Samsona, suisque  
 Grataura Deis; referatis omnia valuis  
 Tempa parent, nulloque vacant a limine frondes.  
 Ductores primi, tyriaque inueste senatus  
 Aurea dona ferunt, & saxea numina ditant.  
 Thure calent aræ, & cum syluis tota propinquis  
 Vritur Arabia, vt pretiosos halet odores,  
 Dum centum impositis ardent altaria tauris.

Quin sùrdos feriunt votiuo carmine diuos .  
 Plurimus ore Dagon, quem gens vanissima Martem  
 Fassa suum, galea insignem caput, ægide pectus  
 Marmorea, dextraque in morem fulminis hastam  
 Torquentem, ceu victorem Samsonis adorant :  
 Nec non, & sacris conuiuia lauta peractis,  
 Concelebrant : timidi patres, & læta iuuentus  
 Discubuere thoris pictis, quæsitæque ab omni  
 Parte tributa litant genio, Mareotica siccant  
 Pocula, & inuitant abstemia numina mensis.  
 Postquam epulis placata fames, insana cupido  
 Ludorum exagitat; Samsonem ad regia duci  
 Tecta iubent, iuuat infractos spectare minacis  
 Victoris vultus, deformiaque ora cauatis  
 Orbibus, & sanie, atque vltiores pascere visas.  
 Scilicet vnus erit cæcus pro mille Tragoedis,  
 Captiuusque dabit populis spectacula Samson.  
 Ille catenatus spatioso in carceris antro  
 Frangebat cererem saxo, indigestaque vitæ  
 Pabula; marmoreumque molæ versatilis orbem,  
 Quem vix coniuncta traherent cervice iuueni,  
 Voluebat, sortisque suæ simulacra rotabat.  
 Infelix! quem fata nouis inimica reseruant  
 Ludibrijs: en dilectis e carceris umbris  
 Abstractus, quod morte viro crudelius ipsa est,  
 Poscitur ad ludos Samson, & sibila vulgi.  
 Ille fremit, rabiemque ferox sub pectore versat  
 Immanem, nam casaries florescere sensim  
 Incipit, & notæ reuocari ad pristina vires.  
 Sed silet, ingentesque iras premit; apta nocendo  
 Tempora, dum fausto conuoluant sydera gyro.



Ac veluti Leo, quem rigido exarmauerat vngue  
Venator, domitum vinclis, & carcere caco:

Ille quidem veteris graditur non immemor iræ,  
Ingentique animo meditatur prælia secum,  
Pastorumque, canumque neces; sed fronte serena  
Dissimulat, tacitumque nefas sub pectore voluit;  
Dum crescant vngues, & fors mutata secundet  
Mignanimas furias. Quas tunc dabit ille ruinas  
Quæ pecorum exitia, & Pastorum funera regnis?

Surgebat Gazæ tectum sublimæ columnis  
Centenis, patribus quæ curia, templa Dagonis,  
Ludorumque eadem sedes. Curuatur in arcus  
Bis senos spatiosa loci testudo, theatri  
In morem, geminæ in medio stant fulcra columnæ.  
Aduersa de fronte Dagon; cui lampade in aurea  
Perpetuo ante aras ignis collucet oliuo.  
Hic patefacta domus solaria; pulpita circum  
Lignea per muros, & plena sedilia turbis,  
Samsonem opperiunt. Qui postquam constitit vnus  
In medio caueæ, ceu captus lumine Cyclops,  
Aut ingens fera, plaudentum ferit astra tumultus.  
Cum puer erumpit primæuo flore decorus,  
Cui lac ore natans melli suffunditur; errant  
Auratæ per colla comæ, toga lusitat auris.

Hic cytharam quatiens, cantu Samsona salutar,  
Et blandis ad saltum, & ludicra bella laceffit  
Vocibus; o duri soboles certissima Martis!  
Cui dum sanguineis spargebas funera campis,  
Pulsa Philistææ vertebant terga Phalanges:  
Quem, si quando graui pullares cuspide terras,  
Non adamantæo retinerent mœnia vallo.

Cui Bellona parens, cui Iuppiter ipse trifurcæ  
 Fulminis afflavit vires, & credidit iras:  
 Quin solij partem stellatæ, & sceptræ dedisset  
 Omnia terrarum, nisi tantum Heroa domaree  
 Fœmina, & inuictus bellis, cessisset Amori:  
 Cœcus Amor cœco nunc de Samsonè triumphat.  
 Verum age, non omnis perit vno vulnere virtus.  
 Num Samson periit totus cum crine? feroces  
 Num cecidere animi? nec habet tam magna ruine  
 Reliquias? & nulla super Samsonis imago est?  
 Quò grandes abiire ausus, cum claustra reuulsa  
 Portarum, raperes ad culmina montis anhelis? (rum  
 Aut quando fulmen memorum, & cladem armento-  
 Ausus es immanem lacerare in frustra Leonem?  
 Macte animis. Si fata negant, reuirescere totum  
 Samsonem, partem reuoca: tot fortia facta  
 Saltando referens, aëtos imitare triumphos.  
 Dulce quidem misero renouare in clade trophæa;  
 Amissosque oculos solabere lumine famæ.

Dixit at Herois sensit generosa superbi  
 Nobilitas, ignominiam sub laude latentem.  
 Hostili cæcus spectacula pandere vulgo  
 Abnegat, & pleno risus præbere theatro:  
 Ante suum telis fodiendum immitibus, offert  
 Pectus, & erecta poscit ceruice secures.  
 Sed quid agat? crimen fortunæ euadere tentat  
 Incassum; violenta fremunt circum agmina: iam iam  
 Incurrunt pugnis, iam in lumina vulsa cruentos  
 Intendunt digitos, ni pareat, omne minantur  
 Opprobrij genus, & famæ post funera, vitam.  
 Ergo demisso suspirans vertice fatur.

Pone animos veteres Samson, habitumq. recentis  
 Indue; Fortunæ; domitum te denique disce,  
 Et fractus succumbe malis. Nunc sentio vires  
 Auulsas cum crine, diem nigrum, & speciosæ  
 Perfidiam furia, & noxam infelicitis amoris.  
 Ergo Samsonem saltantem hæc regna videbunt?  
 Errantisque pedes, sine lege, modoque vagantes  
 Illudent? cernent superi, & vos astra feretis?  
 At non aspiciet Samson. Solamen habebit  
 In tantis crudele malis, quod fœda latebunt  
 Fœda suos oculos. Aliquid Fortuna nocendo  
 Profuit, ereptusque dies iuuat. O bene cassa  
 Lumina! & optandæ noctes, placidæque tenebræ!  
 Omnipotens genitor, mundum qui fulmine terras,  
 Calcatosque premens nisu grauiore superbos  
 Insultas, humilemque leuas; quacumque tueris  
 Parte Poli Samsona tuum, miserere: nefandis  
 Criminibus parce, admisi quæ cæcus amator, (sam.  
 Nunc sine lucẽ videns; merui hanc, nec deprecor, ho.  
 Tange Iyram fidicen, Samson nil iussa moratur.

Dixerat. Inde sequi cytharam, fidiumq. tēnorem  
 Incipit erranti gressu; & quæ dexterā quondam  
 Fortia facta dedit, per ludum effingere docto  
 (Sic voluit Fortuna) pede. Et primò, veluti alto  
 Fulmineum cernat descendere monte Leonem,  
 Substitit, expediens pro telis brachia pugna.  
 En ruit, & præceps simulatum incurrit in hostem,  
 Inque feræ fauces violentus, hientiaque ora  
 Mittit vtramque manum, & connisus corpore toto,  
 Diductos lacerat rictus, spargitque Leonem  
 Exanimum, & multa porrectum extendit arena.

Tum



Tum super incumbens, spatiosi corporis hostem  
 Miratur, partem camporum mole tenentem,  
 Terribiles vngues, obscuræ lumina frontis,  
 Horridiora nece, & vultus post fata minaces.  
 Calcibus eiectum recto deforme cadauer  
 Framite, vicinam in foueam tunc abiicit, illic,  
 Virgulta, & viridi tumulant caligine vepres.  
 Inde breuem rursus saltum circum egit in orbem,  
 Et redit, vt rigida visat vestigia pugna;  
 Artifices iam mellis apes, cœlestia dona  
 Nectaris, in laceri fabricarant ore Leonis.  
 Ille capit pugnae pretium, labrisq. ministrans,  
 Expertus sensit, quam sit victoria dulcis.

Post hæc mentitos sese componit in astus  
 Multa mouens, versatque dolos in mente sagaci.  
 Innumeras vulpes cogens, per vincula binas  
 Innequit caudis, mediasque faces ligat, omnes  
 Deinde fugat manibus complois, hostis in arua  
 Peste graues tacita, atque incendia nata serentes  
 Per mediam Cererem, & maturos messibus agros.  
 Iple fugam cæcam trepidantum, & saepe cadentum,  
 Ah nimis ex vero cæcus imitatur, & ipse  
 Cespitat interdum, quatefactaque pondere tellus  
 Lapsantis casum Samsonis ferre laborat.  
 Sublimis tandem flammæ despectat ouantes  
 Clade Philistæa, & spes anni funere in vno  
 Ardentes, latusque inimica incendia ridet.

Ecce autem hostili Gazæ deprehensus in Vrbe  
 Omnia clausa videt. rigidi compagibus æris,  
 Vallatas portas, & septos milite muros.  
 Ergo animus nutat, medios an tendat in hostes,

Et

Et sibi crudeli moriturus cæde parenter :  
 An saltum capiat præceps de mœnibus altis ?  
 Consilium capit inuictis a viribus, & quod  
 Præter Samsonem nemo audeat : ipse citato  
 Securus graditur portarum ad limina passu.  
 Deinde manu valida, oppositas cum cardine valuas  
 Murali aggreditur ; cum cardine, iussa recumbunt  
 Claustra, rigescentesq; seræ stridore laceffunt  
 Sydera, disiectæque trabes, fractæque catenæ.  
 Ille Urbis spoliū, portarum immane trophæum,  
 Imponit latis humeris ; tum lumina voluens  
 Torua, triumphator discedit, scilicet hostem  
 Attonitum irridens, vibratasque eminus hastas  
 Despicit, hostili clypeatus terga ruina.

Tange puer chordas plectro grauiore seueras,  
 Horrisonosque refer lituos, & classica, Samson  
 Sic ait, & sæuo componit membra labori.  
 At puer aggreditur pugnae simulacra canora,  
 Sollicitans ad bella fides, effingit acutis  
 Quippe tubas, raucis imitatur tympana chordis,  
 Clamoresque virum, hinnitusq; alternat equorum.  
 Interea Samson, veluti robusta catenis  
 Membra onerata gerat, collumq; manusq; reuinctas,  
 Captiuo similis graditur, deuota furori  
 Præda Philistæo, exultantemq; aspicit hostem.  
 Tum subito validos diffringens impete nexus,  
 Ceu solet ignis edax consumere tenuia lina,  
 Victrices ad bella manus altè extulit, & quod  
 Fortuna obtulerat flagrum rapit; inde molarem  
 Maxillam referens, bacchatur, & iactibus auras  
 Verberat insanis, in ventos vulnera torquet,

Nunc

Nunc dextrâ, læuâque furens per castra, cateruas  
 Dum sequitur nullas, & morsu læuus inani,  
 Calcibus, & pugnīs fictos interficit hostes.  
 Immeritas plagas gemit aër, i&ta ressaltant  
 Atria, succutitur tellus, cœlumque remugit,  
 Heroi ignescunt falso in certamine vultus,  
 It labor in riuos, fumant in naribus iræ,  
 Robur & in ficto flagrat insuperabile bello,  
 Quid faceret, vero si prælia Marte cieret?  
 Expauere senes, vulgusq. imbelles tumultus  
 Bacchantis dextræ, tempestatemque cadentem,  
 Et latebras nati in gremio petiere parentum:  
 Vsq. adeo ludens Samson, cœcusque timetur.

Hac Fortuna tenus potuit luisse videri,  
 Haud infensa nimis victo, victoribus æqua;  
 Et Samson toleranda tulit; cum Dæmonis astu,  
 An sua cuique malus Dæmon sit, sapè cupido?  
 Instincti Iuuenes, Heroa laceßere probris  
 Indignis ausi; quæ iusti causa furoris  
 Samsoni, ingenti confudit & omnia clade.  
 Nam dum maxilla simulata perfurit heros,  
 Turbauit multos belli crudelis imago,  
 Præcipuè Osbellum, Gazæo sanguine clarum,  
 Atque opibus; pugni quem crudi verberare Samson  
 Perculit, at cum fratre patrem maxilla peremit.  
 Ergo memor luctus, iuuenum sic asperat iras.

Cernitis ò Ciues æquò hæc spectacula vultu?  
 Est ludus Samson, an nos magis improbus iste  
 Ludos scurra facit? Quanta est fiducia victo?  
 Vt furit? vt renouat nostras in imagine clades?  
 Quid victor faceret, quando victoribus vnus

Et



Et captus, cæcusque insultat, funera Gazæ  
 Obijciens, laudesque suas ? heu monstra ! pudoris  
 O magis expertem frontem, quàm lumina lucis !  
 Cessamus viles animæ ? tot probra feremus,  
 Nec ruimus ? frattrum & læsas vlciscimur vmbra,  
 Dedecus & patriæ, ludosque reponimus hosti ?

Talia voce ciens, sordes, ac fœda poposcit  
 Missilia, & primus cæcum iaculatur in hostem.  
 Vndiq. se se addunt comites, plausuque sequuntur:  
 Pars glebas iacit, & cænum, signumq. pudeadis  
 I&ibus effosios oculorum destinat orbes :

Pars faciem illustrem sputis, frontemque verendam  
 Commaculant, alij ( tanta est fiducia ) barbam  
 Diuellunt, latera hi pugnīs, hi tempora pulsanť.  
 Nec requies datur vlla, modò hũc, modò pellitur il-  
 Agmine inundanti pressus miserabilis Heros. (lũc,

Ac velut aëriæ ludus fit noctua gentis;  
 Quam medio si forte die aspexere volucres,  
 Radentem liquidum peregrinis aëra pennis,  
 Continuò inuadunt, rostroq. alisq. fatigant :  
 Illa pauet, nam lux hebetat clarissima visus,  
 Nec quò se eripiat, nec quā contendat in hostem  
 Repperit. Interea repetitis morsibus i&ta  
 Dat gemitum, vulsæ labuntur ab ethere plumæ.

Heu quantum infelix Samson distabat ab illo !  
 Ante Philistææ dederat qui stragis acervos,  
 Messibus & campos spoliauerat, oppida portis,  
 Et sauis nemora alta leonibus. En puerorum  
 Ludibrium rapitur, vesani fabula Vulgi,  
 At fileť, immotos & præbet ad omnia vultus.  
 Ceu mussat timidus coram tondentibus agnus,

Nec

Nec iusso cultrum iugulo satiare recusat.

Crimina forte memor recolit sua : seu morituri  
Vaticinæ occurrunt menti simulacra Tonantis.

Ne pia tantarum rerum turbetur imago,  
Perstat, & indignos hoc pensat honore labores,  
An dum vindictam propiorem corde volutat,  
Eruptura cinis fallax incendia nutrit?

Namque has mansueto tandem dat pectore voces.

Parcite, iam quæso pueri, sat lusimus ambo.

Quod si marmoreis adiungere membra columnis  
Samsonem lassum permittitis, edere ludos  
Est animus, quales non vidit Gaza, nec vnquam  
Viset, & auditos omnis mirabitur ætas.

Vocibus ambiguis decepta est credula turba,  
Ludorumque nimis cupiens, Heroa columnis  
Admouet, & ludos, quorum pars magna futuri,  
Accelerare iubent, ludos ignara parari  
Supremos sibi, sed Samsoni nobile finus.  
Ergo dum fallunt varijs sermonibus horam,  
Ille reclinatus molem tentabat vtramque  
Explorans dubijs manibus, sensitque tenere  
Binâ Theatralis se sustentacula tecti.

Tum liber, votique potens, ad sydera frontem, (dit.  
Frontem oculis vacuam, & palmas cum voce teten-

Summe pater Diuum, mentis cui nostra repostæ  
Cuncta patent, quæcunque paro, si authoribus astris  
Hæc paro, da signum Pater, & me Numine firma.

Vix ea: cum subito tonat æther, & sonat imo  
Vox Acheronte; veni Samson, tibi meta laborum  
Summa, veni, plenam mortis iam despice vitam.

Ergo statim furijs vicina mortis; & ira

Gran-

Grandior affurgit, sed ne crudele patefcat

Consilium, & quemquam rapiat fuga, murmure tan-

Respondet tacito: venio: sed non ego solus, (tum  
Quippe traham mecum, populosq. urbemq. nocen-  
Lusoresq. meos, vna omnes clade, sepultos, (tem,  
Ne vacet à Samsonè metus post fata, sequemur.

Laxet auernales fauces saguranda vorago.

Et noua tortores, stygij tormenta, parate.

Primum oculos fodite, his ludibria, flagra, catenaq.

Et quæcumque tuli, superaddite. Ne tamen umbras

Vos sperate, meas vicina e sede piorum.

Audiam inextinctos, miserorum carmina, questus,

Et fruar hostili gemitu, reddamque cachinnos,

Ludorumque vices. At tu mihi patria, tellus

Cara vale, quæ longè hinc distas, nec moriturum

Iam Samsona tuum cernis, nec verba suprema

Accipis. Auditis vos, & miserescit auræ.

Vos precor ò memores, patriæ referetis ad aures,

Quas vocès moriens Samson cum sanguine fundit.

Patria cara vale: faustos tibi viximus annos,

Egimus & claros iuuiçto Marte triumphos.

Nunc tibi, sæuus amor licet, & fortuna rebellent,

Felices etiam morimur. Deuota saluti est

Tanta ruina tuæ. Cum Samsonè occidet vna

Omne Philistæum nomen; sic libera viues

Clade mea: o longum felix, longumque superstes!

Sis memor, & si quid superest, largire sepulchro.

Extinctus Samson, victore cadauere regnet,

Altera pars nostri saltem post fata triumphet.

Hæc tacitus, geminas amplexus deinde columnas  
Mole lacertorum valida, sic vocè minaci



Intonuit: pereant Samson cadente Philistæi,  
Hos ludos Samson ludenti reddidit hosti.

Talia vociferans, magna vi concutit alta  
Fulcra columnarum, quo impulsu contremuerunt  
Tecta, Philistæi clamorem ad sidera tollunt.

At Samson nitens de cardine fulcimenta  
Marmorea euellit: soluuntur tecta, ruuntque  
Præcipitata solo, pars in cervicibus hærent  
Herois, poteratq. domum fulcire labantem,  
Qui impulerat, sed sponte cadens, frangenda ruinis  
Membra dedit, voluitque mori, ne viveret hostis.

Tunc strepitus tectorum ex omni parte ruentum,  
Saxorumque fragor collisorum, & morientum  
Astra flagellarunt gemitus, paulò ante iocos  
Astra sonis, plausuq. leui pulsata theatri.  
Quis faciem horrendæ cladis, quis funera cantu  
Æquiparare queat? populorum extincta iacebant  
Millia; densa locis, quibus hora nouissima sati  
Vna, & funus idem, indistinctaq. mortis imago.  
Omnibus effracto capita exiliere cerebro,  
Et vultus laceri, & turpatus vulnere sanguis,  
Et tumuli ante necem, & bustum commune ruinæ.  
Purpureus iacuit mixta cum plebe senatus,  
Flos iuuenum, puerile decus, grandæua senectus.  
Nec inuit timor imbelles, audacia fortes,  
Non fuga veloces, non insula sacra ministros.  
Quin capite auulso simulacrum immanè Dagonis,  
(Nec fors illa fuit, sed vindex Numinis ira)  
Ante pedes iacuit Samsonis; at ille repertus  
Integer, ac toto spirante cadauere cædes.  
Isacida testes, qui cladis murmure longè

Audito, Gazam venere, nec hostibus ausis  
 Hiscere (nam reliquos paucos pauor altus habebat)  
 Securi hostiles explorauere ruinas,  
 Et patrio inuentum Samsona tulere sepulcro,  
 Inq. triumphali scripserunt carmina busto.


Hic Samson iacet: Hosti Gaza euersa sepulcrum.  
 Crimen Amor, ludi pana, & victoria clades:  
 Vrbe cadente super stantem oppressere triumphi,  
 In Samson latet Samson sed fortior: ille  
 Morte sua Isacidas, hic totum vindicat Orbem.

F I N I S.





# MARTYRVM TRIUMPHVS




## PROLVVSIO

**V**ENTURAE aetatis ar-  
 ca praedicere, aut est homi-  
 num furentium, aut diuino-  
 rum. Sed praeterita, tam-  
 quam euentura canere, est ar-  
 cificium familiare poetis, ingeniosa fallacia,  
 legentium simplicitati imponentibus. Nos  
 ut si licentiae modestissima iure, Martyrum  
 lau-



laureas canimus, & triumphos, nocturna  
 in imagine representatos Racheli, dum filios  
 in Bethlemitica strage lugebat. Si neque  
 numerum Heroum, neque ordinem in narra-  
 tione seruabimus, potèticè facimus, & ma-  
 gna exempla secuti. A Iaponia Martyri-  
 bus potissimùm ordimur, & absoluimus car-  
 men, recurrentem per hos dies anniuersariam  
 memoriam venerati.





# C A R M E N

**I** Aponij heroes, fatales scandite palmas (tem:  
 Intrepidi, & crucibus pendentem carpite mor-  
 A primis promissa manet vos laurea seclis,  
 Cum Bethlæa pio maduerunt arua cruore,  
 Et longum flenti natorum fata Racheli  
 Dilecti manes, obscuræ noctis in umbris,  
 Funera Christiadum, & sacros cecinere triumphos.  
 Ite, & vos magni implentes oracula fati.  
 Interea truncos dum vos conscenditis altos,  
 Ipse vetusta canam tanti simulacra triumphi,  
 Et relegam vestras communi in imagine sortes.  
 Postquam Bethlehemios lactentum sanguine campos  
 Regis inundavit furor, & pars altera ferro,  
 Altera certavit iugulis: properantior egit  
 Phœbus in occasum currus, & luce sepulta  
 Damnauit meritis terrarum facta tenebris:  
 Tum neque consueto riserunt lata decore  
 Sidera, lugubres indigna ad funera cœdas  
 Dum referunt; rores lacrymauit largiùs aer,  
 Omniaq. æthereo maduere cadauera luctu.  
 Sed non infelix extincto sole, parentum  
 Pætoribus sopitur amor, turbante tumultu

Cu-

Curarum: amissa dum prolis imagine viua  
Nutritur desiderium, nutritque dolorem.

Te premit ante alias quondam latissima matres,  
Nunc miserranda Rachel, veteris de stirpe Rachelis  
Nomen idem sortita, nimis sed dispare fato:

Quæ geminos olim audebas tua lumina, natos  
Sideribus Cœli componere: nunc tibi surgit

In media nox atra die: dum sola vagaris  
Ædibus in vacuis, notos sua gaudia vultus

Dum vidui quærunt oculi, dum murmura frustra,  
Et strepitus captant aures, fastidia grata

Ludentum, & caras mœrentum audire quietelas.

Ac velut illa suos repetit dum sedula partus,  
Et mœstos nidos sine prole, reuisit hirundo;

Quas non illa auras circumuolitans lamentis

Implet? & irato faciens conuicia cantu,

Exprobrat hospitium laribus, violataque iura,

Exilioque domos, infidaque culmina mutat.

Haud secus, ingratos genitrix deserta penates

Deserit, & natis sine dulcibus, omnia plena

Odit imaginibus natorum: deinde relicto

Limine, Bethleos irrumpit turbida campos:

Ferales campos; vbi matres fraude tyranni

Delusa, promissa tulere ad munera natos;

Sed pro muneribus retulerunt funera matres.

Nocte sub obscura medias animosa per umbras

Incomitata Rachel graderis, si non comes vna

Infelix hæreret amor; materna vicissim

Viscera dum carpunt nati, trahit hic, trahit ille,

Et gemini vnam animam sibi diuisere dolores.

Illæ ubi peruenit miseranda ad stragis accruos,



Vestigat charos materno lumine vultus  
 Incassum : prohibet notos cognoscere, cœdes  
 Plurima, mutatique, & nocte, & morte colores.

Ergo congestis mœrentes ossibus agros  
 Affatur lacrymans : o Bethlei æquora campi  
 Luminibus dilecta meis, dum vita manebat  
 Luce magis charæ soboli; et, si redditis illam,  
 Nunc quoq. dulce solum! at vos nati, animæq. recentes  
 Quæ fortasse vagis matrem nunc cingitis vmbriis,  
 Dirigite incertos ad vestra cadauera gressus.  
 Funera digna paro; lacrymis lustrare cruenta  
 Vulnera, & in charis animam hanc spirare labellis :  
 Coniuncti manes, sociæq. vagabimur vmbra.

Dum iactat tales ad surda cadauera voces,  
 Sylvarum miserata sonis respondet imago,  
 Nocturnæq. ululant pariter lamenta volucres.  
 Illa mouet dubios gressus per squalida densis  
 Cœdibus arua, timens sparsum calcare cruorem,  
 Dum lac omne suum putat; a ceruice reuulsa  
 Si qua iacere videt busta, exanimata resistit:  
 Anne istic natorum aliquis? simul oscula iungit  
 Materna ignotis truncis, indebita solui  
 Iusta sibi gaudent, & non sua funera, manes.  
 Officio tandem materno nequa suorum  
 Pars vacet, infelix campumque, amnesq. cruentos,  
 Et cumulos altos confusa mortis adorat.

Nox medium interea curiu traiecerat axem,  
 Et verso Arctophilax lucem temone vocabat,  
 Nec finem insano dederat male sana labori.  
 Sed postquam videt inuisa tellure negari  
 Pignora chara sibi, e cœlo sua pignora quærit,

Sustulit,

Sustulit, & varia versata cœde madentes

Cum precibus palmas ad Sydera. Rector Olympi,  
Quem de matre recens natum, noua lumina terris,  
Cœlestesq. chori monstrant, miserere peremptæ

Prolis, viuentis matris miserere; parenti

Da, natos lugendo frui, natisq. vicissim

Indulge gemitus, vnamq. parentis in vlnis.

Te precor a magnis infans trepidate Tyrannis.

O vbi cumque lates (neque enim in te barbarus ensis  
Ius habet, aut violant mortalia vulnera Numen)

Redde suos matri natos: aliqua est quoque mater

Diuētibi: non vt reddas sua tempora vitæ,

Exunias vitæ, & conspectum funeris oro.

Quamquam, o, si renouare mihi portenta liceret

Antiqui vatis, cum fletibus ille parentis,

Exanimi nato vitam per membra refudit

Pleno animæ amplexu! nec longæ secula senectæ

Optarem miseris, spirantes cernere tantum,

Affatuque breui luctum satiare: rogarem

Quæ causa excidij? properat si diuâ propago

Humanum reparare genus, cur cædibus alter

Dissipât humanum genus? an cœlestia pugnant

Pata sibi? an cœlo tellus impunè rebellat?

Nam cur immeritos poenæ secunda fatigat,

Vindice te frustra, atque vlticia tela minante?

An superis hæc facta placent? & nostra iuberis

Non prohibendô dij mala? maternosq. dolores

Luditis, & puro placet insons victima cælo?

Talia dicta Rachel dederat, gemitusque dolentis

Audiri faciles superis; infantis ad aures

Bethlemij venire: patris qui iussa sequens

Diuina cum matre, Ioseph, cœloque sequaci,  
Niliacas ingens exul calcabat arenas.

Audita est mater, votoque potita, repente  
Attonitam luctu vario, sopor occupat altus

Numinis illapsu, non qualem haurire solemus  
Mortales, oculos hebetantem, auresq. soporem :

Purus erat, sacer, & demissus ab æthere somnus,  
Qui multum vigilantis habet, penetralia cœli

Nam reſerat vacuis animis, arcana futuri  
Per quem prospiciunt æui, alloquiisque fruuntur

Numinis, & summi choreis miscentur Olympi.

Cœlestem somnum vigilans Rachel, ecce resurgens  
Sub pedibusq. solum tremere, & trepidare reuulsa

Cum dubijs nemora alta iugis, duplicare nitores  
Sidera, & euictam radijs palleſcere noctem,

Cernit, & infusa lætariet omnia luce.

Interea cœco misceri murmure campus,  
Audiriſque ſoni varijs, vmbrarumq. gementum.

Confuſi queſtus : ceſſant tua fulmina ceſſant  
Summe pater diuūm, nos turba iacemus inulta ?

Illis nocturnas resonant reſponſa per auras, (implent  
Expectate : breuis properat mora, dum numerum

Fata ſuum, dabiturq. pio pro ſanguine ſanguis  
Impius, intento vindicta laborat in arcu.

Vix hæc audierat; radios ſimul æthere puro  
Aſpicit errantes, & corpora bina coruſcis

Vndique lambentes flammis: vitalibus illa  
Ignibus iſta ſolo conſurgunt, deinde per vmbras

Illuſtres, chorea aſtrorum mirante, petebant  
Te Rachel : & primo ſallebat lumina matris

Pulchrior aſpectus natorum, & maior imago.

Vt



Vt vidit, nouitq. suos, penè obruit ægram  
 Lætitiâ, & vitam natorum vita parenti  
 Abstulit: ac nisi sufficerent animum astra labanti,  
 Gaudia vix patitur, potuit quæ ferre dolores.

Tempore vbi longo, vocemq., animumq. recepit:  
 Vera ne cerno oculis (inquit) miracula? viuos  
 Natorum vultus? aut si mors occupat, vnde  
 Tale decus morti? referunt cur vulnera soles?

Illi hac turbatam solantur voce parentem

Viuius ò mater, properati munere lethi  
 Ambo felices; natorum tu quoque gaude  
 Fœlix sorte, tuus regnabit in æthere sanguis.

Ecce autem longo spectat Rachel ordine turbam  
 Iamq. propinquantem, & vexillum grande sequen-  
 Miratur subitò trepidans, natosq. requirit: tem.  
 Quæ gens? vndè viri? quæ tanti causa tumultus?  
 Hæc illa, at contra maior sic filius orsus.

Mira vides fati, genitrix, simulacra futuri,  
 Ne dubita, ipse tibi pandit regnator Olympi.  
 Quos cernis circum populos, deuota Tonanti  
 Gens ruet, & nostræ cadet æmula victima mortis:  
 Sed genitrix consiste, solumq. genu pete flexo,  
 Et iuuenem egregium forma venerare, rubenti  
 Qui princeps incedit equo: quantum instar in illo est!  
 Infususque homini spirat Deus! hic vir, hic ille est,  
 Quem modò maternis Herodes pallet in vlnis;  
 Qui (nam vera canunt vates, nec numina fallunt)  
 Morte sua insensum terris placabis Olympum.  
 Cernis vt ipse sui fert secum insignia fati  
 Exultans! sonipes rubet, & phaleræ, & ehlamys ardet  
 Sanguinea, at pallet vicino funere vultus.

Quis

Quis strepitus feruet comitum ? duodena secuti  
 Turba fremunt densi, variæq. insignia cladis  
 Quisq. suæ induitur; crucis hic immâne trophœum,  
 Ille hastas, alter gladios, fert iste securim,  
 Et collum Paulus respersus lacte recenti  
 Testatur candore fidem; Stephanum aspice iuxta  
 Qui gemmis lapides, & stellis vulnera confert,  
 O quam discordes animas, dum luce fruuntur,  
 Idem amor, vna fides, & fata nouissima iungent;  
 Concordes dein sorte pari mirabitur æther!  
 Occidui sequitur Laurens spes altera mundi.  
 Aureus huic manibus fulget nunc, ferreus olim  
 Lectus, erit mortis feretrum, post funera rursus,  
 Aureus euadet, victoremq. inferet astris.  
 At quis per medios, sacros erumpit amores  
 Vociferans ? si nosco sonos, Ignatius ille est,  
 Qui lentos queritur nimis in sua fata leones.  
 Fortunate senex ! votis potiere cruentis :  
 Ne dubita, dabitur dentes satiare ferarum,  
 Ipse feris, Numen tibi præda. Sed impetus omnes  
 Idem vrget; sperare necem; nec fidere vitæ.  
 Ingeminate faces, vncosque, rotasque Tyranni,  
 Spicula, flagra, cruces, rabiemque augete minorem.  
 Aratos tauros flammis incendite, ridet  
 Has Placidus flammæ, & quos gemitus vlulantis  
 Dicitis, hic sonus est lætum Pœana canentis.  
 En ruit in flammæ Polycarpus spontè; sagittis  
 Alaram mortem, pigram in sua fata Sebaestes  
 Increpat, & virgas probat: aspernate ferarum  
 Obsequium blasæ, ferrato pectine gaudes.  
 Pendebit Catharina rotis; incendia ludet

Agnes

Agnes, virginæ niuibus defensa pudoris,  
 Balnea Cœciliam non lædent, æstuat intus  
 Cor meliore rogo; sic Numinis omnia vincet  
 Fortis amor, ceu mors, & merces grandis Olympus.  
 Innumera speciosa rudnt in vulnera gentes,  
 Matres, atque viri, pueri, innuptaq. puellæ,  
 Inualidique senes; pictis exercitus armis  
 Qui lucet! Thebæa phalanx erit; Vrsula turmas  
 Virgineas, noua bella docet cælestis Amazon:  
 Fœmineæ exultant victricibus agmina palmis. (bunt  
 Quantus erit tunc mortis honos! cum sanguinis i-  
 Flumina, cum Diuam tumulis ornabitur orbis  
 Nostra videbuntur ludi tunc funera, mater.

Talia dum loquitur, cernunt a cardine mundi  
 Cum palmis ingens properare recentibus agmen.  
 Quis chorus ille, inquit, nati, cur se vltimus infert?

Natorumque minor contra. Saluete manipuli  
 Heroum, extremis non vltima gloria seclis!  
 Seu quos purpureis trabeis circumdat Iapon  
 Flammæ, atque idem qui corpora funerat ignis,  
 Monstrat iter cœleste animis; his Spinula ductor.  
 Seu quos extrema in Salsæ tide, barbarus vrget  
 Ensis, & has felix etiam parit India gemmas,  
 Purpureoq. micæ ardens Aquæuiua cruore.  
 Fortunati omnes! Nam per vos Itala surget  
 Gloria, post cineres, seris venientibus annis,  
 Audebitq. nouis veteres æquare triumphos,  
 Et canet Ausonias Eo in litore palmas.

Quis globus ille virum, fluctuq. algæq. dece: ter  
 Sordidus? an sacram rapis Azebede cateruam  
 In fluctus? sed fata negant debere procellis

Nau-



Naufragium, dabit ipse cruor, maria alta sepul-  
 I pretiosa ratis, quæ merces inuehis astris. (chrum.  
 Nunquàm tam felix errauit in æquore puppis.

Huc genitrix conuerte oculos, hanc aspice gentem  
 Insignem crucibus, quibus aures ense recisas  
 Sidera supplerunt, vulnusq. informe decorem  
 Attulit; hos de Iaponiæ feralibus olim  
 Collibus, in cœlum propior quàm se uia pandit,  
 Excipiet superum concentibus axis ouantes.  
 Audis, ut festo sonat omnis murmure campus?  
 Magnanimi Heroes! non vos, aut ferre pudebit  
 Vincula, nec vestros pro Christo in curribus altis,  
 Opprobrijs, risuq. parès agitare triumphos.  
 Quàm certi vobis animi! quàm prodiga vitæ  
 Pectora! quàm pugna alienæ cura salutis!  
 Ut tonat eloquio, & cœlestibus omnia miscet  
 Ignibus; ille gerens Pauli cum fulmine nomen!  
 Maeste potens linguâ iuuenis, cape fræna theatri,  
 Crux tibi pro rostris esto, facundia primas  
 Instituat partes, orabit cœtera sanguis.  
 Ite, & tergemini Auroram ornate trophæis.  
 Tempus erit cum vestra simul cum sole vehetur  
 Gloria in occiduos tractus, magnoque superbam  
 Intrabit decorum circumfuso agmine Romam.  
 Illa sacros diuûm vobis decernet honores.  
 Et quos nunquam armis est ausa laceffere virtus  
 Romula, adorabit votis, & supplice cultu.  
 Tunc priscæ memores pietatis, rite vocantum  
 Exaudite preces, hyemes orate serenas  
 Et placidos annos, extinguite semina morbi,  
 Si qua mala erumpent, cessent bella impia, tantùm


Pro

Pro Christo sit dulce mori, lenite furores  
 Et vestra merito cadis, depellite cades.  
 Hæc ille Eois ducibus, rursusque parenti.

Ergo immaturos obitus, & fata tuorum,  
 Fata bonis mala dum viuunt, sortesq. cruentas  
 Desine mirari genitrix, iubet hæc superum Rex,  
 Si quas nascuntur, retinentur regna per artes;  
 Funeribus natum regnum, per funera crescet,  
 Sanguis alet palmas, & ementur glade triumphi.

F I N I S.






# ARMORVM

L V D I

# AD CVNAS

VIRGINIS



## PROLV'SIO



**I**NSTITVTVS à vete-  
ribus, à recentibus vsurpatus  
ille mos fuit, natales Princi-  
pum dies, armorum tractatio-  
ne ludrica celebrandi, ut ab  
imagine lata praliorum, mixtus delectatio-  
ne terror redundans ad venerationem profi-  
ce-



ceret recens genita Maieſtatis, per arma imperium propagaturæ. Itaque cum hodierna die progrediatur in lucem cæli, terrarumque Regina terribilis, velut acies ordinata caſtrorum, heroum robora, è cælo, è terris, ex inferis properarunt, ut ſimulacris bellicis incunabula Principis bellatricis exornarent. Noſtris porro ſodalibus conceſſum eſt in honorem nata Domina, ſi minùs fortia facere, ſaltem prædicare, plauſum dare pro ſanguine, fidibus reſonare pro tubis, & concinendis aliorum triumphis, Voces commodare triumphales. Agite igitur, quoniam haſtiludij hiftoriam varia narratione contexendam ſuſcepimus, noſtræ erunt partes certaminum præludia, provocaciones bellatorum recitare: Gratia nimirum, Nature, ac Demonis, quorum congreſſum, & certamina poeta deſcribet.

Poſtquam fama tota perſonans univèrſitate, ad Virginis incunabula ludos indixit; continuò Gratia cæleſtis heroina, ſe ludorum caput, & aſſertricem certaminum profeſſa eſt,

M                      hac

*hac prouocatione ubique vulgata.*

*Gratia, Cælestis Amazon, cognata Deo stirpis, triumviratus nobilissimi memoria, intelligentia ac & voluntatis arbitra; omnipotens, sed suausi Regina cordium, ubiq. regnans per beneficia, Bellatoribus terrarum Orbis, & inferorum, belli, aut pacis, vite, aut mortis, offert optionem. Famae sonitu excitata properavi de montibus sanctis, de cubilibus leonum, atque pardorum, ubi dracones elidere, tigres frangere, sunt nostri lusus, & rudimenta bellorum. Venimus, ut regia Infanti gloria tributa, aut heroici sanguinis solueremus. Quamuis enim, nuper in lucem venerit, vetus tamen cum hac Virgine nobis necessitudo intercedit. Nondum aquarum fontes eruperant, cum illa meis muneribus inundabatur. Nondum cardines orbis terræ posuerat Deus, cum illam ego in domicilium Regis sæculorum, ante sæcula designabam. Ergo, si sapitis mecum suauissima alumna mea honores augete, & proficientes matrem futuram Numinis, ac Virginem*

nem adorete. Si renuitis tanta gloria sponte  
adspirare, sanguine subscribetis inuiti. Quin  
aliam grauiorem morte pœnam denuncio,  
Virginem, & Gratiâ iratas. Ad Virginal-  
es cunas vos præstolabor armata. Hæc Gra-  
tia Cuius prouocatione perlecta, Natura in  
hæc verba rescripsit.

Natura Numinis filia, rerum parens, im-  
par patri, ceteris maior, sine qua nihil uiuit,  
mouetur, aut est, inter bella vicesq. rerum ca-  
ducarum, inuicta, ineluctabilis, æterna, Cœlesti  
Amazoni Gratiâ. Puella recens in Iudæa nata,  
non solum amores tuos sibi vindicat, sed pari  
iure promerita est meos. Cum enim illius ego  
venas purissimi sanguinis fonte irrigauerim,  
& virginalibus genis meo lacte conspersis, ocu-  
lis fulgorem solis afflauerim, non possum non a-  
mare opus meum, idque pulcherrimum. Sed  
nimium tribuere ijs, quos diligimus, est insa-  
nientis ex amore. Satis fuerat, prædicare  
hanc Virginem speciosissimam meo munere,  
sanctissimam futuram tuo, nisi adderes in-



cognita illa Natura nomina Matris, &  
 Virginis, & Deiparae. Nunquam ego ulli  
 mortalium tam intemperanter indulsi, neque  
 è re nostra est, ut puella una per dignatio-  
 nem tantam, naturam omnem dignitate  
 transcendat. Equidem quantum superi supra  
 Naturam possitis, ignoro; illud scio, sapien-  
 tis esse, non omnia velle, quae possis. Non est  
 aequum aliena rapere, ut dones: tu puellam,  
 ut istam exornes, Naturam suo iure dispo-  
 lias? Quid tantum tibi vindicas in regno  
 meo? aut siquid iuris habes, cur gratia tam  
 ingrata moliris? plura quidem monstra, me  
 connuente, in lucem prodierunt, omnem fidem,  
 omnem Naturae patientiam superat, cum  
 Virginitate fecunditas. Si virgo est, ne pa-  
 riat, si mater, virgo iam fuerit. Hoc tenore  
 quatuor annorum millia, rerum series, natu-  
 ra regnum decucurrit. Quod si turbare inci-  
 pitis caelites, obtestor Deum, ut iura seruem à  
 vobis tradita, induam arma, quae dedistis.  
 Veniemus, ne dubita, ad Virginales cunas,

sed

*sed non et) venisse voles; nam cum gigantea audacia fatum sortita, documentum dabis, eos, qui natura rebellant, sepulturam ambitione nobilitare. Hac natura.*


*Sed Prouocatorius Gratia libellus etiam inferos penetravit. Ubi conuocato senatu tartareo non est dubitatum, quin esset gratia assertionibus contradicendum, atque ad pugnam tanti momenti, Rex ipse Lucifer Damonum pugnacissimus destinaretur. Illud venit in consultationem, utrum palam, et) cum pompa, an dissimulata maiestate, ac nomine, prestaret accedere. Causa perplexitatis, suspectus pugnae campus, Palestina regna, fœderata cœlitibus, quorum agmina, in honorem Reginae suae, interfutura spectaculo credebantur. Placuit secunda sententia, eòq. magis, quòd aduersariam in certamine facilius perculsum iri, sperabant, cum sub hominis imagine, vires adeò supra hominem experiretur. Publicatus igitur est libellus ignoto authore, prouocationi Gratia græco sermone respondens; quasi*

è Gracia palmis ludorum incluta heroum aliquis aduentaret. Verba libelli in latium sermonem translata, hos sensus reddidere.

Bellator incognitus caelesti Amazoni Gracie. Nolim existimes, propterea quod nomen dissimulo, me nominis, aut generis pœnitere. Plusquam regale genus est mihi, & antiqua nobilitas; neque fortatissis ero, uti Arcades, mendax, si meam ante lunam originem gloriabor. Quid attinet fortunas nostras, quas occultas esse volumus, adumbrare? Unum proloquar; (nam infixus pectori cogit dolor) Reges sumus, digni qui dem beavioribus regnis, quam quibus præsumus, imperare. Et imperauimus aliquando. Sed maiori cum Principe exorto bello, ab ipsismet fratribus, proditi, pulsique exuti paterno imperio sumus. Aeterna nihilominus (animos agnosce) repetimus bella, cumque acerbissimi hostis sanguinem exorbere non liceat, quod proximum est, fœderatarum illi gentium stragibus, solatium querimus. At de his satis. Nazarenam puel-  
lam,



*lam, eiusq. stirpem omnem ad unum odimus;  
 ne quare causam. Illud scito: nos eius hono-  
 ri, palam, & in occulto, semper obrectaturos.  
 Nego igitur, ex hac fœmina quamvis Regij  
 sanguinis, Deum nasciturum. Si non erit in-  
 dignum illa maiestate, in aliquam gentem,  
 suam nobilitatem inserere, ea mea est, ut sola  
 talem dignationem mereatur. Id viuis as-  
 serere manu, id extinctus cadauere perseuera-  
 bo. Si tamen, tu ea es, quæ mihi vitam eri-  
 pere, aut is ego sum, qui mori possim. Hac ille.  
 Deinde indictus est certamini dies Dominicus  
 post Natalem Virginis primus, in campo Na-  
 zareno ad ipsa Diuæ incunabula: spectatori-  
 bus futuris cæli ciuibus, & limbi patribus, cum  
 ipso supremo Numine, de more, in nube ac ne-  
 bula, maiestatem prodente, atq. occultante.*



## C A R M E N

**V**T signum ludis dedit aurea buccina fama,  
 Impleuitq. crebum, terrasq; & sydera cantu:  
 Protinus heroas tellus bello apparat, armant  
 Martes astra pios, & sauos tartara Martes.

Gratia ludorum princeps, pars magna duelli,  
 Vesta ministerijs zephyrorum in nube curuli  
 Labitur ad cunas; hic scissa argentea nubes  
 Im medio cœlestem exponit amazona campo.  
 Restitit in claro bellatrix lumine Virgo.  
 Purpureo sublimis equo, quem à cæde futura  
 Numinis, asperfit pretiosi vena cruoris.  
 Parua, sed in paruis ingens est gratia membris,  
 Quippe suo melius lucent in fonte lepores.  
 Sic dum res oculis aperit, radijsque colorat,  
 Per quam pulchra nitent, lux pulchrior ipsa renidet.  
 Illam & bella decent. Quæ martis purpurat igne,  
 Formosas facit ira genas; expirat amores  
 Terror, & in rigidis apparet blandior armis:  
 Quid faceret, miti si risus ore cieret?  
 Stant circum rara comites: nam gloria rara est;  
 Tres Charites, non quas induxit Græcia terris,  
 Sed quas in cælo tulit ipsum Numen, & vno  
 Eductas lacte, vnanimes dedit esse sorores. (sit  
 Fert clypeum ex adamante fides. Quo tegmine pos-  
 Ignea tartarei depellere, tela gigantis  
 Spes hastam præbet: non huic se turbinis æquet  
 Impetus, aut vis fulminea; hæc perrumpit Olym-  
 Et rapit audaci violentior æthera nisu. (pum,  
 Ast

Ast inter geminas augustior vna sorores ,  
 Nocturnos inter ceu lucifer emicat ignes ,  
 Fert galeam , æthereæ fabricatam incudibus Ætnæ;  
 Quam patrijs cœli in fornacibus, astra liquantes  
 Matris ad imperium, superi sudastis amores.  
 Hoc cultu, his socijs, expleuit vbi ora tuentum  
 Gratia per girum; diuam venerata Puellam,  
 Substitit ad cunas, vnâ cum Virgine Virgo,  
 Opperiens tempus pugnæ. Sed rauca repente  
 Dum tuba terrificis clangoribus astra laceffit ,  
 Ingens procedit medium bellator in æquor.  
 Quantus mole gigas! inter caput astra videtur  
 Inferere, occasum manibus contingere, & ortum,  
 Pressa graui trepidat membrorum pondere tellus.  
 Alati circum iuuenes glomerantur euntem  
 Cæsarie horrentes hirta, buccisque tumentes  
 Inflat, ventos agnoscas, fallor, an hæc est  
 Magna parens rerum Natura? horæq., diesque  
 Stant circum, nimphæque, & pleno copiâ cornu.  
 Insculptis lorica rigens argentea mammis  
 Pectus obit rerum altricis; queis scilicet omnis  
 Sugit ab vberibus vitalia pabula mundus.  
 In clypei ære rudis tellus, formosus in auro  
 Cum nitidis stellis æther, spumantia cano  
 Æquora in argento, Naturæ regna refulgent.  
 Insidet in galea Phoenix post fata renascens:  
 Quippe docet vitæ, vel in ipsa morte latere  
 Semina, Naturamq. sua de clade nouari.

At postquam caueæ lustrauit grande theatrum  
 Ardua sublimi Natura sedens elephanto;  
 Protinus insertat clypeo læuam, & caput ærea



Includens galea, celsa grauat abiete dextram,  
 Arripiens spatium campi. Nec Gratia contra  
 Segnior ingreditur, martemque armata fatigat.

Sistite iam litui, belli pars magna peracta est.  
 Fulmineæ trabis incurfu, cœlestis Amazon  
 Hostem deturbauit humo. Concussa laborat  
 Terra tremens, tantamque negat perferre ruinam,  
 Quæ sonitu exteret cælum. Iam iamque cadente  
 Natura, caderet mundus; ni Gratia lapsum  
 Subleuet, his dictis rerum solata parentem.

Maxima bellatrix, sed fato ingressa sinistro;  
 Cede, mihi si non vis cedere, cede Tonanti.  
 Scilicet ille, dedit primum qui viuere rebus,  
 Naturæq. modum, non idem soluere leges (trem?  
 Quas tulerat, queat? & cum virgine iungere ma-  
 Quid lex Naturæ, nisi Numinis vna voluntas?  
 An tantos ægrè titulos concedis alumna?  
 Si sanguis tuus est, natæ auget gloria matrem.

Dixerat, at dextram tendens sic illa profatur.  
 Gratia, vicisti: fateor Natura minorem,  
 Maternumque decus cum virginitate Puellam  
 Iuncturam admirans, (sic diuoluistis) adoro.

Hæc ait. Hoste vno domito non deficit alter;  
 En nouus ingreditur vacuam bellator arenam,  
 Postremusque infert se campo incognitus heros.  
 Qui galea caput occultans, simul ora recusat  
 Exerere, & quod sit nomen, patriamque fateri.  
 Barbarico tamen à luxu, qui diuite cultu  
 Gemmarum exundans, aurique, per atra renidet  
 Arma, per & vestes; à regifico comitatu;  
 Fastumque elatum spirante, ac nobile quiddam

In-

Indole, regum aliqua apparet de stirpe superbus.  
 Insigne in galea fulget mirabile monstrum,  
 Virginis ora, manusq. gerens, at cætera serpens.  
 Læua pomum offert, habitumq. loquentis, imago  
 Exprimit. Hunc liceat si coniectare, dolosum  
 Hunc puto serpentem, qui primos nempe parentes,  
 Vocis, & aspectus falsa sub imagine ludit.  
 Tempore iam ex illo nostræ hæc insignia cladis  
 Heu miserranda! sui gestat monumenta triumphii.  
 Cornitur in clypeo depictum emblemata, flagranti  
 Vrbs immerisa rogo, cui lugubre carmen adhæret;  
 Vna salus victis, nullam sperare salutem. (quid  
 Quam decet hoc miserum carmen miserabile, nam  
 Quid sperare potest, qui desperauit Olympum?  
 Conuenit, & flammis quæ tota adspersigitur aureis  
 Nigra chlamys, cultus tristes, habitusq. superbi.  
 Cernite, quo fastu, Diæ cunabula Pupæ  
 Præterit, ah nihil inflexa cernice, rebellis!  
 At probri impatiens, iras cœlestis Amazon  
 Suscitât, & dictis tumidum castigat amaris.

Iure premis nomen, bellator fordide, sædam  
 Nigra veste tegens animam. Quæ barbara morem.  
 Dat Patria? obsequium Regina detrahis? an si  
 Nil regale sapias, te credam è regibus ortum?  
 Imbellem sexum, quisquis bellator honorat,  
 Te regnatricem obsequio fraudare Puellam?  
 Hostis, ab hoste etiam, per barbara verba, salutem  
 Accipit, & salue medijs interuenit armis.  
 O soboles cyclopi, interque edueta latrones  
 I miser, Heroum fuge cœtum; incognitus æuam  
 Quò ducas te dignum, in lustris conde ferarum.

Hæc

Hæc illa: at contra ille ferus. Tibi plurima Virgo  
 Dicta volant, dum bella manus, & pectora poscunt.  
 Quid tibi, si stirpē inuisam haud dignamur honore?  
 Officiūne doces hostem? morūne magistra, an  
 Bellatrix? nam pro telis quot iurgia torques?  
 Qualemcumque geris personam, hæc accipe: non te,  
 Non illam veneror, non ipsum numen Olympi. (rent,  
 Thura mihi peto: sunt qui & nostrum numen ado-  
 Quem tu latronem damnas, ad lustra ferarum.

Talibus auditis, generosæ Virginis vrit  
 Corda dolor, flammataq. genas, raptim ergo citato  
 Quadrupede, exclamat. Capitis prod dira nefandū  
 Impietas! os in cælum? te hæc dextra refellet;  
 Babare, crudelis, dire, execrabilis, excors.  
 Et simul his dictis, erecta prouolat hasta  
 Nec minùs ille fuit, longaq. trabe aëra rumpens,  
 Fertur in occursum; sed inarticulata remugit  
 Verba sono, dentesq. quatit stridore minaci,  
 Scintillas iaciunt oculorum è casside flammæ,  
 Hac specie, his furijs incensi in bella feruntur.  
 Edite pleetra sonos, cantuque æquate furores.

Sistite iam focij, confecta est alea martis.  
 Post tres congressus, collisæque quadrupedantum,  
 Pectora, & hastarum impacta hastis fragmina, tandem  
 Palpitat ater humi bellator; Gratia stricto  
 Ense super, clamat; mihi cede, aut cede Tonanti,  
 Quisquis es, ò fortis; Diuamque verere Puellam,  
 Communem æterno sobolem cum Patre daturam.

At quassans caput ille: Deo nec cessimus (inquit)  
 Nec tibi cedemus. Nostro haud dignamur honore  
 Hanc, quamcunq. suo paritura est viscere prolem:

Equè



Equè luto nunquam credemus numina fingi.

Talia vociferans, in bella résurgere tentat,  
Virginæ plantæ, telo insidiatus acuto.  
Sensit vt illa dolos; vmbonis, quadrupedisque  
Impulit incurſu aſſurgentem, & multa minantem,  
Euertitque ſolo, iugulo iam inſtabat Amazon,  
Poſcebatq. animam ferro: quando ille ſuperbus  
Se victum agnouit, nec ſpes ſuper vlla triumphĩ eſt,  
Tellurem pugno ferit, hæc (mirabile viſu)  
Ingenti ſubitò patefacta dehifcit hiatu,  
Cornipedemq. equitemq. nigrum ſub tartaravoluit,  
Fumantes micuere faces, atque halitus orco  
Teter, & auditi gemitus, tractæque catenæ,  
Vmbrarum Regem manifeſtum palluit Orbis.

Tunc tandem patuit cur nomen triſte ſileret;  
Quid nigri vellent cultus, vocesque ſuperbæ.  
Qui Lunam ante ſatum clara ſe ſtirpe ferebat,  
Audebatque pares cultus ambire Tonanti,  
Nunc luit æterno geminas ſtridore ruinas.

Sola ſed in campo viatrix exultat Amazon,  
Quæ cuneos equitans circum, violisque roſisque  
Irrorata, legit plauſus, pretiumque triumphĩ.  
Dein Pupæ venit ad cunas, has vndique partes  
Condecorat pugnæ ſpolijs, & carmine ſignat:  
Gratia de domita Natura, ac Dite trophæum.

F I N I S.

Handwritten text, likely a list or index, written in a cursive script. The text is arranged in approximately 20 horizontal lines. The ink is dark, and the paper shows signs of age and wear. The text is written in a cursive script, possibly from the 17th or 18th century. The lines are somewhat irregular in length and spacing, suggesting a handwritten list or index. The text is written in a cursive script, possibly from the 17th or 18th century. The lines are somewhat irregular in length and spacing, suggesting a handwritten list or index.


Handwritten text, possibly a signature or a date, located at the bottom center of the page. It appears to be a single line of text, possibly a signature or a date, written in a cursive script. The text is written in a cursive script, possibly from the 17th or 18th century. The lines are somewhat irregular in length and spacing, suggesting a handwritten list or index.

**AVGVSTINVS**  
**IN PVGNA**  
**INTERIORE VICTOR.**





# PROLVVSIO



*Tenebris hæreseos, & Vitorum,  
ad Fidei lucem, & sanctitatis,  
reducem Augustinum Emin. PP.  
Phœnicem ingeniorum, Ecclesiæ  
lumen, & ex humana eloquentia Magistro,  
diuinæ Sapientiæ conditorem, heroico carmine  
concinemus; Unaque opera Christianum pro-  
ponemus Viua in imagine bellatorem, in in-  
teriori pugna, de suis animi affectibus trium-  
phantem.*

# C A R M E N.

**T**olle animos, veteresq; nouis postpone triūphis.  
 Nescio quid claro tibi nascitur Africa maius  
 Annibale, inuictus dum sese, humanaque cuncta  
 Proterit, angustos rapit Augustinus honores.  
 Plus est, plus animo, quam mundo imponere leges.  
 Fortior & quicumque suos corde opprimit hostes,  
 Quam qui tormentis quassat muralibus vrbes.  
 Hunc hominum plausus, perituraq; sæcula laudent,  
 Illi aperit Deus, & Cælum immortale theatrum,  
 Nec defecturo astrorum diademate cingunt.  
 Sed dum secreti reuocabo exordia belli,  
 Tu melior Phæbo eloquij diuine magister,  
 Qui nunc cælesti palmarum in sede triumphas,  
 Augustine tuis da promere digna trophæis.

Ille decus Lybies, ardentis gloria Mundi,  
 Ingeniorum excelsus apex, viuumque Licæum  
 Palladis, & medio Sol sole nitentior Orbi,  
 Proh dolor! hæreseos tenebris, caligine sensus  
 Inuolvente animum, vitiorum præda suorum,  
 Mancipium Ditis, geminata in nocte iacebat.  
 O quanti vis ingenij! lustrare capacis  
 Naturæ fibras omnes, & viscera rerum,  
 Et quodcunque latet, vigili comprehendere mente.  
 Quicquid Socraticis sapientia vidit in vmbreis,  
 Naturæque oculus, doctique Platonis acumen,  
 Quidquid Democritus risu, quod fletibus alter,  
 Et quæ Pythagoras potuit docuisse silendo:  
 Nil Augustino sapientius, aut prior ætas  
 Protulit, aut ventura feret, torpectus onustum

Diuitijs Sophiæ, tor donis lingua Mineruæ.  
Talis erat tandem, qualem post sæcula longa  
Phœnicem miratur Arabs. Sed cuncta tenere  
Quid prodest? naturæ arcana, & sydera cæli?  
Si Cæli nescitur iter, calcatur Avernus.

Interea genitrix errantem tramite cæco  
Lugebat natum Monice, reiecta sed aure  
Surda, aurita suo faciebat sydera questu.

O semper vitiorum hærentia semina magnis  
Ingenijs! ubi proueniunt dulcissima mella,  
Sic ibi lethiferas fert Attica gleba cicutas,  
Et nox atra diem comitatur. Quid inuat Orbis  
Hunc doctrinarum Solem peperisse, minatur  
Si phæton tæas Orbi Sol iste, ruinas  
Erranti portans doctrinæ lampada cursu?  
Quod si fata, inquit, sobolem tam læua manebant,  
Cur genui infelix? vtinam infœcunda fuisset,  
Aut quæ prima dies nato, foret vltima matri  
Quid me diuinæ legis præcepta sequentem  
Spes lætat Cæli? an possunt sine te astra videri  
Pulchra mihi? in Cælo plus, crede, dolebo beata,  
Gaudia supplicium sine nato, lacryma dulcis,  
Lux nigra Solis erit. Precor, o miserescite Diui,  
Et tu materni Virgo haud ignara caloribus  
Faucibus, aut natum æternæ subducite mortis,  
Aut libro vitæ nomen delete parentis.  
Integra sim tantum culpæ, sim criminis insons,  
Perpetuò stygias nato comitem ire sub umbras  
Munus erit: Superi tam sanctæ ignoscite culpæ,  
Mater amo; prolem non vlla fideliter ardet,  
Immemor ipsa sui, quæ non sit mater amandò.

Talis



Talis priuatus questus, lacrymæque parentis:  
Publicus alter erat gemitus, lacrymæq; precesq;  
Christi adû: nec enim leuia, aut ludicra petebant:  
Ingens momentum mutandi sæcula, & Orbem,  
Augustinus erat. Superis cur tale rebellat  
Ingenium? cur hæc virtus non viuît Olympo?  
O quantas dabit hic, partē quamcunq; capeffet;  
Vel bona, vel clades! superi succurrite Cælo;  
Et nostros sanate metus. si militat astris  
Dux tantus, vires Erebi ridemus, & astus  
Ludimus; impuræ frangenda hoc fulmine colla  
Hæreseos, regnumque Erebi, cultusque Deorum,  
Et sincera fides cunctis dominabitur aris.  
Sic Michael; Cælum fulsit, contraque rebellis  
Lucifer astrorum populos transcripsit auerno.

Sed lacrymis iam parce parens: cōpescite questus  
Christi adæ, magni damnant vos sydera voti:  
Tantarum prolem lacrymarum iusta perire  
Astra negant: mites expugnat lacryma Diuos.

Prima Augustino vertendi ad seria mentem  
Causa fuit, iustratum oculis Carthaginis altæ  
Excidium; tantæ populorum, Urbisque ruinæ,  
Illum damnorum memorem fecere suorum.  
Nescius errabat quantis peteretur ab astris  
Hoc vnum precibus caput, amplæ fortē per Urbis  
Reliquias, tristi confusus imagine rerum;  
Littus vbi vacuum tectis fragmenta tegebant  
Vasta ruinarum, atque exstantia puluere in alto  
Spirabant veterem morientia saxa decorem,  
In campis, vbi Carthago magnæ æmula Romæ  
Impleuit Cælum fama, terrasque triumphis.

Deser.

Deserti secreta loci, & veneranda iacentis  
Maiestas Urbis mentem pupugere, trophæa  
Annorum, & clades grauiores Marte Latino  
Mirantis. dubitat sparsum calcare cadauer  
Urbis, & Heroum cineres, manesque superbo s:  
Quamuis templa Deum videat facta antra ferarum,  
Terret adhuc spirans augusti nominis vmbra.  
Tristia tunc vario turbatus pectora sensu  
Talia prorupit non vnum in verba dolorem.

Ergo etiam magnas Libitina interficit Urbes?  
Nec datur effugium lethi, tangentibus astra  
Molibus? ad tantos falx improba sufficit ictus?  
Iam iam nil querimur, vitream diadematis aurei  
Esse fidem, & moriente mori Carthagine gentes.  
At vos reliquæ fragiles, turreſque caducæ,  
Exuniæque leues, Carthaginis ossa ſepultæ,  
Sorte quidem miſera felices; quippè iacetis,  
Sed non ſenſus ineſt vobis, non cura futuri.  
Nos viuos angunt curæ, ſunctosque ſequuntur,  
Viuentique aliam poſt fata nouiſſima ſortem  
Sperare, an timuiſſe datur? ceu nauſraga puppis,  
Quam Notus, & Boreas aduerſo flamine tundunt,  
Spemq; metûq; inter trepidat, propiorq; pauenti eſt  
Conſcia materiæ fragilis: ſic pectore noſtro  
Spem dubiam maior ſuperat timor; vndique tantæ  
Peccandi illecebræ, & conatus in ardua limo  
Difficilis, tum prona ſuæ natura ruinæ.  
Hinc & amara dies vitæ, nox mortis amara  
Fit magis, ingratoque madescunt cuncta timore.

Hæc Auguſtinus ſecum; nec carpere ceſſat  
Interior cordis monitor, ſiue arua relinquens

Punica

Punica, terrarum dominam contendit in Urbem,  
Seu Mediolanum eloquij torrentibus implens  
Italicam Lybico ambrosiam cum nectare confert;  
Secum vnâ puppim scandit, dubiumque procellis  
Aequor arat, curru pariter vectatur eodem,  
Et cubat in lecto, noctesque, diesque remordens  
Culparum spargit mala gaudia felle salubri.

Ille tamen præceps in crimina mille, dolorem  
Oderat vsque suum, causamque doloris amabat.  
Heu miserum! in tanta tædet iam viuere lite.  
Nam meliora videt prudens, laudatque, fugitque,  
Deteriora placent, quia dulcia; nec tamen illa  
Vsque placent, præsensque metus, grauiorq; futurus  
Sollicitant; sic ipsa sibi fit pœna voluptas.  
Sed quid agat! vinculis captiuum sæua libido  
Surgere conantem, rursùm ad consueta reuoluit.  
Sic facit infelix, quod factum nollit, & odit,  
Inuitus peccat, peragit dum crimen, abhorret.

Esse quid hoc dicas? quod mentis cætera cedunt  
Imperijs, animoque animus parere recusat?  
Imperat hic membris, & statim iussa faceffunt,  
Imperat illè sibi, iussis impune resistit.  
An quia debilitet tantùm iubet ægra voluntas?  
Spernere iussa docet, quisquis timidè imperat. acer  
Sic equus inualidum fessorem agnoscit, & armo  
Excutit. Imperium si firmum certa voluntas  
Concipiat, vix illa iubet, cum iussa peregit.  
Exemplo Augustinus erit, qui mente vbi certa  
Propositum graue concepit, vincula omnia rupit.  
Feruidus, indoluitque semel, ne sæpe doleret.

Nobilis occiduas Antoni fortè per oras

Fama



Fama vagabatur virrutes, claraque facta,  
Edomitumq; Erebum, & caelestē in morte triumphū  
Centeno ore sonans, geminosque è Cæsaris aula  
Exemplo procures tanto; dare nomina sacris  
Compulerat syluis, licitari sydera iactu  
Terrarum, augustosque casa mutare penates.  
Talibus auditis, Augustino ima perurit  
Ossa pudor, facibusque arserunt pectora sanctæ  
Inuidiæ, veterem sic ergo affatur amicum,  
Quem sibi cōiunctum studijs iuuenilibus æui,  
Ceu Nisum Eurialus, Piladem dilexit Orestes.

Quid facimus, mi dulcis Alipi? quis stupor yrget?  
Indocti signant certos ad sydera calles.  
At nobis parient doctrinæ lumina noctem  
Perpetuam, ferimusque neci ceu victima pompam,  
Hoc sapere est animum tenebris involuere tantis?

Plura locuturum prohibet dolor, & grauis alto  
Pectore mæstitiæ nimbus, quo turgida inundat  
Lumina, sese oculis igitur subducit, & hortum  
Ingreditur, vacuum quem possidet aura Fauoni,  
Et taciturna fidem promittit sylua quærelis.  
Illic arborea proiectus membra sub vmbra  
Liquitur in fontes lacrymarum, flebilis vnda  
Serpentem riuum subitis torrentibus auxit.  
Tum verò noua lux mentem perfudit. vt altè  
Fæda suo aspiceret vitiorum herentia corde  
Vlcera, manentem saniem, putrique veneno  
Tabescentem animam culparum, excanduit ira,  
Displicuitque sibi, & gemitu sic ora resoluit.  
Huc Augustinum vani traxistis amoris  
Mentiti facie charites, & corde Megeræ,

Blanda

Blanda voluptatum mala, deliciæque nocentes,  
Et virus sub melle latens, sub flore colubri.  
In vestris virides nugas exegimus annos,  
Et meminisse pūdet, quæ tunc iactare iuabat,  
Nec satis hoc, etiam extremos auferre paratis?  
Non ita: sed nexus nequeo si soluere, rumpam.  
Certum est ne peream, pereundi perdere causam,  
Vulnera vulneribus curabo, & funere funus,  
Sanguine libertas mihi constet, sanguine palmæ:  
Idem hostis vincendus ero, victorque, theatrum  
Cor pugnx, & Cælo contenti teste triumphi.

Talia dum secum generosa mente volutat,  
Tanquam delicijs domitis, sensusque proterui  
Calcata ditione ferox, en Dæmonis astu,  
An sua cuique malus Dæmon fit sape libido.  
Exoritur blandum Heroi, & miserabile bellum.  
Nam veteres culpæ illecebræ, vitæque prioris  
Blandimenta mala, & simulachra gerentia vultus  
Heu nimium notos! cunctorumq; agmen amorum  
Occursare animo; & placitis deludere mentis  
Robur imaginibus, proprios simul addere Auernus  
Ignibus, his ignes: breue cor fit scena malorum  
Tantum, & signum innumeris mens vna sagittis.

Dalmata sic etiam Solimæ cultor Heremi  
Romanas inter iuuenili flore puellas  
Stare videbatur, fontesque haurire calores;  
Nuda nudus humo quamuis sibi pectora saxo  
Tunderet annorum senio confecta rigenti.

Nec solum es veteres visus spectare furores  
Augustine tibi flammæ incentiuæ recentis,  
Sed gemitus etiam, vocesque audire loquentum.

Prima quidem tenero, sic insonat ore volupras.

Quid tandem malè sane paras? contēnere sensus  
Delicias, & non reditura gaudia vitæ?

Mollibus assuetus dudum, vitæque beatæ

Tu procul his poteris lucem durare vel vnam?

Aut sine me viuas, propter quam viuere dulce est?

Longe aliter canit ambitio: quod mente volutas  
Augustine nefas? tacitis abscondere syluis.

Doctrinæ solem, & sæclum damnare tenēbris?

Paulum desidiæ distat non cognita virtus.

An cupis eloquio populum captare ferarum?

Sed ne Treijcij speres miracula plectri:

Nec nouus inuenias veteres Delphinæ Arion.

Fabula ficta salus, veros dant monstra dolores.

At gulæ, & ebrietas epulis conuiuia plena

Obijciunt, viuoque rubentia pocula Baccho,

Et circumfusus grato sermone sodales

Talibus orantes. Genio Augustine litemus,

Dum licet, accelerat mors inuida, quādo recentem

Non vltra mugilem, aut perdicē imponere mensis

Fas erit, & fertis roseis redimire lixum.

Hæccine tu potu mutabis simplicis vndæ,

O simplex! lauri baccis, & glandis amara,

Iam fastidita miseris pastoribus esca?

Crede mihi, stulta est sapientia, linquere certa

Quæ teneas, vt spes longas incertus anheles:

Malo vnum præsens, quàm gaudia mille futura.

His Augustinum molimina magna mouentem

Vocibus, vrgebat vitiorum turba suorum.

Attonitum, nam quo fleat, quo mente feratur,

Inter vtrumque graui curarum fluctuat æstu.

Et



Et timet, & sperat pariter, gelat, æstuat idem,  
Nec Dominum patitur ceruice, nec excutit, alta  
Astra superuolitat, & puluere serpit in imo,  
Nec ratio arbitrium, nec sensus vindicat omne,  
Sed lacerant vnum vota in contraria pectus;  
Testantur lacrymis suspiria mixta dolorem.  
Ac veluti viridi decerptum ex arbore truncum,  
Impositumque focis, ardens vbi flamma momordit,  
Dat gemitum, & lacrymas in cortice sudat amaras;  
Donec in occultas acies iulcania fibras  
Permeet, & victas penitus conuertat in ignem.  
Sic veræ in partu vitæ Augustine laboras  
Internis data præda malis; conuexa tueri  
Iam Cæli tædet, finemque miserrimus oras,  
Multiplicemque vno consumere funere mortem.  
Squallidus, & toto procumbens corpore terræ  
Humanum sentis pondus, di&isque fateris.

Asper eram, bellumque vltro, cladesq; minabar,  
Quàm longè mihi robur abest, & gloria fortis,  
Ni leuis hic supero firmetur robore pulvis?  
O si me tali versantem in turbine fortis  
Aspiceres mater! saltem sermone leuares  
Mœstitiem, iunctis aut solarere querelis,  
Et mihi placatum faceres, tibi numen amicum,  
Nunc desertus, inops surdis loquor omnia plantis,  
Et leuis insultat Zephiritidis aura dolenti.  
Nec quēquam incuso: tantos meruere dolores,  
Et culpæ grauiora meæ. regnator Olympi  
Hic precor, vte, seæ, æterno dum tempore parcas

Vix ea: cum subitò resonans vox perculit aures  
Tolle lege, ad sonitum sustollit lumina, rursus,  
Tolle

Tolle, lege, atq; iterum repetito murmure clamat  
Vox eadem, vocis nullus sed cernitur author.  
Imperium cæleste ratus, qn̄i fortè iacebat  
Proximus, arripuit diuina oracula librum;  
Illic tantorum patuit medicina malorum.

Non in perpetuis epulis, Bacchique furore,  
Non inter thalamos, & sancti damna pudoris,  
Non inter rixas, vanæ & certamina linguæ;  
Sed Christum induite, & sensum calcate rebellem.

Protinus his lectis, menti iubar emicat ingens,  
Quod nubes Erebi pellit, virtutis honestas  
Irradiat victrix felici cuncta sereno.

Intus adoratam genuit victoria pacem,  
Et soboles pacem sua, gaudia mille sequuntur.

Si doluit, ridet, fruitur post bella triumphis,  
Et rebus mœstis, maior mensura bonorum est.

Quas tunc ille tibi grates pater optime soluit,  
Per sua Diuinâs exornans crimina laudes?

Sed veluti nox astra parit, sic pulchra fatendo  
Culpa nitet, fingitque sua caligine soles.

Si non peccasset, felix minus ille fuisset,

Nec tot lucerent gratis incendia cartis,

Vnde Augustini flammesceret ignibus Orbis!

Sic nocumenta iuuant, & pars fit plaga salutis,

Sic lapsus cælo tollunt, firmantque ruinæ.

Vt verò florum Sol, & flos Solis, amicam

Lampada, per proprios errores, lucis adorat:

Sic memorem dulci defixus numine mentem,

Te voce, & calamo, Te vita, & morte sequetur.

Si multum læsit, plus Augustinus amauit.

# B. ALOYSIUS

ALLOYSIUS HON. COMITIS DE AL

3. ann. latus in 14. ann. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.

15. 15. 15. 15. 15.



Corpore detineant præsentem, animo exul aberrat,  
 Et clausis oculis, spectacula quærit in astris.  
 Vidit & indoluit genius, quem iusserat orci  
 Regnator, stygia Gonzagam cingere fraude,  
 Et delere animo, vitæ cælestis amores.

Ergo furore amens liuentia labra momordit.

Siccine (ait) nostras ludet puer improbus artes?  
 En periere mihi quot tentamenta malorum,  
 Dispositiq. doli? in phaleris, pictisq. luparis,  
 Arma per & galeas plenas terroris amani,  
 Et falso cristas tentantes astra volatu,  
 Ad patrij martis palmas, dum sponte calentes  
 Inflammaré paro cordis iuuenilis amores;  
 Omnia sic vincit clauso, qui lumine pugnat?  
 Altera sed saxo cernes spectacula, quæ te  
 Aut victum dedant, aut ponam inglorius artem.

Dixit, & extremæ fassus conamina fraudis,  
 Induit effigiem notam, splendentiaque ora  
 Fida tibi Gonzaga diu, cælestis ephebi,  
 Cuius Aloysium curæ mandarat Olympi  
 Rector; in auratam capitis mutauerat angues  
 Cæsariem, furuas argento illuminat alas,  
 Angelus apparet lucis, niger accola noctis. (dent.  
 Nox animum tamen intus habet, falsum ora reni-  
 Quodq. magis miserum est, imitatur gaudia tristes,  
 Labra cient risum, strident in corde dolores.  
 Hac specie ingressus veterator callidus ades,  
 Gonzagæ tunc forte remota in parte precanti  
 Notum offert vultum, & voces mentitur amicas.

Chare puer, choreæ, quem dudû adiungere nostræ  
 O quantum cuperem, paribusq. innectere satis!

Ma&c

Maſte animis generoſe, parem recludis Olympum,  
 Dum claudis terras oculis, mundumq. minorem.  
 En tibi cælicolum Reſtor ſpectacula pandit,  
 Gonzagaſq. tuos offert, populum aſpice denſum  
 Heroum, ſeu quos clarauit bellica virtus  
 Bellonæ titulis, ſeu quæis coma fulgurat oſtro  
 Romuleo, geminis Gens ſufficit vna triumphis.  
 Sed ruit effuſum ſtudia in contraria cælum.  
 Nam bellatores certant, certantq. togati,  
 Te ordinibus ſociare ſuis; furit ambitus aſtris;  
 Vtra ſequi malis ſtudia, & quibus addere magnum  
 Nomen auis, oſtrone, an lauro obnubere frontem?  
 Omnipotens Reſtor tantam componere litem  
 Abnegat, & genti ſuperum pater æquus vtrique eſt.  
 Te penes arbitrium ſtatuit, ſic æthere lapſa  
 Huc acies geminæ, peragent me interprete cauſam.  
 Elige quod ſequeris vitæ genus, armane, an aulæ  
 Præmia, caſta togæ placida, an ſtudia horrida Mar-  
 Talibus aligeri dictis, deſixa tenebat (tis?  
 Obtutu ora puer, taciturnaque lumina voluit;  
 Nec tantum effigies veterum veneratus auorum  
 Noſcit imaginibus depictis atria circum  
 Conſimiles, quantum voce, imperioq. mouetur  
 Mendacis genij ad decora inuitantis honorum.  
 Quippe animo dudum fixum, immotumq. ſedebat,  
 Spernere opes Regum, titulos calcare ſuperbos,  
 Sectari virtutis opes ſub paupere tecto.  
 Sic adeo inſiſtit, ſecumq. hæc peſtore verſat.

Heu quia nam ruit inſolita in ſpectacula cælum?  
 Spernere ſi aggredior terras authoribus aſtris,  
 Terrarum curas cur vltro ſuggerit Æther?

Mutarine potest forte inuariabile numen ?

Anne Deum mea vota latent , qui vota gubernat ?

Heu quid agam ? aduersis ceu naufraga distrahor vn-  
Pinus, dum spirant contraria flamina Cælo. (dis

Martis signa sequar ? Christi ergo castra relinquam ?

Christi miles ero ? ergo tubæ lituique valete.

Aularum arridet nitor ? omnibus o mihi votis

Pauperies ambita vale ! contemnimus aulas ?

Despectis igitur concedet purpura pannis .

Anne lupis agnos iungens, sectabor utrosque ?

Atque ambire idem poterò , & contemnere fastus ?

Non mihi non tantum est circum præcordia robur,

Nec caput hoc patitur sublimia : parcite quæso

Parcite magnæ animæ, si vestra exempla recuso,

Hæc laudo, illa sequor, Regemq. imitabor Olympi.

Rebus in ambiguis mentis dictata sequemur,

Et ratio mihi numen erit . Vos æquet Olympo

Gloria, vos aquilæ Cæli, solisq. capaces :

Nos humiles abiecta decent. Sic fatus, honesto

Ignem genas tinxit, lacrymæq. per ora volutæ.

At vinci impatiens nebulo larvatus auerni

Contraxit rugas simulatæ frontis, & auxit

Grande supercilium, ceu fingeret ora Catonis.

Quæ tibi verba cadunt (inquit) temeraria, puce ?

Sic superum monitis simplex Gonzaga repugnas ?

Hactenus innocuè peccas, si tendere pergas

(Auertat Deus omen ) erit pro crimine grandi

Simplicitas edocta semel . Per me tibi cælum

Fata aperit sua, tu verba hinc sapientia fundis ?

At parere Deus iubet ! Haud nobis datur ipsis

Altiùs æterni rimari arcana Tonantis .

N

Quod



Quod si consilij cælestis noscere causas  
 Est animus, sanctis modo sit reuerentia iussis,  
 Expediam. Sentis quanto circumfurat omnis  
 Armorum strepitu tellus, dum Thracia luna  
 Orbe suo affectat terrarum amplectier orbem?  
 Pannoniam lacerat, Germano, Italoq. minatur.  
 I pius, i contra, bellabis bella Tonanti.  
 At si mitis amat prudentia Palladis artes,  
 Dum Vaticano sanguis regalis in ostro  
 Pulchrius ardebis, veluti fax lampade in aurea,  
 Quanta feres populis morum documenta togatis?  
 Cur gemmam sepelis pretiosam? auriq. talenta  
 Desodis? & properas mortalibus abdere solem?  
 Elige quod sequeris vitæ genus, arma ne an aulæ  
 Præmia? castra togæ placida, an studia horrida Mar-  
 Addubitas, hæres, lacrymaris? num fidei audes (tis?  
 Indubitare meæ? vos patria sydera testor,  
 Si fallo, æternum vestris excludar ab oris,  
 Si fallo, stygiæ sim perpetuò accola flammæ.

His puer attonitus monitis, falsisque querelis  
 Vltèrius verbis contra nil tendit, at intus  
 Secreto petijt votorum fulmine cælum.  
 Cum vox a tergo insonuit. Gonzaga resiste  
 Maeste inuicte dolis, nec alumnum noctis adora.

Respicit hic iuuenem alatum, læuaq. gerent em-  
 Ingentem Clypeum tecum velamine; fidus  
 Ales erat Cæli, sed conuenientia formæ  
 Mira in utroque: pari scintillant fulgure lucēs,  
 Frontibus in geminis, maiestas vna renidet.  
 Bina velut niuei collucent pocula lactis,  
 Aut geminæ quercus, plataniq. sororia cælo

Attollunt capita, & concordi vertice nutant.  
 Ergo iterum dubio quatiuntur pectora motu  
 Ambiguusq. hæres Gonzaga: sed ætheris Ales  
 Non patitur dubitare diu: qui voce seuera  
 Significansque manu, stygio minitatur alumno.

Mentiri me etiam, coram me, perfide pergis?  
 Furariq. meos vultus, cœlestiaque ora? (bos!  
 Nec fugis hinc? O frontem, animosq. in clade super-  
 Quin ultro quassare caput, contraq. tueri  
 Toruum audes? Ego te. Sed præstat ludere fraudes  
 Consilijs. Huc huc oculos Gonzaga, videbis  
 Quid manes superis, quid distent sordibus astra.  
 Mox pauper post hac vexilla merebere miles.

Dixit, & amoto clypeum nudauit amictu.  
 Sidereis pictum gemmis apparet Iesu  
 Nomen adoratum superis, ereboq. tremendum.  
 Protinus, ac geminata dies fulgore recenti est,  
 In ventos simulacra abeunt, umbræq. vagantes.  
 Ut ceræ ante faces, nebulae vel solis ad ortum.  
 Tartareo at monstro facies mentita recessit  
 Et sua nox rursus vultum occupat: ora nigrescunt  
 Naribus it fumus, redeunt in colla colubri  
 Cum sonitu, dirum frontis rubuere cometa.  
 Deformem genij veraci in imagine formam  
 Horret Aloysius, comitiq. amplexus inhæret  
 Sydereo; hic firmat trepidum, risuq. serenat,  
 Et recreat sparso cœlesti nectare vultus.  
 Ille miser fassus se victum, ingenti vlulatu  
 In Phlegetonta: alter sua fydera victor adibat:  
 At cor Aloysius cum nomine donat I E S V.

F I N I S.

N 2

B.ALOY-

# B. ALOYSIVS

## FLAGRIS ET SANGVINE

## AD ITVM IMPETRA T

### In Societatem

**P**ERGE catenato proscindere fortius artus  
 Verbere Aloyfi, venis effunde liquores  
 Virgineos, pulcro victoria sanguine gaudet :  
 Optata poterunt lacte hocadolescere palma.  
 Si patrij affectas adamantem frangere cordis,  
 In te flagra rota; fer grandia vulnera membris  
 Exiguïs; tua erunt nam vulnera, pœna parentis,  
 Et dum te plectes, patris vlciscere rigorem.  
 Sentiet ille suam nati per vulnera cædem,  
 Nectolerare diu poterit duo funera in vno.  
 Quin vt seruet verumque, tibi succurret, & vna  
 Sanabit patris, & nati medicina dolorem.  
 Improbe amor, quæ nam pandis miracula rerum?  
 Tu cogis patrem ne perdat perdere prolem,  
 Qui dum seruabat prolem, perdebat amando.  
 Bis duodena poli lustrauerat astra quadrigis  
 Flammiferis Titan, ex quo Gonzaga parentem  
 Sollicitis vrget precibus, pro munere poscens  
 Nudari patrijs gazis, sanctaque potiri  
 Pauperie. Sed nil votis flagrantibus actum,

In.



Incassum se se met in omnia vertit amoris  
 Blandimenta: nouis ergo noua bella magistris  
 Tentat Aloysius, nebulis obducere vultum  
 Mæstitiæ, letos oculis auferre nitores,  
 Descriptas de patre gerens in fronte querelas.  
 Sed quis fraude senem genitorem vincere possit?  
 Nec facile est dare verba seni, nec fallere amantem.  
 Protinus agnouit pueriles callidus astus,  
 Et rerum experiens genitor; quin artibus artes  
 Ludere constituens, in corde recondit amorem,  
 Ipse quoque, & faciem contristat nube seueram.  
 O amor, & quis te Protei variabilis artes  
 Edocuit? vultus te auctore auertit vterque,  
 Ardet vterque tamen, scenamq; implere laborat.  
 Scintillant in fronte minæ, sæuique rubores  
 Irarum, quos ignis alit (quis credat) amoris.

Ut primum cecidisse videt sine vulnere telum,  
 Asperiora puer meditatur, aditque parentem  
 Amplexu non ante dato, nec fronte, beare  
 Qua solet, at mæsto deiectus lumina vultu. (sq.

Iam dudum est genitor, cum te precibus, lacrymi-  
 Tundo, sed incassum, ut Cæli patiare vocantis  
 Iussa sequi; testor superos, quod verba, precesq.  
 Non valuere piæ, nunc tandem sanguine vincam.  
 Est animæ plenum mihi cor, est dextera fortis.

His dictis, capite inflexo veneratur, & aufert (tem  
 Se ex oculis, linquen strepidantem, & verba tremen-  
 Ambigua, inque suum conclaue irrumpit, & abdit.  
 Heu quam difficile est legem præscribere amori  
 Perpetuam! Vsq. adeo scenam variatis amantes.  
 Iam piget incepti patrem, genioq. seuro

Pœnitet indulgisse, suas iam deuouet artes,  
Et lacrymis veris, fictas vlciscitur iras.

Nā quid(ait) nati verba hæc abrupta minantur?  
Certè aliquid crudele parat; mihi triste per artus  
Ducitur augurium, pauesactaq. pectora turbat. (ces?  
Sanguine(ait) vincam? at cuius nam sanguine vin-  
An ne meo? capere haud tantum puerilia credam  
Corda nefas, ausisq. feris pia vota repugnant.

Anne tuo? iratus Patri, in te fulmina vertes?

Inuisumq. tuis multabis cladibus hostem?

Ah tibi ne tanti genitor sim causa furoris!

Me miserum! nunc nate viam qua vincere possis,

Ingredieris, nequeo his, nequeo me opponere telis.

Hæc vbi multa suo versauit pectore, tandem

Imperat acciri matrem, pacisq. sequestram

Destinat; at fidum iubet explorare ministrum,

Quid natus tali meditetur cardine rerum.

Ille in secretæ positus penetralibus ædis

Nuda catenatis cædebat terga flagellis.

Iam decrescebat crebro sub vulnere corpus,

Cum famulus cantis, oculisq. atque auribus hausit

Flagrorum sonitus, tempestatemque cruentam.

Nec mora: sollicitus genitorem nuncius implet.

Infelix genitor, properè ad conclauia Nati

Suspirans vehitur, sequiturque exterrita coniux,

Per rimas introspiciunt, spectacula sæua,

Horrida, luminibus non adspicienda parentum.

Languebat tunc forte puer, cum brachia vires

Deficerent, venasque cruor; paulùmque remissis

Verberibus, vocum feriebat fulmine cælum,

Omnia quæ occulti poterant audire parentes.

Om.

Omnipotens mundi Genitor, qui sanguine prolis  
 Sedasti infensas miseris mortalibus iras :  
 Sanguine da nati mihi cor mollire paternum .  
 Tu cui claustra patent animorum, aditusq. profundi.  
 Tu nosti, quanto nostrum genitoris amore  
 Cor calet; ah ne te tantum sibi, vel tua iussa  
 Posthabuisse velit, sum in flammis ire paratus,  
 In ferrum, mediasque acies, me nulla laborum  
 Tardabit facies, aut turbida mortis imago:  
 Prima Tonantis amor mihi cura, secunda parentis .  
 Cur mea vota negat placidas admittere in aures  
 Si pater est? ô si excidium crudele videret,  
 Et lacerum nati corpus! miserescere forsan  
 Disceret, & mallet viuentem amittere prolem,  
 Quam funus retinere suum . Miserescite Diui!  
 Sanguinis & nostri partem genitoris ad ora  
 Ferte præcor, silicem, cordisque adamanta liquantes.  
 Dicite: chare pater, tua quondam maxima cura.  
 Dulcis Aloysius, media inter limina lethi  
 Palpitat, inque suo moriturus sanguine languet.  
 Site non blandæ flexerunt murmurata linguæ,  
 Site non calidis placarunt flumina riuus.  
 Fleat io sanguis! rigidos domat ille Tyrannos,  
 Sanguine placantur Cœlestes, sanguine Manes,  
 Frangit saxa cruor, genitor iam cede cruori.  
 Non cedis? præbes his vocibus, aspidis aures?  
 En vrgebo gradus mortem celerare flagellis,  
 Pascere cæde mea, satia cor sanguine nati,  
 Quid nati dixi, immo tuo? tuquippe dedisti,  
 Et totum tibi reddo libens. Vix talia fatus  
 Dulcibus horribilis furijs, iam flagra resumit,



Iam rotat acta manu, iam vulnera vulnere cedit !  
 Hic miseri ulterius sese celare parentes  
 Non potuere; dolore amens, exclamat vterque  
 Ah siste! impelluntque fores, & claustra refringunt.

Tunc pater; haud ultra scui, do nate quod optas:  
 Ah non est tanti ne perdam, perdere natum !  
 Vicisti : tantum post praelia parce cruori,  
 Tres animas, vno crudelis vulnere mactas?

Ille statim surgens, humeros, & saucia flagris  
 Terga, damasceno properè obuelabat amictu :  
 Occulere opposito conatus corpore cædem  
 Incassum; largo stagnat nam flumine sanguis .  
 Quem dum mirantur trepidi, & calcare verentur ,  
 Exanguis pater, & mater lugebat , at ipse  
 Ora verecundo tranquillans pallida risu,  
 Lætitiæ est propior, tantorum causa malorum .

At miserranda parens, vbi vocem animumq. recepit.

Impleuit clamore domum: Haud te nate ego paui  
 Lacte meo, vt sanguis fieret ; quem fundere posses  
 Prodigus, incestans maternos funere vultus .  
 Heu stragem horrendam! viden omnia sanguis inun-  
 Flagra, pauimentum, vestes, aulea, tepetes, (dat?  
 Nam laceros texit velamine callidus artus.

Hæc puer ? an puerili in corpore facta gigantis?  
 Sic animæ pars magna mea, & pretiosa iacetis  
 Puluerivlenta in humo sparsi sine honore, meo olim  
 Pleni Aloysio, tristes, dulcesque liquores?  
 Attu viuus adhuc fili, maiore peremptus  
 Parte tui ? viuus ? quin &, sub vulnere tanto  
 Crudelis, ridere vacat ? Quo adamante gelauit  
 Cor tibi? nam finxi ( scio mater) nate tenellum ,

Vnde

Vnde vnde in tantos potuit durare rigores?

Talibus orba parens rumpebat tecta querelis.  
Ast Aloysius dextra, læuaque prehenso

Ambos continuit, blandisque auferre dolorem

Vocibus aggreditur. Dux inuictissime bello,  
Et bellatoris coniux, tamtumne timere?

Sanguinis ad modici visas horrescere guttas?

Atqui haud degenerem sobolem, laudare decebat.

Sic aquilæ explorant fœtus, ad fulgura solis.

Sed iam corde metus pro me deponite, voti

Compos Aloysius, nihil vltra sanguine vincet.

O mihi luce magis chari saluete parentes!

Quas vobis reddam grates pro munere tanto?

Ibo, sed immemorem me nulla redarguet ætas,

Ibo, sed vestri mecum gradientur amores.

Nec mora longa: breui cælo sociabimur, huius

Post momenta brevis mortis, quæ vita vocatur.

Cernitis, vt properat cita temporis orbita, mundo

Præcipitante, diemq. dies, horam obterit hora?

Tu primus, tu chare pater mortalia solues

Vincla; pios tibi singultus in limine vitæ

De Cælo, & lacrymas tergentes crimina, iam nunc

Exoro, nostrum tunc ipse fatebere munus.

Teque ego pone sequar, lenta sed tabe peresus

Dicar, erit serpens quæ flamma beantis amoris.

Tu genitrix nostram post funera, vita manebit (est,

Longa quidem, si quid longum mortalibus vsquam

Hanc mihi debebis: morbo nam languida nostras


Implorabis opes; adero, pro veste micanti

Sole superfusus, chlamidem pingentibus astris.

Qualia maternum tentabunt gaudia pectus?

Talis erit diæ dulcedinis imber inundans,  
 Posset ut æternum producere tempora vitæ,  
 Tempora si fragilis vitæ æternare liceret.  
 At mihi quos titulos superi, quæ templa paratis,  
 Pro spretis patriæ gazis, & stemmate auorum?  
 Vnde mihi, ut saxis surgant gemmantibus aræ?  
 Pictaque Aloysij ante aras scintillet imago?  
 Quam circum auratis pietas pretiosa tabellis  
 Vestiat, inensisque flagrent altaria ceris?  
 Flore pauimentum albescens effundat odores  
 Ad cinerem, gremio quem argentea colligat vrna.?  
 Vnde mihi, ut Vaticani capita alta senatus  
 Quos veneror viuens Augustis Regibus æquos,  
 Exuias humiles nostri, partemq. minorem,  
 Affusi genibus, cine factum & funus adorent?  
 Ut celebrent alij festiuo carmine laudes,  
 Atque alij resonent concentu templa canoro?  
 Tanta ne tam parua debentur præmia laudi?  
 Talibus attonitos dictis Gonzaga parentes  
 Casus quemque suos, arcanaque fata docebat,  
 Et tamquam ventura canens. Quæ facta videmus  
 Nos partim, partim facimus, facientque nepotes.

F I N I S,



B. ALOY.



# B. ALOYSIVS

## IN OFFICIIS

### CHRISTIANÆ CHARITATIS

### EXTINGVITVR

**P**auperibus Gonzaga operam dum deuouet agris,  
 Æger & ipse cadit, palmaq. potitur amoris.  
 Parta sine ingenti non est victoria pugna.  
 Ante subactus amor cunctis vitæ inditus, olim  
 Qui princeps oritur cum corde, nouissimus idem  
 Emoritur, tumuloque ambo conduntur in vno.  
 Nec Deus, ipse Deus, sine pugna hunc opprimit ho-  
 Luctandoque immane laborat; pallidus ora, (stem.  
 Corde gemens, lacrymans oculis, sudore cruentus.  
 Luctari humanum est, diuinum hac vincere lucta,  
 Gonzagæ sed opem luctanti fertis, & arma  
 Cælicolæ in speculo, speculum rationis imago est,  
 Quæ mentem æterno collustrat lumine veri.

Italiam, & Romam duplex vexabat Erynnis,  
 Sæua fames, & dira lues, urbemq. premebant  
 Diuisis ambæ excidijs, vnaq. ruina.  
 Vtraq. sola capax Romanum extinguere nomen:  
 Quid faciant, coniuratis in funera telis?  
 Pauperiem inuasere simul, rerum omnium egenam,  
 Atq. vnas animas per multiplicata malorum  
 Damna reposcebant; si quos euadere morbi  
 Contigerat furias, languentiæ pectora carpens

La-

Latratu, morfuq. fames agitabat inani.

Cognati generis Gonzaga cuius amore  
Ærumnis lacrymas dedit. Ergo peribitis (inquit)

O miseri, nec vos humanæ fœdera sortis,

Diuinæ aut fideli confortia iura iuuabunt ?

Vt iumenta saper nuda tellure iacetis,

Nec medicina malis superest, nisi mortis amaræ?

Sed licet ingratus vos deserat Orbis, auaræ (quet.

Viscera dum claudunt animæ, haud Gonzaga relin-

Ibimus, & quantum vires, animiq. valebunt

Obsequium, vultusq. bonos, curamq. fidelem

Deferimus, famulasq. manus; solatia lethi

Si non auxilium, saltem præbere iuuabit.

Tales voluebat Gonzaga in pectore sensus,

Sed sensus alios meditantem suggerit, Orci

Seu genius fallax, seu cunctis insitus, almæ

Lucis amor; neque enim constant præcordia ferro.

Quid Gonzaga spei incertus, certusq. pericli,

Heu frustra generose paras? ægrosne leuabis,

An moriere simul? poteris fulcire ruinam

Sub qua Roma tremit? mortem frenare furem

Tentabis, falcemq. nigræ extorquere tyrannæ?

Sed fac posse tuis reuocare cadauera vitæ

Officijs, tantine alienæ instare salutem,

Ipsæ tuam prodas ut prodigus? aspice saltem

Quos serues, & quem spernas; ut sordida viuat

Fex hominum, cænumq. & mendicabula vulgi,

Tam clarum virtute heroæ, & sanguine perdis?

Talia fert sensus, meliora, sed aspera, dicat

Hinc diuinus amor; Iuuenis cor instar arenæ est:

Numinis, & vitæ gemini luquantur amores,

Seque

Seque premunt argumentis, pelluntq. vicissim.  
 Quæ iacit vnus tela, eadem alter tela retosquet.

Quotquot Aloyfi languentes cernis, adora,  
 Pauper imago Dei est, hoc nomine clarus habetur.  
 Vt serues Gonzaga alios, te prodere noli,

In te expressa nitet diæ quoque mentis imago. (qui  
 Prima, Tonantis amor, generis dein cura propin-  
 Qui fratrem videt, & spernit, nec numen amabit.

Prima Tonantis amor tibi cura, secunda salutis  
 Cura tuæ, reliquos amor hic metitur amores.

Non poteris nisi te spernas curare propinquos.  
 An poteris nisi te serues, seruare propinquos?

Ergo inopes ægri, desolatique iacebunt?  
 Ergo ne pereant illi, Gonzaga peribit?

Numen erit tibi præsto; pios defendit Olympus.  
 Numen opem ferat his, cæli est curare relictos.

Ludimur heu, vario mens anxia fluctuat æstu?  
 Dum latet ambigua tectum in caligine verum.

O lux prima parens lucis, cui fulgura solis  
 Multum noctis habent, nostri penetralia cordis,  
 Quæ lustras, animumq. sequi meliora parantem,  
 Noscere da meliora, iubar veri exere menti,

Vix ea, cum subito sciundia è corpore mense est,  
 Membraq. dum torpent, sine pondere libera ludit,  
 Ludit, & exultat diuersa in imagine rerum.

Quippe videbatnr spatiosam adductus in ædem,  
 Cernere dispositos hinc, atq. hinc ordine lectos  
 Porticibus longis, plenos languentibus agris.  
 Horrentes alios scabie, illuueque peresos,  
 Ora, manusque; alios maculosos vlcere crebro,  
 Extinctos alios, multos animam exhalantes,

Fœtor



Fator ubiq. grauis, omnique in funere pallor.  
 Huc illuc volucres studio celerare ministros.  
 Quos toga rubra pedes tegit vsq., & purpura vilis.  
 Ex illis ibat iuuenis formosus, & olim

Visus Aloysio, sed tempora certa, locumque  
 Non meminit, fallit vulgari tectus amictu,  
 Nobilis, hæud sanè plebeia sortis ephebus.

Hunc vt Aloysius propiorem vidit, amicis

Vocibus alloquitur. Iuuenis macie indole tanta,  
 Laudo tuam, miserorq. vicem, qui captus amore  
 Numinis, has sordes, atq. eiectabula curas.

Ille autem ridens, simplex Aloysie, quam te  
 Lumina decipiunt? (inquit) sordesne videntur  
 Delicia superum, atq. hominum? Me lumina fallunt?  
 (Subdit Aloysius) non viua cadauera cerno,  
 Non hoc hospitium mortis, non funeris antrum?

Cui rursus Iuuenis; Verbis contendere vanum est,  
 Res vbi vera statim pandat; nunc aspice (claram  
 Christallum hic oculis obiecit) nunc ait ipse  
 Construes, huius qualis sit scena theatri.  
 Res vix credibilis! cernit migrare coruscos,  
 In radios sordes, in claras vlcera gemmas  
 At plagas similes stellis, & frontibus ipsis  
 Nescio quid fulgere super diadematis instar.

Tum Gonzaga, quidè certè nunc lumina fallunt.  
 O speciosa vitri mendacia! tale trigonum  
 Christallum fertur pompam simulare colorum  
 Cæruleum roseo, atq. auro miscere smaragdos.

Hic Iuuenis: nunc mente erras Gonzaga, sed ante  
 Errabas oculis tantum: audes dicere fallax  
 Hoc speculum, primi confectum fulgure veri,

Cor-

Corrigat ut prauos oculos? Sic cernis in undis  
 Obliqui partem remi, tamen integer ille est,  
 Atque æger visus vitro curatur ab arte.  
 Verum hæc ut mirere minus, maiora docebo.  
 Ille (vides) iuuenis, lecto qui incumbit eburno, (est  
 Ore, habituque hominem supra; Regnator olympi  
 Ille; Columbinus triuio, quem forte repertum  
 Pauperis effigiem languentis, & ora gerentem,  
 Sustulit amplexu, patriasq. euexit in ædes.  
 Impositumq. thoris Regem, superumq. hominumq.  
 Ter felix! elephantiaci sub imagine curat.  
 Aspicias obsequium, qua sedulitate ministrat,  
 Aspergitq. cubile rosis? nec, dum putat ægri  
 Vlcera contrectare, Deum se tangere sentit,  
 Dulcia sydereis delibans oscula membris.  
 At commota suum senserunt viscera Numen.  
 Iniussæ stillant lacrymæ, suspiria fundit,  
 Vicinoq. calet nimium, quem nescit, ab igne,  
 Parte alia vlcerebus languet matrona beatis.  
 Vermibus ostentat quæ putrescentia densis  
 Vbera; sed vermes, nisi quod reptare videntur,  
 Vix illos credas, niueo candore decentes  
 Margaritas dicas; pretium bene nouit auaræ  
 Fœmina, thesaurumq. suum donare recusat.  
 Audin, ut increpitat Guzmanum vocibus ardens  
 Dominicum, qui vermiculum subduxerat vnum,  
 Gemmam redde meam? Sed forte domestica laudū  
 Pulchrius est exempla sequi. Agmina cerne tuorum,  
 Xauerium ante alios, saniemq. ex ulcere fædo  
 Manantem, vuis non dubitat præferre Falernis,  
 Sorbilibusque liquefactis in pocula gemmis,

Quas

Quas Romano Asiæ Domino, Cleopatra propinat,  
 Non tam auidè niuium glaciatas frigore lymphas,  
 Quas florum condidit odor, dulcedite tinctus  
 Saccharea, sitiente bibunt æstate Quirites:  
 Quam cupido sanie sorbet Xauerus ore.  
 Aspicias, ut cari pereat ne stilla liquoris,  
 Relliquias tergit digito, fugitque labellis?  
 Nec minor, & socios imitandi prouocat ardor,  
 Clade licet varia. Nam plures noxia tabes,  
 Corripit, atq. ægros affligit, opemq. ferentes.  
 Mactæ Aloyssi animis, aliena exempla tueris,  
 Sed mox ipse dabis, nec te inferiora sequentur.  
 Nunc, olim, quocumq. ferent se tempore clades,  
 Numinis ibit Amor contra per funera. Morbi,  
 Non deerit gladius, deerit si palma cruoris.

Vinc.  
 rafa  
 Gen.

Exoriere aliquis, Gonzagæ sanguine claro  
 Non impar, geminoque flagrans ardore, sed annis  
 Maior, & imperio. Placida cum in pace liceret  
 Non ignobilibus curis traducere soles:  
 Haud dubiæ mortis discrimen adire iuuabit,  
 Abiectisq. ægris, pretiosam impendere vitam.  
 Tanti est humani generis seruire saluti.  
 Quod si pectoribus Decios in fata ruentes  
 Pro patria, pleno circumsonat ore vetustas:  
 Non hunc fama canet, non templa, aræq. loquentur?  
 Sæcula. Heroem si tantum ingrata silebunt,  
 Æterno plausu, non assultabit Olympus?  
 Desine Iulæum mirari gloria sydus.  
 Hoc sydus felix Orbi; sed gentibus ille  
 Funera portendens fax, sanguineusq. cometes,  
 Et latro Regnorum Cæsar. Qui dona vocabat

Im-



Immeritis cum rapta daret, stragesq. trophæa,  
 Cædibus humanis nunquam exsaturata Carybdis.  
 Sanguine Romano terras impleuit, & vndas,  
 Cæsareo tandem sparsurus sanguine Romam.  
 At non ille sui gaudet nunc nominis aura,  
 Inter vtrumq. chaos magnum; tormenta pervrunt,  
 Non tangunt laudes, si fama illabitur orco,  
 Non finit audiri stridor, tractæq. catenæ.

Talia Aloysio Iuuenis miranda canebat,  
 Et sensim cæleste vitrum, sub fine loquendi  
 Oppositum sibi conuertit, quo discere posset  
 Veridico à speculo veram Gonzaga figuram,  
 Quantaq. maiestas humili sub veste lateret.  
 Continuò Gonzagæ animum percussit imago  
 Nota, vbi consueti vultus rediere; flagrantem  
 Agnoscit Iuuenem, atq. oculos custodis, & ora  
 Syderei, pictasq. alas, aurumque comarum.  
 Ergo statim in genua hic, ille evanescit in auras.  
 At Gonzaga memor, caris se deuouet ægris,  
 Promissamq. ambit votis, & funere palmam.

F I N I S.

*[The page contains faint, illegible handwriting, likely bleed-through from the reverse side.]*

# B. ALOYSIVS

## A prophana militia in sacram traducitur.

**Q**uid tibi cum sæuis puer ò mitissime bellis ?  
 Cur teneras grauat hasta manus ? lorica lacer-  
 Vrit, & implacido cinctū latus ense minatur ? (tos  
 Totus in arma ruis saturanda cruoribus arma .  
 Fronte quidem spiras oculisq; audacule cædes .  
 Nescio sed quid dulce oculi, cum fronte renident,  
 Quid facerent blanda si risum pace cierent ?  
 Sed mihi crede puer, non hæc tibi tela gerenda  
 Destināt Omnipotens, nec bellatoribus istis  
 Orbis eget, seruent nimium quantū omnia Marte ,  
 Mantoum & Regum tellus sat plena triumphis.  
 Bella aliter tractanda tibi, tu scilicet vnus  
 Hostis eris domitorq; tui, pugnator, & idem  
 Vincenti pugnae campus, spiransq; trophæum,  
 Spectator mundus, pretium polus, astra corona ;  
 Fortis Aloyſij Genitor, Dux inclitus armis,  
 Cui ferro nomen, pectus triplici ære rigeat  
 Belligeræ cinctum virtutis, fortè suorum  
 Lustrabat numerum, & florentes ære manipuli  
 Ordinibus ducti varijs, atq; agmine longo,  
 Sole laceſſitis vibrabant fulgura telis,  
 Implebantq; oculos dulci terrore tuentum .

Vndiq;



Vndiq: conueniunt auidæ in spectacula turbæ,  
 Martis inexpertas veri, belliq: laborum,  
 Spectare infontis pugnae simulacra iuuabat.  
 Spectaculi sed pars melior, potiorq: voluptas  
 Vnus Aloyfius, qui tunc puer, ante parentem  
 Grandæuum, nitidis ibat pulchellus in armis,  
 Et breuibus libratum humeris hastile gerebat,  
 Ad pugnatorum moderans vestigia gressus,  
 Torua fronte minax. tenero sed in ore decebat  
 Ille rigor frontis, tela horrida pulchrior inter  
 In bello vultus medio spirabat amores.  
 Nempe videbatur Macedo, comes ire Philippo  
 Paruulus, aut cum Peliaco sene pupus Achilles.

Quis populi tunc plausus erat, quā leta fauentis  
 Murmura militiæ? puer hic (modo crescat) auitas  
 In palmas succedet ouans, nec regna paterna  
 Hunc fat Alexandrum capient, signa indolis alta,  
 Agnosco, tot Gonzagas in corde latentes,  
 Vnguibus à primis animosum disce leonem.

Audijs hæc pueri custos, & risit olympi  
 Aliger: ista mihi, dixit, num bella parantur?  
 Gonzagamq. meis tentant abducere signis?  
 Sed saxo Martis sint irrita vota profani.  
 Et quando arridet belli furor, & sitis ardet  
 Sanguinis, ad noua bella tibi, noua tela parabo?  
 Vix ea: Gonzagæ clara se in luce videndum  
 Cum dedit, & præfixa gerens flagra cuspidè athena  
 Pro telis, & pro thorace, rigentia setis  
 Tegmina, pro clipeo velamina sancta pudoris:

Alme puer (dixit) quem vix in luminis auras  
 Eductum, sacris properauit tingere lymphis,

Ut superi tua corda incenderet ignis amoris  
 Illis natus aquis, generosos induc sensus,  
 Maturos æuo in viridi, mentemq; ferocem.  
 Instant magna tibi certamina, prima Voluptas  
 Bella parat, ten-rosq; dolo circumuenit annos  
 Multiplici, dulci conspergens tela veneno.  
 Inuictos, quæ sæpe viros bellis, sua mittens  
 Sub iuga, delitijs cupidos suffocat amantes.  
 Qualis odoratas vbi germinat India siluas,  
 Incautus tulerit si gressum forte viator,  
 Infidias meditata diu, se ex arbore serpens  
 Implicuit collo, & confessa amplexibus hostem,  
 Strangulat; haud aliter necat inter dona voluptas.  
 Ah quoties acies, inuictaq; pectora ferro  
 Succubere voluptati? Qui vicerat alpes  
 Annibal, & Romam, Campanæ imbellis trophæū  
 Desidiæ, Cannas, inter conuiuia sensit,  
 Fœmineæq; comæ fragili deuinctus ab auro est.  
 Pellæum quid vana canit mihi Græcia Martem?  
 Ille quidem Iuuenis multa domat arte ferocem  
 Quadrupedem, & pictos vincendo currit ad Indos,  
 Quid tamen ista iuuant? si palmis auctus, & annis  
 Sensibus ereptas animi permisit habenas,  
 Nunc ira, & Baccho, nunc blanda victus amoris  
 Sæuitie, atq; haustu nimio temulentus honorum.  
 Sorte tua felix, o Persarum vltime Regum!  
 Quippe sub hoste cadens maiori, Auctore Darius  
 Damna lenas, cladesq; suos habet illa triumphos.  
 Succubuisse pudet Baccho, inter fercula, Mundi  
 Victorem, hinc propinati malè nata veneni est  
 Fabula, sed fuit ebrietas, fuit ipsa venenum.

Hæc


Hæc nullos pestis fasces reueretur & arma :  
 Nec mollis duro bene frangitur ære voluptas ,  
 Non nisi sydereis hoc monstrum vincitur armis .  
 Maæ puer Cœli donis , ante omnia falsas  
 Blanditias , lususq; caue, tum quidquid amicum est,  
 Crede subesse dolos, & cæcis plena periclis,  
 Omnia tuta time , pro muro audacia bellis  
 Est alijs, isthæc vincuntur bella timendo.  
 Ac velut ille altæ qui mœnia protegit Urbis ,  
 Observans omnes aditus communis, & omnem  
 Obstruit arte locum, nequa manus improba furtim  
 Irrepens, ferroq; ferat flammâq; ruinam .  
 Haud secus ipse tuos cautis moderabere sensus  
 Excubijs; oculos ante omnia, namq; voluptas  
 Decipit his, animisq; vehit per lumina clades.  
 Non tot terra angues numerat, tot falsa procellas,  
 Quot nigrum virus , claro de fonte bibentes  
 Per soles periere suos . Ergo accipe casta  
 Amuletha puer : frontis velamen honestæ,  
 Quale suæ quondam donauit habere maritus  
 Caldæus Saræ, sed Caldæo ante marito  
 Ipse Polo tuleram, vt lasciui regna Canopi  
 Et Pelusiacas tutò ingrederentur arenas,  
 Velamen , quod non humana texuit vlla  
 Arte manus, sed pro aurato subtegmine stellas  
 Insertans radijs, operosa Modestia finxit,  
 Histôriæ ducens & nobilis argumentum  
 In telas, exempla tui speciosa pudoris  
 Dædælea insigniuit acû, præsaga futuri  
 Docta magisterio superum ce estis Arachne .  
 Hæc age virginæ circumda splendida fronti



Munera, sic melius vigilabis lumine clauso,  
 Et cæcis oculis cæcum vitabis amorem.  
 Cingula præterea rigidis horrentia villis,  
 Atq: catenatos nexus cape, sydere ahenò  
 Ornatos funes, his fortiter vtere donis,  
 Tartareus se met cædendo vincitur hostis;  
 Fitq: voluptates contra, cor sanguine fuso  
 Durius, & sanant hæc vulnera, vulnera mentis.

Dixerat ille: simul crudelia munera linquens  
 Ocior in Cælum properat, puer æstuat, & quo  
 Longiùs ignis abit, violentiùs vrit amantem.  
 Horrentes calybestaqtuq: flagella cruento  
 Explorat, gaudetq: suos tractare dolores  
 Ore renidenti, & mordere vbi sensit ahenò  
 Dente flagella satis, caris dedit oscula pœnis.  
 Quin etiam mira cælatas arte figuras  
 Dum videt in velo, seseq: agnoscit in illis  
 Vitantem choreas, declinantemq: theatri  
 Spectacula, & Reginæ oculis matrisq: negantem.  
 Aspectum, erubuit; pueriq: est tanta modesti  
 Simplicitas, fictos non audet cernere vultus,  
 Quos veros fugiturus erat; sed lumina claudens  
 Protinus opponit castæ velamina fronti,  
 Munimenta sui pariterq: trophæa pudoris.

F I N I S.



# B. ALOYSIVS

Mercedem Amoris sui per cæ-  
leste spectaculum  
delibat.

**G**onzagæ cineres tepidi, exuuiæq. calentes,  
Quas animus diuo succensus amore fouebat;  
Si qua superstes adhuc gelida sax viuit in vna.  
Exiguam vestri partem spirate caloris:  
Vna rogi tanti faciet scintilla beatos,  
Hunc amor vt iuuenem terris, Cæloq. beavit:  
Ex quo nam superis pudibundæ lilia mentis,  
Aetatis flores, & ver iuuenile dicarat;  
Mutua creuit amor per munera tempore longo,  
Virginæq. aluere niues incendia cordis,  
Amphora vt ardentem nutrit crystallina solem.  
Ergo licet metam nunquam dum viuimus, ignis  
Hic teneat, semperq. vltra, Plus, dicat amanti;  
Immensum tamen auctus erat; maciesq. genarum,  
Et graciles artus, & languida lumina frontis,  
Atq. hoc perpetuò pallescens vultus ab auro,  
Signa dabant intus populantis viscera flammæ;  
Ardebat Gonzaga, æstuq. beante peribat.  
Non hæc damna tulit teneri moderator alumni:  
Extingui iuuenem florem, florente iuuenta,  
Et Cæli curam, Cæli tabescere donis,

Ceu



Ceu soli carum germen suus ignis adurit.  
Ergo iubet dulci subducere pabula morbo,  
Purariq. pium diuino pectus amori.

Est conditura hic, inquit, Gonzaga laborum,  
Non merces, dum viuus, amor, ne tempus amando  
Proijce, quod præstat consumere tempus agendo.  
Si bene numen amas, pro numine desere numen.  
Adde, quod hæc vitæ flamma est inimica calori,  
Dulce malum, placidum vulnus, gratumq. venenum,  
Omnis amor magnus, furor est, sapienter amare  
Vix Deus ipse potest. Iuuenem sic ille monebat,  
Sed surda monitus Aloysius aure bibebat.  
Sed grauior medicina malo est; plus namq. fatigat  
Per vim pulsus amor, regnataque corda reposcit.

Heu quid agat! nam difficile est abrumpere cursum  
Assuetæ flammæ, notosq. inhibere calores,  
Non parere nefas, at cura grauissima tangit  
Obsequij, sed qua id præstet ratione laborat;  
Dum mentem, sensus, amor omnia possidet vnus.  
Sic adeò insistit, secumq. hæc pectore versat.

Ecquis io legem tam duram audiuit amandi?  
Antiquam flammam dimittere corde iubetis,  
Nec noua corda datis? namq. his, in sanguine viuo  
Effigiata nitet dilecti autoris imago:  
Tollitis hanc, pariter dissoluere corda necesse est.  
Nec sine corde animus, neq. cor sine Numine viuet;  
Qualiter æthereas vis ignea surgit in oras,  
Qualiter æquoreos contendunt flumina tractus,  
Talis Aloysij Numen pia cura petebat.  
Nunc volucres cursus ad sydera sistite flammæ,

Flumi-

Fluminaq. ad patrios conuersa recurrite fontes;  
Nam Gonzaga suos reuocare iubetur amores.  
Heu quonam pacto pugnanti iussa facessam?  
Numen amas, inquit, pro Numine desere Numen?  
Ecquis amet sine amore, & amare recuset amando!  
At languet nimio igne salus consumpta; salute  
Qua non est potior diuini languor amoris?  
Celestes in corde faces mihi (credo) liceret  
Forfitan attenuare, rigens hoc marmore duro  
Si fieret magis, aut minùs esset amabilis ille,  
Vnde beata bibit felix incendia cælum:  
Nunc tenerum cor, esca rogis est paruula tantis.  
Sed fac posse suis vacuari ardoribus Aetnam.  
Nil agitis, dum parcendo sæuitis: amorem  
Aufertis vita vt maneat, magè vita peribit:  
Membra animo spirant, animus vegetatur amando.  
Credite, sola pio superest medicina furori,  
Pro Christo tormenta pati; ceu gramina rinis,  
Sic & supplicijs animus lactatur amantum.  
Addite Aloysio pænas, augebitis annos.  
Nec pulchra ambimus speciosæ nomina cladis,  
Vulnera nec fama totum celebranda per orbem,  
Non animæ viles tam splendida dona rogamus:  
Quamquam ò! sed mea vota regat tua Diue volun-  
Occultis liceat saltem tabescere pænis, (tas.  
Et sentire graues sine cuspide cuspidis ictus,  
Et magnos tacito de vulnere ferre dolores.  
Supplicij, tu testis eris, qui muneris author,  
Et solamen, eris custos, victoria, merces:  
Talibus orabat pænas Gonzaga querelis.

Pro

Pro pœnis ægro numen solatia cordi  
Detulit, & pretium tantorum ostendit amorum.  
Quippe videbatur seiuncta è corpore mente,  
Ire per aërios tractus, paruaq. paludis  
Instar, aquis circumfusus stagnantibus, æquor,  
Et veluti punctum rotum hoc, quod dicimus, orbem.  
At maior Cæli propius, maiorq. videri  
Iam species, candet facies argentea Lunæ,  
Argento nitidæ lucent in sydere valles.  
Sed maris igniuomi in morem micat aura lampas  
Solis, & in liquido natitant dum sydera sole,  
Apparent maculæ speciosæ in principe lucis.  
Iam Martis calcatur iter, iam subdita currit  
Fax mansueta Iouis, Saturnique vltimus ignis.  
Ardua supremi scandit iam limina Cæli,  
Regalisq. patet venienti Numinis aula;  
Aula augusta, ingens, radiis quæ clara nitoris  
Ingeniti, sibi sola suum solemque, diemq.  
Sufficit, & ditat pretioso lumina visu.  
Huc se se postquam Gonzaga sedilibus aureis  
Intulit, ætherei procures insignia regni  
Expediere. nouum Cæli ornatura Quiritem.  
Numinis imperio tum circumfusa coronat  
Loiolæ cohors iuuenem, & regalibus ornat  
Cultibus. augustæ chlamidis circumdat honorem  
Sarmatiæ lux Koska suæ. Flore ambo iuuentæ,  
Et virtute pares, & acerbi munere lethi.

Hæc, inquit, chlamis, egregia quam texuit arte.  
Cælicolum labor, & stellas dispersit in auro,  
Calcatas compensat opes, & sydera terræ.

Hæc



Hac trabea insignis, cultus, & vōta precantum  
Excipies, sacras Gonzaga vocatus ad aras,  
Illam ferre decet tantum, quos orbis adorat  
Heroas, meritoq. nouis altaribus auget.  
Borgia deinceptro dextram, frontemq. corona  
Xauerius decorat, sociantq. his munera diis.  
Accipe fiderei decora augustissima regni.  
Rex esto; pro contempta ditione paterna,  
Astra damus, Cæliq. acies, & fulminis arma.  
Quin elementa tuos expectant omnia nutus  
Obsequiosa, lues ægris depulsa faceffet  
Corporibus, dicto rumida æquora tranquillabis,  
Nomine Aloysii audito trepidabit auernus.

Hęc ille; interea dum Gonzagæ annulus aureus  
Inseritur digitis, sic est Loiola locutus.  
Indue Aloysii monumentum, & pignus amoris  
Perpetui, æternos hic signat circulus annos,  
Securumq. facit sati irreuocabilis, omnia  
Nam frustra teneas, terras, mare, sydera, si te  
Omnia ne perdas, semper timor improbus vrget,  
Et quò plura tenes, magis anxius; ille beatus  
Nunc est, qui fore se nouit sine fine beatum.  
Cui nec fallaces parat inconstantia sortis  
Insidias, nec secula ferunt voluenda ruinam.  
Numinis effigiem non hìc, sed Numen adora.  
Pro gemma Deus est, viden, vt per gaudia summa  
Obruit, & recreat luces fulgore beato?  
Si te iucundi rangunt modulamina cantus,  
Si gratus blanditur odor, si mollia quæris,  
Luminibus vel pulchra placent, vel dulcia labris;

Fi-

Figē in gemma oculos, vnus dabit omnia visus;  
Quin etiam ætatum cernes arcana latentum;  
Quæ fuerint, quæ sint, quæ mox ventura trahantur;  
Aspice marmorea tibi surget in æde sepulcrum,  
Quæ Loiolæo Romæ statuetur honori.  
Aspice, quos festo celebrabit carmine cætus  
Posteritas; tunc obsequium tua facta canentum;  
Dexter Aloyssi, & populorum vota secundes.  
Talia Gonzagæ Loiola canebat, & omnes  
Syderei circum socii plausere fauentes.  
Excitus ille sono, sensumq. animumq. recepit;  
Lux oculis rediit, sed lumina clausit Olympo.

F I N I S

# REGNUM

PAUPER TATIS.

## PROLVVSIO

In orbem perpetuó rerum,  
Naturam circumuolui, elemen-  
tis, mixtisque corporibus altero  
in alterum immigrantibus, vetu-  
stissima sapientium sententia est.  
Sed alius insuper orbis rerum,  
humandarum admirandus oc-  
currit celebri distico, compre-  
hensus

Par-



*Pauperius pacem dat, opes pax, copia luxum,  
Luxus bella parit, bellaque pauperiem.*

**Q**UOD si naturæ orbem illum, & circulum non defuere, qui carminibus celebrarent, nobis alius hic orbis dignus pariter videtur, quem heroico carmine commendemus. Primo igitur libro pauperiem explicabimus, unde pax oritur, dimidiatumq; nunc damus propter amplitudinem argumenti. Adolescentem cupidum felicitatis inducimus, qui delatus ad regnum paupertatis, & à Diogene circumductus, illic heroas clarissimos recognoscat, ad egregia quæque, paupertate magistra eruditos. Hebræorum primò pauperiem, mox Scytharum, in aliud tempus reiectis Græcis Proceribus, & Romanis. Ad laudes vero huius virtutis exponendas philosophorum pauperrimum adhibemus Cynicum, ut vitia

tia opposita liberiùs carpāt , præter ius  
poeticæ licentiæ, magnis etiam exem-  
plis insistentes , Dantis præsertim Ali-  
gherij, qui se Christianum hominem à  
Virgilio per inferorum loca deductum  
fabulatur . Quamobrem nemo nos ac-  
cusabit ante quàm illum damnet.

The first of these is the fact that the  
 system is not a simple one. It is a  
 complex one, and it is one that is  
 not easily understood. It is a system  
 that is not easily understood, and it  
 is one that is not easily understood.

— 342 —



# C A R M E N

**P**auperies nutrix pacis, pax alma potentum  
Mater opū, genita ex opibus teterrima proles;  
Luxus, & à luxu erumpentia bella, datura  
Pauperiem; nostri Aonides sint carminis ordines.  
Sic orbem assidua voluit vertigine mundus.  
Alterum in alterius naturam corpora migrant,  
Morte nouant vitas, terra, ignis, pontus, & aer.  
Extremæ donec post fata nouissima lucis,  
Ortum qui dederat, finem orbi ponetvtrique,  
Aeternamque ferent elementa, & secla quietem.

Iam puer indocilis stadium consecerat æui,  
Et dubiæ rationis iter, spatiumque tenebat  
Aetatis, vitæ, quo mens auriga regendæ  
Accipit arbitria, & sensum moderatur habenis.  
Cum subiit mentem noscendi immensa cupido,  
Quæ nam conditio rerum, & mensura, beatum  
Efferet? num delicijs infecta voluptas,  
Num congestæ auro, curarum semina, massa,  
Aut fucatus honos, aut regni optabile culmen,  
Sed pariter metuendum; An præstet viuere paruo  
Sors humilis secura metus, & criminis insons.  
O si nunc me aliquis Deus, inquit, tramite recto  
Sistat, & incertum fati, certumque periculi,  
Aestibus eripiat tantis, & littora monstret; et  
Vix ea: cum subito genitrix Sapiencia rerum  
Numinis Augusti soboles, ad fræna citatis  
Ante oculos se sistit equis, queis semine cretis  
Aetherio, ipse Pater Diuum mentemq; animumq;  
Ardo-

Ardoremque dedit. fremit alter, & ignea crebrò  
Membra rotans, celeres iaculatur in aera saltus,  
Cui dedit ingenij volucris, vis viuida nomen.  
Alter at incessu grauior, vestigia certo,  
Certa pede, & dubias catus explorare viarum  
Ambages, quem, cum dijudicet omnia recto  
Lumine, iudicium dixere. hunc Phæbe quadrigis  
Iunxisses nati, non illum insanus equorum  
Impetus abriperet miserando in denia cursu,  
Nec Phàètontras fleret natura ruinas.  
Vsq; adeò constans, nec egens moderamine virgæ  
Ille satis comitemque regit, currumq; gubernat.  
Protinus agnouit natua in luce micantem  
Reginam luuenis, curruque exceptus, in auras  
Euehitur, donec peregrini in margine mundi  
Expositum verbis sic Diua affatur amicis:  
En generose, tenes tota quod mente petebas.  
Vtere sorte tua, nam posthac dux eris (inquit)  
Ipse tibi. Et simul his dictis excessit in auras.  
Ille oculos circumuoluens, amplissima regna  
Miratur, fines non seruant, arma, nec arces,  
Pauperies etenim nullo custode tuetur,  
Præsidium satis ipsa sibi; dextrasque rapaces  
Nomine vel solo tenuis propulsat egestas.  
Vnus at hic inueni gressus inferre paranti  
Squalidus oue senex occurrit, plurima mento  
Canities, crines intonsi, attritus amictus,  
Paupertate tamen fruitur, testudinis instar  
Doliolum domus est, habitator mobilis ædis  
Huc illuc sua tecta rotat, queis frigora suctus  
Arcere, æstiuos pariter defendere soles.

Dignus Alexandro visus, quem crederet vnum  
Felicem, & mundi solùm domitore minorem.  
Ille vbi fulgentem iuuenem circumspicit auro:  
Quisquis es, audaces iã gressus cõprime, regna hæc  
Diuitibus calcare nefas, nisi serica pannis,  
Plebeiæque toga, trabeas, & syrmatæ mutent.  
Non eget ornatus, ornat quæ cetera virtus.  
Mens bona diuitijs, & spreto quæritur auro.  
Cui iuuenis, Non est (inquit) graue perdere nugas  
O Pater, vt me possideam. Si regna reliqui  
Patria, vestis erit facilis iactura, vel auri,  
Dum me naufragio eripiam quo mergitur Orbis.  
Hac voce, abiectis gemmis, & pondere torquis  
Aurati, & cunctis grauiore cupidine habendi,  
Miratur sese spatiosa per arua volantem.  
Sedibus in primis geminos, vbi nouit adorare  
Humani authores generis, qui limine in ipso,  
Stabant velati nemorosa vestis amictu  
Arbuteis tecti folijs, & pellibus hædi,  
Ex rerum quondam Dominis, facti omnium egeni  
Ante grauem læsi, quam ferrent numinis iram,  
Heu dulcem gustando necem! nil ditius illis  
Sub Cœlo fuerat, nil fortunatius; Orbem  
Auspicijs iunctis, animantum & sæcla regebant,  
Terrarum culti obsequijs, & munere Diuum,  
Mortali nunquam passuri in corpore mortem.  
Tot rerum nimium felix opulentiæ culpam,  
Culpaque pauperiem peperit, quæ rursus Olympo  
Conciliat miseros. nam postquam terra negauit  
Ferre cibum immeritis, atque ijs didicere magistris  
Detrectare feræ imperium ceruice rebeli,  
Tunc



Tunc vita in varios hominum diducta labores  
Pauperie monstrante fuit, lacrimæque, dolorque  
Immixtæ dapibus, pacem extorsere Tonantis.  
**Copia** sic morbum genuit, quem sanat egestas.

Hic vero Iuuenis secretum conspicit vnum  
A turba, fluij ripas transire parantem,  
Et vada tentantem baculo: quisnam ille? (requirit)  
Magnum Heroa notat facies venerabilis ævo  
Iam medio, & stabilis gressus fiducia, quamuis  
Incomitatus eat, vilique accinctus amictu.  
Subijcit hic doctor, vitæque, viæque magister.  
Non tua mens equidem fallit, nam magnus Iacob  
Ille, suum fugiens qui fratrem, pauper & exul,  
Cum gregibus rediturus erit turmisque suorum,  
Et Pater ingentis populi, Regumque futurus:  
Interea dant victum inopem siluestria pruna,  
Sedat limpha sitim, prædurum, terra cubile,  
Et lapides pro puluino: sed cernit ab illis  
In somnis scalam tangentem vertice Cælum:  
Cælicolas descendentes ex æthere terris,  
Hinc ascendentes rursus, stat margine summo,  
Et loquitur numen; contingunt talia quando  
Somnia diuitibus? licet illi mollia plumis,  
Sub testudineo dent corpora conopæo,  
Et saccus lateat sub lecto turgidus auro  
(Si medico vlla fides) facturus somnia lata.  
Pauperies hæc visa patit felicia; firmat  
Quin eadem vires, & nervos roborat, vnus  
Sic numen contra fortis luctatur Iacob.

Quis verò ille alter radianti vertice pastor?  
Fallor, an est Moses? profugus qui Regis ab aula

In

In deserta volat, calcator stemmatis aurei  
A puero, postquam in cunis, & paupere cista  
Expositus, Nili tumidis erravit in vndis  
Securus, nitidisque infans formosus ocellis,  
Flumina magna prius, dein Reges flexit amantes.  
Tempore iam ex illo, virgas, pastoria sceptras,  
Antetulit Regum solijs, armenta que regnis,  
Pauperiemque suam, stirpis Regalis honori.  
Ergo quaterdenos in sylvis exiget annos.  
Herbosoque greges pascens in gramine pastor  
Hinc sumet documenta viros, & regna regendi.  
A flagrante rubo; incombustoque vocatus  
In magnum Imperium quem numen numinis instat  
Mittet adorandum Memphi, plebisque tyranno  
Niliacæ. Tigribus modò formidandus, & Vrsis,  
Mox Ducibus; populi, iam non armenta sequentur.  
Fatalis virgæ, gestat quam dextera, pondus  
Sentiet Aegyptus natorum immersa cruore.  
Sentiet æquor aquis diuisum, & limite sicco  
Hinc, atque hinc vitreo fluitantes aggere muri,  
Cristallum simulante freto, licet humor obundans  
Mobilibus strepitet furijs. via facta per æquor  
Excipiet populum fugientem, & amica trementem  
Prodigia; attonitis dum oculis pendentia cernunt  
Naufragia, & stantem pelagum, rupesq; natantes.  
Nec sine cura hilares, & cum formidine tuti,  
Spumantes cumulos ruituri gurgitis horrent.  
Instant id terea Pharij fugientibus; ausi  
Credere se pelagi semper fallacibus vndis  
Tunc, verò insolita fremerent cum compede victæ  
In vada, sponte relapsuris. Sic præcipitante.

Ob-

Obruit Aegyptum, dederat, quæ virga salutem  
Stante freto Isacidis, & sceptris clarior vna  
Omnibus, ingentis meruit pœana triumphi.

At fortunatus si numquam scepra tulisset  
Pro virga, ille Saul, viden vt supereminet omnes  
Pastores humeris? hic dum iumenta requirit,  
Incidit in Regnum, monitus qui suggerit olli,  
Est Samuel Vates: canitur sed fabula surdo.  
Omnia mente fluent, vbi regni sumet habenas.  
Difficile est capere imperium, nec perdere mentem.  
Cum fraude, inuidia, & fastus fecere Saulem  
Mancipium de Rege suum; folioque potitus  
Amisit se se, folio qui charior omni.  
Pauperies Regnum dederat, dat funera Regnum.

Aemulus auspicio sceptrum meliore capeisset  
Successor Dauides; aries quem gestat in vlnis.  
Hunc suffocati rapuit de fauce leonis.  
Paupertas robur iuueni insuperabile finxit,  
Et subigendorum documenta dedere Gigantum,  
A puero stratique vrssi, domicique leones.  
Quam mirum egregiæ tantum cum robore formæ  
Consensisse decus? iuuenis formosior alter  
Non fuit Isacidum, nec fortior extitit alter.  
Sed decor, & robur sunt ancillata pudori:  
Firmauitque pudor vires, auxitque decorem.  
Tale pudicitix cum forma fœdus, in vrbe  
Inuenias rarum inter opes, sua dona frequentat  
In campis. Donec Dauides armenta colebat,  
Nulla illum in rudibus decepit ad altera syluis:  
Isacides quamuis multæ in Iordane lauarent,  
Sed Susannæ omnes; quarum inter nomina, nulla.

Bersa-



Bersabee, pretio diadema emptura pudoris .  
Crimina cum Regno didicit, tamen obruit heros  
Crimina virtutum radij . quid regia proles  
Post regnum geni a þ hæc patriæ non æmula laudis  
Sed sceleris, thalamos ausa incestare sororis,  
Patris adulterium fecit leue, Crescere namque  
Post exempla solet vitium, decrescere virtus.  
Mox Ammon soluit, sed cui nam sanguine pœnas?  
Fra tri. Grande nefas igitur grauiore piatur  
Flagitio, crimenque vlciscitur, & facit alter?  
Nec satis; vt doceat se profecisse, cubile  
Absalon, & solium patris haud calcare veretur.  
Quem tamen infelix genitor, timuitque rebellem,  
Fleuit & extinctum, cum crine reuinctus in aureo,  
Pendulus è quercu iactaret corpore saltus.  
Quos aliter saturas daret Absalon ante capellas,  
Pauperiem lætus coleret si pastor auitam .  
Natorum neque enim in patrem ciet arma, regendi  
Armenti ambitio. Custos est pacis egestas.  
Hæc vice sermonium, veniunt ad fluminis vndam  
Quod gentem Ifacidû a Scythicis discriminat oris.  
Illic aduersæ viridanti in margine ripæ  
Belligeros procures, secum sua regna trahentes  
Agnouere Scythas, magnis fundamina sceptris  
Qui posuere, armis, & paupertate potentes .  
Coniugium in plautro, natique & curta supellex  
Vnâ omnis fortuna domus, Dominique vehuntur,  
Assultant arcus humeris, laterique pharetræ.  
Pallada non illi doctas coluere per artes,  
Seu merces mutare cati, vel fallere norunt.  
Crimina non leges, aut interdicta tyranni,

Sed

**Sed natura vetat, colitur fas, iura, fidesque**  
**Ingenijs, & more patrum. Ignorantia felix!**  
**Quandoquidem nescire nefas, plus contulit illis**  
**Quam doctrina sagax, & vana scientia Graijs**  
**Virtutum. Scythia exercet, quas Græcia libris**  
**Tradit, & exemplis anteit documenta sophorum.**  
**Nec minor innocuum fouet indulgentia victum**  
**Naturæ; stillant omni de cortice mella**  
**Iniuissis fabricata apibus, chrySTALLINA puri**  
**Pocula dant fontes, exundant lacte capellis**  
**Vbera, Pantheræ domitæ, Tigresque, trophæum,**  
**Et vestis pariter, munimentumque geruntur.**  
**Usque adeo suppleuit opum mala munera, diues**  
**Ingenitis natura bonis. Non quæritur illic**  
**Argentum, aut aurum, desideriumque metalli**  
**Fulgura compensant solis pretiosa diurni,**  
**Sydera per noctem, atque argentum nobile lunæ.**  
**Illic luce noua claros imitata smaragdos**  
**Lætior herba viret; fulgentior igne pyropi**  
**Purpura viuæ rosæ est, Alabastrum lilia vincunt,**  
**Indum ebum nuncquam vaccinia nigra laceffet,**  
**Nec læuis Christalla. Adamas, cœlumq; serenum**  
**Saphirus, nec Berillus vada cærulea ponti,**  
**Nec Bacca rores, queis sol gemmascit Eous.**

# EMMANVELIS S O S A E

I N F O R T V N I A

## PROLVSION



*V I D V M* esse lacrymarum genus humanum non tam ex eo liquet, quod Auroram vitæ hoc rore conspergit, quàm quòd adulta ætate spectaculis gaudet luctuosiss, in quibus eius præcipua voluptas est dolor. Anquia licet miseriam fugiat ut insensam naturæ, misericordiam tamen amat, ut amicam humanitati? Misericordia verò cum dolore non vacet, eam propter amatur, & dolor, ut appendix virtutis. An communis consciùm miseriæ, quæ vitæ quintum elementum lacrymas fecit, libenter alienis malis cõmodat oculos, ut exercitatos traducat ad sua? An quemadmodum naufragia de littore, sic aliorum infortunia lati spectamus è theatro, eaque miserantes, ut homines lugemus, gaudemus ut securi? quasi in tanta bonorum penuria propinqui calamitas, quæ non noceat, pars nostræ sit felicitatis. An denique in fictis argumentis lugere amamus, ut minus lugeamus in veris? cum lacrymarum quæque



que amarities, ut cætera cuncta, melle consuetu-  
dinis condita dulcescat. Sicut assuefactis adeò ve-  
rena non nocent, ut eo mortis pabulo prorogent vi-  
tam. Vtcunque se habeat: Ea certe res Tragædiã  
& Epopæiam vel peperit, vel ornauit, pœtis tri-  
stissima quæq. consuetantibus, in aucupium volu-  
ptatis, dum prodesse volunt mortalibus delectando.  
Hinc Homericæ Ilias Græcorum cothurnis ar-  
gumenta suffecit; Aeneis vero Virgiliana singulos  
penè libros exitu tragico cruentat. Quamobrem  
nos quoque in Epici carminis argumentum delegi-  
mus tragicam calamitatem Emmanuelis Sossæ Lusitani,  
Diensiolim arci præfecti, & Eleonora Sala  
coniugis, pro Regis Indiarum filia, cum duobus  
liberis. Quæ licet historia fuerit à Ioanne Petro  
Masseio, tam suauiter, & cum sensu tractata, ut  
fabulosas vincat veritate tragædias, squalore ta-  
men, & maestitia poëtica imitationis expressus, ne-  
scio quid habet flebilius dolor, & iucundior euadit  
carminum cantu temperatus.

# C A R M E N

**F**Vnereos casus miserandaque fata tuorum  
Inclite Lusitadum luctusque, & gloria Sosa,  
Castalium ad murmur gemimus, quæ gurgite in alto  
Sirenes lybicus deplorauere sub vndis,  
Et nigra commotis miserata est Africa monstris.

Naufragio Oceanum mediumque erroribus orbē,  
Lusitana cohors longarum emensa viarum,  
Quæ Castrum pauper deserta per æquora regnum  
Porrigitur Lybies, in amænæ margine ripæ  
Sederat, in medijs quantum fortuna sinebat  
Lata malis; quoniam tranquillans perfida vultum  
Mendaci sperare fide meliora iubebat.

Nam manus Aethiopum, famamque & robora gētis  
Admirata nouæ, vultusque habitusque minaces,  
Armaque per siccos latè radiantia campos,  
Non ausi tentare manu, fallacibus ausi  
Marte suo versare dolis, & cingere fraude.

Vsq̃ adeo subiecta truci plaga torrida cælo  
Fertilis est fraudum, flammamque exquirat in vndis  
In lybicus quicumque fidem suspirat arenis!

Ergo hilares vultu portant mentita sereno  
Fulmina, compellant socios, & munera gentis  
Expediunt: mites fruges, & poma canistris  
Dulcia, quò diræ fraudis dulcescat amaror.

Lusitadum ingenui, nec docti fallere mores,  
Nec tantos sperare dolos, commercia gentis  
Accipiunt, lectosque ad Regem Sosa suorum  
Destinat; hos prior ingressos sic ille salutat.

Magnanimi Heroes, neq̃ enim peregrina per Axē  
Lusi-

Lusitadum virtus , lybicum , cum sole vagatur :  
Quos dudum occidui venientes margine mundi,  
Arboreis vastum sulcantes molibus æquor ,  
Fluctibus edomitis expalluit Amphitrite:  
Quæ fortuna viros fortes tam sæua fatigat ?  
Dicite : quantum etenim tellus Hyperione feruet ,  
In nostro tantus , miseris succurrere rebus  
Pectore flagrat amor, nutritque incendia vultus .

Dixerat : at contra mæsto sic ore locutus  
Lusitades: Princeps cui subdita colla reclinans  
Ambustos Lybie demittit vertice crines :  
En fortuna tuis cumulum latura trophæis ,  
Implorare piam dextram fortemque , subegit  
Auroræ Dominos ; quos vt complexa sub alis  
Ipsa suis , terris maiores fecit , & vndis :  
Sic gremio excussos ærumnis obruit , vt iam  
Oceanus Lusitana de cæde tumescat,  
Europæque malis Lybiæ deserta triumphent.  
Sed quoniam iuuat Iliadas cognoscere nostras ,  
Quanquam animum terret facies renouanda laborû.  
Aggrediar. Ditione plagas frænabat Eoas  
Garzias olim Salius, cui sanguinis hæres  
Et spes vna domus , & claræ filia gentis  
Eleonora fuit. Virgo non pulchrior vlla  
Thesauros fudit per eburnea colla comantes ,  
Vt radijs patrij splenderet æmula solis .  
Multæ illam sociare nurum cupiere potentum  
Lusitadum matres; solam tibi fata dicarunt  
Sofius Emmanuel , quo non præstantior alter  
Dux animo , milesque manu , defendere bellum  
Mænibus , & magnas obiectu pectoris arces.

At



At pietate pari , & fama virtutis vterque ,  
Egregijque animi , & donec fortuna sinebat ,  
Ambo felices : si nunquam credere ventis  
Aequoris elusi voluissent fraude sereni.  
Antiqui pia cura laris, cælique paterni  
Dulcis amor , rapidos è portu soluere funes  
Egit, & infidas cursum tentare per vndas.  
Cocini celsa conscendimus æquora puppi,  
Mille sequebantur socij, premimusque carinam  
Indorum gazis opulentam ; vteroque ferentem  
Quidquid adorato sub gurgite nutrit Eous :  
Ventū erat ad medios cursus, vbi vergit in Austrū  
Africa , protendens cubitum, loca fæta procellis ,  
Quæ pelagi rabies , tempestatessque sonantes  
Ventosa assiduo conuoluunt turbine regna.  
Hic inimica fidem primò fortuna sefellit.  
Magnus ab occiduo consurgens cardine ventus  
Europam sperare negat : subducere cœlum  
Paulatim nubes , ac tempestate futura  
Aequora pallefcunt raucum resonantia murmur.  
Vela gubernator partim legit ; obliquata  
Aeolijs partim furijs opponit , & alis  
Contractis , Zephiros furibundos stringere tentat.  
Sed postquam nulla arte valet frænare ruentes ,  
Obsequio lenire parat ; dare lintea retro  
Imperat, & proram rursus conuertit ad Indos.  
Heu malè fallaci iactantur vota procellæ !  
Nam quæ progressum prohibet vis aspera ponti,  
Et reditum pariter negat ; vrgens æquora contra  
Imperiosus equis en fulminat Eurus cois .  
Nec mora, nec requies: fremitu simul vndiq. magno

Con-

Conspirant ventorum iræ, fodiuntque, ruuntque  
Infernis totum conuulsum è vallibus æquor.  
Molibus vndarum pelagus caput inserit astris,  
Inde ruinosos ad tartara pandit hiatus.  
Lux nimbis pulsata fugit, cadit oceano nox,  
Fulmina quam crebra horrificant, supplemtia raptū  
Ingrato fulgore diem, ruit imbribus æther,  
Et mare de summo præceps confunditur imo.  
Omnia sic vni coeunt elementa ruinæ.  
Frangitur infelix ratis, & iam turbine malus  
Saucius incubuit proræ, regimenque reuulsum  
Stridet aquis, Boreæ volitant iam vela trophæum,  
Oceanoque natant laceræ armamenta carinæ.  
Tum dubia littus cernens in luce propinquum  
Ereptos properè natos cum coniuge Sosa  
Imposuit cimbæ, & circum latrantibus vndis  
Littora vix tenuit; comitum pars obruta fluctu,  
Pars laceri ratis, vndarumque incurfibus, ægras  
Aut trahere animas, aut vltima fata tulere.  
Fortunati obitus! quos nec tam dira manerent  
Exilia, aut raperet longa inclementia fati.  
Vos habet alta quies, tumulatque in littore pontus,  
Nos alijs grauior lacrymis fortuna reſeruat.  
Dum per desertas rupes, per & inuia saxa,  
Et nemora, & solis habitata leonibus arua  
Ducimus ingratas extrema per omnia vitas  
Pellere glande famem, sueti, victuque ferino.

Quod te percineres sociorum, inimicaque fata,  
Per mala nostra, per, & si quod colit Africa Numen,  
Oramus sedem exilio, communia lucis  
Munera, & innocuum victum, fluuiosque patentes,  
Dum

Dum cursum in patriam clementior aura secundet,  
Talia Lusiades: contra cui subdolos ore  
Fallaci, Castrum Dominus responsa ferebat;  
Mittite, Lusiada tristi de pectore cūras,  
Et lætas sperate vices; indulserit iras  
Hac inimica tenus vestro fortuna dolori,  
Ne contra immeritam deserviat improba gentem,  
Nunc prohibere meū est. Regi hæc mādāta referte.  
Largior hospitium miserans, accedat, & Urbem  
Ingressus, mecum hac pariter confidat in aula.  
Vnum det meritis, monitus nec temnat amicos.  
Telorum quoniam fulgorem, ensesque minaces  
Nuda tremit Lybie, & feralis fulmina molis,  
Qualia fama canit cœlo vibrare sereno  
Lusiadas, nobis tantos auferte timores.  
Omnia dum vobis pacata exponimus ultro  
Quidquid alit Castrum tellus, & pontus, & aer,  
Dux vester tantū arma mihi seruanda remittat,  
Discessu repetenda suo. Cur hospes amicos  
Armatus terres? fidei par credere nudæ est,  
Nec mos est fratres latus inter cingere ferro.  
Talibus infidi dictis monitisque tiranni,  
Legati redeunt, nec mollia iussa reportant.  
At Lusitanis quanquam responsa videntur  
Dura nimis, nimiumque viris indigna: malorum  
Tot tamen eluie fessi, vix vlla putabant  
Exilij certa grauiora pericula clade.  
Ergo Ducis fremitu, circum tentoria denso  
Miscentur, magnis clamoribus arma petentes;  
Pignus amicitiae statuunt, & fœderis arma.  
Ille diu renuit, funditque has pectore voces.

Quis



Quis furor ( o socij ) malè suadet, gentis auaræ  
Vt latus insidijs vltro prodamus inermes?  
Irritare nefas placet, & mercede parata  
Perfidiam Lybiæ, facilesque laceßere fraudes?  
Sic Afrum bene nota fides? quis viribus vnquam  
Hospitis externi positus se credidit armis?  
At promissa tegent, iurataque Numina cœli.  
Protinus ista cadût, vbi præda propinqua latrones  
Admonuit. Ratio, sanctissima sola cauendi est,  
Ne possint, quod velle nefas. Sunt fulmina paucis  
Terrori, iunctæ superum mortalibus iræ  
Esse pios cogunt. malè consulit ille suorum  
Præsidio, qui tantum alienis pender ab armis,  
Dum libeat seruare fidem. priuata regendi  
Hæc ratio, vltiores vbi habent periuria Reges.  
Ast vbi peccatur sine vindice, quin diadema  
Fert pretio violata fides, adimenda potestas  
Est omnis sceleri. Quem tantum flexit honestas  
Vt regnare potens nollet? pensare videtur  
Flagitij fordes, raptæ nitor ille coronæ,  
Et lucrum bene semper olet. Quot sparsa sub ortû  
Autumni folijs insternitur arida tellus,  
Tot sceleri causæ, & decorandis nomina culpis.  
Dixerat. Insuper monitis sed turba repugnat.  
Paupertas facit incautos, extremaque passi  
Vix grauiora timent. Ergo crebrescit vbique  
Seditione graui murmur: Quis finis iniquæ  
Sortis erit? semperne inter spelæa ferarum,  
Et vacuos hominum, cultos serpentibus agros  
Errando fessas animas in fata trahemus?  
Queis nec morte quies, sed nondû exangue cadauer

Rixa

Rixa parata lupis , viuos laniantibus artus .  
Scilicet vt pauca Dominis seruentur ab vndis  
Ah male subductæ gemmæ, pax limine in ipso  
Spernitur , & totum profugi lustrabimus orbem?  
At fraudû metus obstat. Inops quid turba timemus,  
Cui superest sperare nihil? ne forte malorum  
Illnuem eripiant , morbumque famemq. ferasque ;  
Cum manibus perijsse hominum, sit muneris instar,  
Quos mare naufragio eiecit, tellusque repellit  
Exilijs . Lætæ perierunt tempora vitæ  
Iam dudum miseris , & lucis nulla voluptas;  
Da facilem mortem, & terrarum in ventre sepulcrû.  
Hos magis atq. magis postquâ Dux gliscere motus  
Sensit, rapturosque manu si fræna negaret ,  
Volumur ( exclamat ) furijs , trahimurque ruina  
Fatali, malè vincetis, sed vincite Ciues.  
Vos tamen obtestor mihi pectora fida meorum!  
Defensos potuit , Castrum per funera , ferrum  
Ducere , quæ peruersa animos insania cogit  
Prodigere antiquam, cum vita, & sanguine famam?  
Hunc olim vestræ gladium, mea dextra salutis  
Strinxerat, ò socij, prodi iuuat omnia quando  
Accipite ; hunc vobis, non Castrum Sosa resignat  
Fallaci Domino. ast vnum mihi credite ( vates  
O vtinam falsus ) doleo, moriemur inulti ;  
Nec fas solari extremum virtute laborem.

Talibus eductum cum vocibus abiicit enssem.  
Idem omnes tunc ardor habet, discintaque raptim  
Tela reponuntur lybico portanda Tyranno.  
Causa metus, & lætitiæ ingens; agmen inerme  
Dein tacitos Regis monstrata ad limina gressus

Acce-

Accelerant, humiles deiecto lumina vultu;  
Bellicus ereptis omnis vigor excidit armis.  
Haud aliter Iouis armigeras si quando volucres  
Venator pennis spoliauit & vngue, maligna  
Libertate data; haud illæ se credere cœlo,  
Aut oculis audent altum spirare superbis,  
Fortia in horrendos meditantes bella dracones.  
Sed memores cladis, demisso lumine, quærunt  
Detractos vngues, & inertia brachia iactant.

Iamque propinquabant tectis, quæ milite denso,  
Armorumque vident cinctu vallata suorum:  
Et pulsante metu tantos præsaga canebant  
Corda dolos. tulerant viæ Regis in atria gressum  
Cum signo periura dato, ruit vndique turba,  
Mercis & Eoæ, gemmarum, & diuitis auri  
Vi potitur; sæuis illi (miserabile visu)  
Pulsi abeunt tectis, & inhospita limina relinquunt.  
Nec tamen hic finis tantorum aut meta malorum.  
Proh superi! talin duxistis funere dignam  
Inuidiam Hesperia gentem, penitusque reposti  
Regnatricem orbis? tantas sine crimine pœnas  
Nobile coningij decuit par soluere? Cœlo  
Sic placitum, nec enim casus mortalia versat.  
An potius sors illa fuit veneranda? perennes  
Quippe dies peperit funus breue. Quæque vocamus  
Nescia gens hominū lacrymas, mala, funera, clades:  
Sunt alibi risus, solatia, vita, triumphi.  
Numinis hunc soboles callem signauit ad astra,  
Cælestes tenuere viri; qui prospera rerum  
Exosi, pretijs æterna emere caducis.  
Sed vexat fortuna bonos, num parcit iniquis?

Ascen-



Ascendere rogos Cræsi , raptantur ab vnco  
Seiani : fors nulla diu mortalibus æqua est .  
Noctes , atque dies , cum lætis mæsta rotantur ,  
Proxima sunt laqueis diademata , scepra ligoni .

Dum trepida huc illuc , incertoque anxia gressu  
Fluctuat errabunda phalanx , noua turba repente  
Agrestum telis , & acutis aspera contis  
Inuadit , timidosque , nec ausos hiscere contra  
( Vsq̃ue adeo armorũ languet sine fulmine virtus )  
Vestibus attritis , medijs denudat in aruis .

Tu sola Eleonora malis inuicta , repente  
Vnguibus egesta tumulum moliris arena ,  
Ac toto nudata elemento membra recondis .  
Tum crinale aurum non hac ad munera cultum ,  
Dissoluis , lugens in pectora , & igne decoro  
Tincta , verecundos velaui purpura vultus .  
O rarum niuei exemplum matrona pudoris !  
Siccine fiderea tibi cara modestia luce  
Est magis ; vt quando crudelem abrumpere vitam  
Non licet , effosso tumuleris viua sepulcro ,  
Barbara ne castum delibent lumina corpus ?  
Postquam muta diu , saxoque simillima sedit ,  
Vt pudor attonita , dissoluit vincula linguæ ,  
Ad socios tandem vultum demissa profatur .

O socij quondam vnanimis , frustra que meorum  
Tot bellis inuicta manus ! sat tela nocentis  
Fortunæ , rabiem tulimus , terræque , marisque  
Hactenus , & licuit non tempore defuit vllò  
Vestra fides , veltrum obsequium delere , quod ætas  
Nulla queat memori ex animo , dum littora nostros  
Iactabunt cineres , & dum post fata superstes

Vm.

Vmbra mei , Lybiæ notis errabit arenis.  
Sed quæ vis tantos possit durare furores ?  
Cedamus fatis , dudum ista piacula noxis  
Debita erant nostris, dabimus nos sanguine pœnas:  
Vos tamen ò vestris succurrite casibus , oro.  
Et si quos olim melior fortuna paternis  
Appulerit terris, nostros narrate labores,  
Natorumque , virique vices. Post vltima verba  
Lugentesabeunt comites , & corpora nudi  
Villosis miseranda feris heu turba vagantur .  
Eleonora oculos natis defixa tenellis ,  
Infantes vultus lacrymis spargebat amaris.  
Illi materno tendebant brachia collo  
Flentis, & ignaris tergentes lumina palmis  
Præbebant miseræ solatia dura parenti .  
Interea dulci lacrymas pro lacte trahebant.  
O tibi quæ tacitum fodiebant vulnera pectus ,  
Et gemitus quot Sosa dabas? cum nuda videres  
Corpora natorum, &mersam tellure parentem.  
Quàm tua rumpebant miserorum viscera questus?  
Cum , neque consueto famulum recreare liceret  
Obsequio, aut iuncto planctu lenire dolorem :  
Sed desertus inops, syuis querereris , & auris .  
At vicina fames iam fata extrema minatur .  
Exhaustis arent pendentia faucibus ora ,  
Conficit & macies ieiunos horrida rictus.  
Heu quid agat ! quæue arte famem depellat iniquâ  
Inclusus vacuis campis , lustrisque leonum?  
Anne abiens quocunque paret discrimine victum ?  
Sed laceranda feris heu ! pignora cara relinquet.  
An sedeat custos, propugnatorque suorum ?

Sci-

Scilicet vt sicco morientes funere cernat.  
Ambiguam tandem, haud dubio præponere damno  
Perniciem iuuat, & clades incerta, salutis  
Instar habet; magni emenso longo æquore campi,  
Ad circumfusas tendit vestigia syluas.  
Hic raptim corylos, syluestresque arbore glandes  
Importuna legit victus solatia; sed iam  
Alter natorum letho concesserat, alter  
Matris in amplexu, iam fata extrema trahebat:  
Illa dolens tot victa malis moritura gemebat.  
Infelix genitor, lacrymarum munera natis  
Diuidit, & victus; viuentem nutrit acerbis  
Glandibus, extinctum tumulo componit arenæ,  
Tum super incumbens lacrymoso hæc edidit ore.

Heu miserande puer! primos cui fata parentis  
Inuidere dies, huc vasta per æquora vectum  
Te rapui, vt genitor, crudeli funere, natum  
Conderem in ignotis nudus, peregrinus, arenis?  
Has patriæ sedes, monumentaque cernis auorum?  
Sic regnas? sic te maiorum in sceptrâ repono?  
Tu tamen ipse tuam tecum solabere sortem.  
Primus abis, nullum funus visure tuorum,  
Nec gemitus, nec fortunæ iam vulnera sentis;  
Funeris immitis quin & cumulata tulisti  
Officia, in mestræ gremio, defuncte parentis,  
Fraternum ad luctû, & manibus tumulate paternis.

Talibus ad furdû cinerem, & gelida ossa querêti,  
Sola dabat responsa cauis de vallibus Echo,  
Et sociæ Alciones circum lamenta sonabant.  
Ille iterum stimulante fame, nemus intrat opacum.

I Sosa, i, tantum duro sub fasce malorum



Indulſit fortuna tibi , ne fata tuorum  
Ultima luſtrarent oculi ; niſi forte timebat  
Ne te deſereret, tua funera , vita , tuentem.  
Heu luſus ignare tui ! quid ſaltibus erras  
Immemor , & vanis impendis tempora curis ?  
Tu quatis ilicea glandes ex arbore , natus  
Qui ſuper vnuserat , crudeli morte peremptus ,  
Maternis exangue caput declinat in vlnis.  
At miſeranda parens vicino frigida letho  
Ingratum fruſtra iam iam fugiente laceſſit  
Voce polum , fruſtra nomen compellat amatum  
Coniugis ( ah miſeram ) amplexu diuiſa ſupremo.  
Ac velut vnanimi deſerta à compare turtur ,  
Cui ſerus implumes nidos populauerat anguis,  
Ipſam etiam vidua plorantem triſte ſub vmbra  
Ferreuſ igniuomæ venator arundinis ictu  
Perculit incautam , traiectis alite plumbo  
Offiſibus: illa dolens , terræque afflicta ſupremum  
Suſpirat; coniux at neſcius aera luſtrat  
Interea , tantos dirimi nec ſperat amores .  
Nunc age Melpomene tragico ſuccincta cothurno  
Dic mihi : quis miſeri laecerat pectora morſus ,  
Dum nemora egrediens , viſu miſerabile, cernit  
Exanimem natum, deſuncta in matre iacentem ?  
Quis faciem inuaſit pallor ? de morte propinqua  
Dum ſparſis ſuper ora notis volitabat imago,  
Nulla rigeſcentes cum fleſſeret aura capilloſ?  
Sed par extinctis ambobus ( deme dolorem )  
Spirabat tacitum funus , vultumque , coloremque,  
Et ſine luce genas , qualis quem fulminis ignis,  
Aſſlauit geminos oculorum exterritis orbes?

Sofa

Sosa taces? vocisque tibi dolor obstruit vsum,  
Raraque per gelidas decurrit lacryma malas?  
Scilicet hæc summo deerat mensura dolori.  
Vt neque consueto lacrymarum rore lenares  
Cordis amaritiem, nec meas pectore curas  
Aut gemitu egereres, aut solare querelis.  
Sosa taces? Pro te ipse loquar, querar ipse, tuaque  
Clade reas sylvas, camposque, & saxa ciebo.  
O sylvæ, memores sylvæ! & vos saxa dolenti  
Conscia, cum vestra tot agatis sæcula vitæ  
Ecquid in immenso meministis acerbius ævo?  
Heu genitor, iam non genitor! tristissime coniux,  
Nec coniux dicende mihi! solatia quondam,  
Nunc dolor, & vacuum sine munere, nomen amoris!  
Sic legis ipse tuum geminato in funere funus?  
Sic tibi factorum, præscriptam numine vitæ  
Cernis in extinctis supremam vultibus horam?  
Vivis adhuc tamen, æthereis & vesceris auris:  
Nec potes inuisæ perrumpere stamina lucis:  
Quid cessat dolor immitis? cur fata morantur?  
Heu miserum! non vitam optas, non gaudia lucis  
Te tangunt, quid enim reliquum tibi dulce tuorum?  
Sola animam retinet fugientem cura sepulcri,  
Ipse feris, heu præda, aëribusque future marinis:


Ergo diu postquam mæstis obtutibus hæsit  
Attonitus, paulum defunctæ coniugis atram  
Subnixus dextram mento taciturnus inhæret.  
Illa licet rigida torpens à frigore mortis,  
Coniugis antiqui veluti cognosceret ora,  
Ibat in amplexus; assuetaque colla tenebat.  
Hinc ægrè tandem vix sese auellit, & altos

Pectore dat gemitus, tum nati ad busta sepulti  
Ambos componit tumulo, supremæque caræ  
Mixta refert lacrymis discedens oscula terræ,  
Atque iterum in sylvas tacitus sese abdedit imas.

I caput infelix, scenis lacrymosa futuris  
Fabula, quam tragico plangent in syrmate gentes,  
Inuisam i terris faciem & cælestibus abde.  
Te narrante tuas ad saxa, tigresque querelas,  
Molliriue queant saxa, & miserescere tigres.  
Tu pelagi infidas sensisti naufragus undas,  
Tu deserta siti regna, immanemque tulisti  
Barbariem Lybiæ, tu regis inhospita tecta:  
Tu spoliata (nefas) vidisti nude tuorum  
Agmina, sponte sua vxorem tellure sepultam,  
Insuper exhaustos Cereris sine munere natos.  
Tu quoque dum syluis agrestia poma legebas,  
Desertis illi campis extincta iacebant  
Corpora, nec genitor potuisti (heu fata) supremum  
Accipere ore vale, & morientum cernere vultus.  
O caput infelix, venturis fabula sæclis!  
I syluis te conde, ingratoque eripe cælo.  
Hic te (quandoquidem tua funera fama recondit)  
Seu circum errantem rabidarum lustra ferarum,  
Fulmineo sæuiliariunt dente leones:  
Seu desertus iners, iaceas in littore truncus,  
Quem nusquam æquorei sinat vnda quiescere fluctus  
(Quidquid atrox etenim, quidquid crudele putan-  
dum est.  
Accipe funerea solamen triste Camæar.  
Aerumnis victure tuis, & Apolline nostro,  
Nobile nomen eris terris, sed flebile Sosa.



SATYRA  
IN VARIA  
VITIIS



# SATYRA

**H** V C age Calliope, nugas depone canoras  
 Paulisper mecum, & pro pleetro stringe flagel-  
 Auraramq. lyram, chordis imbellē sonantem (lum;  
 Prange furens, ipsa Phœbi in ceruice, repexa  
 Fœmineum in morem, & Capux redolente taber-  
 Cur impune sonant tot bissina carmina vatū? (nas.  
 Nullus adulandi pudor, aut modus; ipsaq. palpant  
 Crimina; si gula, si ventosa superbia regnat,  
 Lăutia mensarum; mentis generosa vocatur  
 Nobilitas. Vt cumque ferēda hæc; illā merentur  
 Stigmata: munifici titulo decoratur avarus  
 Euclio, Timonem, blandum, comēque salutant;  
 Compositus cum fulmineo Paris Hectore, cristas  
 Attollit, gaudet de sobrietate triumphare  
 Laudari, vomitu impleturus mane tribunal.  
 Clemens Sylla, Nero pius, & castissimus audit  
 Mollis Otho, speculum quamuis in bella ferebat.  
 Nec quisquam ad laudes (frons est tam ferrea) falsas  
 Demittit vultum, stomachoque has sorbet eodem,  
 Quo turdos, pisces, pastillos, mella, salernum.  
 Interea infelix virtus laudatur ubique  
 Et friget, vitia hoc sub nomine tecta triumphant:  
 Dum personatis gaudet virtutibus orbis.

Nec semel hæc lathæ, toto spectantur in anno.  
 Haud palpare viros satis est, infantibus ipsis  
 Vix natis, immo nec hat'is, quippe recenti  
 Connubio, atque illis nunquam fortasse futuris,  
 Pangit adulator mendacia carmina vates,  
 Cum furor affluit fanaticus. (Auguror) inquit,  
 Quondam purpureo puer hic fulgebit in ostro.  
 Quis scit, an & triplici radiet diademate cinctus?  
 Nescio quid clarum Capricorni sydera monstrant,  
 Et canit Astrologus, cecinit qui funera Regum,  
 Et laqueum enasit; felix! nam certa subire  
 Fata solet, qui Regum audet prædicere fata.  
 Quin hic Bellonæ furias spirabit, & idem  
 (Tempora nostra ferunt hæc) dux erit atq. sacerdos.  
 Quantus in arma ruet? latèq. cadauerum acer uos  
 Eriget in montes? tum flumina cæde tepebunt  
 Turcarum, & fracto mœrebit Cynthia cornu:  
 At Turcæ irident, raptis, hæc carmina, regnis.  
 Interea vitia impunita vigent, mala serpunt  
 Noxarum, & crescunt intactæ à fulmine fraudes.  
 Calliope cessas? vlcisci crimina, cura  
 Principibus prior incumbit, sed proxima musis,  
 Carmine vos, ferro castigant crimina Reges.  
 Eripe personam vitij, larvamque decoram  
 Virtutum, niueas Cycni cornicula plumas  
 Exuat, & vera pateant in imagine monstra.  
 Nemo nefas, ipsum propter, complectitur, aurea  
 Sed fallit, confusa malo bonitatis imago.

Prætextu tegitur vitium iuuenile decoro,  
 Quoddæcet ad morem ætatis nos fingere, seculo  
 Viuere, torrentem nec brachia ducere contra.



Ridiculum. Omnibus insurgat si præcipitandi  
 Impetus in Tyberim, vt placeas seculo, ipse præibis  
 Sponte furens ? tanti est alieno viuere voto ?

Inuentas olim vestes ad corporis vsu,  
 Ætatis leuitas, nugis seruire cõegit.

Pileus angusta crines vix integit vmbra,  
 Nec soles arcere valens, nec pellere ventos,  
 Explicet vt pompas omnes coma pulchra ; sed illæ  
 Deliciæ constant magno. Si nubibus imbres  
 Distillent, indefensi cœlestia crines

Flumina tota bibunt, serpit per colla, per armos

Humor, & inuitus Ganimedes ille lauatur,  
 Frigidaque in madidis circumfert balnea pannis.

Phæbe potens cytharæ, atq. inuentor Bacche lyæi,

Queis nunquam capitis, tonsor violauit honorem,

Tam pulchras tanton' duxistis crimine dignas

Gesaries ? rapidis vt sint ludibria nimbis,

Vt madeant nebulis, ventis vexentur, & imbri ?

Quid iuuat extruxisse superbum in fronte theatrum,

Dispositis vtrinque comis ? aut turris ad instar

Ædificasse caput tumulis crinalibus altum ?

Quid calamistratos Cypro adpersisse minuta

Cincinnos, & rore leui beneolentis amomi,

Si venti, & pluuiæ pulcro de crine triumphant ?

Pilei auaritiam collaria splendida pensant.

A collo, atq. humeris Cameracum textile inundat,

Lusaque acu phrygia, Belgarum candida vela;

Scilicet his ventosa superbia nauigat alis.

O magni Curij, Tuberones, Fabricijque,

Pauperie illustres animæ, risum teneatis

Talia cernentes ? æquo collaria vestro

Nulla, canes nisi quæ cingebant lora, latronum  
 Aut quæ pendebant ingrata monilia collo.  
 Nunc laquei collo, tanquam ornamenta coruscant.  
 Quid refert, funes stringant, an lintea fauces?  
 Vtraque carnifici certè sunt commoda tela.  
 Nec tamen hic finis, maioraque monstra videmus.  
 Calceus è corio, patescens falcatus in aquas  
 Desinit, effingens lunaris cornua gyri.  
 Et non exclamem, vocalem ut Stentora vincam  
 Voce mea, & Martis clamorem bella cientis?  
 O rerum facies mutata, ò crimina, luxus!  
 Cornua nunc pedibus, iam non in fronte geruntur.  
 Iuppiter omnipotens, qui testis imagine tauri  
 Dictas quondam carpsisti corniger herbas:  
 Cornibus & solita interdum vanescere Luna,  
 Semicaprique greges, Satyri, Faunique bicornes,  
 Dedecus à vestris defendite cornibus ingens.  
 Quid meruere, pedes ut damnarentur ad imos,  
 Nobile quæ in summa pandebant fronte theatrum?  
 Verùm in fronte oculis suspecta notantur iniquis,  
 Propter eam libet extremis abscondere plantis.  
 Nil agitis, vitium calcaneus ipse loquetur.  
 Purpurea vitta crus ægrum vinxerat olim  
 Pompeius, Momus videt hoc: insignia regni  
 Gestat Magnus, (ait) cauti vigilate Quirites.  
 Atqui non frontem, crus velat fascia. Refert  
 Nil (inquit) quàm nam membrorum in parte geratur,  
 Hoc certè diadema est. Sic tu, ubicunque locabis  
 Quæ sunt, semper erunt, intelligis? expue nunc ter.  
 Sed leuia isthæc, ut nugæ ridenda, quid illa  
 Non potius deslenda? quod ætas omnis habendi

Infanis desiderijs flagrat, & sapientis  
 Ac frugi landes, tristis lucratur avarus;  
 Qui parat assiduò nummos, parcitque paratis,  
 Nec Cœlum spectat, nisi quatenus aurea voluit  
 Astra, sed argenti massam vel præferat astris.

Decumbens, mortì languebat proximus, æger  
 Diues, auaritia iam pridem perditus; illum  
 Ad suprema, loci Mistes, animæque Magister  
 Firmabat monitis; pendens de cruce Christi  
 Attulerat simulacrum, vti sit, nitido ex argento,  
 Authorem ostentans vitæ, in lucifamine mortis.  
 Æger luminibus cœlesti in imagine fixus  
 Usque morabatur: gemitus, suspiria, fletus  
 Testabantur amore liquefcere, viscera Numen  
 Sentire, & pattem vitæ libare beatæ.

Tunc circumfusi tanta pietate propinqui  
 Gaudebant: En hic, vt amat! quanto æstuat igne!  
 Felix ò nimium felix! dum vita manebat  
 Ille quidem fuerat nummis attentior, vt se  
 Expedijt? vitæ rapuitque in limine Cœlum?  
 Hæc illi: spes delusit fors improba falsas,  
 Vanaque mutata patuerunt gaudiâ scena.  
 Namque ægertandem tórpentis vincula linguæ,  
 Affectu nimio vires præbente, resoluit,  
 Effundens tales moribundo pectore voces.

O Pater, an binas fortasse hæc pondere libras  
 Implez imago? nota certè è meliore videtur  
 Argentum, nam corda beat mihi; suetaque flamma  
 Vrit, io! o dulce argentum! vt te, pene reuixi  
 Dum tenco! quamuis animâ iam deficiente  
 In uenas serpit morientes aura metalli.

Et



Et simul his dictis coniungens oscula, rursus  
 O pater, an geminas æquabit, pondere libras  
 Effigies hæc, dic sodes? quid diceret ille?  
 Ni se incusaret stupidum, pro authore salutis  
 Qui laqueum misero, & necis instrumenta tulisset:  
 Sed quis Dagonem intra arcam latitare putaret?  
 Materiemque tegi dia sub imagine, tanti  
 Flagitij? Vitulo Isacidæ si thura dedistis  
 Impia, nequior hic in Christo idolon adorat:

Sic miser argentum pro numine ducit avarus.  
 Crudeles alij, lethale rubentibus armis  
 Vota ferunt, strictique aciem mucronis adorant.  
 Quos illaudati rapit alea dira duelli  
 Ad styga, per vetitas à cælo, & principe mortes.  
 Proh furor! vna domus quos sæpe, eademq. tenebat  
 Mensa, leui subito accensi ad certamina dicto  
 Profiliunt, pugnaeque locus captatur, & hora;  
 Mutua vbi fusus per vulnera sanguis inundet,  
 Et vel vterque cadat damnato victima marti,  
 Vel cadat alter, tartareæ simul hostia flammæ, cus  
 Nam quamuis multum vel ab hoste rogetur (ami-  
 Scilicet ante fuit) vitam vt pro munere victus  
 Accipiat, vitam renuit, ceu crimen honoris.  
 Infelix! sic fama brevis, sic nomen inane,  
 Æternas subigit pœnas cum morte pacisci.  
 At quæ fama potis, tantos lenire dolores? (scint  
 Equis honos? dum flamma vorax, dum viscera pa-  
 Perpetuæ volucres, & vina cadauera rodent.  
 Vos licet immensis attollat plausibus Orbis;  
 In totidem linguas radios fulgentia vertant  
 Sidera, & æthereo sol currens æquore, laudes  
 Occi-

Piramidum moles, augustaque Mausolea  
Et Policletæa spirantia marmora cælo,  
Omnis honoratis incidat manibus ætas,  
Nil tumuli vos, nil tituli, laudesque iuuabunt.  
Damnatosque suæ cruciabunt murmura famæ  
Acrius, aura leuis famæ si ventilat illos.  
Sed nec honos culpæ sordes, nec fama colorat:  
Nam quo posteritas hos nomine mittat in æuum?  
Appellet sapientes? At sapientia non est  
Causa vbi nulla subest, geminam profundero vitam.  
An fortes? Animam fortis qui deuouet astris,  
Aut patriæ, aut Regi, iusto in certamine: quisquis  
Vitam aliter spargit, demens, temerarius, excors,  
Prodigus, immanis, durus, furiosus habetur.

Nec satis est illos furibundo occumbere Marte:  
Ne soli pereant, rapiunt ad fata sodales.  
Munere præ dolci, duram (ò dementia) pœnam  
Nomen amicitiae soluit, quæ dona nec hosti  
Danda forent, capitis trahere in discrimen amicos,  
Atque animæ, pars officij, vrbaniūque vocatur.  
Quid faciat miser? ad cœnam qui venerat vnâ  
Non semel, ad dubij conuiuia tristia martis  
Non rediturus abit, gratis & pugnat in hostem  
Non læsus, quem non læsit, volat vndique ahenus  
Nimbus, vtrinque chalybs tonat exitialis; at illic  
Sæpe cadunt hostes ficti, verique supersunt.  
O quanta in nullos virtus consumitur vsus!  
Iste cruor potuit Thracum demergere lunam.  
Iam quibus hæc diris, quam atroci facta vouerent  
Carmine? qui gladiatores inuenta Megeræ  
Dixerunt, Orbis furias, & carnificinam

Humani generis ? populo plaudente theatris  
 Agmina pignantum quoties iugulata cadebant :  
 Impastas seu iussa tigres inuadere nudis  
 Vnguibus, aut fauces rabidorum intrare leonum:  
 Siue procurarent cum sacra nefanda, Deorum  
 Effigies, Popæ cultro mactata piarent :  
 Humano quoties respersa sanguine mensæ  
 Non secus ac Baccho, quoties maduere sepulchra,  
 Pluraque patritias pauere cadauera mortes,  
 Inuidiosa dedit latè spectacula sanguis.  
 Tam sæui ritus, & prælia more ferarum  
 Hæc olim toleranda ; fides vbi lumina terris  
 Intulit, & cœli spem viuam, erebique timorem  
 Christiadas mirum, tantæ succumbere noxæ,  
 Tartara qui credant vetitis patefacta duellis  
 Deglutire animas, longoque absumere letho.  
 Gloria sed stimulat iuuenilia corda ; Duelli  
 Est inhonorus honōs, probrosaue gloria. Quod si  
 Legitimum decus, & præconia fortis amatis,  
 Cretā vocat, propior vel Dalmata, Turcā præmiendus  
 Est vbi, tormentum fidei, Europæque tyrannus :  
 Illo quærat Bellatrix gloria campo:  
 Vulnere pulchra, necesse claræ, sanctique triumphi.

Quis credat ? pueros teneros, male sana duelli  
 Instigat rabies, vetitas committere pugnas,  
 In prauis adeo factis. quoque vincere dulce est.

Inciderat puer in Iudæum forte superbus,  
 Aspicit hunc toruis oculis, falsumque renidens,  
 Heus (inquit) Iudæe canis, promitte suillum  
 Mandere, vel fodiam centum tibi lumina pugnīs.  
 Mox crucis efformans digitis venerabile signum,

Ocy-



Ocyus hanc venerare crucem. Caput ille retorquens,  
 Quis tibi regna dedit puer? Innocentius Urbis  
 Est Dominus ne an tu? Respondes talia stipes?  
 Hæc cape. Et ora simul pulsat: puer vnus & alter  
 Cernentes, properant velut ad conuiuia læti,  
 Certatim, & miserum pugnorum grandine tundunt.  
 Iudæus supplex cadit in genua, atque paternæ  
 Oblitus legis, dextram ferientis adorat,  
 Et rogat, vt liceat quatuor dentes retinere  
 Ad summum, reliqui titubant, ducuntq. choream.  
 Ergo satis concisus abit, puerique proterui  
 Exultant, quasi rettulerint ex hoste triumphum,  
 Et non infontem pulsarint, ac nihil ausum.  
 Sed Iudæus hic est, & nostri nominis hostis.  
 Vera: quid ad te? Quos patitur Regnator Olympi,  
 Et diuina sinunt, humanaque viuere iura  
 Tu punire audes? metuat iam Turca propinquum  
 Excidium, tantus fidei nam contigit ultor.  
 Crede mihi, non semper erit vesania felix.  
 Quondam audent etiam miseri. Si forte remotum  
 A turba inueniant Iudæi, qui genus acre  
 De Samfone trahunt, hos sabbata nulla vetabunt  
 Quin pœnas abs te repetant, cogantque reuulsis  
 Dentibus, ad pappam rursus, mammamque redire.  
 Nec tamen hic finis: lapidū in certamina tendunt  
 Audaces pueri media vrbe: Vtrinque feroces  
 Stant acies, resonant fundæ, lapidesque rotati  
 Hinc, atque hinc crepitant, crudeos puer improbus i-  
 Declinat vigilans oculis, & corpore toto, (Ætus  
 Brachia tunsa gemunt interdum, & verbere costæ.  
 Sed vulnus capitis pœnam lex barbara cogit

Sol-

Soluere, victorique puer fert dona cruentus,  
 Et pretium pendit gratus, cum sanguine nummos :  
 Ut sua vix medico merces soluenda superfit.  
 Furcifer, exerce tales pro Gymnade ludos?  
 Pallada sic colis? & pro libris atque papyro  
 Pro calamo fundam tractas, saxisque vibratis  
 Scribis in aduersa crudelia vulnera fronte? (ster:  
 Barbara sed themata, haud docuit scribenda magi-  
 Egregiam verò famam, & decora ampla reportas  
 Cum socijs. Omnes capite hi censi, æris inanes,  
 Urbis quisquilæ, sex plebis, inutile cenum,  
 Incerto genitore sati, fratresque gigantum.  
 Crescite filioli Martis, tanta indole digna  
 Nam vos fata manent; e vobis deinde Latrones  
 Sacrllegi fient, lurcones, scurra, nepotes,  
 Fractoresque tabernarum, sycophanta, satelles.  
 Præmia dein meritos, fustes, funesque sequentur..  
 Ad centum cellas remus lentandus in vnda,  
 Collaque de trabe tergemina suspensa, tropheum :  
 Hostia Bellator procumbit in æquore Marti.  
 Ganeo sed ventri sapientior immolat. Instar  
 Quippe sacerdotis coquus est, altare palatum,  
 Victima sunt epulæ, in stomachi penetralibus ignis  
 Perpetuò calet, atque intus sua Numina sentit..  
 At Gula scæda licet, larua se occultat honesta;  
 Naturæ desiderium, vacuique latratum  
 Prætens ventris, qui tanquam creditor instat,  
 Subsidium vitæ, fomentaque debita poscens.  
 Iure quidem; sed non exposcit venter, ut assis  
 Confundas elixa, Lucrina vel ostrea turdis,  
 Aut missum Eridano sturionem, in viscera mittas :  
 Plura

Plura libido petit, modicum natura, docetque  
 Non viuendum vt edamus, at vt viuamus edendum.  
 Tu ne edis, vt viuas, cui vitæ causa palatum est?  
 Quattuor, & digitis qui gutturis omnia donas,  
 Cor in ventre gerens, vt piscis nomine Afellus? (que  
 Qui vomis, vt comedas. coniedis reuomenda, graues.  
 Nocte, dieq. cibos malè concoquis? Altus vbi sol  
 Egit equos, cum iam prandendi proximat hora,  
 Surgis hebes, tardus, stomachi fumante camino.  
 Ecce cliens rogat audiri per pauca. Molestus;  
 At veniat. Causam sibi dum is canit, eluis ora,  
 Cæsariem pectens, & purgans sordibus aures.  
 Interdum vt videaris acutus, paucula quædam  
 Illi verba refers, & causæ verba cohærent,  
 Sequana vt Hispanis, Gallisue cohæret Iberus.  
 At quot dicta facis, faciem tot ructibus imples,  
 Vt satur ire queat, qui impransus venerat. Ergo  
 Ille fugit tandem, & respectans tempore longo,  
 Fœdum execratur limen, dominumq. proteruum;  
 Felicesq. vocat quosdam populos, vbi iudex,  
 Inciderat dignus si quando vindice nodus,  
 Excussas pedibus crepidas iaciebat in altum;  
 Hęc si recta redit, tu vinces; at tibi causam  
 Addico, si inuersa cadit. Sic per breuis hora  
 Ad crepidæ iactum, dirimebat deniq. litem.  
 Nunc mihi quot ructus, fastidia quanta voranda,  
 Vt litem perdam? Secum sic plorat iniqua  
 Fata cliens, & te rota diffamat in vrbe:  
 Tu sapiens, vanas satyras, & sibila vulgi  
 Negligis, haud intrant guttur, nec viscera lædunt.  
 Nōne animi domus est (inquis) pulcherrima corpus,

Affir-



(Affirmant si vera sôphi) huic incumbere certum est  
 Hanc colere, aruina muros attollere pingui,  
 Membrorumq. magis pomæria dilatare.  
 Ote felicem ventris Bollane profundi,  
 Qui spatio potuisti adipem distendere tanto, (ten  
 Quantum mole bouem æquaret, solidumq. Elephan  
 Pondere, nam te non vnus portare caballus  
 Sufficeret, spatiofo implebas corpore plaustrum,  
 Sarcina bis gemino non aspernanda iugali:  
 Sic Tiburtinæ rupes iumenta fatigant.  
 Quin memorant nullo extinctum te fulmine morbi.  
 Indulxisse genus nam mortis amabile diuos,  
 Ac veluti muscam, iucundo in melle natantem,  
 In succo perijsse tuo. Macæ, æmula Romæ  
 Magna anima! Illa suæ perijt per vulnera dextræ,  
 Par decus in propria mersum expirare sagina;  
 Bollani iacent ne funera, morbus, & ensis, (iax  
 Aut quisquam Aiace[m] hunc valeat superare, nisi A  
 O-pecus humana in forma, miserabile ventris  
 Mancipium, soboles Harpyarum! Hæccine facta,  
 Hæccine dicta hominis? sic vino, epulisq. iuuabit  
 Particulam diuinæ auræ, mentisq. lucernam  
 Obruere? Ah miser expergiscere: cerne ciborum  
 Infandum finem, in quæ tandem desinat alius.  
 Campo infelici cur plurima semina mandas?  
 Vnde aliæ veniant fruges, quam pinguis arista,  
 Aut violæ molles, aut purpurei hyacinthi.  
 Sed morbi innumeri, nec tempestiua senectus,  
 Sed cheragræ, & podagræ, scabies, capitisq. dolores,  
 Assiduusq. tremor membrorum, & sibilus auris,  
 Et caligo oculis, mucosaq. lacryma nasi,

Tum

Tu  
 Asp  
 Lux  
 No  
 Ne  
 He  
 Lun  
 Qua  
 No  
 Quo  
 Per  
 Falc  
 Lug  
 Acc  
 Ling  
 Cess  
 In cr  
 Lum  
 Quip  
 Qua  
 Null  
 Deg  
 Sord  
 Ergo  
 Cum  
 Sic c  
 Cæsa  
 Tent  
 Nam  
 Hinc

Tum subitæ mortes, grauiorq. cadaueris horror.  
 Aspice, quanta gulam vitiorum turba coronet,  
 Luxuria est princeps;ieiunis bella cupido. (cum  
 Non mouet, in saturos pharetram consumit, & ar-  
 Nec vulnus sine cæde vllum, sine vulnere telum.  
 Heu quoties gemuere graui sub cuspide corda!  
 Lumina aperta viam cæcis fecere sagittis,  
 Quas dulci tinxit lasciuiæ lacte lyæi  
 Non tot prata rosis gaudent, tot littora conchis,  
 Quot nigram hauserunt per lucida pocula pestem,  
 Perq. oculos periire cibo, vinoq. madentes.  
 Fascinat his malè sanus amor, multumq. cometæ  
 Lugubris instar habent oculi, clademq. minantur  
 Accenso in sua damna rogo. Temerariavatum  
 Lingua, cupidineas stellis adscribere flammæ  
 Cesset, & impuros tam puris ignibus ignes,  
 In crimenq. vocare polum, si quando nocentes  
 Lumina traxerunt malè custodita calores.  
 Quippe nescias alios cœlo descendere amores,  
 Quàm consanguineos astris, & ad astra ferentes,  
 Nullo ortos, nullo perituros temporis æuo.  
 Degener hic terris genitus, moriturus in iisdem,  
 Sordidus ignis habet cunabula, habetq. sepulchrum.  
 Ergo quisquis aues vitare cupidinis arma  
 Cum Baccho Cererem fugito, dein lumina claude:  
 Sic cæcis oculis, cæcum vitabis amorem.  
 Cæsaris incassum siccam peruertere mentem  
 Tentauit, sed te Antoni male caute subegit,  
 Nam temulentus eras, meretrix Regina Canopi.  
 Hinc bella, & clades, victoq. Oriente triumpho

Nauales, hinc Antoni post funera regni  
 Funus, at in pictis viuis Cleopatra tabellis,  
 Brachia mordenti præbens nudata colubro.  
 Sed iocus hæc fuerint, quæ cum labentibus annis  
 Prætereunt volucris cursu, fugitiua sequuntur  
 Gaudia mansuræ post fata nouissima pœnæ.

Tergeminos eadem patria, & domus vna sodales,  
 Cœlibis ac vitæ studio, deuota Tonanti,  
 Quam fregere, fides iungebat, ducere vitam  
 Perpetuo assuetos inter conuiuia luxu,  
 Scilicet, & Veneri post Bacchi sacra litare.  
 Porte semel cœnam proluxa in tempora noctis  
 Protulerant, pateram ingentem tunc accipit vnus:  
 Hanc (inquit) genio, cui sunt conuiuia cordi,  
 Stupra, voluptates, & gaudia nostra, propino;  
 Inde epulis, vinoq. graues, dant corpora somno.  
 Ecce autem media dum nocte, silentia terras  
 Furua tenent, auræq. tacent, & fluminis vnda,  
 Fit fragor in tectis, murmur crebrescere, tandem  
 Pulsatæ, impulsæq. fores simul. Ecce superbus  
 Ingreditur venatoris sub imagine Dæmon,  
 Scintillas oculis, fumum de naribus efflans.  
 Hunc gemini medium comites cinxere nigelli,  
 Hinc, atq. inde, coquos vultuq., habituq. putares,  
 Hic tædæ, ille veru tergo fatale gerebat.  
 Interea fusi per mollia strata sodales  
 Diriguere metu, & lodicibus inuoluerunt  
 Adductis subito capita, hinc furtim speculantes  
 Per rimas fera monstra, veruq. immane tremiscunt.  
 Tum verò ille ferox ardentia lumina voluens,  
 Et lectos circumspiciens, sic intonat ore.



Ociùs ò famuli, quis nam pinguiſſimus horum,  
 Quem libeat ſtygijs aſſatum imponere menſis?  
 Explorant illi celeri membra omnia taſtu,  
 Hi muſſant, trepidant, execranturq. ſaginem,  
 Corpus habere fame mallent & ſiccior ipſa.

Ardua liſ, aiunt, & Iudice digna Dearum.  
 Ne quemquam iniuſſè prælatum, iure querantur,  
 Eſt metus: ex æquo pingues ratione videntur  
 Diuerſa; ventrem ille gerit qui dolia vincat,  
 Coxas hic, quales Agrippæ templa columnas,  
 Alterius collo tauri palearia pendent.  
 Sic dum aliquo exuperant omnes, victoria nulli eſt.  
 Ergo venator tunc formidabilis Orci:

Quando (ait) arbitrio locus eſt, hic vincat amicus,  
 Qui nos heſternis epulis, in vota vocauit.  
 Nec mora: corripunt ſtratis, immane trementem,  
 Semianimemq. metu, & gelido ſudore liquatam,  
 Traiſciuntq. veru porrectum corpus acuto,  
 Ambabus pariter manibus, pedibusq. reuinctis,  
 Carbones vini, ſubitusq. apparuit ignis,  
 Quem ſudere faces, quas dextra, oculiſq. gerebant.  
 Ille miſer, pruna ſubter crepitante, rotatur  
 In gyrum, flammas paſcens, & paſcitur illis.  
 Cum barba primi conflagrare capilli,  
 Stillat adeps, ſtrident artus, & membra ruborem  
 Alba trahunt, picea ſumat caligine teſtum.  
 At ſocijs nares noto contingit odore  
 Corporis aſſati nidor, penitusq. voraces  
 Sentirent flammas, ni frigus grande timoris,  
 Vulcani nimium ſeruientis temperet aſtum, (num  
 Tum coquus: hic planè eſt aſſus, ſerte (inquit) ahe-

Si placet elixos socios dare; flamma camino  
 Dum calet, & querulus noua pabula flagitat ignis.  
 Eheu quis miseris fuit inter talia sensus? est,  
 Tum Princeps Dæmon: satis vna nocte peractum  
 Nos inimica dies afflat, prohibetque morari  
 Longiùs; hos alios alia dein nocte coquemus,  
 Cras, olim, nunquam meritos sua pœna relinquet  
 Sæuior illa quidem, quò serior. Hæc vbi dicta,  
 Discedunt, animam infelicem ad nigra trahentes  
 Tartara, torrendam rursus fornacibus ignis  
 Æterni, cuius pictura hic ignis, & umbra.  
 Assatum nuda corpus tellure relinquunt,  
 Mane quod attoniti vix agnouere sodales;  
 Ignibus exhaustam faciem, dirùmq. rubentem,  
 Introrsusque recedentes patuli oris hiatus;  
 Et cute siccata membrorum, viscera tosta,  
 Nudatumque caput, populataque lumina frontis.  
 Quid de animo nunc fit, si clades corporis hæc est?  
 Tam volucris tanta luitur mercede voluptas!  
 Haud dubitanda fides, & non sunt fabula manes.

F I N I S.











